
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>




This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





2737

Sibl. Mont

GUNTHERI, POËTAE LIGURINUS.

SIVE

DE REBUS GESTIS IMPERATORIS CAESARIS
FRIDERICI PRIMI AUG.

COGNOMENTO AENOBARBI.

LIBRI DECEM.

POST JAC. SPIEGELLII, PET. PITHOEI, CUNRADI RITTERSHUSII ET
ALIO. CHRISTI JOANNIS REPETITAS CURAS AD FIDEM EDITIONIS
PRINCIPIS AUGUSTANAE DENUO RECENSUIT, SELECTAS VIRO-
RUM CLARISS. UT ET SCIOPII, PFLUGII, BARTHII, WITHOFII ALIORUMQUE
ADNOTATIONES ITEMQUE SUAS ADJECIT, COMMENTAT. HISTORICO-
LITERARIIS, LECTIONUM VARIETATE ATQUE INDICIBUS AUXIT

Dr. CAR. GEORG. DÜMGÉ,
HISTORiarUM PROFESSOR HEYDELBERGENSIS.

VOLUMEN I.

EXHIBENS INTEGROS LIGURINI LIBROS UNA CUM VARIETATE LECTIO-
NUM ET BREVIBUS IN EASDEM STRICTURIS; PRAEMITTITUR DISSERT.
HISTORICO - LITERARIA DE OPERIS AUCTORE, AETATE, FATIS AC
EDITIONIBUS; ACCEDIT COMMENT. DE FRIDERICO I. IMP. AUG.

HEYDELBERGAE

EDITORIS IMPENSIS EX OFFICINA JOS. ENGELMANNI TYPOGRAPHI.
MDCCCXII.

**Bayerische
Staatsbibliothek
München**

REGIAE. CELSITUDINI.

SERENISSIMI. PRINCIPIS.

L U D O V I C I.

IN.

REGNO. BAVARIAE.

SUCCESSORIS. HEREDIS.

QUEM.

ATAVORUM. GLORIAE. REGUM.

PAREM. NEPOTEM.

INVICTUM. BELLO. PACIS. AMICUM.

AETAS. MIRATUR. SUSPICIENT. POSTERI.

P R I N C I P I.

NOMINIS. IPSO. AUGURIO.

P A T R I A E. M U S I S.

A U S P I C A T O.

D. D. D.

THE
JOURNAL
OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10. PART 1. 1880.

LONDON: PUBLISHED BY THE INSTITUTE, 21, BEDFORD SQUARE, W.C.

PRINTED BY W. BARNES, 10, ST. MARTIN'S LANE, W.C.

ALL RIGHTS RESERVED. PRINTED AND PUBLISHED BY THE INSTITUTE, 21, BEDFORD SQUARE, W.C.

THE JOURNAL OF THE ROYAL ANTHROPOLOGICAL INSTITUTE OF GREAT BRITAIN AND IRELAND

VOLUME 10. PART 1. 1880.

LONDON: PUBLISHED BY THE INSTITUTE, 21, BEDFORD SQUARE, W.C.

PRINTED BY W. BARNES, 10, ST. MARTIN'S LANE, W.C.

ALL RIGHTS RESERVED. PRINTED AND PUBLISHED BY THE INSTITUTE, 21, BEDFORD SQUARE, W.C.

THE JOURNAL OF THE ROYAL ANTHROPOLOGICAL INSTITUTE OF GREAT BRITAIN AND IRELAND

VOLUME 10. PART 1. 1880.

LONDON: PUBLISHED BY THE INSTITUTE, 21, BEDFORD SQUARE, W.C.

REGIAE. CELSITUDINI.

Magnorum Regum praeclara facinora, quemadmodum caeteris mortalibus rerum splendore, ita Principibus potissimum viris gestorum exemplis commendantur. Unde et Heroium olim laudes in Procerum aulis celebrari, tum verò libris compositae Augustis nominibus inscribi. Delectabantur autem optimi quique domesticorum cum maximè praeconiis, neque certior in ulla re favor aut ampliora suffragia. Confirmatur itaque, mihi animus, dum REGIAE CELSITUDINIS Tuae pro Ligurino, nobilissimo opere de laudibus summi Imperatoris, praesidium imploro, novam hanc editionem.

pro viribus ornaturus, ut gloriosissimo nomine laureatus liber per literatorum manus circumferatur, et argumenti dignitatem aequalis auctoritas extollat. Nec ad excusandam ambitionem seu voti temeritatem aliud quidquam praeferimus, quàm honestatem studiorum in revocando egregio scriptore, qui nostris typis frequentatus oblectamento bonis omnibus, ornamento Germano nomini sit futurus. Etenim novimus quae TUA sit bonitas et in literas amor, quantisque studiis unicum illud centumvirale TUUM Germanicae gloriae delubrum exornas, quamque et divo Friderico Caesari ibi aram vovisti. Cujuscunque etiam priscorum Regum TIBI sit sacra magis memoria, pioe dignior favore? Vel enim generosam indolem, vel bellicam virtutem vel denique pacis in illo studia spectes, ubique similem reperias atque cognatum. Adde quòd Augustissimus Heros nobilem curarum partem ordinandis Bavariae rebus insumsit, et insigni cùmprimis titulo Regni fatis memorabilis extitit. Friderici namque Caesaris primùm auspiciis

antiquus Norici Ducatus, Henrico Saxonae
ademptus, illustrissimae TUAE genti virtutis
praemium concessit, translatus in illum Pa-
latinum famosae laudis Othonem,
aeternae memoriae Principem Principumque
tantorum parentem. Fuerat nimirum iste Ger-
manicus Achilles Friderici Imperatoris in rebus
gerendis auctor et Regni firmissimum robur,
cujus invictum periculis animum formidavit
Mediolanum, mirata sunt Alpium cacumina,
ipsa Roma suspexit.

Non injucundum erit percurrere, qua Tu
Te cum tanto Principe Tuoque magno parente
compares, et ex conscientia priorum faci-
norum gaudeas avitam virtutem unà cum priscâ
regia dominatione, novo splendore renatam.
Atque majora spondens dum venerit tempus,
jam cinctus victoriae laureis pacis artibus va-
cas, magnarum pectore fovens semina rerum.
Ita fiet uti, dum IPSE nunc aliorum facta legis,
alii scribant olim quae Tu fecisti, et quae
legentium animos admiratione Tui detineant,
cùm animadverterint, eo magis faciendam esse

veram virtutis laudem hac nostrâ tempestate,
quo majori ad eam nisu contendere debeat in
tanto luxu, atque ut liberè dicam, assentatio-
num ac mendaciorum studio et delirantium
numero. Sed hoc Historicis aevi hujus et
futuri nobile sit argumentum: mihi unus est
precum conatus, ut donum quamvis exiguum
solito humanitatis et clementiae affectu susci-
pias, meque sub Tuo patrocínio beatum ad-
mittas et serves.

REGIAE CELSITUDINIS

devotissimus cliens

C. G. DÜMGÉ

PRAEFATIO EDITORIS.

Novam hanc Ligurini editionem post annos ab ultimâ ferè centenos, tantorumque virorum iteratas curas ut instituerem, praeter operis nobilitatem et argumenti praestantiam, aliae quoque caussae, nec illiae leves, impulerunt. Explicandis nimirum Germaniae mediae antiquitatibus animum adjiciens, illud statim intelligebam, rerum solis momentis aegrè adduci ac detineri juvenum studia, domesticorum plerumque aliena, et quae vel proximae modò necessitati vel oblectationi certè inserviant. His ut quacunque subvenirem, desertis compendiorum formulis circumspicere scriptorem ejus aevi idoneum, rerum locupletem, tenore jucundum, quo quidem interpretando potissima quaeque disciplinae veteris capita, quasi aliud agendo, submitterentur. Ferebat autem ipsa propositi ratio in Friderici I. Imp. aetatem, quam utriusque Germaniae limitem ingentes Reipublicae vicissitudines atque unanimatorum testimonia commonstrant. Earum ipse

pars maxima fuerat inclytus Heros, cui rara temporum felicitate gestorum condigni scriptores obtigere. Celeberrima quippe nomina, Antistes Otho Frisingensis, neque minoris famae Radevicus, tum utriusque nobilis interpret, Ligurini vates. Illi graves et rerum et verborum ponderibus, hic spiritu plenus, dicendi lepore venustus, et ut aevo suo mirandus.

Qua propter trium ferè seculorum continuo plausu exceptum testantur octo editiones, quas unus ille domesticorum aequalium expertus est. Verùm omnes istae editiones, exceptâ rarissimâ Rittershusii, commune hoc habent, quod majore folii formâ excusae, pleraeque cum aliis in grande volumen conjunctae, ad gestandum tractandumque incommodae prodierunt; ipsae nunc singulae minùs frequentes, nonnullae maximis adeò Bibliothecis alienae. Praeterea textus vel in optimis emendationum saepè titulo veram injuriam accepit, dum ad antiquae dictionis romanae leges examinatus, nativi coloris indiciis privaretur. Annotationum denique bona pars otiosa, disjuncta, patientiam ipsam exercent. Plurima perperam explicata, non pauca planè neglecta, lectorem aut turbant aut penitus fugiunt.

Haec ego mecum reputans, et juvenum studiosorum quin immò forsan et eruditorum me gratiam initurum sperabam, si praeclarum scriptorem, temporibus nostris accommodatum concinno typo evulgarem. Atque operae quidem summa in

eo posita videbatur, ut antecedentium editionum vitatis incommodis, in hanc novam cunctarum commoda, qua possem aucta, conferrem. Textum utcunque Rittershusianum, quippe correctissimum secutus, Augustanae principis auctoritatem diligenter adhibui, non nisi manifestâ necessitate ab illâ discedens, et neque tunc quidem absque indicio. Eruditorum verò conjecturas, quotquot nancisci contigerat, ubique semper subjeci, appositis modò iudicii signis, iisque non arrogantiae sed brevitatis, rationes alibi additurus. Historiam operis literariam singulari dissertatione complexus sum, ut nullus antea editorum. Denique et primum Friderici Aug. decennium leviter adumbravi, ut esset isagoge quaedam in Ligurini libros. Proximum notarum volumen editionum selectas, omissis merè alienis, puta theologicis, ethicis, technico-politicis aliisque id genus quisquiliis, exhibebit. Illarum in locum neglecta plurima substituam, è potioribus, quae tulit aetas, historiarum auxiliis petita, eaque vel omninò nova, vel diligentius exponenda. Denique binas eidem dissertationes praemittam, quarum una brevior, de Poëtarum veterum exemplis auctori cumprimis familiaribus, altera prolixior, de Reipublicae Germanicae universa facie, qualis illa Friderici I. temporibus agnoscitur, disputabit.

Superest ut grates hîcce publicas, haud equidem pares illas, tamen sincerrimas laetissimasque rependam iis, quorum me humanissimae liberali-

tati praecipua quaevis et paratissima laborum subsidia, perbreve tempore collecta, debere recorder. Etenim talibus tantisque officiis cum maxime attribuiam paratam editionem, ejusque meo Marte vulgandae constitutum consilium, qualicunque scilicet studio condonata demeriturus.

Atque inprimis appellandus vir illustrissimus, generis splendore non magis, quam summâ doctrinae elegantioris laude conspicuus L. B. AB ITTNER Sereniss. M. D. Bad. à Consil. intimis, apud Dialectam Helvet. minister Plenipotent. et Circuli ad Lacum supremus Director, cujus egregium monumentum divi CAROLI FRIDERICI M. D. Bad. manibus, antiquâ styli gravitate, dicatum unâ cum Principis immortalis memoriâ et durabit et praedicabitur. Praeclaram deinde nobis operam navavit vir solidâ variae scientiae gloriâ, luculentisque in rem literariam meritis nobilissimus, Bibl. Regiae Goettingensis Antistes, JEREM. DAV. REUSIUS, plurima confestim eaque optatissima adjumenta, suoapte manu nitidè descripta, nostris precibus transmittens. Parisiis vota nostra explevit, quin immò diligentiam exsuperavit vir penitioris eruditionis ac urbanissimae facilitatis, multisque nominibus ille carus atque colendus CAROLUS HASE Vinariensis, Biblioth. Imperiali - Regiae à custodiâ, nuper egregiâ adhuc ignoti paenè scriptoris, JOANNIS LYDI editione literarum orbi notissimus. Monachii summâ cum humanitate percontantem excepit, promptissimoque favore edocuit Bibliothe-

cae Regio - Bavaricae laudatissimus Custos, BERN. JOSEPHUS DOCEN, monumentorum ille Germaniae veteris sospitator insignis. Perscriptis Romam quoque desideriiis paratissimè respondit indefessus antiquitatum Germanicarum eo loci indagator et vindex, FERDINANDUS GLOECKLE Ingelheimensis, Bibliothecae Vaticanae Scriptor, proximè plurimis iisque egregiis industriae titulis celebrandus. Nequaquam porro tacenda nobis amicissima studia praenobilis ac eruditissimi SULPICII BOISSERÉ Coloniensis, cimeliorum artis prisco-germanicae possessoris instructissimi et liberalissimi, mox operoso et splendido laborum specimine artis cultoribus extollendi. Tum etiam viri doctrinae multijugae scriptis dudum clarissimi, JO. CAROLI HOECKII, Illustriss. Comit. Limpurgo-Solmens. Regimini à Consiliis, qui rariora muneris otia literarum augmentis conferre gaudet. Gratissima denique in nos extitit humanissimorum Bibliothecae Albertinae Friburgensis et Aulicae Carolsruhanae antistitum benignitas, qua vix non omnium Ligurini editionum percommodus usus indulgebatur. His itaque laborum praesidiis, atque potioribus temporum adminiculis ut plurimum debemus, quidquid in isto labore profecisse videbimur. Neque enim aliam nobis gloriolam, quam voluntatis, expetimus, et procul est vana persuasio, virorum celeberrimorum studiis momenta nos aliqua addidisse.

Illud tandem in votis praecipuum liberè pro-
fitemur, ut florentissimae olim Reipublicae nostrae

revocata imago, aliquando adhuc animos inveniat non prorsus alienos. Etenim vivitur magnis exemplis, et omnis aevi nobilissimae gentes priscorum patrum praeceptis ac imitatione steterunt, apertis contra vetustis moribus debilitatae conciderunt. Quapropter laudabili majorum nostrorum instituto, domesticae antiquitatis illustria documenta studiosè in scholis exhibita, quemadmodum et Ligurinum, vix adhuc typis innotescentem, in celeberrimis patriae Gymnasiis lectitatum invenimus. Forsan et nostris cùm maximè temporibus ejusmodi fomenta convenirent, quandoquidem in tenerâ adhuc aetate plurimum efficitur, et amor patriae tantum decrepitus veluti cum lacte rursus infundi possit ac recreari. Sanè majores nostri Graecae et Romanae vetustatis exempla non otiosâ curiositate vel admiratione contemplantur, sed propriae nobilitatis memores, et gloriae gentilitiae comparatione elati, fortiter ipsi agentes, factis et scriptis illa tanto felicius expresserunt.

Heydelbergae in vigiliâ Nativitatis
Anni MDCCCXII.

IN LIGURINUM DISSERTATIO I

DE OPERIS AUCTORE, AETATE, FATIS
AC EDITIONIBUS.

PRAEFATIO PRIMAE EDITIONIS.

Marquardus de Stain Ecclesiae Bambergensis
Praepositus, Matthaeus Marschalk, Bernhar-
dus et Chunradus Adelman de Adelmans-
felden, Canonici, Chunradus Peutinger ac
Georgius Herbart, Augustani,

LECTORI SALUTEM.

Venit hiis diebus Augustam Chunradus Celtis,
vir tum in bonis artibus apprime doctus, tum etiam
diligens admodum veterum Scriptorum indagator: quem
cum pro nostra erga eum amicitia allocuti fuisset,
rogavimus, si aliquos libros antea nobis incognitos
peregrinando per Germaniam reperisset, ut eorum pro
sua in omnes humanitate copiam nobis faceret. Retulit,
Ligurinum quendam egregium Poëtam de rebus gestis
per Fridericum Primum Caesarem in monasterio quodam
Franciae Orientalis, quam nostrates Franconiam appel-
lant, se invenisse. Eundem cum legendum ac per otium

conspiciendum nobis tradidisset, existimavimus profectò dignum fore, qui per ora virum volitaret. Adhortati itaque Chunradum fuimus, ut exprimi formis curaret; neque diutius delitescere permetteret. Cùmque post aliquos tractatus cum artifice sibi parum conveniret, atque hinc abire decrevisset: verebatur, cùm unicum solùm exemplar exstaret, ne aliquo iniquo sidere jacturam aut periculum pateretur. Nostra itaque opera et aere tandem effecimus, ut artifex ille onus subierit, partim ne vigiliae et lucubrationes Ligurini perirent, partim etiam, ne inclyti Caesaris nostri Friderici Primi labores et egregia facinora oblivioni traderentur. Accessit his peculiaris amor patriae. Cùm enim origo nobis, et quidem omnibus, ex Suevia foret, pulchrum admodum videbatur, Fridericum, qui et ipse ex gente Sueva originem duxit, Suevorum potissimum auxilio ex tetro carcere, et post aliqua secula iterum in lucem prodire. Multa quidem inclyto nostro Friderico propter innumeros labores, quos pro Romani Imperii decore ac maiestate conservanda pertulit, Germania nostra debet: sed longè plura universa Christiana Respublica, pro qua insignem ac sanctissimam illam expeditionem ad res Christianorum in Asia restituendas suscepit, et in qua postquam Armenios feliciter devicerat, ut pium et religioni Christianae devotum Caesarem decebat, vitam quoque cum maxima Christiani populi jactura amisit. Solius enim Friderici per eam tempestatem virtus et rei bellicae peritia tutò Saladini regis victoriae ac felicitati opponi, et inclinatam Rempublicam Christianorum in Asia erigere potuisset. Quisquis igitur es, qui haec legis, Ligurinum hunc, egregium virtutum Friderici Caesaris praeconem ex Germania proficiscentem ne despicias, sed alacri animo amplectere atque revolve. Reperies revera pleraque, quae te legisse non modò non poenitebit, verum etiam plurimum juvabit.

In fine libri decimi subscriptum:

Guntheri Ligurini Poetae clarissimi de gestis divi Friderici Primi libri foeliciter editi et impressi per industrium et ingeniosum Magistrum Erhardum Oeglin civem Augustensem Anno Sesquimillesimo et septimo mense Aprillio.

In fine editionis:

Felici fine completus Ligurinus, et per universam Germaniam et ejus publica Gymnasia jam notus, et juventuti Germanicae ad legendum et enarrandum prae-bitus, primò Viennae per Chunradum Celtem: Friburgi per Hieronymum Baldung: Dubingi per Heinricum Bebelium: Ingolstadi per Jacobum Philomusum: Lipsi per Hermannum Bostium ¹⁾, qui in praedictis Gymnasiis publico stipendio Romanas litteras feliciter profitentur.

§. 1.

De Ligurini auctore ejusque nomine.

Magna, ut fermè solet in rebus dubiis, de Ligurini auctore inter eruditos disceptatio contentioque est. Ac de nomine quidem primos editores parùm cautè tradidisse vel ex hoc intelligitur, quòd ipsi sibi non constant. Principio operis Ligurinum appellant, nec satis apparet, an patriam aut nomen proprium indicasse velint. Postremum P. Pithoeo videtur. Quidquid admittas, utrinque hallucinari testis est ²⁾ ipsemet auctor, inditum libro Ligurini titulum disertis verbis enuncians L. X. v. 615 sq.

¹⁾ Haud dubiè Hermannus Buschius, quem tunc temporis Lipsiae docuisse ostendit Burckhardus in vita Herm. Buschii p. 164. ²⁾ Praefat. ad edit.

— — — — *Doctos, quorum tutandus amore
Atque fovendus erit, noster Ligurinus adoret.*

Quo magis ego miror, non modò primos illos editores, sed recentiores etiam et magni nominis eruditos, Melanchthonem ¹⁾, Gyraldum ²⁾ Pagium ³⁾ et Jos. Anton. Saxium ⁴⁾ errorem apertum non animadvertisse. Tùm verò iidem primi editores libro decimo subscripserunt Guntheri nomen, quod quidem recens inventum et laborante prelo quaesitum mox inde docēbimus. Atque adeò Lilius Gyraldus illud Guntheri novum nomen vago rumore excipiens, alterum rerum Friderici I. scriptorem effinxit, suoque Ligurino superaddidit. ⁵⁾ Reliqui recentiorum omnes, praeter unum Senkenbergium, in Guntheri nomine conqueverunt, eoque ita securi, ut omnis illorum contentio in duobus tantùm ejusdem nominis aevi medii scriptoribus versari omninò videatur.

Extant nimirum illius aetatis Guntheri cujusdam inscripta nomine poemata de passione S. Cyriaci et usitatis Christianorum actibus, quae ad annum ferè MDXXVI. Basileae typis vulgata P. Pithoeus audivit, nancisci diu quaesita non potuit. ⁶⁾ Eadem in monasterio Maulbrunnensi seculo XVI impressa, nescio quo teste, comperisse memini. Guntherus autem iste Sigeberto primùm Gemblacensi ⁷⁾ deinde Trithemio ⁸⁾

1) Chronicon L. IV. 2) Hist. Poëtar. Dial. IV. p. 307. (Edit. Lugdun. 1696 fol.) 3) Crit. in Baron. ad ann. 1160 (Edit. Venet. 1740 fol. Tom. XII. p. 1427. Ipsum autem Baronium injustè notat Gerard. Vossius de Hist. lat. p. 136 (Ed. Amst. 1699 fol.) et Schurzfleisch de Henr. Leone §. 1. (Opp. XLIV. p. 574.) 4) Not. ad Sigonium de regno Italiae. (Opp. Sigon. ed. Murator. Tom. II. p. 717 sq. not. 16.) 5) L. c. Dial. V. p. 307. 6) Praefat. cit. 7) De SS. Eccles. cap. 166. (Ed. Miraei p. 157.) 8) De SS. Eccles. p. 148. (Ed. Colon. 1546. 4.)

memoratus, fuit Monachus Elnonensis S. Amandi monasterii ¹⁾ ordinis S. Benedicti congregationis Cluniacensis. Hunc scriptores aliqui, praecipue Belgae ²⁾ Ligurini auctorem extulerunt, ab aliis meritò reprehensi, quippe quod Sigebertus Gemblacensis jam anno 1112 vivis excedens, Friderici I. temporibus annorum quadraginta superior, facinorum ejus praecognem Guntherum agnovisse peregrè potuerit. ³⁾

Magis innotuit Guntherus alius, aetate ac scriptis ab illo diversus, Monachus ordinis Cisterciensis in Coenobio Parisiensi ⁴⁾ Dioecesis Basileensis. ⁵⁾ Et hic est ille Guntherus communibus doctorum suffragiis Ligurini auctor celebratus. ⁶⁾ Historiam scripsit subactae à Latinis Constantinopolis, ex ore Martini sui abbatis, qui rebus ipsemet interfuerat. ⁷⁾ Librum typis vulgavit Petrus Canisius. ⁸⁾ Pithoeum ⁹⁾ quidem et Caveum ¹⁰⁾ dubitatio reliquit suspensos, quamvis neutrum dubiorum rationes exponere videamus. Caeteroquin omnes istae doctorum opiniones argumentis idoneis destituuntur, cum nullus aevi medii scriptor auctorem

1) Saint-Amand Belgii vet. Dioecesis. Turon. 2) Valer. Andr. Dessel. Bibl. Belg. p. 336. (Ed. Lovan. 1643.) Ant. Sander. de SS. Flandriae p. 73. (Ed. Antverp. 1624.) Franc. Swert. Athen. Belg. p. 319. (Ed. Antverp. 1628.) 3) Miror ipsum celeberr. Pithoeum ejusmodi sententiae patrocinari Praefat. cit. 4) Paris s. Paires Alsati, superioris prope Basileam. Schoepflin Alsati. illustr. T. 1. p. 73 p. 451. 5) Miraeus Auctar. de SS. Eccles. n. 386. 6) E plurimis paucos: Gerard. Vossium de Poët. Latin. p. 254. (Ed. Amst. 1696 fol.) Fabricium l. c. Christo. Saxium Onomast. Lit. ad ann. 1190. Hambergerum Zuverl. Nachr. v. d. vorn. Schriftst. T. IV. p. 334 sq. 7) Miraeus l. c., Caveus SS. Eccles. hist. lit. p. 490. (Ed. Genev. 1696. fol.) Oudin de SS. Eccles. Tom. II. p. 1651 sq. Fabricii Bibl. lat. med. et inf. aet. T. III. p. 520 sq. 8) Antiquar. Lect. Tom. V. p. 358 sq. 9) Praefat. cit. 10) L. c.

Ligurini Guntherum agnoscat, quinimmo ne nomen quidem et opus ipsum Ligurini aequalibus memoretur. Adde quòd Henricus Bebelius, Ligurini primis editoribus coetaneus et contubernalis ac operis admirator fervidissimus, auctorem, nescio qua ratione, Christianum appellet. ¹⁾ Denique Joannes Nauclerus, illius aetatis non ignobilis scriptor, idemque plurimis familiaris et Celtis amicus, qui Chronicon suum anno 1500 absolvit, Ligurini, quem viderat, mentionem injiciens ²⁾, auctorem Guntherum ignorat. Atque ex illo antiquorum silentio unà cum recentiorum oscitantia Ligurini unicus idemque acerrimus adversarius Henr. Christi. Senkenbergius ³⁾ argumentum desumsit, specie magis quàm pondere commendabile. Quid quòd actum omninò foret de plurimis aevi medii monumentis, admissa tali ratione suspectae originis. Chronicon Urspergense Conrado à Lichtenau plurium seculorum stabili sententia adscriptum, hac nostra demùm tempestate Burcardi Biberacensis evicit ejusmodi rerum scrutator eximius Placidus Braunius. ⁴⁾

Primam inventi nominis occasionem praebeuit ipsemet Ligurini auctor. Saepiùs enim meminit à se scripti Solymarii ⁵⁾ s. de expeditione in terram sanctam poematis. Indicium properè nimis ac obiter prosequentibus occurebat ille Guntherus expeditionis in Constantinopolim scriptor, et facilè seduxit viros de nomine tantùm sollicitos. Invento Gunthero mox alter accessit jure parti sodalitii, deinde proximam quaestionem nominum studia removerunt, oppressit favor, neglexit cre-

1) Epist. ad Jo. Nauclerum: qui auctores legendi sint. Phorcae 1504. fol. g. z. h. 2) Chron. gener. XXXIX. p. m. 759. 3) Conjecturae de Gunthero, Ligurini scriptore suppositio. Parerg. Goettingens. Tom. 1. Lib. III. p. 149 sq. §. 2. 4) Notitia mscor. S. Udalrici Tom. II. p. 93 sq. p. 232. 5) Ligurini L. I. v. 14 et 86. L. X. v. 648 et 729.

dulitas. Non equidem omninò defuere qui Solymarii argumentum ab illo scriptoris Canisiani diversum censerent ¹⁾, ad captam ductu Chunradi Regis Hierosolymam trahentes ex Ligurini testimonio ²⁾:

Obtulimus scriptos sacræ de sede libellos.

Ast alii longè plurimi de Constantinopoli pronuntiarunt ³⁾, quos inter unus Albertus Fabricius ⁴⁾ vero proprius accessit, errore saltim excusabili Bouillonaeam expeditionem intelligens. Haec inditi nominis genealogia, cujus origines editionis principis nondum finitae sed inchoatae tangere tempus necesse est, quippe quod titulus tacet incognitum, pòst epilogus profitetur.

Juvat adscribere novum errorem ex Gunthero nomine prognatum, eumque non injucundum temeritatis exemplum in conficiendis indicibus, quos vocant librorum prohibitorum. Investiganti Codd. Ligurini mscos et alia quaelibet subsidia literaria, in manus inciderant indices illi censurae Romanae, novo Petri praenomine Guntherum adnotantes. ⁵⁾ Suspenso paululum rei miraculo confestim ratio subveniebat, cùm alio loco notatam conspicerem ejusdem Petri Guntheri Rhetoricam. Felici casu non ita pridem obvenerat idem liber in praestantissimo catalogo Bibliothecae Heilsbrunnensis ⁶⁾, ibique doctissimi Hockerii annotatio, quam ultrò prosequi faciliè poteram. Fuerat autem Petrus ille Guntherus Academiae nostratis olim decus et ornamentum, qui Neostadio ad Haardtam oriundus, Heydelber-

1) Cunrad. Rittershus. in not. ad Ligurini p. 17. Gerard. Vossius l. c. 2) L. I. v. 86. 3) Miraeus, Caveus, Oudinus, Andreas, Swertius, Sanderus etc. 4) L. c. 5) Index libr. prohib. Alex. VII. jussu editus Romae 1667. fol. p. 64. Innocentii XI. Romae 1704. — Plures evolvere non datum fuit, sed et in aliis haberi Guntherum aliundè comperi. (Clement. Bibl. crit. Tom. IX. p. 327.) 6) Libror. impressor. Sectiq V. nro. 194. p. 263.

gae eruditus, in Philosophorum ordine cum laude docuerat, Decanatu functus 1508. Tùm verò Jurisprudentiam amplexus, improbo paucorum annorum studio effecit, ut anno jam 1512 summis in utroque jure honoribus condecoratus, Nicol. Morsingero valetudine laboranti in exponendis Decretalium libris sufficeretur, spre-
tis paucorum calumniis, corpusculi vitia exprobrantium, ut semper alunt et sua monstra studiorum sedes. Postmodum ad Codicis Professionem evectus 1516, Rector Academiae renunciatus 1517, anno sequenti praemature funere ante senium extinctus est. ¹⁾ Vir equidem praestans natura ingenii, liberalium artium peritissimus et Poëta laureatus, quem Ligurini auctorem non ineptè reputares, nisi plurimae gravissimaeque temporis et loci rationes omninò dissuaderent. Nimirum ut taceam vetustatis notas et codici mscto et ipsimet operi inhaerentes, etiam tempus primi rumoris huic nostro Gunthero non convenit, qui tunc adhuc adolescentulus tanto labori nullatenus par esse poterat. Adde quòd insignis operae praesens auctor hìc loci minimè latuisset, siquidem noveris coetuum eruditorum mores, et ejusmodi secreta vel ubicunque tutiùs custodiri scias. Famam Petro conciliavit illa scripta Rhetorica, quae Principis Musagetae suffragiis illustrata ²⁾, multorum manibus terebatur, ac demùm typis exscripta iteratas confestim editiones ³⁾ experta est. Atque haec ipsa libri novi celebritas in oris longinquis, utpote Germanis, nimium suspiciosos Romanae curiae censores induxit, ut qualemcunque interdicerent. Postmodum auctorem Ligurini Guntherum audientes et Friderici praeconem, inepti homines eundem sibi persuaserunt, vel vice versa.

1) Annal. Acad. Vol. IV. fol. 175. 247. — Schwab Syllab. Rector Acad. Heidelberg. Tom. I. p. 90 sq. 2) Servatum erat msctum in Electoris Bibliotheca. Schwab l. c. 3) Moguntiae 1521. Basileae 1521.

Hisce praemissis, quid tandem de Guntheri appellatione statuendum sit, nemo non videt; ast nihilo seciùs retinendam putaverim, scilicet usu receptam et prorsus innocuam, quandoquidem alia non datur. Monet praeterea scriptorum ad Guntherum provocantium multitudo, neque etiam aliis potiori jure priscorum nominibus utimur, et molestum sanè foret, ne quid gravius dicam, in rebus usu longaevo veritatis speciem consecutis turbare ordinem velle.

§. 2.

Auctoris persona et patria.

Supervacaneum videri possit, in vitae genus et patriam inquirere, cùm ne de nomine quidem constet. Monendum verò disceptationem utramque non iisdem principiis niti, nec rarò ex auctorum scriptis unum alterumve cognosci. Ac primò quidem Ecclesiasticum suspicari nostrum nihil impedit, nonnulla juvant. Praeterquàm enim quòd ante renatas literas omnes ferè scriptores illius ordinis fuisse notum est, in ipsis quoque Ligurini libris plurima reperiuntur è sanctis bibliis transsumta. Catalogum congessit Rittershusius ¹⁾, cui pauca subjungimus. Auctor inducens obsessae Terdonae Monachos Fridericì misericordiam frustra deprecatus ²⁾, utitur ista parabola:

*Non secùs iratì sententia fine supremo
Judicis, aeternum maledictos tradet in ignem,
Suppliciiisque datos exertâ puniet irâ,
Qui totiens moniti, totiens spretere monentem.
Sic miseri cives ad moenia clausa gementes,
Ac velut in certam queruli rediere gehennam.*

1) Ad calcem editionis p. 234 sq. 2) Lib. III. v. 129 sqq.

Exponens initia funestae contentionis inter Imperatorem Romanumque Pontificem ipse pro sua parte cautè non minùs ac modestè subjicit ¹⁾:

*Principis an Papae fuerit pars justior, alter,
Qui meliùs potuit cognoscere, judicet: at nos
Ignari rerum partem veneremur utramque.*

Haec et similia non obscurè Ecclesiasticum innuunt, quem tamen Monachum haud facilè crediderim. Neo detinent illa futilia de Guntheris commenta, quo minùs ego subscribam Pithoei ²⁾ sententiae: *Hic noster, si verum amamus, nescio quid prae se fert monachismo cultius, urbanius et magis aulicum, quod genus etiam vitae se aliquando sectatum sub finem poematis significat.* Certè qui Ligurini libros vel obiter perlegerit, effati sentiet gravitatem.

Difficilior longè quaestio de patria suboritur, nec opinionum minor discordia. Plurimas autem summovere intactas percommodè poteris, ut pote quae Guntherorum vestigiis insistant. Nil nobis hìc profectò cum vanis speciebus, quas cui volupe erit, prosequatur. Ex ipsis Ligurini libris rationum formulae repetendae, dum alio quocunque certo indicio destituamur. Nonnullos Ligurinem autumare supra meminimus ³⁾, nec illa penitùs inanis conjectura, modo ne Ligurini vocabulo commendam velis. Etenim tenuis admodum injecta Pithoei dubitatio ⁴⁾, Ligurinem de patria ea unquam scripturum fuisse. Quasi verò sit inaudita res civis in cives accensus animus, quin immò contra non extent exempla tantò majoris acerbitalis, quantò major injuria. Praeterea quoque auctorem Italum non absque specie tueare, si cumprimis in censum attuleris elegantissimam Italiae descriptionem libro secundo exhibitam. ⁵⁾ Maxi-

1) L. VI. v. 518 sqq. 2) Praefat. cit. 3) Cf. §. 1. p. 1 sq. c. n. 4) Praefat. cit. 5) V. 56 sqq.

nam quidem partem ex Othone Frisingensi ¹⁾ transsumtam Poeta variis hinc inde momentis, iisque aptissimis ampliavit. Idem et aliis Ligurini locis regionum et urbium Italicarum epitheta apposuit, quae virum omnino praesentem persuadere possint. Sperabam ego locis abditis quibusdam et minutis eoque difficilioribus deprehendere nostrum. Codices nimirum Othonis et Radevici, quorum libros ille heroico carmine circumscriptos reddidit, solitam librariorum oscitantiam, ut alii plurimi, sunt experti. Vir summus Antonius Muratorius, collatis cum praestantissimo codice Vindobonensi editionibus, haud rarò corrupti textus exempla offenderat. Ex iis quaedam adnotavit Episcoporum nomina vel perperam scripta vel addita, tum et machinae cujusdam bellicae corruptum vocabulum. Occurrit illud in Othonis ²⁾ et Radevici ³⁾ libris, illic *manga* scriptum, hîc verò *manga*; quod quidem utrumque falsum et *manganam* audire, docet illustris editor ut homo Italus et omni exceptione major. Noster autem non solùm illa Episcoporum elogia, sed etiam (quòd magis mirere) machinae illius bellicae vocabulum declinavit, cùm tamen alios ejusmodi terminos q. v. technicos passim receperit. Ne quaeso hanc annotationem velut otiosam praesumas, quam quidem consultò appositam inferiùs dicenda admonebunt.

Gallicum Ligurini vatem significavit unus, quòd sciam, Gaspar. Scioppius ⁴⁾, nec iste reliquorum ullo assensu exceptus. Id qua ratione fecerit vir doctissimus, non aequè video, nisi forsàn inductus Guntherorum vanis elogiis. Poterat etiam falli ipsius Galliae vocis umbrâ, dum auctor Lombardicae gentis mores et

1) De reb. gest. Friderici I. L. II. c. 13. 2) L. II. c. 17.

3) L. II. c. 47. 4) Jambi de Gunthero primo Franciae atque adeo Germaniae Poëta; ad calcem Edit. Rittershus. p. 207.

consuetudines ad Othonis Frisingensis paenè verba recensens ¹⁾, ultrò subjiciat:

*Quoslibet ex humili vulga (quod Gallia foedum
Judicat) accingi gladio concedit equestri.*

Nihil Otho de Gallia; bene vero Germanos infimae conditionis plebem ab armis prohibuisse notum est, neque usquam terrarum ad arma vulgus vocare turpius habebatur. Quid igitur nostro cum Gallis, quando Germania eminebat? Quin immò Gallia Friderici temporibus, deserto nobili more, jam ad vulgus confugerat ingravescentibus Anglorum armis, ut ea cessaret comparatio. Quid si Galliae vocabulo Germaniam ipsam auctor significaverit? Miraculum clamas: declarabo. Gallia vel optimis adhuc seculi XII scriptoribus dicebatur omnis trans Rhenum Germania. Sic Otho Frisingensis Moguntiam, Germaniae metropolim, Galliae civitatem disertis verbis appellat, adeoque totam à Moguntia Basileam usque Provinciā Galliae adscriptam Alemanniae opponit. ²⁾ Nimirum omnis ista trans Rhenum tellus, victricibus olim Francorum armis quaesita, inde à Chlodovaeo ad Ludovicum Germanicum, Imperio Francico cum ipsa Germania paruerat. Ex tunc verò Francorum potestas ad Galliam antiquam, exceptis tribus ad Rhenum provinciis et veteris regni Burgundici opima parte, restringebatur. Itaque Gallorum appellatione Franci, Francorum Galli, eadem commixti populi significatione, ferebantur. Germani autem nobilissimo Francorum elogio passim extolli gaudebant, unde scriptoribus aevi mediī promiscua gentium et regnorum formula ³⁾,

1) L. II. v. 153sq. cf. Otho Frising. l. c. 2) Lib. I. c. 12. cf. c. 13. 3) Otho Frising. L. II. c. 13. *Denique Princeps (Fridericus) ad Transalpina rediens, sicut Francis praesentia suā pacem reddidit, sic Italīs absentia subtrahit.* — Francorum vocabulum ad Germanos trans Rhenum restrictum et Alemannis s. Suevis oppositum legitur Lib. I. c. 13. fine.

quos quidem noster hîc secutus, Galliae vocabulum poscente metro praetulisse videtur. Idem et alio loco Fribericum, avaritiae Romanae ausibus respondentem his verbis meminit 1);

Commercium certè

*Non satis aequa mihi faciunt, dum vendere nobis
Nostra volunt; veluti plenis cum follibus emtum
Adveniam, pretioque novos sumturus honores,
Quos sibi jam proprios effecit Gallica virtus.*

Hanc distinctam editionis principis lectionem sequentes omnes immutarunt, pro Gallica Francona ponentes. Ipsemet ego vocabuli genuino sensu, virorum auctoritate et vetustae manus correctura in exemplari Friburgensi abreptus, vocem Gallica rejeci, non equidem Francona nimis audaci emendatione, sed leviori ejusdem correcturae, bellica substituens; nunc autem Gallica confidentiùs repono. — Quod reliquum est, his ad fidem expositis, unum et solum pro Gallica auctoris patria indicium evanuit.

Natione Germanum esse, plurimorum sententia est, quos inter eminet vir gravissimi judicii Caspar. Barthius. Rationum pondera si cognoveris, reliquis omnibus praevalere facile concedas. Ac primò quidem dictionem Germanismis abundare plurimis locis annotavit Barthius, catalogum sequens annotationum volumen suppeditabit. Animum deinde prorsus ac verè Germanum quilibet Ligurini libris vel tantùm obiter intentus, frequentibus iisque praeclaris indiciis ostensum collaudabit. Memorabilem praeterea Ligurini locum, et ipsius auctoris in hanc rem quasi digitum, arripuit idem sagacissimus Barthius. Injecta videlicet mentione tentati sceleris in vitam Argolici Imperatoris, ausu nefario cujusdam aulici, Radevicum Frisingensem hominis personam explicantem negligit auctor. Et ille quidem 2):

1) L. III. v. 458 sqq. 2) L. II. c. 27.

unus de servis palatii, Caniclinus videlicet, quem nos Cancellarium dicere possumus, Principi suo fraudem molitus est. At contra noster ¹⁾:

graeci cognominis usu

*Hic Caniclinus erat, nobis Camerarius idem
Esse potest.*

Rectè Barthius ad h. l. ²⁾: *Non obscure inde patet, Guntherum Germanum esse: nulla enim alia natio Camerarios habuit retento vocabulo. Sed neque tacendum puto, Ligurini auctorem Caniclini significationem Radevico minùs aptè reddidisse, dum Caniclini personam Cancellario magis, quàm Camerario convenisse luculenter doceat illustriss. Cangi u. s.* ³⁾

Nunc pauca de iis, quae contra moventur. Et primò quidem occurrit elegantissima oratio pro Friderici Caesaris electione habita in curia solenni Francofurtensi. Principis verba facientis personam noster vel ignorat vel dissimulat ⁴⁾:

*Tandem quid peteret regni fortuna, per unum
Dignata est aperire virum, qui nomine clarus,
(Dux, Comes an Praesul dubium) formæque verendus,
Consilioque potens, et persuadere peritus,
Surgit.*

Miratur valdè doctiss. Rittershusius ⁵⁾ auctorem fugisse, quod ferè vulgatum est: primum in electione suffragium ad Moguntinum pertinere. Senkenbergius ⁶⁾ in orationem ut fictam invehitur, simul exprobrans proponendi formulas, quippe quòd Fridericus delegatione potiùs Chunradi Imp. quam Principum studiis Imperium fuerit adeptus. Gravissimi sanè momenti est Rittershusii illa adnotatio, quae si probetur, auctorem Germanum plus quàm suspectum reddere debeat.

1) L. VII. v. 389 sq. 2) Reuberi SS. rer. Germ. ed. Joannis p. 660. 3) Glossar. v. Caniclinus. 4) L. I. v. 226 sqq. 5) Not. ad Ligur. p. 22 sq. 6) L. c. §. 8. p. 161.

Verùm enimvero tantùm abest à nostro ejusmodi oscitantia, ut ipsemet adeo jus illud Moguntini Radevici verbis enunciet ¹⁾:

*ad Proceres electio pertinet, in qua
Praecipuam vocem Praesul de more vetusto
Moguntinus habet.*

Fictam autem orationem facilè concedas, cùm apud Othonem Frisingensem ne vestigium quidem habeatur. Et vereor ne ipsa accusatio nostri laudibus adcreseat: est enim oratio egregia, et sententiarum ponderibus et verborum concinnitate planè mirabilis. Tùm verò nec omnino desunt rationes, cur auctor oratoris personam ignorare potuerit. Agebatur illo ipso electionis tempore tristis admodum et ingens Moguntini cum suo clero contentio, nonnisi Praesulis repudio dimissa ²⁾, ut merito dubites de praesenti Principis favore. Forsan et providus auctor religioni duxerit, orationem à se compositam certo Principi, adeòque Germanicae Ecclesiae Primati, inscribere. Caeterùm quod sibi velit Senkenbergius cum illa Chunradi delegatione non aequè capio. Fridericum enim electione solenni, maximo procerum conventu et universorum suffragiis evectum testatur Otho Frisingensis ³⁾ manifesto satis testimonio. De Chunradi porro delegatione, quam et noster observat ⁴⁾, suo loco disputabitur. Sed pone quamcunque velis: Quidni tandem Poëtae cum rerum integro tenore, dum electio spontanea Friderici gloriam augeret, atque ipsemet auctor, spretis anxiae narrationis legibus, illius tantummodo se praeconem ingenuè fateatur? ⁵⁾

1) L. VI. v. 610 sqq. cf. Radevic. Frising. L. I. c. 16.

2) Serrarius rer. Mogunt. L. V. (Ed. Joannis Vol. I. p. 356 sq.) cf. Otho Frising. de Frid. I. L. II. c. 9. 3) L. II. c. 1.

4) L. I. v. 316 sqq. 5) L. I. v. 124 sqq.

Non parùm denique negotii quibusdam ⁶⁾ fecisse videtur, ut Germanum crederent auctorem, operis nitor et summa concinnitas, omnes aevi ac popularium labores infinitè exsuperans. Et bene mehercle cum nostro agitur, quando praestantia suspectum efficit, et neque patria nec aetas extulerit parem. Sed etiam exteri non suppeditant, non recentior aetas. Habeat optimos quosque suos aequales et populares nobilissimus exsul; definire nil ausim. Quis enim unquam critices artibus adsequatur, quid omni tempore, quocunque loci valeat ingenii dotibus junctus amor?

§. 3.

Indicia quaedam auctoris Friderico I. vel aequalis vel saltem supparis.

Ququam autem et consummatissimae critices non sit statuere, quae quaelibet aetas sive tellus ingenia proferre queat, in utriusque tamen inquirere vestigia et datur et convenit. Ac de patria quidem diximus, restat ut aevi nonnulla indicia per ipsos Ligurini libros festino calamo notemus. Missis enim illorum rationibus, qui suos Guntheros prosequuntur, nihil etiam summorum virorum auctoritati tribuendum censemus, quando probationibus opus est. Saepè mecum ego mirabar scriptores doctissimos, probaeque critices amicos, de Ligurihi aetate adeo securos restitisse, ut ne levem quidem quaestionem ex plurimis pauci movissent. Puta Conringios, Vossios, Schoepflinos, Saxios, Lindenbrogios, Cangios, Spelmannos, Schilteros, Scherzios, Haltausios, Wachteros, Bunavios, aliosque multos jurium et antiqui-

6) Spiegellium, Pithoeum (praefatt. citt.) cumprimis ipsum quoque Senkenbergium (l. c. §. 2. p. 153. §. 6. p. 157.)

tatum Germanicarum sospitatores, quos quidem omnes in Ligurinum, velut indubitatam auctoritatem, provocare legimus. Scilicet in literarum quoque orbe non secus ac in reliquo passim agitur, ut alius alium plerumque ducat. Est autem scrutinii ratio duplex in scriptis veterum, vel enim versatur circa notas, quas vocant exteriores, ut codicum faciem scripturaeque signa, vel indagantur librorum argumenta tractandique modi, quorum alter est rerum, dictionis alter. Jam verò codicum absoluta penuria nostrae disceptationis cardinem in opus ipsum et unum conjicit, et cum in recentiore bono scriptore latino dictionis indoles parum edoceat, nisi quòd fortè discas, quibus profecerit, minoris utilitatis quaestione remotà, potioribus rerum indiciis pro pagellarum angustia detinemur. Praeprimis ea seligimus, quae auctori quasi inscio et ludenti excidisse videntur, siquidem in minimis optimè cognoscitur animus parum sibi constans, et malè tecta simulatio. Deinde et propria tantum auctoris secuti, locos quàm plurimos omitimus, ubi duces solummodò suos, Othonem et Radevicum, ipsis illorum verbis reddit.

Prima statim operis dedicatione alloquitur Othonem, Friderici Imperatoris tertio-genitum, inter alia dicens:

*dubium, puer inclyte, dici
Rexne, Comesne velis veterum nam regna potenter
Allobrogum materna regis, regnique decore
Dignus ab excelso nomen deducis Othone.*

Hunc locum emendaturus doctiss. Barthius vocem *Comesne* substituit *Duxne*. Scilicet observans mediam inter Comitem et Regem Ducis dignitatem, hanc à nostro veluti per saltum neglectam suspicabatur. Verum sollicitus nimium censor, ut propriae oscitantiae, sic alienae diligentiae nobile prodidit exemplum. Etenim Otho Friderici filius verè Burgundiae Comes non Dux appellandus. Nusquam illa tempestate Burgundiae Dux,

sed Rector et Comes. Rectoratus autem Burgundiae penes Duces Zaringenses, augustissimae Badensis familiae satores, ex quo Rainaldus ille Tertius, potentissimus Burgundiae Comes, Imperatori Lothario rebellis, proscriptus, dominiis privatus, eique patruus Chunradus Dux Zaringensis suffectus, idemque totius Burgundiae Rector Imperii vicarius constitutus erat. Exinde perpetua saevissimaque bella, nonnisi Raynaldi fortissimi Principis ipsa morte cessatura. Tandem Fridericus Imperator ejusdem Rainaldi ex fratre nepti Beatrici nubens, Rectori Burgundiae, tunc temporis Bertholdo IV. Zaringiae Duci, dotales Beatricis aliasque plurimas Burgundiae terras nec justè nec honestè subtractas et suae familiae quaesitas Othoni filio subdidit, servato quidem Imperii supremo dominio. ¹⁾ Zaringensibus autem Rectoris elogium, vanus utcunque titulus remanserat. Itaque Comes Otho Palatinus Burgundiae, non Dux ²⁾, et salvus Ligurini locus inepta critica tentatus; in re parva tantò majus exactae fidei documentum.

Eundem Othonem puerum vocat auctor, puerum ipsum quoque Henricum Friderici primogenitum ³⁾, Romanorum Regem et Constantiae Siculae maritum. Graviter in illum ob hoc invehitur Senkenbergius ⁴⁾, formularum ejus aetatis ignorantiam exprobrans, quippe quòd puerorum nomine nequicquam veniant viri nupti et in regno parentum socii. Verùm enimvero afflicti criminis ipse reus est Senkenbergius, et noster omninò tutus. Ut enim taceam in Poëtis minùs anxie captanda vocabula, frequentius metri numeris condonata,

1) Mascov Diss. de nexu Regni Burgund. cum Imper. Germ. Sect. II. §. 1. p. 21. 2) Poterat ista Barthius ex alio ipsius Ligurini loco intellexisse. L. V. v. 284 sqq. 3) L. I. v. 59. 4) L. c. §. 7. p. 159.

pueros non dici maritos juvenes manifestò falsum est, et ipsa Cangii ¹⁾ auctoritate vapulat Senkenbergius. Ille enim Regum filios, nulla nuptorum habita ratione, simpliciter pueros appellari disertis verbis et exemplis testatur, utpote pueros κατ' ἐξοχήν, quemadmodum nostros ferè Principes. Solennis haecq̃ formula multorum exemplis probari facilè posset, siquidem in re vulgata testimoniis abutere.

Fusiùs describit auctor ²⁾ illarum regionum tractus, quas Imperator post peractam Francofurti electionem, inde Aquisgranum ad coronae sacra proficiscens, peragravit. In hac autem descriptione, quam vix non omnem ex suo penu Poëta adornavit, plura reperias ejus aevi geographiae quam maxime propria, cum primis diligentissimam agri Moguntini chorographiam, qualis tunc adhuc cernebatur. Eandem praeterea scriptoris fidem, ingenuam ubicunque rerum faciem exhibentem, vel in minimis deprehendas, quod quidem recentiori difficilimum fuisse, quilibet geographiae mediae modò non penitùs ignarus ultrò consentiet. Sensit et idem ille Senkenbergius, eòque haud leviter turbatus, quae negari non poterant, ignobili satis artificio in auctorem retorquet. *Majorem, inquit, eruditionem haec spirant, atque illud aevum agnoscit.* ³⁾ Simul autem ipse non aequè insignis eruditionis specimen ostendit, Ripariae terrae vocabulum temporibus istis inusitatum audacter enuncians. Vel enim ex uno Radevico Frisingensi ⁴⁾, quem noster sequitur, oportebat meminisse.

Nativam aevi simplicitatem, nondum felicitis rerum cognoscere causas, prodit et illud auctoris ingenuum de Thermis Aquensibus judicium ⁵⁾:

1) Glossar. v. Puer. 2) L. I. v. 375 sq. 3) L. c. §. 6. p. 157 sq. 4) L. I. c. 14. 5) L. I. v. 431 sqq.

plurimis aevi medii scriptoribus ¹⁾, eòque rursus apparet in minutis diligentia nostri.

Militarem Friderici Imperatoris pompam post inaugurationis Romanae solennia depingens ²⁾, eumque equo, quam maxime poterat, exornato insidentem, de isto equo quasi ludendo subjicit:

*Lucidus è media dependet fronte pyropus,
Lucida multisonis phalerantur pectora
bullis.*

Bullas autem istas siue campanulas Friderici praesertim aetate frequentissima procerum ornamenta fuisse, quis nescit? ³⁾ Postmodum obsoletae, tandem adulto ferè seculo XV. stolidis et scurris dementiae insignia relinquebantur. ⁴⁾

Insigne scriptoris aequalis documentum edidit auctor in accusando Veronensium facinore, qui Fridericum Imperatorem ex Italia revertentem insidiis circumvenerant. Funesti sceleris auctor fuerat Albericus Eques, nobilis Veronensis, unà cum juvenum accita manu; de his ita noster ⁵⁾:

*Albricus cupidus scelerum, cupidusque rapinae,
Horridus, acer, atrox, ex ordine natus equestri,
Civis erat Verona tuus, jurataque turpi
Obsequio, monstisque novis accita juvenus
Cum domino peritura suo.*

Haec, siquid unquam ad aevi genuinam indolem, ubi turpissimum erat, equestris ordines viros civitatum stipendia mereri. Quis enim non videt, Poëtam exemplum

1) Gesta Normannor. in Francia. ap. Bouquet ss. rer. Gall. Tom. VI. p. 204. Histor. Normannor. L. I. c. 2. L. II. c. 1. Ibid. Tom. XI. p. 623. 626. 2) L. IV. v. 54 sqq. 3) J. G. v. Eckhart Erkläerung eines alten Kleinodienkaestleins etc. §. IX. p. 14. 4) J. C. H. Dreyer v. d. Nutzen des vortreffl. Gedichtes Reinke de Vofs §. II. Not. 2. p. 24 sqq. 5) L. IV. v. 449 sqq.

in terris Italis, haud insolitum Germana mente metiri? Tunc temporis enim Germaniae nobiles, etiam infimi ordinis, civitatum ejusmodi foedera quàm maximè dedignabantur. Longè res aliter post paullò evenit, cùm auctis civitatum opibus, nobilium contra ruentibus, non raro viros equestris ordinis in civitatum vel jura vel stipendia cogeret dira necessitas. Sed neque etiamnùm impunè concessit illa prisca superbia, siquidem ludorum equestrium consuetudines quemlibet Equitem civitatis cujusve stipendiis vel juribus adscriptum ab illis ludis arcebant, donec utrumque desereret.

Optimè sibi constat auctor in diversis allocutionibus, quas Friderici Caesaris nomine vel composuit vel exornavit. 1) In his autem non sine cura quadam extollitur regula: Romani Regis electionem ad Principes pertinere, et universos quidem. Id quàmvis non obscurè in Romani Pontificis fastus et studia dirigatur, praeterea tamen insigne Reipublicae Germanicae momentum enunciat à plurimis neglectum; electionem scilicet Romani Regis non ad Septemviros fuisse restrictam. 2) Haud parùm haecce stabilis dictorum fides aequalem et apprimè gnarum videtur adserere.

Referens mortem Ekberti Comitum ante muros Mediolanenses 3), quasi fortuitò ineminit pervetustae Germanicae consuetudinis, heroum casus et funera carminibus celebrandi:

*Cujus et interitum lachrymoso tristia nectens
Carmine Teutonicas deflevit fama per urbes.*

Hujus autem Ekberti, fortissimi Principis, praematurum fatum ab universa Germania graviter exceptum et Aventinus 4) adfirmat.

1) Exempla habes: L. I. v. 175 sqq. L. VI. 314 sqq. v. 610 sqq. L. VII. v. 325 sqq. 2) Totus in hoc probando versatur Nicol. Cisnerus Diss. cit. Cf. Putter Reichshist. I. 264. 3) L. VII. v. 463 sq. 4) In Elencho rerum Boicarum.

Mox circumsessum ab Imperatoris exercitu Mediolanum et agminum ordinem ex Radevico describens ¹⁾, antiquam Germanorum aciem, tunc temporis adhuc servatam, unius vocabuli transpositione perspicuè reddit:

*Totaque septenis distinguens agmina turmis,
Ductorem cuneo præfecit providus uni-
Cuique suum.*

Nihil Radevicus de cuneis, ut qui peregrinum adeò vocabulum affectans, legiones commemorat, ambigua voce rerum faciem obducens.

Disciplinae castrensium leges ab Imperatore Procerum consensu in campis Mediolanensibus promulgatas, eodem Radevico duce, missis quatuor postremis, recenset auctor, quarum una sic habet ²⁾: *Miles qui mercato-rem spoliaverit, dupliciter reddet ablata, et iurabit, quod nescivit illum mercatorem. Si servus, tondebitur et in maxilla comburetur, vel dominus suus reddat pro illo rapinam.* Haec ita noster ³⁾:

*Institor à nostro spoliatus milite cuncta
Conduplicata feret: maxillâ servus adustâ,
Vertice detonso, supponet terga flagellis,
Aut erit à domino praedicto more luendus.*

Nihil de flagellis apud Radevicum: ne tamen falsam additionem putes. Tonsuram et stigma tunc temporis et flagellatio semper comitabatur, quae non expressa subintelligitur illius aevi sententiis. ⁴⁾

Et de aetatis quidem indiciis hactenùs: calamum sistere jubet pagellarum modus, dum insequenti annotationum volumini plura, suis quaeque locis majori cum pondere dicenda remittimus.

1) Ibid. V. 496 sqq. 2) Radevic. L. I. c. 26. 3) L. VII. v. 273 sqq. 4) Cb. Ulr. Gruppen Observat. rer. et antiquit. German. Halae 1763, p. 128 sq.

S. 4.

*De tempore scripti operis quale idipsum prae se ferat,
et auctor an rebus interfuisse censendus?*

Ligarinum non esse compositum ante trigesimum quartum Friderici Imp. annum manifesta librorum testimonia evidenter ostendunt. Atque primo statim limine Friderici filios allocutus, Henricum Romanorum ac Italiae Regem appellat ¹⁾, alio loco ²⁾ commemorans ejusdem nuptias cum Constantia Sicula; denique et Beatrix Burgundicae, Friderici Imp. Uxor, obitum deplorat, quem scriptorum plerique anno 1184 vel 1185, Spirensis autem inscriptio monumenti ³⁾ anno 1190 configisse tradunt. Henricus equidem anno jam 1169 Friderico patre procurante Romanorum Rex Bambergae electus ⁴⁾, quadriennis adhuc puerulus; at Rex Italiae coronatus anno demum 1145 ⁵⁾, et Constantiae nuptus anno sequenti ⁶⁾, vel quod aliis videtur anno 1186. ⁷⁾ Cum ista temporis definitione, quam non ineptè paullum laxaveris, optimè conveniunt alia plurima momenta, ut auctorem sibi penitus constantem reperias. Ita de nuptiis Henrici Regis ⁸⁾:

*... uti tandem tempore nostro
Aeternum veteri finem positura querelae,
Nobilis è Sicula tibi Rex Henrice venires
Nupta domo, gemini pax et concordia regni.*

1) L. I. v. 56 sqq. 2) L. V. v. 416 sqq. 3) Lehmann Chron. Spirensis L. VII. c. 11. p. 648. 4) Otto Sanblas. Chron. c. 21. Chronicon Reichersperg. ad ann. 1169. 5) Sigon. de regno Ital. c. Ant. Saxio L. XIV. (Opp. T. II. p. 823. ed. Murator.) 6) Baron. Annal. Eccles. ad h. a. §. 11. Pagi ad Baron. h. a. §. 14. 15. 17. 7) Sigon. l. c. p. 827. cf. Saxii annot. (3). Diversa specie testimonia facile concilies, dum anno priori sponsalia, sequenti verò nuptias adscriperis. 8) L. V. v. 416. Hunc autem Henricum omninò studiis prosequitur suis, industriè captans materiam laudis, ut non immerito clientem putes.

De Turego Helvetiorum, Arnoldi Brixiensis
dogmata post viri supplicium tenaciùs adhuc servante 1):

*Unde venenato dudum corrupta sapore
Et nimium falsi doctrina vatis inhaerens
Sernat adhuc uvae gustum gens illa paternae.*

Arnoldus autem Turegi docuerat annis ferè 1140 — 1145,
tantaque temporum distantia et vi verborum sustinetur:

Item de legibus Feudorum, quas Imperator in
Roncaliis anno 1158 communi Procerum utriusque regni
consensu tulerat 2):

*Mox de communi Feudorum jure, quod illa
Perspicuis nondum scriptis expresserat aetas,
Has dedit, et scripto jussit notescere leges.*

Senkenbergius quidem in hoc ipso loco duplex
vodelas argumentum invenit. 3) Primum in communi
Feudorum jure, quam ille loquendi formulam Friderici
temporibus longè recentiore contendit; alterum in
verbis: illa aetas. *Quis enim, inquit, unquam de
suo tempore dixit illa aetas?* Nimirum non vidit
castigator cupidus annorum XXX intervallum. De voce
communi verò planè futilis objectio. Quid enim Poë-
tae cum fori formulis? quodue vodelas indicium, si
quamlibet ipsius formulam post usus fori receperit?
Quo demùm alio vocabulo debuit jus illud significari,
quod Procerum utriusque regni suffragiis constitutum,
communi utrosque vinculo adstringeret?

Qua propter non nisi tropicè intelligendus est auctor,
ubi sub finem operis 4), post Friderici Imperatoris
alteram in Mediolanenses expeditionem, scribit:

*Et nunc pauca quidem, sacrae quae sanximus aulae,
Carmina sufficiant, et respirare Poëtam
Ad tempus liceat, dum bellica signa quiescunt,
Grataque dimissus bello foret otia miles.*

1) L. III. v. 310 sq. 2) L. VIII. v. 590 sq. 3) L. c.
§. 10. p. 162 sq. 4) L. X. v. 604 sq.

Hujus enim expeditionis annus convenit octavo Friderici Caesaris et manifestè repugnat iis, quae modò nobis indicata sunt. Equidem dicam quod rei est: concludit ac desinit eodem illo tempore Radevicus Frisingensis, et suo duce noster destitutus, ficta penuriam intermissione tegens, cum dignitate recedit. Ne verò candorem simul atque probitatem desideres, ingenioso satis artificio continuandi propositum subnectens, non obscurè fatetur, quando scripserit, sibi quae optime constat:

*Mox ubi sollicitè revocatus in arma redibit,
Nos quoque belligeras acies, et castra petentes,
Interrupta novo repetemus coepta labore:
Cunctaque summam, superet modò vita sequentes,
Continuo quodam suscepta negotia filo,
Propositi memores ad tempora nostra trahemus.*

Fridericum denique Imperatorem Ligurino superstitem ex eo colligas, quòd auctor praesentem alloquitur ¹⁾, nihilque opus contineat illius aeo recentius. His autem aliisque invicem commissis, non nisi postremos regni annos, adeòque MCLXXXVI — MCXC Ligurino assignare poteris. Idem dicendum de Solymario, quem ipso Poëta teste ²⁾ vix quinto ante Ligurinum mense editum comperimus. Quo magis mirere summam viri facundiam et styli facilitatem, quae tantos, tamque egregios brevissimo spatio labores absolvit.

Motam praeterea nonnullis quaestionem, num auctor ipse rebus interfuerit; ex praedictis partim testimoniis, partim ex alio ejusdem singulari negaveris, dum ille sub finem ³⁾ disertis verbis:

1) L. 1. v. 19 sqq. L. X. v. 600 sqq. 2) L. X. v. 630. 3) L. X. v. 576 sqq. Quae à quibusdam L. IV. v. 607 sq. dicta huc in censum adferuntur, ea saltem ex Othone Frisingensi transsumita sunt. (L. II. c. 27.) Non advertit hoc vel astutè suppressit Senkenbergius, dum auctorem oscitationis trahere conatur (L. c. §. 8. p. 160.)

Me quoque non armis sed carmine castra secutum.

Nec audiendus omninò Philippus Melanchthon, qui Poëtam in obsidione Mediolanensi Friderico Imp. quomodo Scipioni seniori Ennium, juniore ad Carthaginem Polybium adfuisse, ut reliqua fermè omnia, sibi temerè fingit.

§. 5.

Operis ratio, scriptoris auctoritas.

Errorem sanè haud levem erraret, qui Ligurinum, vel specie formae vel eruditorum elogiis inductus, ut carmen propriè epicum persuadere sibi vellet. Est enim totum opus nihil aliud, quàm Librorum Othonis et Radevici Frisingens. de rebus gestis Friderici I. Aug. *Περίφρασις* poetica. Exorditur cum electione Friderici, sive cum Othonis Frisingensis libro secundo, desinens cum Radevici penultimo capitulo, sive cum altera Friderici in Mediolanenses expeditione, annorum octo res gestas decem libris complexum. Auctor verò, licet pressis plerumque vestigiis illos duces sequatur, non tamen anxie nimis in his agit, et sublatis hinc inde, quae non ad rem facere videbantur, variis illa rerum figuris et imaginibus compensat. Nimirum Historici Frisingenses nonnulla diplomata, de momentis praesertim ecclesiasticis, verbo tenus inseruerant, quae quidem egregia suis locis, heroico carmini non conveniunt. Haec et minora quaedam noster, unus Friderici laudibus intentus, et morae velut impatiens, praetermisit. Atque ipse eas scribendi rationes luculenter exponit ¹⁾:

*Qui scripsere prius, cupientes ordine certo
Historiae servae fidem, non pauca videntur
Inseruisse suis (liceat modò dicere) chartis,
Quae neque Caesareos augent vehementer honores,*

1) L. I. v. 125.

*Nec contexta rei, sed tanquam adsuta cohaerent.
 At nos, siquid erit pulchrum minus, eximiumque,
 Vel quod ad egregios non multum Caesaris actus
 Pertineat, veri nihil adjectura decoris
 Sponte relinquentes, tantum potiora secuti,
 De multis modicam nitentur condere summam,
 Claudendumque manu formâ brevioris libellum
 Ad demulcendas conflare legentibus aures,
 Ac velut è pleno, decerpitis floribus, horto
 Principe digna suo breviter compingere sarta.*

Sequitur inde nec alia nec nova tradere auctorem voluisse, tantum Othonis et Radevici libros in compendium quasi redacturum, et praeter formae nitorem nil sibi meriti tribuentem. Etenim ipse modestè subjicit ¹⁾:

*Ut, quem fortè parum malè cultus sermo movebit,
 Hunc saltem structura pedum, versusque canori
 Detineant, sitque hîc aliquid laudabile nostrum.*

Debuerant ista, siquid unquam, retinere Senkenbergium, qui tamen eo usque petulantiae processit, ut ipsam auctoris fidem insimularet, immodico culpandi studio veris falsa commiscens. ²⁾ *Ubique, inquit, cum Ottone Frisingensi et Radevico ambulat. Ubi hi breves, noster solito concinnior. Ubi latius se diffundunt, nihil nostrum, quo minus pariter exspatiatur, moratur. Ubi exordium capiunt, et id noster sequitur. Ubi desinunt, nec nostro amplius scribendi materies. Et tamen hunc suum libellum fictitius ille Guntherus post nuptias Henrici postea VI. cum Constantia, Imperatori Friderico, Regiaeque genti, se obtulisse scribit. Egregie certe de magno Imperatore, studiorum elegantiorum perito, qui ipse vitam literis mandare jusserat propriosue Commentarios eum in usum suppeditaverat, meriturus, si versibus Ottonem tantum et Radevicum, et quidem, quod ipse fatetur,*

¹⁾ L. c. v. 152 sqq. ²⁾ L. c. §. 5. p. 156.

resque docet, non paucis omissis expressisset, atque id vicennio post, quàm horum libri lecti jam probatiue erant. Extabant sanè tempore nuptiarum Henrici VI. cum Constantia magis illustria Friderici facta, quàm illa, quae noster describit, excidium nimirum Mediolani inprimis, quod, si civitatis potentiam consideres, ad omnem sanè posteritatem memorandum est. Unde haud dubie gratiam initurus non erat, qui aptè satis descripta recoquere tentasset, nova et illustriora omisisset. Recordor equidem, ipsum impostorem dicere ¹⁾:

Continuo quodam suscepta negotia filo

Propositi memores ad tempora nostra trahemus.

Sed hoc est illud ipsum, quod imposturam tegere debebat. At satis infelicitè, cùm nostra tempora vix dicere conveniat scriptori ejusdem aevi, quique viventis et spirantis res describat, nec se postea demum natum profiteatur.

Haec ille. Quàm parùm autem captionibus ejusmodi dialecticis veritas ipsa juvetur, nemo non videt. Ac primò quidem apertè falsum esse, quòd auctor ubique cum Othone et Radevico vel incipiat vel desinat, exemplarium comparatio, librorum numerus docere quemlibet potest, et aliis quoque super exemplis monstravimus. Tùm verò inanis admodum et insulsa cavillatio, Ligurini scriptorem Friderici Caesaris Regiaeque familiae gratiam haud meritum fuisse, nil nisi acta agentem. Ut enim taceam operis diversam omnino rationem, virorumque doctissimorum omnis aevi suffragia; quid si tandem Familiae Regiae seu potiùs aulae desideriis Ligurinum noster concessisset? Atque Fridericum certè Imperatorem laudis et famae cupidissimum vel una comonstrat ejus epistola Frisingensi perscripta ²⁾, cui prae-

1) L. X. v. 613. 3) Praefixa est Othonis Fris. libro I. de reb. gest. Frid.

cipua rerum à se gestarum documenta transmiserat. Eundem post viri sanctissimi obitum Radevici Canonici Frisingensis officia sollicitasse, monet itidem scriptoris illius epistola, Palatii duumviris inscripta. ¹⁾ Utrumque Principis desiderio, sed et prudentis probique viri officio satisfecisse, luculentis praestantissimi libri testimoniis perhibent. Iidem vero, graviori stylo exarati, rerum verborumque ponderibus magis, quàm artis elegantia sermonisue lepore commendantur. Praeterea Friderici laudibus non ubique favet virorum ingenuus candor, neque etiam potuit salvo rerum tenore. Quis autem unquam heroum suum Homerum non amat, non odit sanctam nimis veritatem? Quid mirum, si vel ipsius Friderici, vel amicorum studia faciliorem facinorum praekonem exoptaverint? Et ecce! praesto fuit Solymarii solertissimus auctor, Chunradi patruī praekonis probatus, Augustae familiae devotus. In promptu materia, eaque non rudis, sed ad stylum digesta et docilis occupanti. Haud absimile, ni fallor, scribendi consilium ipsemet noster indicare videtur, dum assentandi propositum festiva quadam simplicitate prodit, vituperationem veluti deprecaturus. Et sanè cum his egregiè conspirare putes dicandi formulas, perbreve tempus et festinationis ac taedii non rara vestigia, denique quòd ultrà fines paratae materiae non processerit.

Monet hic ipse locus dictorumque ratio, paucis agere de argumentis in singulos Ligurini libros, quae editio princeps Augustana uno in loco praemissa exhibet. Sunt autem illa totidem singula versibus composita, quot libris universum opus constat, nimirum *δεδοστικά*. Ejusmodi sanè lusus bene convenit saeculo XII, res ipsa non caret exemplis. Ita saeculo jam III. Herennium Modestinum Ictum singulis Aeneidos Virgilianae

1) Eadem praemissa Radevici libris.

libris argumenta *δεξάστιχα* praefixisse legimus, argumenta quoque suis libris indiderunt Gualterus, Jos. Iscan. Devonijs, Guilelm. Brito, seculo XII ferè aequales. Est autem in illis Ligurini summa disparitas; priora septem cùm rebus traditis, tùm auctoris etiam dictioni sat bene concordant; contra reliqua corruptissima, nec solùm librariis imputanda, nec ulla arte sananda. 1) Vel enim rerum tenorem, vel vocabula spectes, vel denique dicendi modum; Ligurini certè nusquam auctorem agnoveris. Priora semper, ut oportet, in praesenti rem ponunt, apparet fida gestorum series, et metri consona concinnitas: postremis falsissima rerum momenta 2), monstrosa vocabula, praeteriti frequens cum praesenti conjunctio, denique et nomine Ligurini compellatus auctor. 3) Postremus hicce inepti versificatoris (quisquis ille fuerit) error, suspicionem cl. Pithoeo moverat 4), in sola caeterùm Augustana obvijs. 5) Miror ista simulasse doctissimum Rittershusium 6), adeoque proposito non stetisse, restituendi argumenta ad fidem principis editionis. Reliquae omnes editiones singula singulis inscripserunt. — Igitur septem priora *δεξάστιχα* auctoris verè crediderim, quippe quòd nulla *νοθείας* indicia, quin immò duplex adhuc rei fides. Etenim ex illis dubijs Ligurini locus 7) (ex argumento quinti) percommode restituitur; tùm verò et ipsa intermissio nostrum vel fatis abreptum, vel alio quocunque modo prohibitum non obscure probare videtur.

1) Withofius quidem restitutionem promiserat, sed viri jactantia omninò insignis. Nonnulla tentavit cl. Vonckius adversa penitus fortuna. 2) Argum. L. VIII. et IX. 3) Argum. L. X. v. ult. 4) Praefat. cit. 5) Nimirum Spiegellius Ligurini proximus editor ingeniosè magis quàm rectè lectionem transmutavit, quem reliqui sequebantur. 6) Notae in Guntheri Ligurinum p. 9. adeòque proferre non dubitat: „*Quid vetet, quin ipsum Guntherum pro auctore habeamus, non video.* 7) L. V. v.

§. 6.

Eruditorum in Ligurinum testimonia.

Optimum quidem pro Ligurino testimonium fateberis opus penitus inspectum; ast nihilo minus ego doctorum quorundam insignium judicia referre mearum partium reor. Etenim è literatis haud pauci alieno arbitrio feruntur, atque etiam non injucundum videtur, diversa seculis ac regionibus virorum sensa contueri. Monendum tamen, in iis placitis rationem et aevi haberi et patriae, tum verò stylo cujusque ac ingenio nonnulla condonanda. Sic inter primos Chunradus Celtis 1):

*Cedo libens Ligurine tuis doctissime scriptis:
 Et genua et plantas Celtis adoro tuas.
 O felix tantum nactus, Friderice, Poëtam
 Qui tua grandiloquo carmine gesta tonat.
 Proximus es vati, quem Mantua docta creavit,
 Et qui Pompeji et Caesaris arma canit.
 Nec Stilico tantum vel Honorius aut Majoranus,
 Nec qui Scipiadas Sporciadasque sonat:
 Per freta nec tumidum qui cantat Jasona vectum,
 Aeaciden, vel qui Thebaidenque notat:
 Gesta ducis Macedum totum vulgata per orbem
 Qui colit, Heroicis cedat et ille tuis.
 Gaudeat hoc nostro bellax Germania vate,
 Teutonicum tanto qui canit ore decus.*

Jacobus Cujacius et Franciscus Hotomannus celeberrimi seculi XVI Icti, iique in omnibus fermè aliis rebus invicem aemuli, Ligurini tamen in laudes amicè conspirant. Et ille quidem viginti plus locis ejus auctoritate nititur, alicubi testatus: *melius eum nonnulla Feudorum capita explicare, quàm tota Feudistarum faeculenta cohors.* 2) Hic Poetae nobilissimi et eximii nostrum aliquotiens elogio de-

1) Ad Ligurinum carmen post Praefat. Ed. August. 2) Hanc verò laudem Frisingensibus cedere comparatio docet.

praedicat. — Gerard. Vossius ¹⁾ *omnino Poëtam pro seculo suo magni ingenii atque etiam elegantem et Apollinarem alitem compellat. Justus Lipsius: Poëtam spiritus et ingenii haud spernendi, imo ut illo aevo mirandum.* — Marquardus Freherus in Chunradi Rittershusii de Ligurino edendo consilium rescribit ²⁾: *Institutum tuum, mi Rittershusi, in Gunthero recensendo et illustrando intellexi et vehementer probo: Certè ille auctor ultra aevum illud, imo et gentem elegans, et fama hilariore quàm hactenus dignus.* Ipse Rittershusius, Ligurini sospitator ³⁾: *Inter paucos qui supersunt (aevi med. scriptores) praecipua dignatione eminet Guntherus, qui res suo aevo domi forisque fortiter et sapienter atque magnanimiter gestas à maximo et optimo potentissimoque Imperatore Germanici nominis Friderico I., cui à barbae colore Aenobarbi vel Barbarossae cognomen fuit, carmine supra quàm seculum suum ferat elegante, bonoque et erudito descripsit, secutus filium Othonis Antistitis Frisingensis et continuatoris ejus Radevici, ejusdem Ecclesiae Canonici, ad quos etiam, velut fontes, ipse alicubi operis sui non obscure lectores remittit. . . . Cùm autem vel ex argumento operis ejusdem soleat dignitas ac praestantia aestimari, vel ex modo ac forma tractandi: et vero híc de rebus gestis Friderici Aenobarbi agatur, qui tantus et talis, qui pace belloque tam inclytus Princeps fuit, ut sub eo non injuriá aureum quasi seculum rediisse videatur; idque nec vulgariter, sed omnibus adhibitis ornamentis et luminibus orationis: potestne cuiquam esse obscurum, quanti ab omnibus noster hic Guntherus fieri*

1) De Poet. latin. p. 254. ed. cit. de Histor. latin. p. 136 ib.

2) Reuberj SS. rer. Gem. ed. Joannis p. 414. 3) Praefat. in suam edit.

mereatur? — Gaspar Scioppius ¹⁾ eundem salutat: *Vatum Poëtam Franciorum principem* ²⁾, *per quem Poëtam Franciae Germania debere primum cogitur faterier.* Janus Doussa ³⁾ his ferè verbis ⁴⁾ utitur: *Les critiques conviennent, que Guntherus est un Poete de grand génie et de beaucoup de feu, qui faisoit trop d'honneur à un siècle, qui n'etoit pas asses fin, pour savoir faire le discernement de son merite.* — Caspar Barthius ⁵⁾: *sanè omnino melior Poëta est, et spiritum habet prorsus insignem, quo caeteri id genus (aevi medii) destituuntur, adeoque plus laboris, quam ingenii afferre videntur, ubi cum illo in comparationem ducuntur.* Idem alio loco ⁶⁾: *Omnes medii aevi Poëtae longissimè infra hunc Germanum sunt. Laudabatur prae caeteris Galterus: Com- pone unam paginam, videbis aera in hoc, in illo lupina. Petrus de Mexia Eques Hispanus, in fine Friderici Barbarossae: Guntherio insigne poeta, quem escriveo in versus heroicos.* — Henrico Stephano ⁷⁾ *nobilissimus et eximius Poeta vocatur.* — Hermanno Conringio ⁸⁾: *felicissimus seculi XII. Poëta, Friderici Caesaris aevo dignus.* — Jo. Frid. Gronovius ⁹⁾: *Guntherus poeta est primus, quos scimus Germanorum ex Helicone perenni fronde coronam retulisse.* — Meric. Casaubonus ¹⁰⁾: *Poeta, prout barbari seculi cap-*

2) Ad calcem edit. Rittersh. p. 207. 2) V. supra §. 2. p. XXIII. 3) Praefat. altera Annal. Batavor. carmine scriptor. 4) Interprete scil. Bailletio, quum ipsum adire non detur. 5) Adversar. p. 2340 sq. 6) In notis mscitis à Fellerio congestis et Geo. Christi. Joannis communicatis. v. Reuberi SS. rer. Germ. Praefat. Joannis p. 411. 414. 7) Ad Saxon. Grammat. Hist. Dan. L. II. 8) Epistol. p. 303. Antiquit. acad. Diss. VI. 9) Ad Nicol. Heinsium. Sylloge epistol. à viris illustr. script. ed. Burmann. Tom. III. p. 4. 10) Not. in Polyb. p. 171.

tus erat, perelegans. — Olaus Borrichius ¹⁾: *Respectu aetatis, qua Guntherus scripsit, ejus dictio planè magnifica, compositio docta. — Adr. Baillet* ²⁾: *C'est un poete merveilleux pour le tems, et j'ignore, sur qui se fondent ceux, qui disent; qu'il étoit moine . . . Outre le grand talent, qu'il avoit pour la Poesie, il avoit eu soin pour cultiver son style, et de le rendre asses elegant, pour donner de l'agrement à ses vers. Denique Hieronym. Gundling* ³⁾: *Ordinem Regis eligendi antiquum Guntherus et fusè et perspicuè descripsit. Quod carmen ut omnes rerum Germanicarum studiosi repetitis vicibus perlegant, optandum.*

Unanimis hisce doctorum suffragiis unus obstrepit Lilius Gyraldus: *Opus quidem, inquit* ⁴⁾, *tale, quale illa ferre potuit aetas, canorum et volubile, sed inconcinnum et circumfluens, et quod saporem scribentis et scripti refert vernaculum. — Gravis ille profectò judex, modò ut librum legisset. Verùm hercle verò tantum abest, ut ne viderit quidem. Et enim idem ipse paullò pòst* ⁵⁾: *Extat et Ligurini de Henrico Aenobarbo, hoc est Barbarossa. Extat et Guntheri Germani opus duodecim libris digestum carmine heroico, quibus Frederici Caesaris gesta continentur, quos si legere vacet interdum ad levandos aestus, quosdam quasi Lucani Poetae spiritus sub coelo Scythico spirare videretis, tumentes scilicet et inflatos. Scripsit praeterea hic vitam divi Cyriaci eodem paenè carmine circa annos Christi 1100. Ecce ridiculas hominis oscitationes et quasi deliria: Ligurini de Henrico*

1) De Poetis latin. Diss. II. p. 86. 2) Jugemens des Savans. Tome III. P. II. Nro. MCCIX. p. 336. (Ed. Amstelod.) 3) Gundlingiana Fascic. VI. Observ. II. §. 27. p. 185. 4) Histor. Poetar. Dial. IV. p. 247. (Ed. Lugd. 1696. fol.) 5) L. c. Dial. V. p. 307.

Barbarossa, Guntheri duodecim libros de Friderici Caesaris gestis, horum denique scriptorem circa annos 1100. Nimirum agebatur de scriptore mediae aetatis, adeoque Germanico, scilicet Scythico: ad haec ferè sua composuit gentili fastu Gyraldus.

§. 7.

Codicum Ligurini msctorum defectus ejusque caussa probabilis.

Prima mihi omnium atque potissima hanc editionem paranti cura fuit, ut in extantes uspiam codd. Ligurini msctos inquirerem, saepè mecum miratus, cur ne vel unum quidem priorum editorum res ea maximi momenti sollicitum fecerit. Lacta studiis auspicia pollicebantur praecipuae temporum rationes, plurimae scilicet eaeque ditissimae Bibliothecae publicae, codd. msctorum infinita multitudo, novissimis mutationibus longaevo situ excitata et quasi redempta, tùm verò possessorum ac antistitum humanissima liberalitas et insignis literarum favor. Nec morà, simul adivi celeberrimas Bibliothecas, Romanam Prisco-Vaticanam, Viennensem, Parisiensem, Monacensem, denique San-Gallensem ac Turicensem Helvetiorum. Et hìc mihi cumprimis iterandae publicae grates Viris elogio meo majoribus, quorum officiis integerrimis, quanquam non id quod optaverim, tamen eam demùm certitudinem assecutus sum, ubique cod. msctum Ligurini nequiquam reperiri. De Viennensi quidem affirmare non ausim, dùm adhuc silentio potiùs quàm certo responso stare detur, minùs facilem experto virum aliàs literarum antiquo-germanicarum amore laudatissimum Fridericum Schlegelium. At verò deluso spes melior illuxit, cui tutiùs acquiescam; nec decrit occasio, publicis usibus inferre, quidquid olim obtigerit.

Interea dum ex illis locis amicas literas expectarem, omnes egomet, quotquot nancisci poteram, codd. mscor. catalogos evolvi: Lambecii, Labbei, Montisfalconii, Reiseri, Sinneri aliosque quamplures unà cum quibusdam Bibliothecarum privatarum cimeliis illustrium. Frustra diu investiganti tandem in manus inciderunt: *Catalogi libror. mscorum Angliae et Hiberniae in unum collecti* ¹⁾, et inibi ²⁾ *Catalogus ll. msc. Eduardi Bernardi* ostendens ³⁾ sub rubro: *Libri latini cum veteribus exemplaribus collati: Guntheri poema de Barbarossa*, nemini quod sciam, adhuc observatum. Atque illicò quidem diversae cogitationes mentem subire, inventi gratiam augere. Nimirum auctorem Ligurini natione Anglum credebam, ipso principis editionis elogio persuasus. Quid? quòd piae vanitatis aliquid suspicabar in illà magnificà Chunradi Celtis inscriptione: *apud Francones in sylva Hercynia et Druydarum Eberacensi coenobio*. Poterat ista vir summus suoapte ingenio addidisse favoris aut pretii gratià; siquidem illi praesertim aetati non adeò rarus titulorum splendor et multis nominibus excusandus. Quin immò poterat ipsis Druydarum Eberacensis coenobii vocabulis, forsàn in codicis fronte conspicuis Chunradus Celtis induci. Etenim Eboracum Angliae monasterium ⁴⁾ haud ineptè Druidarum elogio gaudere possit, quos ex Anglia primùm advenisse, gravissimo teste Julio Caesare ⁵⁾ comperimus; Franconica autem tellus Druidarum Germaniae praecipua sedes antiquitus celebratur. Deinde percommodè simul respondebatur Senkenbergii dubio non prorsus inani circa locum inventi codicis, utpote quem non vidisse miratur Joannem Trithemium Monast.

1) Oxon. 1595. II. Voll. fol. 2) Tom. II. p. 227. 3) Nro. 1607. 155. 4) York. 5) De Bello Gall. L. VI. c. 13.

S. Jacobi Herbipolens. vicinum Abbatem, eumque Franconiae Bibliothecarum solertissimum scrutatorem. Accedebat porro nobilis Ligurini locus ¹⁾, Anglici Regis ad Fridericum Imperatorem datas literas ac dona manifesto quodam studio circumscribens atque exornans. Explicabatur denique Ligurini locus alter, idemque omnium longè difficillimus, ni peregrinum scriptorem adeòque longinquum admittas, quem quidem valde miror, doctissimos viros, quotquot in Ligurinum aliquid ediderunt, omninò fugisse.

Scilicet annum suscepti ab Friderico Regni millesimum centesimum quinquagesimum quartum expressis numeris designat Ligurini scriptor. ²⁾ Hunc autem annum aperte falsum esse, duorumque spatio restringendum, cuius in Histor. Germ. vel obiter tantum versato communi scriptorum testimonio liquet. Quomodo hoc aequalem fugere poterat vel supparem? quomodo Germanum aut immò Italum? Non equidem ignoro chronologicas illius aevi difficultates et summam aequalium in computandis annis discrepantiam, vel in ipsâ Friderici Imp. historiâ luculento exemplo conspicuam, videlicet celeberrimae illius curiae Moguntinae, quae Friderici Caesaris primogenitum Henricum Regem Germanorum Imperatorem salutavit. ³⁾ Neque etiam ignoro primum ipsius Friderici Regis annum à quibusdam peregrinis quinquagesimum tertium perhiberi, quin immò domestico, Joanni Nauclero. ⁴⁾ Nullus autem omninò scriptorum habet annum MCLIV. praeter unum Viennensem cod. msctum Othonis Frisingensis de reb. gest. Friderici I. Aug. ⁵⁾ Ejusmodi codicem, si non eun-

1) L. VI. v. 468 sqq. 2) Ligur. L. I. v. 167 sqq. 3) Curiam istam solennem ac frequentissimam nonnulli aequalium anno 1181 alii 1182, alii denique 1184 adscribunt. de Bunau Leben und Thaten Friedrichs I. p. 285. 4) Chron. l. c. 5) Muratori SS. rer. Italicar. Tom. VI. p. 699. not. 1).

dem, prae oculis habuisse Ligurini scriptorem, librarii lapsum bona fide secutum, dubitari vix potest.

Haec si quis fortè contulerit cum illo principis editionis epilogo ¹⁾: „*Ligurinus . . juventuti Germanicae . . praebitus primo Viennae per Chunradum Celtem*“: et si virum noverit Poetices laude sui aevi facile principem, tunc verò gravissimae suspicionis impetum per aegrè sustinebit, Atque ego lubens fateor, aliquantulum laborasse; sed haesitantem revocabat ipsius Codicis antiquior facies: *vetustate et fermè carie absumti exemplaris*. Ita disertè testantur primi editores. ²⁾ Ecquis autem ferat, viros illos celeberrimos, famâ nobiles, morum integritate laudatissimos in fraudem unà conspirasse?

Habes igitur quae Germanum aut Italum aequalem suspectum reddant; recentem minùs probabilem; habes quae peregrinum eumque Anglum commendare possint, adeòque Anglici quasi codicis interpositam fidem. Sed codex ille (modò ut talem existimes), haud magni adhuc momenti faciendus. Ut enim taceam nondum visum atque expertum, detinet cùmprimis inscriptum Guntheri nomen et recentiore arguit editione primâ, licet proinde non temerè damnandum.

Caussam praeterea summae codicum penuriae plurimis deperditorum exemplis facile tueare, praesertim cùm in eam argumentum, et potiori quidem jure, transuleris, quod illustr. Rittershusium editionum raritati apposuisse legimus. ³⁾ „*Bonum scilicet auctorem suppressum ab iis, qui veritatis lumen oculis suis irradians nec minimis nec maximis in rebus ullo modo ferre possunt, quique, quantum in ipsis est, abolere student ex omni memoria hominum,*

1) V. supra p. XV. 2) Sub finem editionis, in fronte catalogi emendandor. 3) Praefat. in Ligurin.

quicquid fortè ipsorum cupiditatibus et dominatui adversatur.“ Quamcunque verò defectus rationem admittas, certè *noðelas* indicium inde frustra quaesiveris. Et cave nimium tribuas illi Senkenbergii adnotationi, quae quidem tanti non est, ut Eboraci adeò Francorum inventum codicem omninò neges. Quid? quod idem ille Trithemius anno demum MDVI Herbipolim Abbas concesserat, adeòque plures post inventum codicem annos; tùm etiam idem edito Ligurino XII. annorum vita superstes et inquirendae veritati commo- dissimè positus, nusquam dubium deinceps movit, ne dum aperte contra dixit. Cur in catalogos non retulerit auctorem, non adeo captu difficile. Scilicet intellexerat fortè Ligurini vocabulum, et inde personam ignorans, nec libro de viris illustribus neque de SS. ecclesiasticis inserere potuit. Atque etiam tantine Trithemii silentium in catalogis? Nonne idem praeteriit Dithmarum Merseburgensem, scriptorem celeberrimum? Et ubi nunc est codex ille Dithmariani chronici praestantissimus Antverpiensis olim Leibnitio traditus, cujus ne vestigium quidem diligentissimo Dithmariani chronici editori Jo. Aug. Wagner hae aetate nostra indicari poterat? ¹⁾

Tandem id unum conjiciendo non assequor, cur in commerciis illius aevi literariis de Ligurino ne vacula quidem occurrat. Qualiacunque enim eruditorum judicia fuerint, indicata saltem expectares. Movebat me prae caeteris altum silentium in epistolico commercio Udalrici Zasii Icti famigeratissimi, principibus ejusdem aetatis viris, adeòque et illis necessitudine juncti, qui Ligurinum vel ediderant vel suis in eum lectionibus illustrabant; Hieron. Baldungio, Henrico Bebelio, Jacobo Philomuso, Chunrado Peu-

1) Praefat. p. IX.

tingero, Jacobo Spiegelio. Totam ejus editionem ¹⁾ alioquin praestantissimam, perlegi, de omnibus aliis ejus aetatis memorabilibus, de Ligurino nequicquam edoctus. Haec mihi qui cum eruditorum moribus ac aevi indole componat, erit magnus Apollo!

Quidquid postremum statuas de codicum penuria; absolutam adhuc definire nequis. Donec autem fortunae favor ubicunque tale quid excitaverit, spes melior pendet ex Anglia, et ibi quidem, uti nunc est rerum publicarum facies, aliquanto pendeat.

§. 8.

Editiones.

Primam ac principem editionem Augustanam, Ligurini conservatricem eamque rarissimis omnino Bibliothecarum cimeliis adscribendam luculentiùs indicabimus.

Inscriptio tituli singulari folio non datur, ut in libris ferè solet, sed codicum more praefationem praecedit. Legitur autem primà fronte:

Ligurini de gestis Imp. Caesaris Friderici primi Augusti libri decem carmine heroico conscripti nuper apud Francones in silva Hercynia et druydarum Eberacensi coenobio A Chunrado Celte reperti, postliminio restituti.

Aeternitati et amor patriae ab eodem consecratum.

Sequitur statim Editorum praefatio s. epistola ad lectorem, quam supra praemisimus. Altera folii pagina legitur in fronte: *Ad Ligurinum (Chunradi, Celtis) carmen idem illud nobis exhibitum.* ²⁾ Mox *Incipiunt argumenta in decem libros Ligurini*, quibus haec folii pagina cum

1) Udalrici Zasii Epistolae ad viros aetatis suae doctissimos. Edid. Jos. Ant. Riegger Eq. ICt. Friburgi et Ulmae 1774. 8m. 2) V. §. 6. p. XLIV.

utraq̃ue s̃c̃c̃ndi iñsumitur, nisi quòd finitis II. argumentis iterum legitur: *Epigramma ad Johannem Rymanum per universam Germaniam librarium et Bibliopolam C. (hunc) C. (eltis) Car. men)*

*In nostras terras Latius Graecusque character
Jam venit studio, culte Rymanne, tuo;
Pro quo condignas tibi dat Germania grates,
Et referet laudes h̃c et ubique tuas.*

Cum foliò tertio demum exorditur opus ipsum Ligurini; duabus lineis inscriptum literis majusculis: *Incipit liber primus Ligurini de gestis Imp. Caes. Friderici Primi Aug.* Eadem inscriptio cuique sequentium II. praefigitur, nusquam autem finis indicatur verbo: *explicit* vel simili. Totum absolvitur foliis LXXV, et justa folii LXXV altera pagina clauditur, subijuncti Librarii, loci et anni indiciiis, d. l. nobis itidem transcriptis. Haec autem subscriptio, solùm operis Ligurini, non totius editionis finis appposita; ideoque nonnullis praetervisa plures peperit errores. Ac primò quidem omnes Ligurini editiones, quarum sine loco et anno hinc inde mentio injicitur, Augustanae censendae, dum testimonium illud scriptoribus, in fine ultimi editionis folii quaerentibus apparere non potuit. Augustanae porro censendae, quae sub anno 1567 quibusdam 1) notantur, numero nimirum tertio o in 6 scriptoris cujusdam oscitatione mutato, quem alii temerè secuti sunt. Librarii denique nomen editionis Rittershus. mendo in Veglinum corruptum legitur. — Folii LXXVI. prima pagina omninò vacua, folium ipsum singulariter videtur impressum, est enim glutine reliquis adjectum. Secundà ejusdem paginà legitur epistola Chunradi Peutingeri dedicatoria, eaque superscripta: *Dn. Imp. Caes. Maximi-*

1) Caveo et Oudino II. cc. Oudius praeterea locum Argentoratum suoapte ingenio affingit. Obripuit error iste duplex et cl. Maittairium (Annal. Typogr. T. I. p. 742. Ed. Amstelod. 1733) ac ipsum haesitare fecit diligentiss. G. Panzerum (Annal. Typogr. T. I. p. 67) ad Maittair. provocantem.

liano Augusto Conradus Peutinger Augustanus Foelicitatem. Clauditur illa justà folii LXXVI hac alterà paginà, deinde cum primà folii sequentis LXXVII sequitur uno quasi contextu *Friderici I. Imp.* epistola ad *Othonem Frisingens.* integra, qualem prologus libror. *Othonis* de reb. gest. Frid. I. exhibet; ut adeò folium illud LXXVI. unius Peutingerianae dedicationis, fortè tardiùs exaratae, gratià impressum videatur. Finitam primà ferè folii LXXVIII. paginà Imperatoris epistolam excipit: *DE ORTU. GENERE. ET. POSTERIS. IMP. CAES. FRIDERICI. PRIMI. AUG. CONRADUS. PEUTINGER. AUGUSTANUS. AD. LECTOREM.* Finito medià folii LXXIX. brevissimo commentariolo sequitur index emendationum sub epigraphe: *Errata Libri primi Ligurini partim incuria impressorum partim vetustate et ferme cariae et blaptis absumpti exemplaris. Orthographiam diligens Lector observa.*

Integra duo folia cum dimidio catalogus hic erratorum explet, ipse mendis plurimis labefactus, ut ubique spectes artis infantiam, quacum editorum et correctorum diligentia frustra luctata intelligitur. Alioquin typus, ut illo tempore perelegans, literae neque pingues nimis, neque graciles, atramentum vivi coloris, chartae species densa, probè limata, laevigata, atque pulchrae omninò albedinis; forma, quam vocant in folio, justissimae proportionis. Denique pro more seculi nusquam paginarum numeri, custodes aut signaturae; norma verò q. v. librorum tantum numerum observat, ut uni folii paginae vocabulum: Liber, alteri libri numerum constanter inscriptum reperias.

Exemplari, quod in usum hujus editionis nobis benignè concessit liberalitas Antistitum Bibliothecae Friburgensis, primà paginà post praefationem subscriptum legitur: *Dn. Jacobo Heinrichmanno* 1) *Conradus Peutinger Au-*

1) De hocce Jacobo Heinrichmanno celeberrimò Grammatico et Gymnas. Tubingensis praeceptore, qui anno adhuc 1560 Augustae Vindelicor. post exantlatos scholae labores ferè centum annorum venerabilis senex degebat, v. Burckard. de L. Lat. in German. fatis T. I. p. 299. T. II. p. 415, 417, 419, 421.

gustanus dono mittit. Quo quidem testimonio primi ac principis editoris haud parùm augetur pretium nitidissimi hujus exemplaris, quod paucos ante dies prelo subtractum reputes, nisi eadem ista pagina, fortè longiùs obnoxia, levem rubiginem contraxisset, reliquis omnibus intactis. Praeterea plurimas adnotationes adscripsit, nec illas indoctas una manus, quam tamen *Peutingeri* ne censeas, monet alia forma literarum et atramentum planè diversum. *Peutingeri* litera pinguissima, contra gracilis annotationum, adeòque ductus omninò discrepant. Solà folii LXXVIII. paginà primà *Peutingerus* omissam vocem in suapte dissertatione de *Friderici* ortu, genere etc. supplevit, iisdem planè literis ac eodem atramento quibus in fronte ille ipse usus erat. Caeterùm adnotationes istae, vel *Heinrichmanni* vel alterius, inprimis copiosae libro I et II, sequentibus rariores, in libro VI subsistunt. Eadem denique manus majusculis literis Ligurini titulo, quasi typum imitata, superscripsit: *Guntheri Alemanni Clarissimi Poetae*, quae verba deinde excipit impressus Ligurini titulus uno veluti contextu, ut auctorem de Ligurini vocabuli significatione penitùs rectè sensisse perspicias. Postremò non indignum notatu duxerim, haud paucas harum adnotationum *Rittershusii* conjecturas praeoccupare, qui quidem alio Augustanae exemplo, *Henischii* medici August. adnotationibus instructo, sese usum esse profitetur. ¹⁾

Secunda editio Argentorati apud Joann. Schottum unà cum Bartholini Austriade prodiit, inscripta:

Guntheri Poetae clarissimi Ligurinus, seu opus de rebus gestis Imp. Caesaris Friderici I. Aug. Lib. X. absolutum. Richardi Bartholini Perusini Austriae Lib. XII. Maximiliano Augusto dicati. Cum scholiis Jacobi Spiegellii Selest. V. C. 1531. fol.

1) Praefat. fol. 6. b.

Falso quibusdam anno notatur 1551, scriptorum oscitatione prognato; tùm etiam Selestadium, Spiegellii patria, in officinae locum errore simili mutatum legitur. Copiosis utrumque librum adnotationibus instruxit Spiegellius, iisque historicis, geographicis, ethico-politicis, theologicis atque etiam grammatico-philologicis. Nihilominus ipsum Ligurini textum, ultra quam credi fas est, neglexit, vitiis adeò manifestissimis relictis. Argumenta singulis libris primùm singula addidit, exemplo parùm commendabili, sed reliquis imitato. Typus, ut illo aevo, satis elegans, idemque rarioribus adnumerandus.

Tertia editio est Petri Pernae Bibliopolae Basileensis anno 1569 cum praefat. Philippi Melanchthonis.

Hanc egomet nondum vidi, adeòque frustra adhuc exploravi, cùm in ipsà praestantissimâ Bibliothecâ Goettingensi non inveniatur. Attamen extare nullus dubito, gravissimâ testium auctoritate persuasus. Visa nimirùm et manibus tractata doctissimo Rittershusio, qui sibi dono concessam à Joachimo Camerario medico Norimberg. disertè memorat. 1) Junctam Othonis Frisingensis et Radevici libris indicat Dav. Clement. 2) Quomodo verò differat à sequenti, nusquam reperio, nisi quòd eodem illo teste Frisingensium libri post Ligurinum addita videantur. Equidem unam eandem utramque crediderim, divisis Bibliopolae vel industriâ vel obsequio exemplaribus, ut eò magis commendarentur pro diverso virorum favore; aut etiam honoris gratiâ, quem utrique deferre, sui commodi fecisse potest.

Quarta editio anno eodem eadem ex officinâ profecta sequenti sub titulo conspicitur:

Ottonis Episcopi Frisingensis Leopoldi Pii Marchionis Austriae F. Chronicum, sive rerum ab orbe

1) Praefat. fol. 6, b. : 2) L. c. p. 326.

condito ad sua usque tempora gestarum libri octo. Ejusdem de rebus gestis Friderici I. Caes. Aug. libri duo. Radevici Frisingensis Canonici de ejusdem Frid. gestis libri II. prioribus additi. Guntheri Poëtae Ligurinus, sive de gestis Friderici, Libri X. Addita sunt et alia, cùm ad Friderici, tùm ad posteriorum Imperatorum historiam pertinentia, quorum catalogum proxima pagina notavimus. Ex quibus quaedam nunc primùm, reliqua integriora longè quam antea eduntur, adjectis etiam notis et indice accurato. Basileae apud Petrum Pernam MDLXIX. Non sine Caes. Majest. privilegio. fol.

Indicem adversâ tituli paginâ exhibitum sequitur P. Pithoei epistola Jacobo Cujacio IC. scripta, post illam ejusdem Pithoei de Ottone, Radevico et Gunthero judicium, quod praefationis loco positum et nos hoc elogio appellavimus. Tùm verò Index capitum in Ottonem et Radevicum, quem intermisso folio vacuo excipiunt eorundem libri cum appendice vetusti scriptoris in Radevinum (scil. Radevicum), quo quidem clauditur iste Tomus. Intermisso deinde altero folio vacuo sequuntur septem impressa folia, sed illa paginarum numeris non distincta. Continent supplementa quaedam et varietates lectionis in Ottonem et Radevicum, à codicibus per M. Flacium P. Pithoeo transmissis, quorum unus antiquissimus insigne prorsus additamentum praebet in historiam Comitum Schirensium, praesertim Othonum de Wittelspach, cum doctissimâ Pithoei adnotatione. Hisce finitis paucissimae exhibentur viri illustris in Ligurinum emendationes et adnotata quaedam ad Albertum Argentinensem; subjungitur brevis deprecatio de promissis et non datis uberioribus in Ligurinum adnotationibus, quarum vice, ad explendum tetragonum illis à Bibliopolâ relictum, Conradi vetus et bene notum Chronicon rerum Moguntiacarum substituitur. Intermisso denique iterum folio vacuo sequitur, nullo in-

scriptus titulo, *Ligurinus*, post Alberti Argentinenensis chronicon, cum adjecta Cuspiniani in illud epistolâ, denique index rerum et verborum, qui tamen ad Ligurinum et Albertum Argent. nequicquam pertinet. Hi duo singulare veluti volumen constituunt, singulari quoque paginarum serie distinctum. Et de promissis quidem adnotationibus ipse Pithoeus: *Statueramus autem, inquit, ampliores notas aut potiùs conjectanea addere, quibus juris veteris Gallici Germanicique aliqua non satis vulgò nota, potissimum verò dignitatum officiorumque ac militiarum origines progressusque, quantum quidem in nobis esset, brevissimè explicarentur. Sed cum nos hinc praeli currentis properatio, aliud tùm nescio quid agentes, premeret, inde suborta quaedam privata eaque magis necessaria occupatio avocaret, rem jam penitus mente conceptam, in aliud tempus differre coacti sumus.* Dolendum profectò virum peritissimum, aliis curis abstractum, eas maximi momenti materias illustrare non potuisse; modò ut seriò rem actam ab illo constaret. Ex ipsis autem illius verbis haud obscure intelligitur, Pithoeum, quae mente conceperat, actu faciliora reputantem, eruditorum non insolito more, propositis ac promissis plus aequo indulsisse. Videas snimirum integrum ternionem Bibliopolae fiducia pollicitis relictum, postmodùm aliis explendum. Quid? quòd adeò viginti septem annorum editioni superstes ille fidem non liberavit.

Quintum Ligurini typum promulgavit Justus Reuberus Consiliarius Palatinus in Collectione SS. rerum Germanicarum Francofurti apud heredes Andr. Wecheli 1584. fol.

Nihil in hac editione, nisi verbo tenus receptum universum Jacobi Spiegellii volumen, unà cum omnibus omninò vitiis. Reuberianam hanc editionem, alias nitidissimam, quam primam nos appellamus, sub falso quibusdam 1)

1) Christi. Neu Mantissa ad Degorei Wheari relectiones hiemales Sect. X. p. 130. Leyser Hist. Poët. med. aevi, p. 190.

anno 1582 notari scias; deceptis videlicet indicio Rittershusianae. Nonnulli ¹⁾ de tertio quodam Reuber. collectionis tomo fabulantur, qui nunquam prodierat.

Sextam, eamque omnium longé praestantissimam editionem adornavit Conradus Rittershusius, et ecce titulum:

Guntheri Ligurinus seu de rebus gestis Imp. Caes. Friderici Primi P. P. Aug. cognomento Aenobarbi, sive Barbarossae, Libri X. Opus non solum Poetis lectu jucundum, sed et Historicis et Politicis et Aulicis, ad deliberationum, Consiliorum, Legationum, Orationum et Epistolarum exempla; Jurisconsultis quoque ad Juris Feudistici cognitionem utile inprimis ac necessarium. Cunradus Rittershusius, JC. recensuit: quinque editionibus inter se collatis mendas hinc passim plurimas gravissimasque tam lectionum, quàm distinctionum sustulit: notis illustravit; et accurato rerum ac verborum memorabilium indice nunc primùm locupletavit. Tubingae, apud Georgium Gruppenbachium MDXCVIII. 8vo.

Adnotationum singulare volumen annum antè comparuit, eique titulus incriptus:

Notae in Guntheri Ligurinum, auctore Cunrado Rittershusio JC. Profess. Norico. Ad nobiliss. et eruditiss. D. Joan. à Bredow, Eq. Marchicum. Tubing. typis Georgii Gruppenbachii, An. M.D. XCVII. 8.

Audiamus ipsum celeberrimum editorem de causis et rationibus hujusce suae editionis verba facientem ²⁾:

Equidem (ut de me pauca dicam, deque occasione qua ad istam editionem parandam sum delatus) cùm adolescens in Scholis Jurisconsultorum elegantium (ceteris enim

1) Valer. Andreas, Casim. Oudinus ll.cc. 2) Epist. dedicat. fol. 2. b. sq. Praefat. fol. 4. a. b. fol. 7. a.

tantum est cum bonis auctorib. et litteris, quantum canē cum balneo) aliquotiens in explicatione doctrinae feudalis audiuissem laudari hunc, quem dixi, Guntherum; produci etiam aliquot elegantes ejus versus ad exornanda et illustranda quaedam in illo jure feudorum, satis alioquin barba: et infelicitè descripto: sensi me saepius magno accendi desiderio videndi legendique totius auctoris, qui quàm esset bonus, in promptu erat ex illis, quae proferebatur, particulis aestimare, ex ungue leonem, quod dicitur. Sed quòd nunquam ille commodà formâ editus, qua verò editus erat, ea nusquam venalis reperiretur, exemplaria Guntheri à me et commilitonibus frustra tum quidem requirebantur. Tandem cùm paucis abhinc annis in eum incidissem, sic avidè eum diligenterque lectitavi, ut qui diuturnam sitim explere cuperet. Multa inter legendum, quae mihi fortè in mentem veniebant, ac vel ad emendandum vel ad illustrandum hunc scriptorem videbantur pertinere, ad oram libri mei annotabam: eaque quae annotassem ita temerè, atque ut quidque sub acumen stili venerat, postea inter describendum novis subinde accessionibus augebam. Tandem etiam, accedentibus praesertim clarissimorum virorum adhortationibus, incentiuo etiam addito per nobiliss. et eruditiss. Christophorum Pflugium Eq. Misn. coepi de nova aliqua Guntheri editione procuranda cogitare, et quidem ejusmodi, quae pluribus usu esse posset, measque illas annotatiunculas, quas magni aliquot viri non inutiles neque contemnendas judicabant, adjunctas haberet. . . . Idem in Praefatione:

Hic igitur tantus et tam praeclarus scriptor, cùm debuerit perpetuò sinu gestari, et manibus teri, lectitarique ab omnibus, propter uberem ac multiplicem fructum, qui inde ab omne hominum genus, maximè qui Imperium Romanum, sive potiùs Germanicum agnoscunt, redundare potest: adeo tamen malè acceptus et habitus fuit, ut me ad commiserationem fortunae suae commoverit. Non solum enim multis seculis ignorabilis latuit, sed etiam deinde cum liberali manu adsereretur, et in lucem ex squalore et tenebris carceris produceretur ipsius car-

men, at plurimis illud mendis turpificatum fuit, et auctor pendè de suo nomine periclitatus est. Nam cum à Cunrado Celte Protucio, qui primus post renatas bonas literas Germaniae Poëta extitit, Codex manuscriptus Augustam Fındilicorum allatus esset, comitateque Cunradi Peutingeri JC. et aliorum quorundam Nobilium et eruditorum virorum liberalitate procuratum, ut typis describeretur: tùm verò Ligurinus, quod nomen auctor operi indiderat, ipse scriptor vocitatus est: eumque errorem complures postea etiam docti errarunt, dum Ligurinum pro Gunthero laudant... Non tuli diutiùs indignam hanc Guntheri fortunam, et post priores illos duos Cunrados, quibus vitam ac lucem debet, tertius ipse superveni, ut essam ei vindex et adsertor, accedentibus praesertim aliquot magnarum virorum adhortationibus et acclamationibus, quibus me satisfacere posse optarim...

Ego tandem, qui consilium auctoris animadvertissimum, voluisse videlicet ipsum conflare

Claudendum manibus formâ breviorē libellum:

hoc est, *Enchiridion* scribere, sequendum id mihi arbitratus, auctor fui *Typographo*, ut hunc auctorem minori forma tandem recuderet. Sed et propter mendas, quae in prioribus editionibus omnibus plurimae ad huc temporis resederunt, omninò aliam duxi necessariam editionem, ex qua illae, quoad ejus fieri posset, eluerentur. Quamquam autem pleraque errata, quae hinc sustuli, talia fuerunt, ut à quovis non oscitante neque indocto lectore deprehendì potuerint, neque mihi magnam inde vel ingenii vel acuminis laudem tribui postulem: tamen hunc scriptorem diutiùs tam depravatè circumferri, ferre aut dissimulare non potui. Ita nescio qua cupiditate accensus sum, adornandae hujus novae editionis, cui peculiarem librum *Notarum* adjunxi, in quibus non modo emendationum ratio redderetur, sed etiam res nonnullae, et formulae atque sententiae insigniores illustrarentur.

Haec ille; et jure quidem. Primus enim communi doctorum judicio Ligurini libris priscum veluti nitorem

restituit, notisque plurimis, eruditione plenis, operae fructum adauxit, raro ac nobili studiosae criticae in aequiorem exemplo. Gravis ubique dictorum ponderibus, dives exemplis, observator eximius; veruntamen potior in grammaticis. Reliqua minùs excellunt; nonnulla disjuncta, quantumvis doctissima. Multus praesertim in quaestionibus theologicis, in regulis ethicis atque politicis pro more seculi. Tùm etiam Romanae jurisprudentiae nimium sedulus assertor, plurima Germanarum consuetudinum capita cum illà perperam commiscet, non aequè gnarus disciplinae prisco-domesticae. Quandoque neglecti Ligurini fontes.¹⁾ Ipsa denique parùm commoda editionis *duxovolia*. Quaerentem crebriò molestat notarum in capita distinctio, cujus nullam omninò rationem perspicias; deinde frequens earundem cum operis textu discrepantia, qua fit ut saepissimè emendationem in notis legas, quam in textu redditam frustra quaesiveris. Et de librorum quidem argumentis jam supra diximus²⁾; ipsemet autem Rittershusius notarum volumini praefatur: *Argumenta, quae in aliis editionibus libris praefixa sunt, curavimus uno in loco inprini initio ante ipsum Guntheri opus, secuti auctoritatem editionis primae et antiquissimae Augustanae.* Benè scilicet istud, modò ut factum invenias. Haec aliaque, cùm primis nominum orthographiam, Augustanae non solum, sed etiam auctoritatibus refragantem, cum viri diligentia peraeegrè concilies, nisi textus et adnotationum diversas editiones in causam admiseris, adedque Rittershusium alienis negotiis impeditum, dum Ligurinum prelo subjiceret. Neque enim in plurimis mentem mutasse, neque temerè sibi contradixisse credi fas est, cùm ne vestigium quidem desertae sententiae in praefatione reperitur.

Septimum Ligurini typum exhibet recusa Justi Reuberi SS. Germanicorum collectio, Hanoviae ex

1) Insigne oscitationis ejusmodi exemplum habes in not. ad Lib. IX. v. 35 sq. cf. Radevic. Frising. L. II. c. 9.
2) P. XLIII.

Typographeo Wecheliano, sumtibus Danielis et Davidis Aubrii et Clementis Schleichii 1619. folio. ¹⁾

Iterata tantùm editio quinta eaque nec aucta nec emendata. Secunda nobis audit in annotationibus.

Devenimus ad octavam eamque ultimam adhuc Ligurini editionem, ejusdem collectionis Reuberianae denuò recusae curante Georgio Christiano Joannis. Francof. ad Moenum MDCCXXVI. folio. Inibi pag. 407:

Guntheri Poëtae clarissimi Ligurinus, sive de rebus gestis Caesaris Friderici I. Aug. libri X. Cum scholiis et annotationibus Jacobi Spiegellii, Conradii Rittershusii et Casparis Barthii.

De suis in Ligurinum curis ipsemet Georgius Christi. Joannis ²⁾:

Paucis exponam, quid in nova hac editione opera mea praestitum sit. Enimvero cum recognoscendis his Guntheri libris me dedi, editionem secutus sum Rittershusianam, quippe optimam; ut tamen, quod ad argumenta librorum, quae junctim ille, simulque initio operis imprimi curavit, Spiegelii Reuberique, qui singula singulis praefixere libris, presserim vestigia. Dein suasu virorum quorundam, ut literarum, sic munerum ac meritum gloria amplissimorum, notas Rittershusii Spiegelianis inserui, quod et raro admodum inveniantur, et tamen luculentae prorsus sunt, ut merito Vossio ³⁾ audiunt et Sagittario ⁴⁾, doctissimaeque, ut Struvio. ⁵⁾ Inserui autem non eas modo, quas doctissimus auctor olim Gunthero subjecit, ac an. MDXCVII. Tubingae edidit, sed illas etiam, quas postea margini exemplaris sui adlevit; Consultissimus vero vir, multisque nominibus non de academia solum Aitdorfna, in qua jus Cano-

1) Praefat. Edit. sequentis p. 2. 2) Praefat. p. 413 sq.
3) De Historicis lat. Edit. cit. p. 254. 4) Introd. in Hist. Eccles.
c. 24. §. 39. p. 629. 5) Biblioth. hist. c. 7. §. 14.

nicum et Publicum magna nominis sui celebritate proficitur, sed de universa etiam re literaria meritis Eucharis Gottlieb Rinckius, benevole mecum communicavit; quin, praeter has Casparis quoque Barthii manuscr. quas nobilissimus Fellerus olim hunc in finem contulit; paucas quidem numero, easque breves admodum, quae tamen auctorem interdum emendant, interdum luce aliqua perfundunt. Ut autem noris, quae cujusque sint, Spiegelianas lit. Sp. Rittershusianas lit. R. Barthianas lit. B. ubique apposita notavi.

Verissima quidem omnia, quae vir celeberrimus de suis in Ligurinum laboribus hîcce profert, nec erit qui Reuberianam hanc editionem inde praestantiorē longē redditam inficietur. Modò omnes omninò Spiegelii ac Rittershusii adnotationes tanti non duxisset, ut illas integras adderet. Aucta hinc sine fructu voluminis moles et lectoris incommoda. Quippe quod textus veluti cymba in Oceano, ita in notis natat, oneratque potius lectorem quam juvat. Praeterea de suis parùm aut immò nihil addidit Joannis, qui singulari profectò studio vitam omnem atque doctrinam in id semper impendebat, ut aliorum faeces purgaret atque nomen efferret. Quomodo verò Rittershusii textum à se adhibitum dicat, non facillè capio ¹⁾, siquidem ille argumenta ab Rittershusio uno ordine, simulque initio Ligurini praefixa monet, quod manifestò falsum ostendimus. Quod reliquum est, virum clarissimum eadem bonâ fide Rittershusii tam ipsius monita, quàm aliorum petita, transtulisse deprehendi, quo factum est, ut nonnullos quoque Rittershusii errores, ipsasque mendas typothetae transsumserit.

Subjungere lubet huic editionum catalogo nonnulla de duabus aliis, quae lucem non aspexerunt. Primam earum seriò meditata erat vir solo nomine laudatissimus Johannes Fridericus Gronovius, cele-

1) Tamen prae oculis habuisse vel ex hoc intelligas, quod corruptum Oeglini typographi nomen accusat.

quae lucem adhuc viderunt, adversariorum libri LX, eamque minus illustrando Ligurino, quàm aliis ex illo scriptoribus, inservientem. Alias itidem paucissimas debemus nobili officio Felleri erga Geo. Christi. Joannis, quas ille suis locis apposuit. At verò ditissimam segetem in subductis adversariorum CXX libris mscis latuisse, testibus idoneis comperimus; quos inter cūprimis appellandus Christianus Daumius, aequalis et familiaris, de iis ita locutus ¹⁾:

Gunterum Poëtam cum notis marginalibus totum jam olim oppleverat, nondum tamen in *tres* illos *Tomos* praeter quae in I. Librum animadvertit, omnia exscripsit. Totus autem *centesimus octogesimus liber adversariorum* libro Gunterī secundo dicatus est; his verbis incipiens, quae exscribam, ut garrulitati meae, nec minus fidei satisfaciam: „*Gunterum Germanici stirpis et nominis scriptorem, Poëtam sequiorum omnium longè praestantissimum, recensere exorsi, ad librum ejus secundum progressi sumus.*“ —

Obsoleta penitùs exinde schedarum Barthii memoria, nostris hisce temporibus fortuità eruditi Gallici de illis quaestione resuscitata est. ²⁾ Et faustis ea quidem auspiciis, cū desideratissimum illud bibliopolae Lipsiensis Friderici Rochii commercium literarium paullò pòst institutum, quaestionem denuò susceptam strenuè prosequeretur. ³⁾ Nec dubitandum, quin ad certa demum indicia multorum consilia perduxerint, ni fatis iniquis optimum illud institutum auctoris funere concidisset. Siquidem eo perventum jam erat, ut veluti digitis ulterior investigandi modus monstraretur, et valde

1) Epist. ad Reinesium in: Thomae Reinesii Epist. ad Christi. Daumium ed. J. A. Bosio Jenae 1670. 4. p. 77. 78.

2) Allgem. Literar. Anz. 1797. No. 151. p. 1557 sq. 2) Allgem. Literar. Anz. 1798. Nro. 74. p. 763 sq. — 1799. Nro. 182. p. 1815 sq. Nro. 199. p. 2016 sq. — 1800. Nro. 203. p. 2016 sq. — 1801. Nro. 180. p. 1729 sq.

etiam suspicor, magni cujusdam nominis eruditi famam haud parùm periclitatam fuisse, si res ultra processisset. Gravissimi ponderis indicium postremò suggererat ipsemet ille Fridericus Rochius, candore nobili simul ac temperato. Nam quantâ cupiditate non minùs ac impudentiâ quidam eruditi Barthii posthumis inhiarint, in ipso praetantis viri statim funere observatum est, eoque notabilis Daumii locus 1):

Barthii τον μαχαρίτον (cras sepeliendi) Adversariis imminuerunt jam dudum, si non tagaces at retentrices invita nobilissima Vidua manus. Ea nimirum sibi assertum ivit Matthaeus von der Lage, sed publicè ea restituere coactus, voto Epicedium meum deproperatum, at postea aliqua emendatius transmissum corrigendi, haud satisfecit.

Annotationum itaque Casp. Barthii, praeter paucas illas editas, deflenda adhuc jactura est. Pars minor quidem in adversariis, quas ad CLXXX modò librum continuatos, eumque Ligurini secundo deinùm dicatum percepimus; reliqua maxima in schedis, ni forsan alterutrum aliquando protrahatur. Earum quae vidimus brevissimae omnes, plerumque nudae, saepiùs audaces, haud rarò felices, aliquoties temerariae et solâ memoriâ profluentes 2), ut fermè subitae. Nimirum Barthius ingenii ac judicii acumini et immensae doctrinae de suis optima quaeque debet, meditationibus parùm. Hinc quoque non aliis, tantùm suimet, exemplum, ac omninò viris accensendus, quos quidem rectiùs suspicias quàm imiteris.

1) L. a. p. m. 223. 2) Exemplum habes in adversariis d. 1259, ubi: Gunterus non ineptus poeta L. III. v. 220.

— — — *vix haec stimulatus Apolline toto*

Vel Maro vel magnus fatis aequaret Homerus.

Ita legendum, cum factis perperam edatur. — At verò nulla prorsus editionum neque factis, neque fatis: omnes omninò verbis, ut ipse Barthius aliò reddit (advers. p. 2529).

Feruntur et Lipsii, Casauboni et Heinsii, summorum virorum in Ligurinum emendationes, quas quidem omnes videre nondum contigit. Meminit illarum unus, quem sciam, Withofius, in illo titulo nuntiatae editionis. Frequens illi cum doctis Batavis, imprimis Burmanno praeceptore commercium, et cum studiis eorum familiaritas, quae editarum aequae ac ineditarum ejusmodi adnotationum copiam fecisse potest, et vereor ne virorum illustrium conjecturas quasdam, ut aliorum, occuparit. Egomet autem, ut saltem illis uti quandoque liceat, monstrante manu cujusdam eruditi nostris laboribus faventis, vehementer optarim.

De ipsius Withofii in Ligurinum specimine, quod ad formulas ac editiones jam diximus. Extant autem et aliae viri doctissimi in Ligurinum conjecturae, quibusdam ab illo editis quasi ludendo dispersae. Ita locum Ligurini felicissimè emendatum legimus: *Orationi in memoriam confessionis Augustanae*¹⁾ subjectum. Plurimas autem, ipso teste, seorsum²⁾ exhibitas, precibus publicè prolatis huc usque frustra deprecimur. In conjiciendo Withofius non rarè felix, quantum quidem assequi potuit acumine vel memoriâ veterum; idem verò mediae latinitatis non admodum gnarus, et in ipsis Ligurini fontibus nequicquam versatus. Inde factum, ut auctori aliquoties affingat contra indolè ejus aevi, nimirum cuncta paenè revocans ad normam antiquae venustatis, quod critices modum excedentis vitium et in aliis advertimus, eòque de corruptissimo Ligurini textu nimias querelas magnam partem existimes. Grande

1) Duisburgi 1727. fol. 2) Kaiser Friedrichs erdichtete Kopfstretung, ganz neue Beweisthümer nebst einer Stelle aus Gunther. vier Stücke. Duisburg. Intelligenzbl. 1737. Nro. 5 sq. Funfzehn Discurse von den vornehmsten Thaten und Verrichtungen Kaisers Friedrich Barbarossa, nebst Ausbesserung vieler merkwürdigen Stellen aus Guntheri Ligurino. Ibid. 1747.

praeterea supercilium, audacia petulans ¹⁾ et inverecunda temeritas in judicandis aliis. Denique non paucas emendationes à Pithoeo, Rittershusio, Barthio praeoccupatas invenimus, easque singulis restituendas putavimus. Quippe quod Withofii temporibus octava jam editio pridem innotuerat, eumque fortuitò convenisse neque probari possit, neque adeo censi.

Recentissimae, quas novimus, in Ligurinum conjecturae sunt Corn. Valerii Vonckii. Exiguus autem carum numerus et rarius acumen, ut si tres quatuorve exceperis, reliquae depravent potiùs textum quàm adjuvent, neque omninò ego doctissimi auctoris et illustris cum illo Saxii iudicio subscribam: plures perinde maculas Ligurini libris fuisse abstersas.

1) Audacissimum criticum appellat van Staveren in *Miscellan. observat. crit. novis.*

FRIDERICI I. IMP. AUG. PARENTES ET FILII.

Fridericus de Buren. Hildegardis.

Otho
Episcopus
Argentinensis.
Fridericus I de *Buren*, tum de *Staufen*,
Comes in Sueviâ, post Sueviae Dux.
Uxor : *Agnes F. Henrici IV.* Imp. post mariti
obitum nupta *Leopoldo IV.* Austriae Marchioni.

Ludovicus,
Comes Palatinus.
Chunradus.
Adelheidis.

Fridericus II. Monoculus, Luscus, s. Cocles, Sueviae Dux,
patru succedens. Uxores : 1) *Juditha F. Henrici Nigri*
Bavariae Ducis et *Wulfidis* Billungae Saxonicae. 2) *Agnes F.*
Friderici Comitis de Saarbruck.

Chunradus Dux Franconiae Heribipolensis, tum
regni Italiae invasor, demum Germaniae Rex
hujus nominis *tertius*. Uxor : *Gertrudis*
F. Berengarii Comitis de Sulzbach.

Fridericus III. Sueviae Dux; post
Germanor. Imperator hujus nominis
Petrus. Uxores : 1) *Adelheidis*
s. *Adila*, Fil. *Diepoldi de Vohburg*,
arripudata : nupsit *Diethoni de Ra-*
gensburg Ministeriali. 2) *Beatrice*
F. Canica et haeres *Raynaldi III.*
Hogundiae Comitis, et *Agathae*
Hoharingiae.

¹
Juditha
s. *Bertha*.
Uxor
Matthaei
Ducis Lo-
taringiae.

²
Chunradus

Comes Palatinus
Rheni. Uxor :
Irnengardis F. Ludovici
Bertholdi Comitis
Henneberg. et
Berthae Palatinae
Saxonicae.

²

Claritia
s. *Juditha*,
Uxor :
Ludovici
Ferrei
Landgravii
Thuring.

Henricus
Puer elect.
Germaniae
Rex,
mortuus
superstite
patre.

Fridericus Dux Sueviae
dictus à sede de *Rothen-*
burg. Uxor : *Richenza*
s. *Richsa F. Henrici*
Leonis Saxoniae et *Bar-*
thae Ducis et *Clemen-*
tiae de *Zaebringen*.

Fridericus
Imperator
hujus
nominis
sextus.
mortuus in
obsidione
urbis Aca-
ron in
Syria.
Imperator.
†

Otho

Comes
Palatinus
post fratrem
Bur-
D. Sueviae.
gun-
diac.
in oppido
Durlach.

Chunradus

Comes
Palatinus
Rheni,
mortuus
apais.

Agnes

Comitissa Palatina
Rheni, nupta
Henrico Juniori
Duci Saxoniae,
Henrici Leonis
filio, Comiti Pa-
latino Rheni.

Fridericus

in infamia
mortuus.

* Filiae duae ante nuptias mortuae, Soldano Iconiensi et Richardo C. Pictav. despons.

IN LIGURINUM DISSERTATIO II.

DE ORTU, GENERE ET REBUS GESTIS FRIDERICI I.
AUG. PRAESERTIM IN PRIMO REGNI DECENNIO.

Famam extendere factis.

VIRGIL.

§. 1.

*Antiqua Stauffensium sedes et prima gentis
incrementa.*

Inter familias Germanorum illustres, quae virtuti fortunâ comite diutino regni fastigio potiebantur, praecipuam longè sibi dignationem conciliavit Stauffensium inclyta progenies. Etenim à primis veluti famae auspiciis adusque postrema nepotum fata pro Caesarum et Imperii juribus illa fortiter stetit, et incorrupto gestorum tenore servans regni majestatem, gloriosissimâ morte occubuit. Antiquiorem autem Stauffensium sedem in Sueviae partibus orientalibus, oppido pridem imperiali libero Gemundae vicinis, et nominatim in loco Buren ¹⁾ haud ineptè quaesiveris. Manent adhuc

1) Egregiam illarum regionum, et in primis castri Stauffensis cum adjacentibus monumentis, descriptionem suppeditant: è seculo XVI. Mart. Crusii Annal. Suev. P. III. L. XII. c. 35. et passim; recentissimam verò faciem: *Die Wallfarth nach Hohenstauffen*, in optimae frugis libello, cui titulus: *Herda; Erzählungen und Gemaelde aus der deutschen Vorzeit* etc. von J. G. Pahl. Zweyt. Thl. Freyburg 1812. p. 151 sqq. — Inibi p. 175 illa de Buren conjectura, cui penitus subscribimus ex gravissimo Wibaldi testimonio. Epist. 384. (Martene et Durand. T. II. p. 557.) cf. Schoepflin Alsat. illustr. T. II. p. 547 sq.

in ea regione priscae memoriae vestigia, nimirum vicus nomine Waeschenbeuern, et in conterminis pratorum tractus, vocabulo Buren hodieum insignis. Castrum Hohenstauffen Fridericus I. adulto ferè seculo XI. contiguo monti vel inaedificavit, vel certè restituit, atque solenni tunc temporis more gentis cognomen inde transsumsit. Erat iste Fridericus Comes ab Henrici IV. Imperatoris partibus contra Rudolphum Anti-Caesarem; vir probus et bello strenuus, animo constans et fide. Itaque Caesari gratissimus et rerum suarum auctor et vindex in hisce finibus constitutus, opimum Sueviae Ducatum, Rudolpho rebelli ademptum, Regisque unicam Agnetem filiam uxorem promeruit.

§. 2.

Fridericus II. cognomine Cocles s. Monoculus, Imperii candidatus; ejus gesta ad Rhenum.

Illico adauctae Stauffensium opes, indulgente quoque nepotum studiis Henrico V. avunculo. Quo factum, ut mortuo tandem Imperatore Fridericus II. Friderici I. filius et Suevici Ducatus heres in spem Imperii consurgeret, voti compos extiturus, ni Moguntinum Archiepiscopum adversarium habuisset. Is enim Stauffensium acerrimus hostis, Friderici consilia calidè praeveniens, pro Lothario Saxona Procerum suffragia festinavit.²⁾ Scilicet idem ille Moguntinus, Henrici V. Caesaris olim Cancellarius, ejusque praecipuo favore Germaniae Primas evectus, beneficiorum usque immemor proditorem agebat. Quapropter custodiae

2) Ea tempestate Comes quidam Fridericus ex nobilissimis Sueviae Comitibus cognomen trahens, in castro Stoyphe dicto, coloniam posuerat. Otho Frising. de gest. Frid. I. L. 1. c. 8. 2) Anonymi narratio de electione Lotharii ap. Pezium, SS. rer. Austriac. Tom. I. p. 570 sqq.

māncipatus, et brevī pòst tempore civium armis restitutus, nihil non in Imperatorem absentem infesto animo moliri, infima summis ubique miscère. Tunc verò Sueviae Dux ille Fridericus cum exercitu Rhenum trajiciens, validā quoscunque motus auctoritate compescuit. ¹⁾ Mox ipsam barbarum officinam, Moguntiam bello adortus, obsidione cingebat, militibus utcunque suis à vastatione prohibitis. Deinde Treugas expetenti versutissimo Praesuli liberaliter concessit, ipse exercitu dimisso cum paucis ad propria reversurus. Quem statim Episcopus cum numerosā militum manu, contra sacramenti fidem, insecutus, undique circumventum perdelere parabat. At ille subito dolo nequicquam turbatus et periculis major, collecto paucorum comitum manipulo in Moguntinos irruens, ingenti editā strage aggressores profligavit, fugientibus adusque portas caedendo insistens, ut paucissimi tantum ultorem ensem evaderent. Summum tunc ipsi Praesuli discrimen imminchat, qui vix intra moenia receptus, civium diras ac paenē et arma in se convertit, funesti facinoris auctorem Episcopum, orbataeque parentum domos immani fremitu execrantium. ²⁾ Hinc inimicissima viri in Suevum studia, et pro Lothario surreptus Principum favor. Quid enim acerbius offensā ignaviā? quid vehementius odio sacerdotis?

§. 3.

Stauffensium fratrum cum novo Rege Lothario simultates.

Fridericus creptum sibi regnum indignissimē ferens, vix tandem tertiā post electum die, multorum precibus

¹⁾ Plurima per totam Rheni ripam castella munivit, ut in proverbium verteret: *Dux Fridericus in cauda equi sui semper trahit castrum.* Otho Frising. l.c. c. 12. ²⁾ Ibid. c. 13.

exoratus, in curiâ Regem salutavit; spretis omninò CC. Marcis in beneficium oblati. 1) Eòque ambigua videri Ducis voluntas, prouti rarò principatus novi suspicionibus carent. Mox factum in curiâ Ratisbonae decretum: *Feuda indignis ablata non Regis patrimonio, sed regni bonis vindicanda.* 2) Quod quidem apertè directum in Stauffensium opes Lotharius avidè nimis exsequebatur, ad regnum plurima revocans, quae Suevi fratres retinebant. Fridericus hostis judicatur in proximâ curiâ Argentinensi; Rex postero vere in Ducem movet. Fortè tunc absens erat Chunradus frater, Dux Franciae Orientalis, laborantibus nuper in Palaestinâ Christianis cum electâ militum manu in auxilium profectus. 3) Totius igitur belli moles Friderico incumbere, qui prudenti consilio praeliorum discrimine vitato, munitisque se continens Alsatae castris, quoscunque inimicorum conatus elusit incolumis. 4) Interea redux ab expeditione Chunradus, junctis repente viribus communem causam agebat, infensior idem et perniciosior hostis. Occupatum à fratribus castrum Norimbergense, validoque praesidio ad subitos casus instructum. Contra Lotharius Bavariae Ducem Henricum, Stauffensium generum, sibi adscivit, unicâ filiâ Gertrude in matrimonium collocatâ. 5) Magnum illud Regis partibus momentum addidit, non modò divisis verùm etiam commissis utriusque familiae studiis. At novam fortunam importuniùs Rex tentabat, Norimbergam extemplo suis armis aggressus. Adventantibus nimirum Suevis, obsidione desertâ, neque et pugnam quidem ausurus, cum

1) Anonymi narrat. cit. §. 7. p. 573. 2) Dodechini Append. ad Mar. Scotum ad ann. 1125. 3) Chron. Ursp. ad ann. 1124. 4) Annal. Saxo. ad ann. 1126. 5) Idem ad ann. 1127. — Fridericus Henrici sororem Juditham in matrimonio habuerat, anno antè defunctam. Koeler Familia Aug. Stauffens. p. 9.

ignominiâ discessit. Contra reversi victores, veluti frugis aliquid acturi collecto exercitu, Spiram oppidum, expulso Praesule, facili triumpho occupavere.

§. 4.

Chunradus regnum affectat.

Vigentibus itaque Stauffensium armis multorum studia conferri; ipsi animis elati majora quaeque moliri, ad spem Imperii reverti. Jamque Chunradus, Friderici fratris et amicorum hortatu Regis titulum sibi assumens, in Italiam contendit, ubi cū primis Mediolanensium ingenti plausu exceptus, ab Anselmo Archiepiscopo primū Modoëtiæ, deinceps Mediolani Rex Italiae coronatur. ¹⁾ Inde Lombardicas ambiens civitates, largitionibus aut armis in suas partes plurimas pertrahebat, nisi quas Mediolanensium potius quàm caussae invidia retinuit. ²⁾ Sed auspiciatos usque rerum eventus haud parū subito turbavit Honorius Pontifex. Is enim addictus Lothario Regi, quem electum probaverat, inaugurandum expectabat, adeòque raro temporum exemplo Romani populi securus, adventantem per Tusciae fines Chunradum nil veritus, et Urbe prohibuit, et unā cum Friderico fratre solenniter diris devovit. ³⁾ Fulminis ictum fatalem prae caeteris reddidit ratio status, dum ex unā parte nobilissimae quaedam civitates Mediolanum odissent, ex alterā Rogerii Siculi metus immineret, utrinque pondus ad cresceret favori Romano. Eoque tabescere Chunradi fortuna, desciscere comites exhaustā pecuniā. Ipse Parmae plerūque se

¹⁾ Landulph. Jun. Hist. Mediol. c. 39. (ap. Murator. SS. rer. Ital. T. V. p. 510 sqq.) ²⁾ Lithifridi Novariensis Epist. ad Lothar. (ap. Eccard. corp. hist. med. aevi T. II. p. 364. Nro. 354.) cf. Landulphus l. c. p. 512. ³⁾ Otho Frising. Chron. L. VII. c. 17. Annal. Saxo ad ann. 1128.

continens, coacto otio torpebat. Eundem civitati graviter obaeratum et veluti captivum haesisse, vel ex hoc intelligitur, quòd Mergingerum Archiepiscopum Trevirensis Româ revertentem, in itinere captum Parmensibus obsidem tradidit contracti aeris alieni. Fuerat autem iste Mergingerus, dùm in Germaniâ degeret, Suevorum studio suspectus, et fortè pallium acceperat, ut Lothario faveret; certè nunc missus ab Honorio cum anathemate promulgando. ¹⁾ Tandem ipse Chunradus appropinquante Lothario Rege, desperatis omninò rebus, clam ex Italia recessit ²⁾, et nescio si non obside Trevirensi liberatus, quandoquidem tempus exactè convenit.

§. 5.

Bellum cum Suevis in Germania.

Haec dùm apud Italos geruntur, Fridericus domi sustinet hostium impetus, uxore viriliter adjuvante ³⁾; neque illi quidquam proficere, donec singuli pugnant. Henricus ne vultum quidem Friderici ferens, probrosâ fugâ dilabitur ⁴⁾, ad dolum frustra conversus majore dedecore. ⁵⁾ Rex autem à Spirâ, quam obsederat, pactis induciis removetur. ⁶⁾ Tùm junctis uterque viribus Spiram rursus infestat, non nisi longâ obsidione nec absque pacto capiendam. Nimirum uxor Friderici Ducis oppidum strenuè tutata, rebus demùm extremis, inediae magis quàm armis concessit. Ipsa summâ virorum admiratione excepta, cum suis liberè dimissa

1) Saxii adnot. in Sigon. de regno Italiae L. XI. p. 659. (Ed. Murator.) Corrigendus ideò Mascov. in Comment. de Lothario II. etc. p. 23. 2) Otho Frising. l. c. c. 18. 3) Nimirum alterâ, Agnete F. Comit. de Saarbr., et nepte Alberti Moguntini Archiepiscopi à Friderico debellatâ. 4) Otho Frising. de reb. gest. Frid. I. L. I. c. 18. 5) Ibid. c. 19. 6) Annal. Saxo ad ann. 1128.

et à Rege donata, cum ferè omnium indigeret. ¹⁾ Atque ex eo nutare Stauffensium opes, instante potissimum Henrico Bavaro, qui paenè totum Sueviae Ducatum, ad castrum Stauffen usque pervadens, igne ferroque devastabat. ²⁾ Mox etiam dedita Norimberga expugnante Lothario. ³⁾ Repetitae praeterea dirae per Innocentii legatum in curiâ Wirceburgensi, praesentibus XVI Episcopis. ⁴⁾ Verùm etiamnùm superstes animo Fridericus Regi obluctabatur, qui cum exercitu Ducem aggressus, pugnae copiam illo non faciente, infecto negotio discessit.

§. 6.

Stauffenses supplices in gratiam recepti.

Rex in Italiam profectus cum parvâ manu ⁵⁾, Pontificem exulem Innocentium strenuè Romam perductum, in sedem restituit, coronatus ab ipso Romanorum Imperator in aedibus Laterani ⁶⁾, dum S. Petri Basilicam Anacletus Pseudo-Pontifex, factionis opibus fretus, custodiret. ⁷⁾ Inde plurimis per Italiam negotiis feliciter gestis, magnam sui admirationem utrique populo sancivit, validissimis suorum studiis in Germaniâ exceptus. Unum adhuc Mediolanum Chunradi partes tuebatur, nihil auso Lothario in urbem praepotentem. ⁸⁾ Contra pridem Anselmum Praesulem Honorius Papa defunctus, convocato post Chunradi discessum ⁹⁾ Papiæ concilio, sacris interdixerat, brevi sede cessurum. Itaque Duces Stauffenses desertâ caussâ resipiscere, praeunte Fridrico in curiâ Faldensi. Quippe Bavarus Henricus,

7) Chron. Ursperg. p. 277. (Ed. Basil. 1569.) 7) Ibid. eadē. 3) Annal. Saxo. ad ann. 1130. 4) Ibid. 5) Mascov. l. c. c. 27. p. 43. 6) Annal. Saxo ad ann. 1133. 7) Otho Frising. chron. L. VII. c. 18 fin. 8) Mascov. l. c. adnotat. III. in f. p. 329 sq. 9) Landulph. Jun. Hist. Mediol. l. c. ibique adnotat. cl. Saxii p. 512.

decreto nuper in Suevos bello, Imperatorem praevertens extrema conatum praesidia, munitissimam Ulmae civitatem primo impetu captam, incendio deleverat ¹⁾, ut Imperator superveniens Friderici tantum clientes imploratâ fide reciperet. Tunc Dux ad incitas redactus Richenzam Augustam Fuldae supplex adivit, in conspectum Imperatoris non admissus, sed dicto die in proximam curiam, diris illicò solutus per legatum apostolicum. ²⁾ Anno sequenti Fridericum fortissimum Ducem coram Lotharius Imperator supplicem vidit in frequentissima curiâ Bambergae celebratâ. Duram profectò viri sortem, at non usque immeritam; neque adeò facile dictu est, utrum tanti rigoris exemplo magis imperii dignitati et reipublicae commodis, quàm propriis animi stimulis Imperator intenderit. Fridericus autem praeter pudorem ac juratam Caesari obedientiam absque noxâ dimissus, ad Italicam expeditionem sua robora spon-
dit ³⁾; graviora forsitan passurus, nisi Pontifex ob Rogerii Siculi metum totis viribus urgens expeditionem, conciliandis Principibus omne studium impendisset. ⁴⁾ Chunradus autem Fridericum fratrem è quinque mensium intervallo secutus, neque easdem penitus veniae leges, neque eandem etiam cum illo sortem habuisse videtur. Atque is Regem quidem in plenâ Mulhusae curiâ pariter supplex adivit, solutus in praesentiâ diris à Chunrado Praesule Magdeburgico, sed majore cum facilitate in gratiam receptus, pristinae quasi dignationis favorem expertus est. Etenim ipsi Lotharius primum inter Duces locum adsignavit, omnia sua restituit, traditoque Imperii vexillo regiae proximum personae adscivit. ⁵⁾

1) Annal. Saxo ad. ann. 1134. 2) Idem ad ann. 1135.
3) Ibidem. 4) Idem ad ann. 1136. 5) Annal. Bosoviens. ad ann. 1135. (ap. Eccard. Corp. Hist. med. aevi T. I. p. 1011.) Gotfr. Viterbiens. Pantheon Parte XVII. (ap. Muratori. L. c. T. VII. p. 459.) Landulph. Mediol. l. c. c. 41. Non

Caeterum Chunradus ad propositam expeditionem Italicam suum auxilium pollicitus, non modò integrum adduxit, sed Imperatorem cummaximè Principum consilio manuque fortiter adjuvit, ut omninò potiùs animi generosi stimuli, quàm conscientiae tanta officia censeantur. Itaque novem annorum immania bella, satis aequà conditione sopita, tandem conquieverunt; eò magis funesta Reipublicae Germanicae, quò major certantium potentia, et perniciosius paci publicae virorum exemplum.

§. 7.

Lotharii obitus; Chunradus Rex Germanorum.

Non diu piissimus Imperator laborum commodis et partâ victoriâ fruebatur, mox ordinatis utcunque Germaniae rebus Italiam iterum profectus, penates nunquam revisurus. Etenim senio gravis in ipso reditu morbo corripitur, atque nihilo seciùs cupidinè patriae festinans, in Tridentinae vallis ignobili viculo malè viribus occumbit ¹⁾, maximum sui desiderium universis relinquens. Mortuo autem sine filiis Lothario, summam imperii spem et habebat et meditabatur Henricus ille Bavarus, qui praeter sanguinis affinitatem et rerum in Italiâ gestarum famam insigni potentiâ eminens, defuncti favorem ac tradita regni insignia prae se ferebat. ²⁾ Sed idem fastu tumidissimus, cunctorum invidiam in expeditione Italicâ concitarat ³⁾, adhuc ipsâ potentiâ suspectus. Contra Chunradus ereptae dignitatis mise-

audiendus Annalista Saxo ad h. a. rerum tenorem adnotatione malignâ conspurcans, prout manifestò in Suevòs studio scripsisse agnoscitur. ¹⁾ Die 3. Dec. 1137. Othon. Frising. Chron. L. VII. c. 20. Anna. Saxo ad h. a. Chron. Ursperg. p. 278 med. ²⁾ Otho Frising. de reb. gest. Friderici I. L. I. c. 22. ³⁾ Mascov. l. c. L. II. c. 2. p. 115.

ratione, liberalissimis in pares et minores officiis, et auctoritate praesertim Trevirensis Episcopi, quem amicissimum habuit, commendabatur. Nimirum vacante tunc sede Moguntinâ, cum infensissimus ille Stauffensium hostis Albertus paulò antè decesserat, rerum summa pene Trevirensi. ¹⁾ Juvabant etiam Friderici fratris integerrima studia ²⁾, propriaque Chunradi in rebus agendis dexteritas. Is enim gliscentibus inter Henricum Bavarum et Albertum Ursum Brandeburgicum simultatibus opportunissimè usus, gravem in aemulum adversarium commoverat. Itaque convocatis per Trevirensis comitiis ad Confluentes ³⁾, praesentibus Trevirorum ac Wormatiensium Episcopis et cum ipso Chunrado fidissimo fratre Friderico, votis unanimis renunciatur Chunradus Rex Germanorum ⁴⁾ adnitente modis omnibus Theodevino Cardinali ⁵⁾, patria Suevo ⁶⁾, Pontificis Innocentii II. Legato. Mox deductus Aquisgranum in divi Caroli sedem antiquo ritu elevatur ⁷⁾, peragente sacrorum solènnia praedicto Theodevino, dum Coloniensis adhuc pallio careret. Adeoque tandem post varios fortunae casus et ingentes labores roti compos nobilissimus Chunradus, Augustam Stauffensium seriem faustis auspiciis inchoavit.

§. 8.

Electio frustra impugnatur.

Maximam, uti par erat, consternationem rei nuncijs Henrico Saxona-Bavaro ejusque amicis incussit. Omnes illegitimam electionem et surreptam clamitare ⁸⁾,

1) Mascov. l. c. L. II. c. 2. p. 115. 2) Otho Frising. l. c. 3) Die 22. Febr. 1138. 4) Otho Frising. Chron. L. VII. c. 22. 5) Ibid. 6) Chron. Luneburg. ap. Mascov. l. c. p. 117. n. 4. 7) Die 6. Martii. 8) Otho Frising. Chron. L. VII. c. 22. Annal. Saxo ad ann. 1138.

multi quoque per Bavariam Optimates, cū primis Episcopus Salisburgensis, venerabilis senex, facta improbare, crescentibus per Saxoniam bellorum turbis. Rex autem Chunradus imperium validè exercens, Bambergae diem indicit, ibique curiam celebrat festo Pentecostes. Conveniunt plurimi Saxoniae Principes cum ipsâ Richenza Augusta, Regemque metu salutant. 1) Contra superbus Henricus et plerique Bavariae Proceres adhuc desiderantur. 2) Quapropter Chunradus in mediam Bavariam diem ultra constituit, Ratisbonae celebrandum. Et hîc quidem Salisburgensis ex regni pace consultans, unâ cum aliis Principibus viri exemplum secutis, Chunradum Regem adivit. Quem Dux Zaringiae Chunradus in plenâ curiâ ad praestandum Regi homagium ultrò compellens, responsum tulit: „*Videte, Domine Dux, quia si plaustrum essetis, boves praecurrere non dubitaretis. Inter me et Dominum Regem sic caussa determinabitur, ut nullum nostri in hac caussâ curam habere sentiatis.*“ Rex autem graviora virorum convicia reformidans, commotum Ducem, aversâ manu os ejus amicè comprimens, à responsione compescuit, simul coràm testatus: *nil ab Episcopo se velle, nisi bonam voluntatem.* 3) Quae Regis verecundia non modicum universae curiae favorem excitans, clericorum praesertim animos ad illum convertit. Atque etiam praesens Henricus Bavarus, jam nunc de suis omninò, spe regni positâ, sollicitus, magnisque promissis inlectus, insignia tradit. 4) Cū autem de diversis utrinque conditionibus non conveniret, prorogato die Vindelicorum Augustam, curia dimittitur. Nimirum receptis,

1) Otho Frising. l. c. c. 23. Annal. Bosoviens. ad h. a. p. 1012. cf. Mascov. l. c. p. 119. n. * 2) Dodechinus ad ann. 1138. p. 472. 3) Vita Chunradi Episc. Salisb. cap. 4. 4) Otho Frising. l. c.

quae magni semper momenti fiebant, regni insignibus, jam in alia quaeque mentem intendens, parùm de pace Chunradus cogitasse videtur.

§ 9.

Desertum negotium, Henricus proscriptus.

Ancipitem valde ac periculosam fore pactionem, ipsa rerum natura portendebat, tùm verò calamitatum recens memoria, perpetua belli scintilla. Et Henricus quidem Bavarus Regem Augustam insecutus, cum numerosâ satis militum copiâ, non procul ab urbe, Licum flumen insedit; Rex intra moenia pacatus agebat. ¹⁾ Frequentes utrinque nuncii ac mediatores ambulare, neutro paciscentium alteri condonante. Quippe Chunradus nonnulla Ducis beneficia reclamabat à Lothario concessa, quae cùm Henricus minaciter pernegaret, Rex viri consiliis ac loci rationibus diffidens, et fratris exemplo territus, abrupto negotio ex urbe noctu discedit, cum paucis fidelibus Franconiam contendens. Mox celebratâ Wirceburgi curiâ Henricus subito proscribitur, sanè praecipiti nimis iudicio, nec illo Rege condigno. Chunradus autem posthabitâ regni et majestate et salute, tantùm animo indulgens, in proximâ statim curiâ Goslariensi Saxoniae Ducatum Alberto Brandeburgico, Henrici acerrimo hosti, indeque Bavarum profectus, ejus terrae Ducatum uterino fratri, Leopoldo V. Marchioni Austriaco adjudicavit. ²⁾ Huic autem Regis violentiae paucissimi Principes accesserant, ut curiae praesertim Goslariae et Quedlinburgi paenè privatæ censerentur. ³⁾

¹⁾ Chron. Ursp. p. 279. ²⁾ Otho Frising. Chrou. L. VII. c. 23. ³⁾ Annal. Saxo ad ann. 1139. Nimirùm insignis inter curiam privatam et plenam s. solennem differentia et omninò diversa utriusque auctoritas. Illa Regem comitabatur, in hac publicè tractata negotia et certa Principum munera.

§. 10.

Bellum Saxona-Bavaricum; pugna ad Weinsberg.

Traditum utrique Principi Ducatum Leopoldus Austriacus ¹⁾ et Albertus Brandenburgicus nil morantes occuparunt. Et hic quidem praecipuus novae dignitatis, latè per Saxoniam armis grassabatur, neque suscepta solùm jura, sed quoslibet Lotharii fideles potestati vindicaturus. ²⁾ Pridem ille, mortuo statim Imperatore, cum Henrico Bavaro de Saxoniae Ducatu ex jure haereditario disceptans, et à plurimis ejus amicis, ipsâque Augustâ Richenzâ, junctis viribus impugnatus, praelio victor discesserat. ³⁾ Jam verò saeviores longè motus per Germaniam efferbuerunt, et quae secundis minùs claruerat, in adversis emicuit Henrici virtus. Etenim è paucis, qui viri fortunae steterant, non nisi quatuor assumtis, in Saxoniam contendit, reliquis specie peregrinationis variis itineribus secutis. Atque cum his Albertum Brandenburgicum repentinò adortus, direptis plurimis ejus castris, toto Ducatu breviter dejectum ad Regem confugere compulit. Tùm ipsum quoque Chunradum cum exercitu supervenientem, ostenso fortiter praelio, ad inducias commovit. ⁴⁾ Potissima in eo negotio Trevirensis auctoritas, et ingeniosa viri sollertia callidi temporum et morum. Is enim Regi cum viginti millibus adfuturum se promiserat, nonnisi quingentos adducens, cum infinitis eduliorum ferculis et XXX vini carratis, quae liberaliter Principibus erogans, negotium facillè conduxit, et sine sanguine debellavit. *Perpendit enim plus conferre ad victoriam atque ad animos accendendos virorum vini copiam,*

1) Otho Frising. Chron. L. VII. c. 25. 2) Helmold. Chron. Slavon. L. I. c. 54. 3) Annal. Saxo ad ann. 1133. 4) Chron. Urspr. p. 279 sq. Otho Fris. c. 25. Helmold. c. 56.

et aliorum victualium, quam multa millia famelicorum. ¹⁾ Henricus autem restitutus in Saxoniâ rebus, inde Bavariam meditans, subitâ morte extinguitur ²⁾, egregiam sui memoriam summumque filioi favorem apud Saxonas relinquens. Leves et vani Brandenburgici conatus prae populorum amore, studiisque prudentissimis Archiepiscopi Magdeburgensis necessitudine juncti. ³⁾ Bavariam porro Henrici frater commendatam tutabatur, nobilissimus ille Guelphus, bellorum gloriâ et virtutibus inter Principes insignis, Tubingae Comes Palatinus, et potens terrarum per Sueviam et ad Rhenum uxorio titulo heredis Utae filiae Godefridi Comitis de Calwe, Palatini Tubingensis. Et Leopoldum quidem Austriacum Guelphus feliciter profligavit ⁴⁾, bellumque fortiter sustinuit Rogerii Siculi praesertim pecuniis, et Geisae Pannoniae Regis adjutus, utroque domi Chunradum implicaturo. ⁵⁾ Jamque et Regem ultrò aggressus, Weinsbergae castrum oppugnantem, infaustis avibus dimicavit, victus fugatusque celeberrimâ illâ pugnâ, gentiliis partium signis Germaniae fastis memorabili. ⁶⁾ Nimirum corruptâ significatione factionum penitus diversarum ea vocabula invaluerunt, reipublicae paci tam diu funesta. ⁷⁾ Neque etiam minùs famosa ipsius castri secuta deditio, feminarum egregio facinore, Regis iram eludente. Laudatur et nobile Chunradi responsum: „*Regum fidem immutabilem.*“ ⁸⁾ Scilicet publicè Regem decere, quae privatim negligantur.

1) *Gesta Archiepiscop. Trevirens.* ap. Martene et Durrand. Tom. IV. p. 200. 2) Veneficium innuit *Annalista Saxo* ad ann. 1139, nullo aequalium confirmante suspectum viri testimonium. Etenim duobus ferè seculis recentius *Chronicon Montis Sereni*, neque majoris omninò ponderis, quae ex Fabricii annotat. petit Hahnîus (*Reichshist.* III. 210.) 3) *Mascov.* l. c. p. 125. n. * 4) *Monach. Weingart.* c. 13. 5) *Godefr. Viterbiens.* l. c. p. *Monach. Weingart.* l. c. 6) Die festo S. Thomae s. 21. Dec. 1140. *Otho Fris.* l. c. *Trithemii* l. c. 7) *Mascov.* l. c. p. 141. 8) *Chron. S. Pant.* (l. c. p. 931).

§. II.

*Saxonia Guelphis vindicata; profectio Italica
impedita; Foedus cum Byzantinis; bellum
Stauffense - Zaringicum.*

Parùm ad Saxonas ea victoria, quos ad sua vota perducere Rex adhuc frustra laborabat; scissis nuperimè Wiroeburgi comitiis ¹⁾: quid enim vel arma vel artes concordibus populis? Igitur opportunum Austriaci funus, nullâ prole relictâ. ²⁾ Ducatus Henrico fratri confertur, conciliato cum Henrici superbi viduâ Gertrude connubio. Saxonia pactis asseritur Henrico puero, Superbi filio, Leonis elogio postmodum insigni; renunciat idem suis in Bavariam jurebus, consilio matris inductus. ³⁾ Albertus autem Brandenburgicus, à Moguntino persuasus, Ducis Saxoniae dimisso titulo, in vet. Marchiam restituitur recipiens unâ, quas bello amiserat. Celebratae confestim nuptiae praesenti curiâ, regio sumtu et apparatu, tantoque hilarior laetitia publicâ, quanto tristior utriusque domus longa discordia. Non ita cum Guelpho, qui pertinaciter jus in Bavariam haereditarium caussatus, bellum ac seditiones hinc inde transferens, perpetuas movere turbas mavortio studio perseverabat. ⁴⁾

Rex autem de suscipiendâ Imperii coronâ seriò cogitans, ipsisque ab Italis, praecipuè Venetis, Rogerii metu invitatus, ambiguâ Pontificis cum illo Siculo compositione deterretur; qui tamen solenni legatione placare virum non distulit. ⁵⁾ Inter legatos Theodevinus, probato studio carus, et celebratissimus ille Bernardus Abbas Claraevallensis. Tunc Rex propositum resumere,

1) Mascov. l. c. 2) Mense Oct. 1141. Chron. Mellic. ad h. a. 3) Otho Fris. l. c. Dodechinus ad ann. 1142. Chron. reg. S. Pantal. l. c. 4) Otho Fris. l. c. Trithem. l. c. ad ann. 1142. p. 410. 5) Trithem. l. c. p. 411.

legatos Papae destinare, qui de negotiis convenirent. Nuper et foedus renovatum ¹⁾ cum Joanne Byzantino, desponsatâ simul Reginae sorore Manueli Comneno, Joannis filio. Fuit ista Bertha C. de Sulzbach, dilectissima Chunrado Regi ac pro filiâ omninò habita ²⁾, Graecis Eirenê vocata; caeterùm formae venustate summisque ingenii dotibus, adeòque Graecorum literis, scriptoribus laudatissima. Proinde rerum Germanicarum, illâ superstite, apud Byzantinos magna prosperitas et uberrima commoda, dùm patriam incorrupto semper favore prosequeretur, et nobilissimo studio utriusque aulae amicitiam foveret.

Interca magis magisque res Italorum turbari, praeliantibus invicem civitatibus plurimis, Urbe Romanâ, post mortuum Innocentium, factionibus agitâtâ. Harum potissima pars et auctor Arnoldus Brixienis, Abaelardi famosus discipulus; homo subtilis ingenii, literarum egregiè peritus et incorruptae, quin adeò austerae conversationis. ³⁾ Hic in lascivos clericorum mores et monachorum luxuriam invecus, ingenti coronarum plausu ubicunque excipitur. Eòque gaudens popularibus auris, dogmatum capita proferre: *Nil proprium cleri scripturae sacrae tenore, nulla potestas secularis, non certi redditus, nedùm affluentes; vivendum castè piorum cleemosynis, vitandas honorum ambitiones, omnino terrenis abstinendum expletis sacrorum officiis.* Tùm verò hortari populum ad sua jura capessenda, lectisque magistratibus antiquo ordine administranda, depulsis Ecclesiae praepositis, adeòque restrictis Imperii regalibus. Inde stupenda rerum conversio, clericorum odia, persecutiones et caedes ⁴⁾,

1) Pridem à Lothario percutsum. Annal. Saxo ad ann. 1135. 2) Epist. Guibaldi Abbat. n. clxxxviii. L. c. p. 375.

3) Bernardi Claraevall. Epist. 195. (ed. Mabill. Paris. 1690.)

4) Otho Frising. Chron. L. VII. c. 31. Idem de reb. gest.

tandemque, ut opes quidem ferebant, Romae priscoe ludibria. 1) Sollicitatus et Pontificum et populi crebris epistolis 2) certatim invicem accusantibus, prudenter in medio sese Rex continuit, per literas, Missos atque diplomata Regni pandens majestatem. Neque enim Pontificum tuta fides, neque etiam populi vanae penitus querelae; ipsa Bernardi Abbatis ingrata facundia. 3) Nihilominus Romanae sedis privilegia, post brevem curiae suspensionem, Episcoporum praesertim ope, servato tenore confirmantur.

Detinebant etiam profecturum domestici motus, vicina negotia. Bellum atrox inter Trevirensis et Henricum Namurci Comitem; graves Hungariae Principum et Poloniae contentiones; utriusque reges exules ad Imperium confugientes. Haec inter arma quoque gentilitia in Chunradum Zaringiae Ducem. Gliscebant vetus Principum simultas, ex quo Sueviae Ducatus, Zaringensibus primum violenta fraude surreptus, deinceps bello extortus, fortunae Stauffensium obtigerat. Invisa mutuò vicina potestas, manifesta pro Guelphis Zaringensium studia, eaque recens in Chunradum adversa. 4) Jam verò Fridericus junior Sueviae Dux et post Imperator, sumto cingulo militari quaerendae lau-

Frid. I. L. II. c. 28. cf. Guibaldi Epist. n. 211. 212. 213 et passim p. 396 sqq.

1) Serio nimis ea tractantem invenio cl. Simonde Sismondi Hist. des republ. Italiennes T. II. p. 34 ss. 2) V. n. 4. 3) Nimirum quippe Pontificum auctoritati suisque affectibus indulgens, damnare temerè solebat ac inconsideratè perstringere, quaecunque displicebant; acerrimus Abaelardi ac Arnoldi hostis, v. P. Abaelardi Apologeticum contra Bernard. Abbat. Claraevall. (Abael. et Heloysae Opp. Paris. 1616. 4. p. 302 sqq.) cf. Guil. Godeilli Chron. ad ann. 1137. ap. Bouquet T. XIII. p. 675. Bernardi Claraevall. Epist. n. 189. 195. 196. Cf. Epist. ad Caes. n. 244. quam quidem minus aptè in Roger. Siculum scriptam intelligit cl. Mascov. l. c. p. 156. 4) Schoepflin Hist. Zar. Bad. T. I. p. 167.

dis cupidissimus, non ita pridem edito in Bavariâ splendido tyrocinio, Chunradum Zaringiae Ducem adortus, fortissimum atque ditissimum geminâ ditione Principem, expugnatis firmissimis belli praesidiis, ipsoque castro gentilicio, Regis misericordiam implorare coegit. ¹⁾ Causa praecipua non liquet ²⁾, neque ea sollicitè nimis inqlrenda ratione temporum, ubi nuda saepissimè pugnandi libido ³⁾ in praelia viros moveret.

§. 12.

Expeditiô Chunradi sacra.

Subitus illâ tempestate terror Christianum orbem pervaserat ex crudelissimo Edessae urbis in Palaestinâ excidio. ⁴⁾ Praevalentium haec orsa per Asiam Turcorum, prolatique ad Latinorum fines recentis imperii. Jamque in extremis videri Hierosolymae regnum, tot millium generoso sanguine et laboribus partum. Hostis formidinem, ut solent, extulerant fama, longinquitas, auxilii desiderium. Hinc ingens omnium metus et miseratio rerum, de die novissimâ trepidatio. ⁵⁾ Tunc autem prima Francorum in militiam vota ⁶⁾ pro nobili gentis alacritate; stimulabat et ipsum Regem privata religio. Neque minora summi Pontificis Eugenii studia, per literas ac legatos ubique Principes excitantis, dùm ipsum coràm sollicitaturum ⁷⁾ turbae domesticae

1) Otho Frising. de reb. gest. Frid. L. I. c. 25. 26. 2) Non liquet et tempus; at recte notatur cl. Mascovio Schoepflini lapsus, qui notâ quadam marginali deceptus, annum 1138 consignat. Schoepflin l. c. cf. Mascov. l. c. p. 175. 3) Ita eundem Fridericum in ipsum Regem avunculum arma Guelpho sociasse legimus: Chron. reg. S. Pantaleon. ad ann. 1143. p. 931 sq. 4) Guil. Tyrius Hist. belli sacri L. XVI. c. 4. 5. Auctar. Gemblac. ad ann. 1146. (ap. Bouquet SS. rer. Gall. T. XIII. p. 273.) 5) Annaï. Bosov. ad ann. 1147. (l. c. p. 1013.) 6) Sugerii Abbat. Epist. ap. Mascov. p. 185. n. 7) Guil. Nangis Chron. ad ann. 1143 (1145) in d' Achery Spicil. edit. noviss. T. III.

praepedirent. Negotii cardines agitabat Bernardus Abbas Claraevallensis, per universum Occidentem vir potentissimae auctoritatis, ad commovendos ducendosque mortalium animos omnino compositus. 1) Atque ille quidem in Galliâ rebus mirificè expeditis, altioris consilii plenus, in Germaniam ascendit, ibique Regem primum ad Francofurtum secretò conveniens 2), dùm alienum adverteret, prudenter dissimulat: „*non esse, dicens, parvitatìs suae, importuniùs instare regiae majestati.*“ Eoque discedens, aliquanto Constantiae moratur, deinde subito converso itinere, Chunradum Spirae rursus adorat, eumque futurae veluti cladis quodam praesagio obluctantem spiritualibus armis ad responsum compellit: „*deliberaturum se cum Principibus.*“ Tum verò paucos post dies, inter media missarum solennia, impetu quasi repentino in verba solutus, omnesque facundiae nervos intendens, aded percussit praesentium animos, ut Rex in lachrymas effusus confestim vota nuncuparet, ac porrecto per Abbatem coram altari vexillo, continuo cruce signaretur, unà cum Friderico nepote, mox Romanorum Imperatore, Principumque et nobilium numerosissimo agmine, Regis exemplum imitantium. 3) Non praesens in curiâ fortissimus Guelphus, ipsâ Dominicae nativitatis nocte cum aliis quibus-

1) *Oratorem eum non immerito dixerim, qui à rhetoribus definitur: vir bonus, dicendi peritus. Siquidem vir ille bonus longo eremi squalore, et jejuniis ac pallore confectus, et in quandam spiritualis formae tenuitatem redactus, prius persuadet visus, quàm auditus etc.* Guibaldi Abbat. Epist. 147. (l. c. p. 339.) 2) Primum istud colloquium nonnullos scriptores induxit, ut Regem Francofurti cruce signatum falsò perscriberent, e. g. Bern. Guido de origine Francorum Regum et Chron. Turon. (Bouquet l. c. T. XII. p. 231. 473.) 3) Vita S. Bernardi L. VI. de miraculis n. 15. (ap. Bouquet T. XIV. p. 378.) Cf. Otho Frising. de reb. gest. Frid. L. I. c. 39. Roberti de Monte append. ad Sigebert Gemblac. ad ann. 1146.

dam nobilibus in proprio castro Bitengau crucem susceperat. ¹⁾ Per Germaniam autem innumerabile vulgus, audito rumore, confluit, per Abbatem Eberacensem signandum, cui Bernardus operam delegarat. Aegerrimè tulit Regis frater, Fridericus Dux Sueviae, filium cruce signatum, quippe invalidae senectutis unicuique solatium juvenem, et familiae robur. Atque à Bernardo quidem visitatus et benedictione repletus, tamen ipse orbitatis dolorem non sustinens, brevi mortem occubuit. ²⁾ Notabiles praeterea Pontificis astus, qui compertà Regis devotione et Germanorum securus, amicè virum increpabat, quòd inconsulto se ³⁾ rem tanti momenti assumerit. ⁴⁾ Nimirum nactus occasionem vel impunis arrogantiae, vel certè vitandae accusationis. Denique Saxoniae, ut Francos semper perosi, societate abstinebant, ipsi quidem, ne studiorum glorià cederent, in proximos Christianorum hostes, Obotritas Leuticiisque, scilicet Slavos, moventes ⁵⁾, adeoque diversâ cum Francis signorum figurâ. ⁶⁾

Chunradus antequàm pergeret, Henricum filium creari in Regem curat, nullo Principum refragante; mox Aquisgrani coronatum Imperii socium constituit ⁷⁾, scilicet publicè simul atque privatiim de regno prospiciens. Adolescentulo necdum idoneo Henricus Archiepiscopus Moguntinus ex more consilium et auctoritas adiungitur, unà cum Abbate Corbeiensi Guibaldo ⁸⁾, celeberrimo seculi viro, quatuor ab Henrico V. Imperatorum in regni negotiis arbitro. Ipsa infausta nimis

1) Otho Frising. c. 40. 2) Otho Fris. c. 39. 3) Bernardus ex jussu Pontificis expeditionem urgebat. Gesta Abbatis Lobiens. (d'Achery Spicil. T. II. p. 754.) 4) Guibald. Epist. 20. p. 205. 5) Helmold Chron. Slavor. c. 63. 6) Nimirum crucem non assutam subjectâ rotâ protendebant. Otho Fris. c. 40. 7) Ibid. c. 43. 8) Guibaldi Corbeiensis. Epist. 99, 30, 31. l. c. p. 268, 212.

expeditio, quamvis immensae Regum copiae, ut LXX. M. tantum loricatorum, praeter pedestrium calorumque multitudines, uterque exercitus aestimaretur ¹⁾, è quibus paucissimi reversi. Chunradus maximam partem Constantinopoli degebat, sive pudore minuti exercitus, sive Principum crebris discordiis, praeterea lapsa quoque valetudine. ²⁾ Nobile tamen facinus et insigne fortitudinis documentum Rex ad Damascum edidit, per laborantes medias Francorum thurmas cum suis Teutonibus in Turcorum aciem irrumpens, eosque perterritos in fugam conjiciens, in quo certamine barbari militis caput, cum dextrâ scapulâ uno ictu amputatum, victoriae signum reportavit. ³⁾ Caeterum opus penitus destitutum, et cum dedecore discessum. Inde non modica Bernardi invidia, qui quidem Pontificem ostendebat. ⁴⁾ Neque etiam vana prorsus suspicio, Papam Eugenium familiae Cisterciensi laudem quaesivisse, Bernardi studiis adjutum. Etenim uterque ejusdem regulae; Bernardi operâ pridem restituae ⁵⁾; atque ipsi postmodò Cistercienses novae expeditionis propositum totis viribus repressere. ⁶⁾ Solum et unicum dispendiorum solatium sopita bella domestica, dùm propter absentiam plurimorum principum et expeditionis favorem ab armis abstineretur, adeoque tristes praeliorum tempestates tristiori remedio interdum quiescerent.

§. 13.

Chunradi reditus, novissima gesta et obitus.

Vix autem ad propria reversum Regem gravissimae lites exceperunt. Nimirum Guelphus ille Bavarus

¹⁾ Guil. Tyrius Hist. belli sacri L. XVI. c. 22. ²⁾ Epist. Chunradi Regis ad Guibald. Abbat. l. c. p. 252 sq.
³⁾ Gesta Ludov. Regis c. 22. (ap. Mascov. l. c. p. 225.)
⁴⁾ Otho Fris. c. 60. Gaufredi vita S. Bernardi L. III. c. 4. §. 9. ⁵⁾ Gesta Abbat. Lobiens. l. c. ⁶⁾ Otho Fris. c. 29, 42.

in expeditione comes et familiariter habitus, adeoque donis cumulatus ¹⁾, pro gratiâ damna moliri. Discesserat à Rege Hierosolymae, dùm in Damascum hic accingeretur, domumque revertens specie valetudinis, in transitu Sioulum salutatur, honorificè tractatus et pecuniis auctus, ut in Regem conspiraret. Eoque Romam profectus in Germaniam contendit, perfidiam opere testaturus. Intercepti Romae famuli à quibusdam senatorii ordinis asseclis manifesta prodicionis indicia dederunt, repertis Rogerii literis, Guelphum Friderico Sueviae Duci, Henrico Saxoniae, Conrado Duci Zaringensi ejusque filio Bertholdo (IV.) voluntatis conscium commendantibus. ²⁾ Neque omninò latuere consilia Regem adhuc in Graeciâ detentum; quippe Ducem Fridericum nepotem, cui plurimum deferebat, in Germaniam praemisit, ut pacem publicam tueretur contra Guelphi conatus. ³⁾ Forsitan ipsum ille Fridericum perspexerat, ac honorabili mandato juvenis animum tentabat. Certè reditum Chunradi res ea quàm maxime urgebat ⁴⁾, cum non de pace solùm, sed etiam de regno versari quaestio videretur. Nec longè distulit hostilia Guelphus, Egram castrum Regis peculiarè rapto bello assiliens. At malè nactus occasionem, ab Henrico Chunradi filio, Germaniae Rege, gloriosâ pugnâ profligatur, Guibaldi consilio proscribendus, nisi Fridericus Sueviae Dux componendo dissidio ambiguam operam obtulisset. ⁵⁾

Propiùs quoque Regem tangere videbatur Henrici Saxoniae resumta quaestio de Bavariae Ducatu. Statim ille defunctâ matre Gertrude Bavariam, Austriaco marito pactione concessam, repossidere, quem tunc, instante

1) Chron. Ursp. l. c. p. 280 sq. Chunradi Regis Epist. ad Imper. Graec. inter Guibald. n. 188. p. 377. 2) Joannis Notarii Chunradi Regis tunc fortè Romae morati ad Guibaldum Epist. num. 239. p. 423. 3) Otho Frising. l. c. c. 59. 4) Chunradi Epist. cit. 5) Chron. Ursp. p. 281.

expeditione sacrâ, Chunradus blandè allocutum, disferre caussam induxit. 1) Jam verò rursus insistens in Sueviam concesserat, soceri Chunradi Zaringiae Ducis potentiâ fretus. 2) Contra Rex vim prohibere, quaestioni diem indicere; de eventu non liquet. Mox autem Alberti Brandeburgiçi consiliis Rex in Saxoniam movens, Henricum ad propria recurrere compulit, ipso superstite voto neutiquam potiturum.

Sed neque etiamnum devicto Guelpho, repulso Saxonâ, Bavariae demùm arma conticuere, subortâ gravi contentione Palatinorum Bavariae Comitum Othonum cum Episcopo Ratisbonensi, quem pater unâ cum filiis infestis armis premebat. Antiquissimum Othonum genus ab Arnulfo deducitur; Henrico I. et Othone M. Impp. Bavariae Ducatum occupante. Fertur eâ tempestate quidam Comes Schirensis ex Bojoariâ, saevam Hunnorum gentem in Imperium evocasse 3), nobilissimâ Othonis M. victoriâ deletam. Comes ab Hunnis enecatus in cladis ultionem. Tum verò bona direpta et in fiscum redacta, partim ecclesiis divisa, partim haeredibus relicta cum castro Schirensi. Postmodum à castro Wittelsbach, ab Othone III. Schirensi seculo XI aedificato 4), pro ejus aevi consuetudine, gentis novum cognomen; manente cognato in clerum odio. 5) Nunc autem Episcopi partes amplexo Rege, Palatinus proscriptus et obsidione Kelheimii castri territus, dato

1) Otho Frising. l. c. c. 43. 2) Mascov. l. c. p. 280.

3) Indicari videtur Hermannus cognomine Pusillus Arnulphi filius, cui uxor Hungarica, nimirum Agnes Geisae Regis soror, fuisse vulgò creditur. Tolner Hist. Palat. p. 197.

4) Tolner l. c. p. 267. 5) Otho Frising. Chron. L. VI. c. 20. Notabilis in isto chronici loco dictorum mutatio cl. Pithoeo indicata. Vulgares chronici editiones nil nisi diras auctoris in Schirensium familiam exhibent, contra codici Pithoeo viso, mirâ tenoris diversitate, Palatinorum aequalium egregiat laudes appositae.

obside.altero filio Othone, Chunradi fidem implorabat. 1) Hic ille est Otho, Bavariae Comes Palatinus, Friderici I. Imperatoris regno summis virtutibus illustratus, qui tandem accepto Bavariae Ducatu, laudatissimi nominis memoriam in augustissimos Bavariae Reges perenni stirpe transmisit.

Inter maximas demùm Chunradi curas Italica expeditio, variis adhuc negotiis, et expeditione praesertim sacrâ, impedita. Jam verò dùm literis, legationibus omnique studii diligentia urgetur propositum, inopinatâ Regis morte spes regni gemina destituta. Concesserat ille Bambergam, ibi curiam celebraturus, expectans reduces ab Italiâ legatos, qui modò Spiram intrantes tristissimum nuncium offendunt. Ossa gentiliciae Loricensi sepulturae inferenda Bamberga sibi detinebat, juxta divi Henrici Imp. tumulum regio cultu recondita. 2) Fuerat Chunradus vir simplex et probus, haud absque nativo quodam acumine, sed literarum omninò rudis, eoque consilio minùs quàm armis pollens. Caeterum summa in illo comitas, et forma Regem latè ostentans. 3) Henrico filio Germanor. Rege jam antè defuncto, filius unicus patri superstes, Fridericus adolescentulus, mox Sueviae Dux inter Principes nobilis, dictus de Rothenburg à castro in sedem delecto. Hic dum in Tuscia moraretur expeditionis Italicae comes, unà cum plurimis Proceribus pestis contagio abreptus Romae extinguitur 4), Ebraci Franconiae sepultus. 5) Cum uxore Richenza Henrici Leonis Sax. Ducis unicâ filiâ, filium itidem adhuc unicum habuerat in cunis mortuum, ut adeò tota Chunradi progenies in ipso defecerit.

Et haec quidem de primis Stauffensium fati paullo fusiùs enarravimus, quippe semel dicenda; reliqua strictiori stylo prosequimur, probationibus videlicet notarum volumini digestis.

1) Otho Fris. de reb. gest. Frid. I. L. I. c. 63. 2) Otho Frising. c. 63. 3) Gesta Ludovici VII. Fr. Regis c. 27. Guilelm. Tyrius L. XVII. c. 8. 4) A. 1167. Otho S. Blasian. c. XX. 5) Grop. Monum. sepulcr. Eccl. Ebrac. p. 67.

§. 14.

*Fridericus Dux Sueviae, Germanorum Rex.
Ejus electio, indoles, et regni auspicia.*

Chunradus morti jam proximus, et considerato Imperii statu de filio parvulo veluti desperans, accitum nepotem Fridericum Ducem, traditis coràm regalibus, in successorem commendabat. Nec destituta voti auctoritas, dum sextodecimo ferè ab ejus obitu die Fridericus omnium omninò suffragiis Francofurti in Regem eligeretur. Inde post bîduum, dimissâ curiâ acceptisque Procerum homagiis. Aquisgranum profectus, in divi Caroli augustam sedem, successor dignissimus, elevatur. Pacatum et breve electionis negotium praeterea multa juvant. Mortui recens Chunradi favor, Friderici duplex cum potentissimis regni familiis affinitas, eòque fausta pacis auguria; tùm etiam privatae cum Guelpho et Saxona necessitudines, Guibaldi Abbatis validissima studia, denique Ducis eximiae dotes. Nimirùm certa facinorum fama, mentis et animi corporisque vigor, prudentia rerum aetatem exsuperans, formae venustas ac dignitas, gratia morum et gravitas insignis; cuncta Regem Imperii gloriam in juvene Heroe pollicebantur.

Et sanè majorem à summo Carolo neque Germania adhuc, nec ulla terra conspexerat, qui primo statim regni decennio aliorum vitam emensus, universis orbis nationibus verendam Imperii majestatem suis virtutibus effecit. Atque ut alii antè Imperatores non nisi vagam saepè gestorum normam, pro rebus enatis, observabant, hic ille constantem regni tenorem, per maxima impedimentorum discrimina, mente immotâ direxit. Quapropter excelso planè exemplo comparandus, in hoc fortè anteponendus, quòd difficiliore longè adversarios, nec illos bello solùm et fortitudine, sed artibus et prudentiâ superandos invenerit. Videtur autem consiliorum summam

in haecce quatuor conjecisse: supremam et absolutam Imperii majestatem, eamque fortè hereditariam; justam regni et sacerdotii invicem rationem; vindicatam Imperio Italiam, ac denique publicam Germaniae pacem, repressâ potenter armorum licentiâ.

§. 15.

Novi Regis erga patriam studia..

Antiquissima Friderico cura, Principum gratiam promereri, componere veteres parentum lites, atque sublatis bellorum scintillis potentum animos reconciliare. Primam igitur Bavariae rebus diligentiam adhibuit, dicto die Henrico Austriaco. Hic autem, dùm adhuc tertio monitus, pertinaciter recusaret, Henrico Saxoniae Leoni, post assiduas viri sollicitationes, Ducatus adjudicatur, traditâ brevi Ratisbonâ, plurimisque proceribus in ejus jura adactis. Nec tamen cessit Austriacus, Friderici securus, nimirum fretus verecundiâ augusti nepotis. Et haud ineptè prospexerat, siquidem resumto mox negotio Fridericus ultrò processit adventanti, datisque amplissimis*) privilegiis et novi Ducatus honoribus, ingenti curiae gratulatione caussam gravissimam tandem expedit. Praecesserat compositio inter aemulos Henricum Leonem et Albertum Brandenburgicum; alia sequebatur inter Austriacum et Othonem Episcopum Frisingensem. Inde gratissima Leonis voluntas, Italicae Regis expeditioni praecipuo robore adfuturi. Sed etiam Regis mutua liberalitas, Henrico totum Utonis Comitatum spontè deferentis. Contra praesens turbatorum poena, Arnoldi Praesulis Moguntinen-

*) Injusta de documenti fide ill. Bunavii dubia (*Leben und Thaten K. Friedr. I. S. 64 f.*) sustulit Senkenbergius. (*Gedanken v. Gebrauch des uralten deutschen bürgerl. und Staatsrechts S. 113.*)

sis et Hermanni Comititis Palatini ignominia testata. Portare canem Palatinum cum sociis, et aegrè tantum parceri Episcopo, territi Proceres spectaverunt. Praeterea assidua in regno itinera, et oculus paci quocunque invigilans; direpta praedonum nobilium castra, sumta in plurimis severa supplicia. Abolitis denique teloneorum usurpationibus insigniter auctae commerciorum utilitates.

§. 16.

Italiae status, Friderici proposita.

Totam deinde Regis virtutem Italiae regnum occupabat, vix adhuc nomine tenus appellandum. Regnabat Pontifex, regnabant civitates, regnabat Sículus. Scilicet Imperatorum longinquâ absentia, incuria, imbecillitate haec triplex potestas succreverat, eaque ut invicem plerumque aemula, ita in regnum tamen una conspirans. Dilapsa potissima Imperii jura, surrepta fisci regalia, ad tenuem ferè cuncta memoriam obsoleta. Prima omnium Friderici in Siculum consilia et in urbem Mediolanum. Domesticis autem negotiis detentus, ad Graecorum Imperatorem legatos dirigit, foedus in Siculum pacturos, proposito simul matrimonio inter Regem et Manuelis filiam. Nimirum perspexerat pridem Rogerii studia, et novimus ejusdem literis Friderico Guelphum olim commendatum. Jamque proscripti Imperii fideles, violentiae testes, Herbipoli suas injurias conquesti, indignationem commoverant; neque mutata rerum facies, interea mortuo Rogerio, dum eadem moliretur filius, qui successerat, Guilelmus. Tum verò cum maximè Mediolanensium tumores offenderant, et sanè praecipitem Regis iram, Constantiae proditam, post eventus probavit. Cum Pontifice Eugenio III. leve discidium exortum ob regni jura destinatiùs custodita in electione Magdeburgensi, secuta mox conventionem

antiquatum. Deinceps missis à Pontifice legatis Moguntinus amovetur, brevi Mindensis et Eistettensis, et hactenus ex Regis assensu; dùm autem licentiùs agerent legati, adeòque Magdeburgense negotium revocarent, statim prohibiti, excedere regno jubentur. Inciderat fortè Pontificis obitus, cui Anastasius suffectus, natione Romanus. Cum illo pacatum omninò, sed et perbreve tempus. Post menses XIV. defuncto succedit Hadrianus, natione Anglus, hujus nominis IV. Hunc à vilissimis initiis ad summum honorum fastigium excelsa indoles evexerat, ingenio grandem, majorem animo, sed durum, tristem, fortunâ tumidum.

Jamque Fridericus, appropinquante condito tempore, anno regni sui tertio circa principium mensis Octobris (quippe Germanis commodissimi), collecto ad Augustam exercitu in Italiam movet, ex eventum potius consiliis, quàm praemeditatè rein acturus, certis utcunque studiorum propositis. Igitur primo statim adventu civitatum injuriis exceptus, potentibus arma tantum et iram ostendit, afflictis minoribus; in id potissimum incumbens, ut insigni aliquo facinore clarus Romanam victor accederet. Eòque punitis in itinere quarundam tumoribus, et ordinatâ castrorum disciplinâ, Terdonam urbem aggreditur, Ligurum *) sociam, pollentem opibus, tutamine moenium ac foedere fretam. Hanc Papiensium praesertim studiis, post validissimam defensionem, nec sine gravibus obsidentium damnis, in potestatem redactam, terribili magis quàm honesto severitatis exemplo, miserrimis civibus vix tantum vitâ donatis, diripiendam militibus tradit, postea flammis perdelendam. Inde Papiam concedens per triduum splendidum triumphum agit, ab aemulâ civitate Terdonensium cladi potius et Ligurum injuriae, quàm ipsi

*) Hoc brevior scilicet, et concinno vocabulo Mediolanenses deinceps appellabimus.

Regi exhibitum. Susceptam autem Placentiae obsidionem, auxiliis Ligurum difficilem, Rex morae impatiens relinquit, adulto jam vere ad urbem Romam coronamque Imperii mente et viribus conversus.

Adventu subito commotus Pontifex legatos obviam dirigit, Regis animum exploraturos; ipse diffidens Romanorum studiis Urbietum secesserat. In causâ Arnoldus Brixienſis, quem Innocentio defuncto reversum Romam memoravimus. Hunc in Eugenium et Anastasium favore publico tutatum, opportunissimo pridem remedio Hadrianus depulerat. Quippe sacris interdicta ad majorem hebdomadam vulgi religio trepidarat; placando Pontifici desertus Arnoldus. Atque is Urbe profugus, Cardinalis cujusdam insidiis captus et custodiae traditus, mox Campanensium quorundam Comitum opâ liberatus, in viciniâ latebat. Jam verò vehementior ex ipsâ victoriâ Pontificis timor: occulto hoste, ambiguo populo, instante cum exercitu novo et valido Rege. Hinc omnium primum in mandatis de Arnoldi punitione. Annuit facilè Fridericus, hominem ipsemet perosus in regni jura iniquum. Extortus miser à defensore, cleri vindictae permittitur, qui quidem sanguinis abstinens, per Urbis Praefectum cremari curat. Nec tamen adhuc mutua fides, nisi receptis utrinque legatis. Tandem Viterbum procedere Pontifex, Regem in castris invisens. Pro dignitate reverenter exceptus, de stapiâ fertur litigasse; res propè discidium, ni Coronae Fridericus animi stimulos detulisset. Itaque Sutrium unâ profecti Romanorum legatos offendunt, Senatus Populique Romani magnifica verba crepantes: *placere Quiritibus, admitti Regem, decretos Imperii fasces, juret obsequium Urbi, quinque millia eroget multitudini in Capitolio acclamanti.* Prompta responsio, studiosè singula diluens, et hactenus infra Regem. Nimirum videas paullò praestricum nominis Romani specie factique

stupore; quid? quòd ex minaci legatorum discessu paenè sollicitus et consilii inops, rei gerendae summam Pontifici, exercitus ductor, committeret. Ac sanè laudabilis tunc apparuit Hadriani fides, qui suà potissimum ope Fridericum Romam perductum, nil curans aditum discrimen, Imperatorem coronavit. Namque immanem populi furorèm peracta solennia rescientis, consecuta repentè pugna atrocissima ostendit. In hac ancipitem diu Germanorum victoriam haud parùm feminae juvarunt Romanae; dum juvenum speciem depereuntes, hortatu et precibus suorum arma continerent. Spectata simul Henrici Leonis pro Caesare virtus, et ingenua Pontificis in utrumque voluntas. Investituram Altenburgensis Episcopi, invito Archiepiscopo Bremensi per Henricum instituti, potentissimo Regis amico constanter Pontifex pernegarat; jam verò in praemium devotionis ultrò oblatam praesenti confestim ordinatione roboravit.

Caeterùm nulla ex victoriâ commoda, quin immò Româ discedendum annonae penuriâ. Tiburtinos cum urbis clavibus obvios, id molestissimè ferenti Papae Imperator subdidit, servatis nihilominus Imperii juribus. Mox recreando militi, aëris inclementiâ afflicto, ad proximos Appenninos remota castra, vitalibus auris et artis quibuslibet utilitatibus fruitura. Indictam Fodri collationem dum fraudulenter facerent Spoletani, uno impetu excisa civitas, ipso cum militibus Imperatore irruente. Brevi collectis ex rogo spoliis ad Anconam exercitus pergit, ubi Caesar, auditis Graecorum legatis, in Siculum arma promissis auxiliis et grandi pecuniâ petentibus, adversâ Procerum voluntatè, quamvis ipse paratissimus, differre propositum cogitur. Missi contra legati cum amicitiae tesseriis, quos inter ipse nobilissimus Guibaldus Abbas Corbeiensis. Jamque exercitus parte plurimâ dimissâ, cum reliquis Caesar Veronam proficiscitur, in contemptum paucitatis à civibus non solùm urbe prohibitus, sed

et insidiis petitus, quas iterum Viri fortuna comes et Palatini virtus Othonis, non sine gravi hostium injuriâ, feliciter profligavit.

Effluxo inter curas domesticas triennio Fridericus revertitur, locorum et hominum bene gnarus, praemeditato consilio, et cum exercitu C. M. armatorum. Ingentis apparatus potissima caussa Mediolanum, quae civitas, dudum rebellis, effraenatâ potentiae lasciviâ Imperatorem provocarat. Atque ipsa culpa conscia, belli molem prospiciens, et obsequium dedignata, rerum unicum praesidium in munitissima moenia civiumque virtutem, et immensas divitiarum opes contulerat. Vanâ superbiae solatia, dum primo statim Imperatoris adventu Brixienſium civitas, ob Ligurum foedus attrita, sinistrum omen ostenderet. Ipsum continuò Mediolanum, sociatis Italorum auxiliis, obsidione artissimâ circumsessum, post pertinacissimos civium conatus, fame magis quàm armis ad deditionem compellitur, mulctatum novem marcarum milibus, et acerbiori procul dubio supplicantium spectaculo. Sed brevis admodum triumphus; vix enim discesserat cum exercitu Caesar, Italiae negotiis intentus: ecce denuo consurgunt Ligures, et longè molestior ea seditio, nonnisi post maxima bellorum discrimina urbis excidio vindicata.

Curarum proxima in pacando Italiae statu, in requirendis ac revocandis Imperii regalibus. Igitur Caesarem rediturum praecesserant Comes Otho Palatinus et Raynaldus Cancellarius cum militum lectâ manu, qui solâ ferè nominis dignatione civitates quàm plurimas in regni fidem asseruere. Secutâ deinceps Mediolani deditione, factoque cum civitatibus usurpationum scrutinio, XXX. M. talent. per annum fisco quaesita. Tunc etiam feuda famosae Mathildis ad Imperium retracta. Guelpho Duci Imperator concessit, confirmato gratiae foedere potenti amico, apppositoque adversus Siculum validissimo robore.

Omnium aegerrimè tulit ejusmodi diligentiam Romanus Pontifex, Caesari pridem infensus, qui viri fastus repulerat. Scilicet prima statim Papae epistola collatum Imperii *beneficium* incautiùs ostentans, tantum curiae universae tumultum excitarat, ut legatorum caede vix abstineretur, stricto jam gladio instante Othone Comite Palatino. Legati Romam cum ignominiâ reversi, praescripto itinere additisque custodibus. Accesserant alia Pontificis studia, praesertim ictum cum Siculo foedus, servata Romae picturae calumniâ, damnatum Caesaris cum Beatrice connubium, si quidem vera tradunt scriptores. Nec multum profuit mitior epistola, Procerum rogatu Augustam transmissa, dum novi succederent Pontificis fastus. Etenim praesentem in Italiâ Imperatorem inverecundè lacerare criminationibus propter electum Ravennatem, et omnem planè modum excedere insolentissima illa in Fridericum invectiva, Germaniae duumviris Archiepiscopis perscripta. *) Quid ergo mirum, Imperatorem Romanae sedis calumniis furibundum, non modò indubiâ regni jura revocasse, sed in ipsam quippe Ecclesiae disciplinam iniquas manus intulisse? Tristissima quidem excusatio malorum ingentium, et justae magis irae, quàm prudentis. Ex illo tempore labefacta Friderici fortuna, familiae Stauffensi paratus interitus. Nimirum Caesaris illud, non Imperii, cum Sede Romanâ certamen, Germanae caussae proditores inter Principes Germanos; inde Pontificum victoriae...

§. 17.

Friderici auctoritas in Ecclesiam Germanicam.

Residua in Ecclesiam German. jura Fridericus primum fortiter ac moderatè tutari, crudescentibus autem cum sede Romanâ inimicitiis violenter interdum et ex

*) S. F. Hahn Collectio monument. T. I, p. 122 sqq.

libidine agere, Pontificum artibus ac diris, ipsemet artes et potentiam opponens. Nimirum ad alta regni consilia cleri divitis indigebat, contra certos Pontificum conatus Ecclesiae studiis adjutandus. Eoque cautus et justus in electione Magdeburgici, mox in consimili Coloniensis; non absque studio indulgens in remoto per Pontificem Henrico Moguntino, quippe suffectus Arnoldus, Friderici Cancellarius. Italiam iterum profecturus eleemosynas, praesertim Ecclesiis, erogavit, tum etiam Episcopis in consilium diligenter adhibitis, Trevirensis privilegiis insigniter auxit. Rudolphum Zaringiae Ducem, Arnolfo Moguntino crudeliter occiso, illicitis suffragiis electum dedignatus, ipsum quoque Christianum amicum, praecipitanter subrogatum, prohibuit, substituto Chunrado Bavaro, Othonis Palatini fratre germano. Atque haec quidem, uti ex propria auctoritate, ita Pontificis etiam assensu. Jam verò subortis cum Alexandro simultatibus, Episcoporum in sedem Romanam obsequia gravissimè ulciscébatur, spoliatis, depulsis, quocunque modo afflictis Pontificum asseclis. Chunradum scilicet Moguntinum ob Alexandri studia suspectum, deinceps Romam profugum, fratris gratià nil obstante, confestim proscripsit, substituto Christiano pridem reprobato. Neque in ipsa tandem conventionem, cum Alexandro Venetiis, licet iniqua sorte facta, Chunradum recepit, sed Salisburgi constitutum, nonnisi mortuo demum Christiano Moguntiae reddidit. Proscripsit eadem potissimum ex causâ Folmarum Trevirensis, qui pro dolosa electione Pontificis opem sollicitarat. Suffectus Rudolphus ille Zaringensis, olim Moguntia dejectus, et spreta Folmari per Pontificem ordinatione, Caesaris armis investitus; ferociter in adversarios Henrico Rege animadvertente. Proscripti pariter Salisburgensis Archiepiscopus Eberhardus, ejusque successor Chunradus; nec admissus Albertus, inconsulto substi-

tutus. Nonnulli metu percussi sedem spontè reliquere, quos inter Henricus Passaviensis et Bertholdus Metensis. Cum Philippo Coloniensi diu gravis simultas, datâ tandem pecuniae summâ et ejurato noendi studio sopita. Postremum eò res perducta, ut instituti per Imperatorem Episcopi, prohibitis Romae investituris, à Moguntino consecrarentur, statutâ repulsâ in refragantes. Acerba inde Episcoporum, nec illa injusta, querimonia, sed parvus effectus. Perstitit animo fortis Imperator, admittente Henrici Regis potentissimo vigore. Adedque valde minuta Romanae sedis auctoritas, vix Moguntino et Coloniensi privato studio ejurantibus quasi in speciem vindicata.

§. 18.

Regni foris majestas.

Augustum latè longèque Friderici nomen expectectus potissimum imperii vigor et bella Italica effecerunt. Exteris ostensa magis arma, quàm illata, dùm Imperatorem Principum studia, domestici motus et illae ipsae tandem Italicae tempestates à propositis revocarent. Sanè sub primis regni auspiciis in Geisam Hungariae Regem et Rogerium Siculum molienti Procerum mentes adversabantur. Utrumque Saxoniae Henrici, Zaringiae Ducum et Guelphi praecipue consiliis evenisse, dubitari vix potest; quandoquidem novimus Rogerii literas, et utriusque pecuniis Guelphum in regni injurias sustentatum.

Geisa legitimum Hungariae Regem Boritium, Colomanni Regis filium regno exuerat, qui post irritas recuperandi conatus ad Chunradum confugiens, Imperii opem implorarat, Uladislai Bohemiae Ducis et Gertrudis uxoris, Chunradi germanae, commendationibus adjutus. Annuit votis Chunradus; mox autem, decretâ expeditione sacrâ, Regis propositum intra voluntatem

substitit, nimirum aliis curis distracti, adeoque Geisae indigentis, per cujus ditionem transeundum. Eandem ob causam destitutae Boritii preces ad Ludovicum Galliae Regem cum exercitu insequentem; nil nisi tutum iter in Regis comitatu. Tandem Constantinopoli summo favore exceptus in Geisae hostis invidiam, Graecorum ductor adversus Hungaros militavit, in expeditione quadam scelere militis sui occisus. Chunradi promissum susceperat Fridericus, vivente tunc adhuc Boritio, et integrâ cum aulâ Byzantinâ Imperii amicitia. Jam verò Geisa pro diversâ status ratione mutato consilio, Fridericum officiis circumvenire, transmissâ militum delectâ manu adversus Italos. Tum et futura spondens auxilia in tantum obstrinxit Imperatorem, ut Stephanum quoque Geisae germanum, fratris tyrannidem conquestum, suspensâ lite Constantinopolim destinaret, aneipiti causâ certis commodis, honestè minùs quàm prudenter, postpositâ.

Contra Rogerium Siciliae Regem praeter veterem injuriam et recentem ambitionem, spoliatorum quoque ob regni fidem Apuliae procerum praesens commiseratio Principum animos incitavit. Condicta tunc expeditio unâ cum Romanâ conficienda intra biennium. Sed ad rem ubi perventum fuit, ex bello Romano tristes miseriae, contagio coeli, minutus exercitus taediò speciem praebuere, nequiequam urgente Imperatore, quem ad proprios irae stimulos etiam Pontifex accenderat. Erat autem Rogerius celeberrimi Roberti Guiscardi, Regni Siciliani fundatoris, ex fratre Rogerio nepos, patri Comes Siciliae succedens anno MCI. sub matris Adelaidis Burgundicae tutelâ. Deficiente ad ann. MCXXVII. Apuliae Ducum cognatâ stirpe, Rogerius terram illam invaserat, indicto bello Honorio II. Pontifici contra factum intercedenti. Sed in feudum acceptâ provinciâ, Ducem Pontifex agnovit. Mox orto schismate inter

Innocentium et Anacletum Perleonium, hujus partes amplexus Rogerius, Anacleti sororem ducit, in Regem Siciliae coronatus à Pontifice genero. Postea diris devotus per Innocentium, à Rainulpho Campaniae Comite totâ Apuliâ profligatur, Ducatum Rainulpho concedit Lotharius Imperator. Mortuo Rainulfo Rogerius revertitur, et recuperatâ brevi universâ provinciâ, Pontificem ipsum Innocentium Beneventi captum ad imponendam sibi coronam et ineundam ex voluntate conventionem invitum compellit. Jamque ad majora consurgens et Italiam meditans, inter altissima studiorum proposita secundo Friderici Regis anno extinguitur. Hic idem est ille Rogerius, cujus in Constantinopolim egregium facinus Ligurini Poëta celebrat. Inde revertens Ludovicum Franciae Regem è Palaestinâ reducem Graecorum insidiis eripuit, ab eo festivo satis artificio diademate tertium coronatus. Habuit Rogerius ex thoro primo cum Joanna Anglica filium Guilelmum I. patri succedentem, ex tertio filiam Constantiam, Henrico Regi, Friderici Imp. primogenito post Germanorum Imperatori MCLXXXVI. nuptam, qui Guilelmo II. Guilelmi I. filio MCXCIII. absque liberis decedente, Siciliae regnum adeptus est. Itaque Imperii et Augustorum Staufensium ex patre perpetuae injuriae, splendidissimo tandem piaculo quieverunt.

Decretae in Polonos expeditionis caussa vetus extiterat. Factâ per Boleslaum III. Poloniae Ducem anno MCXXXVIII mortuum, inter filios divisione, natu maximus Uladislaus, Silesiae et Cracoviae sorte non contentus, primum conqueri, mox bello manifesto privare fratres. His autem invicem conspirantibus repentino praelio victus fugatusque ad Regem Chunradum perfugiens, in fratres opem sollicitat, contra injustae caussae conscientiam cognatione fretus, erat enim uxor Chunradi Regis uterina. Missi per Chunradum legati respon-

sum ambiguum tulere, quippe sciebant fratres Regem in Palaestinam procinctum. Nec ille quidquam efficere, quam exulem Eugenio Pontifici commendatum, concesso interim Uladislao in hospitium Altenburgo. Postmodum redux, unà cum filio, Henrico Rege, diligentiam omnem adhibuit, iuvante Eugenio etiam Pontifice interdictis per Poloniam sacris. Verum Episcopis haec parum curantibus, infecta negotia Fridericus invenit. Erat autem tantus expeditionis favor, ut secunda Italica posthaberetur, et miles Teutonicus ad Oderam perveniens, inexpectato pontis trajectu, in hostem ultrò rueret. Poloni latè vastantes propriam terram arcere frustra conati, in deditionem coguntur; sed praeter datam pecuniae summam, et restitutam Uladislao Silesiam, neglectae caeterae pacis conditiones.

In Daniae regnum spectata auctoritas, dùm Sueno et Canutus, magni Suenonis Angliae et Daniae Regis ex filiis nepotes agitatum diu et violenter de coronâ contentionem Imperii iudicio submitterent. Res inter prima regni negotia Merseburgi tractata, citatis ac praesentibus litis auctoribus. Regnum Suenoni deberi curia censuit, Canuto Seelandiae provinciam cum ditionibus nonnullis assignandam. Igitur Sueno statim diademate cinctus, et praestito Friderico Regi fidelitatis sacramento, de more cum gladio investitus, in pompâ solenni coronatum Regem, gladium Domino praeferens Vasallus, ad ecclesiam praecessit.

Uladislaum, dictum aliis Boleslaum, Bohemiae Ducem, contra Polonos in Regis exercitu egregiè promeritum, regiâ dignitate donavit Imperator, eundem etiam in Ligures insigni robore adfuturum. Postmodum ob neglecta Friderici iussa dignitate iterum privatus, quaesita virtutis praemia in haeredes non transmisit.

Cum Angliae et Galliae Regibus ut plurimum culta amicitia, nec tamen fida cum Gallo. Siquidem ex receptâ

primò Burgundiâ, tùm quoque Pontificis Alexandri studiis, mutuae suspiciones, interdum leves injuriae. Denum et ultimis Friderici annis breve bellum ac tumultuarium propter Flandriae Comitem. Nec tamen praesens Imperator, qui expeditionem delegarat. Postremo, Galliae Rege Imperatoris auxilium contra Anglum implorante, percussum foedus, quo facto et Anglus armis abstinuit.

Cum aulâ Byzantinâ, donec Eirene superstes, in speciem saltem concordia, benivolentiae declarationes, proposita foedera. Mox autem, repertis Graecorum dolis, in legatos injuriae, fastus et simultates. Tandem et odium implacabile, ex quo Byzantini cum Alexandro Pontifice in Imperium communicata consilia resciebantur.

Caeterùm aula Imperatoris omnium aevi longè magnificentissima; Principum salutantium perpetua multitudo, curia privata solennem speciem continuò referens, legationum undique affluentium inexhausta frequentia, dona innumera, et pretio et arte insolita ac viro digna. Medius inter Fridericus et vultu et habitu Imperatorem ostentans, famâ gestorum admirationem, gravitate reverentiam, suavitate et facundiâ amorem omnium sibi conciliabat. Negotiorum et hominum callidissimus, ad euntes ex propositionum tenore ac ordinum dignitate auditos et habitos nunquam non cum aequabili responso dimisit.

§. 19.

Orbis imperium affectatum.

Retardata saepiùs et fracta Principum studiis Imperatorum virtus, jam inde à Carolingorum temporibus minùs ex iis aestimanda est, quae perfecit, quàm quae perficere potuerit. Quippe maxima in rebus gerendis consilii unitas ac disponendi certa facultas ad magna

molimina convenit, et excelsa cūprimis ingenia decet. *Sed illud odiosum est*, inquit Cicero *), *quod in hac elatione et magnitudine animi facillimè pertinacia et nimia cupiditas prineipatus innascitur*; id quòd in Friderico etiam contigisse animadvertimus. Is enim non modò suorum dissensum indignissimè tulit, et aequo severiùs plerùmque repressit, sed exterorum etiam Regum auctoritati invidens, ad universalis Imperii fastigia aspiravit. Caroli Magni scilicet exemplum sermone et actu prae se ferebat, cujus ossa quoque Aquisgrani immensâ pompâ levata, cum insigni veneratione novo sepulcro recondidit, augustissimo Heroe inter divos relato. Ipse Fridericus divi elogio appellari sustinuit **), more Caesarum Romanorum. Urbis legatis respondens, antiquae Romae dominatum regesque subditos jactabat; absolutam in rebus ecclesiae auctoritatem erga Franciae Regem Ludovicum in colloquio Laonensi. Praecipua tumorum fomenta ex invalescente pridem jure Romano, Caesarum Henrici V. et Lotharii favoribus evecto. Jamque adhibitae novae formulae in citandis Mediolanensibus; ex lege Romanâ in Roncaliis definita regni Italici jura, tùm etiam feuda Longobardica. Eòque enata tandem illa monstrosa universalis imperii formula, juris Germanici Doctorum diutinum ludibrium.

§. 20.

Erga familiam studia.

Amplificandis gentiliis opibus ac domus augustae splendori tantâ Fridericus diligentia intendit, ut nulus antea Imperatorum. Nec tamen omninò vituperabilis ista cupiditas, dùm invalescente feudorum haereditario jure nepotum virtutibus aut fortunae spes exigua reiqueretur. Ipsius autem Imperii haereditatem familiae

*) De Officiis L. I. c. 19. **) Testes Radevici Füs. libri, Imperatoris hortatu scripti.

quaesivisse, cùm plurima factorum haud obscura indicia, tùm Henrici praesertim filii, patris vestigia prementis, aperta studia prodiderunt. Statim in Regem promotus Fridericus avitum Sueviae et Alsaciae (sc. Alemanniae) Ducatum Friderico, Chunradi filio, incertum pacto an gratiâ, resignavit. Mox inde Chunradum fratrem consanguineum Hermanno Comiti Palatino Rheni, absque prole decedenti, substituit. Henricum filium primogenitum tenerrimâ adhuc aetate Germaniae Regem creari fecit, quem posthac juvenem ingenio et studiis patri simillimum tam impensè dilexit, ut coronatum Italiae Regem ac Siciliae futurum haeredem coronandum quoque Imperatorem et regni socium moliretur. Filiorum alteri Friderico, post orbam patruelis Rothenburgici mortem, Alemanniae Ducatum in cunas contulit. Otho-nem tertio-genitum, in cunis itidem balbutientem, Burgundiae Comitem Palatinum renunciavit, exauctorato per conventionem Burgundiae Rectore, Bertholdo Zaringiae Duce. Quod quidem iniquiùs visum in Principem optimè de Friderico promeritum, excusatione tamen haud caret. Etenim duplici veluti jure Fridericus Burgundiam obtinuit, quum obsoletam satis Imperii auctoritatem, ipse ditissimus Burgundiae Princeps ex con-nubio Beatricis, dotaiibus terris amplissimis augeret, et Bertholdo praeter honoris elogium pridem nihil restitisset. Filium quartum Chunradum Herbipolensi Fran-coniae Ducem praeposuit, post caelibem Friderici fratris in Palaestina decessum, Sueviae Ducem futurum. Natu-minimum denique Philippum, ecclesiasticis fortè fastigiis primò destinatum, Tusciae Dominum ac terrae Mathildis instituit, à Guelpho Duce redemptae. Caeterùm omnibus hisce donis nihil aliud fecit Imperator, quim quòd avita pleraque beneficia, ex invalescente tunc haereditatum more, familiae asserreret, adeoque temporum potius, quàm aviditatis ista studia existi-manda.

GUNTHERI POËTAE
LIGURINUS.

SIVE

DE REBUS GESTIS IMPER. CAES.

FRIDERICI I. AUG.

COGNOMENTO AENOBARBI.

LIBRI DECEM.

Tu patriae laudis juvenis desertor et hostis,
Atque peregrinae cultor egene famae;
Suspice Teutonici laetissima culmina regni,
Terrarum domini, gentiumque decus.
Jamque age, priscorum dignus de stirpe parentum,
Collige virtutes, promere tempus erit.

NOTARUM COMPENDIA.

- A.** Augustana Editio princeps. 1507. fol.
Sp. Spiegelliana. Argentorati. 1531. fol.
P. Pithoeana s. Pernaë. Basileæ 1569. fol.
R. Reuberiana prima. Francof. ad Moen. 1584.
Rs. Rittershusiana Tübingæ 1598. 8. Ejusque notæ.
Tübingæ 1597. 8.
R. Jo. Reuberiana tertia, cura Geo. Christi. Joannis.
Francof. 1726. fol.
B. Barthii breves in Guntherum stricturæ in Ejus ad-
versariis.
Pfl. Pflugii monita Rittershusio allegata.
Sc. Scioppii monita Ibidem.
V. Vonkii Emendationes in Lection. latin. Lib. II. c. 4.
p. 124—132.
W. Withofii specimen in Guntheri Ligurinum et notæ
alibi occurrentes.
m. mavult.
pp. proposuit.
r. restituit.
rr. reliquæ editiones.
s. sequitur.
ss. sequuntur, v. sequentes editiones.
c. correctura manu adscripta, cum primis Exemplari Au-
gustanae præstantissimo Biblioth. acad. Friburg.

* **Lectio videns omnino bona, quam tamen in textum contra fidem Editionis principis Augustanae recipere non urget necessitas.**

(*) **Lectio s. locus innuens autorem temporibus Frid-
rici I. Caesaris aequalem.**

† **Lectio s. emendatio non admittenda.**

†† **Lectio pessima pro emendatione obtrusa.**

(†) **Lectio recentiore autorem et à Gunthero alienum osten-
dens in praemissis librorum argumentis; at quatenus
occurrit signum ipsius Ligurini textui subjectum,
innuens lectionem s. locum creditae auctoris aetati
non aequè convenire.**

o **Vitium typothetae Editionis principis Augustanae, quod
sequentes editores vel in errorem rapuisse, vel
frustra exercuisse videtur.**

**Lectiones s. notae, quibus nullum vel assensus vel dissensus
signum adpositum, haud magni momenti reputari; quibus
nullum auctoris nomen additum, eae quidem editoris peri-
culo venire censeantur.**

ARGUMENTA

LIGURINI LIBRIS INCERTA MANU PRAEFIXA.

Primus habet primos electi Regis honores.
Sceptra manu, primamque sacrâ cervice coronam
Gestat Aquis: meritâ Trajectum protinus irâ
Flectit: et hinc magnas invisit Rex puer urbes.
Dat populis leges, et pristina jura reformat.
Sceptraque Danorum ¹⁾, cognatâ lite diremptâ,
Donat habenda Petro: cupiens indicere bellum
Pannonibus, multo Procerum fidoque rogatu
Vincitur: ingentis caussam fomentaque belli,
Exceptum patruo reddit tibi, Saxo, Ducatum.

Regia trans Alpes producit signa Secundus,
Caesare Runcaliis posito, ceu sideris ortu
Illustrata novi plebs Itala gaudet, et omnes
Suppressas dudum properant efferre querelas.
Laudaque praecipue Cumâ cum supplice noxas
Incusat Ligurum: quorum Rex fraude repertâ
Nobile praesidium capit, evertitque Rosatum.
Vastat caede reos, turres cum pontibus urit,
Castra rapit Ligurum, Cairam subvertit et Astum:
Obsidione gravi Terdonae moenia cingit.

1) (+)

Tertius obsessam tradit victoribus urbem;
Civibus expulsis vastantur moenia flammis.

Victori meritos devota Papiæ triumphos
Exhibet: hinc Tuscas tendit Fridericus in oras.

Munera portantes Pisanos laudat, eisque
Imperat in Siculum validas armare carinas.

Occurrit Praesul Romanus, et impia plebis

Acta suae queritur: periitque ¹⁾ procax Arenoldus.

Urbem ingressuro patriae mandata diserti

Imperiosa ferunt, responsaque dura reportant.

Quartus in Imperium supremaque nomina Regem
Promovet, Ausoniam sacratâ in sede coronam

Induit: hinc aestum, violentique aetheris iram

Morbida castra ferunt, et dirâ peste laborant.

Mox ausam falsâ fiscum ²⁾ fraudare monetâ

Spoleum vindex ferro populatur et igne.

Apuliam, Calabrosque parat invadere fines;

Dissuasus Procerum concepta negotia mutat.

Milite dimisso, natalia rura revisens,

Condignâ saevos extinguit morte latrones.

Quintus in occursum redeuntis concitat urbes

Principis, expansis hilaescent oppida valvis.

Bellorum strepitus, incendia damna, rapinas,

Vindicat, et meritâ consumit clade nocentes.

Cumque Palatino Comites his quinque potentes

Ferre canes scapulis foedissima pondera cogit.

Omibus in formam solidâ jam pace reductis,

Casta Beatrici partitur foedera lecti;

Nominis antiqui patruo vir mitis honorem

Servat, et esse novum jubet Austria rura Ducatum.

1) perit igne W. *

2) W. — A. ss. fidum. a.

Sextus in indomitos regalia signa Polonos
 Excitat: Herhipolim repetit post praelia victor.
 Plena dolis Graios spreuit ¹⁾ mandata ferentes.
 Anglicus eximium mittit tentoria munus.
 Chrysopoli positum ²⁾ Papalis epistola verbis
 Ambiguis suspecta movet: mox Norica Princeps
 Rura petit: patruosque suos in foedera cogit
 Prisca: Labeslaum Regem creat ex Duce primum.
 Pace domi factâ, Ligures invadere bello
 Approparat, revocatque suas in castra cohortes.

Septimus Augustae conventum indicit: et inde
 Intrat ad Italiam summos sumturus honores.
 Hinc Graiarum fraudes memorat, legataque Papae,
 Atque interceptos comites, rescriptaque narrat.
 Dacorum Regi donantur aequa, et ab Arcto
 Conveniunt gentes, Ligurum et contendit ad urbem:
 Scribuntur leges: Proceres hortatur; et irâ
 In Ligures totus candet fortissimus Heros. ³⁾
 Acriter ad Tracium pugnatur, et obsidione
 Moenia cuncta quatit, portas, turresque refringit.

Octavo Ligurum speculatur providus urbem
 Caesar: et antiqui theatri ⁴⁾ procul aspicit arcem.
 Mutua bella gerunt Ticinum ⁵⁾, Cremonaque fortis.
 Inde fames, pestisque ferox Ligurum urbe fremebat. ⁶⁾
 Guido ⁷⁾ Bladerensis ⁸⁾ causam, sed pacis, agebat.
 Et ⁹⁾ Caesar pacis dederat ¹⁰⁾ mox conditionem ¹¹⁾
 Civibus, et pulchrum duxit de more ¹²⁾ triumphum.
 Dimittit Proceres, Tisuidum et castra reformat,
 Curia Roncaliis mandatur: et castra metatur:
 Consilium ¹³⁾ celebrat: feudalialia juraque dantur.

1) spernit? 2) Rs. — positus A. fortè: positos. 3) (+) 4) (+)
 5) (+) 6) fremebant? 7) (+) 8) (+) 9) Ut P. Rs. 10) dederit P. Rs.
 11) conditiones? 12) morte Rs. †. 13) Concilium?

Aere Placentinus Cremonenses ¹⁾ damnat: et inde
 Caesar Sardiniae fines ²⁾ Januamque tenebat.
 Ille Frisingus Otho moritur; mox Papa superbit.
 Deficiunt Ligures veniunt legata: Ligurque
 Victus erat, Papae sua pristina jura reponens.
 Pugnaque conseritur, cum magna clade suorum:
 Depopulatur agros, et cingitur obsidione
 Ligur, et ingentem capiunt sua moenia cladem.
 Cumque fame jam pestis adest: et crimine magno
 Insidiae Regi, Ligurum de more struuntur.

In decimo magni conjunx Augusta Beatrix
 Caesaris, Italicas venit deducta sub oras,
 Principibus comitata suis: et Crema gemiscit.
 Castra locat, Romamque suam clementius audit.
 Hinc redit ad Ligures victor, Papamque creavit.
 Crema petit pacem, rursus Liguresque petuntur.
 Tandem conceptâ Princeps perferbuit irâ,
 Urbs Ligurina cadit ³⁾, viginti millia capti
 In cinerem ipsa fluit ⁴⁾ Caesar dat munera, grates,
 Castraque dimittit, Ligurinus carmina scribit. ⁵⁾

1) vel corruptum, vel falsum: forsan: Placentinos Cremonensis? 2) falsum. 3) falsum — Cremaque victa jacet. P. ss. †, (†) 4) Urbs fluit in cinerem P. ss. † (†). 5) Ligurinus obambulat aulam. Sp. ss. †, (†)

L I G U R I N I.

LIBER PRIMUS.

- A**rdua sollicito versu, memorandaque seclis
Gesta cano: mundoque tuos, *Friderice*, triumphos,
Atque tibi toties conatam illudere frustra
Fortunam, vulgare paro: monstrique biformis
5. Ambiguos vultus, motusque volubilis orbem
Frenatum virtute tuâ, casusque sinistros
Exceptos habitu quo prospera mentis eodem.
Res onerosa quidem, nec praesumenda minori
Ingenio, magnisque etiam metuenda Poëtis.
10. Sed tamen exiguas amor et devotio vires
Supplebit: fragilemque animi spes magna vigorem
Fulciet: affectusque pios Fortuna juvabit.
Jamque adeo, siquid studio possemus in isto
Experti, nosterque legi *Solymarius* audet,
15. Atque etiam fortasse placet: quem gratulor antè
Regales penetrasse domos, puerique potentis
Ingenuas tetigisse manus, praeludia quaedam
Illud opus, ceu prima novae tentamina Musae,
Et munus puerile fuit: nunc altera summo
20. Dona viro, scriptos propriâ de laude libellos
Offerimus: pariterque patrem cum prole canentes,
Omnibus ista simul consorti jure dicamus.

- Suscipe cunctorum regnator Maxime regum;
 Suscipe lux mundi, cui nullum páruē priúsuē
25. Spirat in orbe caput: te gaudet Principe mundus:
 Te populi, te regna timent: te solis ab ortu
 Solis ad occasum, submisso vertice cuncti
 Suspiciunt: dominumque simul, Regemque fatentur.
 Nec solum nostri, vir maxime, temporis omnes
30. Praegrederis virtute viros; sed cuncta retrorsum
 (Pace loquar veterum) cedunt tibi nomina Regum.
 Solus ab Augusto consorti gaudet honore,
 Et socium claris admittit Carolus actis.
 Certa quidem vatis dementia, carmen agreste
35. De tanto cecinisse viro: sed parce furori
 Princeps magne pio: nec te praesumptio nostra
 Exagitet: solis licet insanire Poëtis.
- Cernis ¹⁾ ut aestivi blando spiramine solis,
 Ceu pecudes hominumque genus: sic parvula opaci
40. Monstra soli, viridesque aolent gaudere lacertae.
 Utque suo volucres coelum modulamine mulcent:
 Sic fruticosa leves quatiunt arbusta cicadae.
 Immò etiam mos est, ut plus cantare laborant,
 Qui gravius cantant: et balbi plura loquuntur. ²⁾
45. Sic ego, quem celebres optant laudare Poëtae,
 Nec digne laudare valent, temerarius ausu
 Praecipiti, tenuique paro celebrare camoenâ.
- Annue sollicito, Princeps mitissime, vati,
 Officioque pium devoto intende favorem.
50. Vos quoque, Caesarei juvenes, quos inde paterna
 Nobilitas veterum traducta ab origine Regum,
 Hinc ³⁾ matris commendat honos, seriesque vetusti
 Sanguinis, et clarae Rainaldus originis auctor.
 Annuite, et vestras ⁴⁾ pariter magnique parentis,
55. (Hoc etenim commune sacrum est) admittite laudes.

1) Rs. — certus A. o. cervus Sp. P. R. †. 2) loquuntur.
 m. Rs. †. 3) Rs. nunc A. ss. o. 4) Rs. nostras A. ss. o.

- Tu primum placatus ades, qui jure paterno,
 Virtutum regnique simul successor et haeres,
 Sceptra geris: magnisque patrem virtutibus aequas,
 Rex puer: et jam nunc Italís, Tuscisque timendus,
60. Eridanum, Tiberimque premis: fortassis et ista
 Indolis acta tuae, quaeque ipse sequentibus annis
 Adjicies virtute tuâ, modò vivere detur
 Et sceptris placuisse tuis, Henrice, canemus.
 O benè, quòd talem divina potentia Regem
65. Instituit: qui sic studiis imbutus honestis,
 Novit ab insipido doctum secernere vulgo;
 Jamque diu mutas, solitasque silere camoenas
 Excitat ad veterem dignâ mercede laborem.
- Tu quoque, quem patrio reverendum nomine
 Rhenus,
70. Et metuenda aliis formidat Suevia terris,
 Dux Friderice ducum, nostrae munuscula curae
 Suscipe: nec parvi placidus monimenta laboris,
 Porrectâque manu magno sub fasce labantem,
 Oppressumque metu (siquidem potes) erige vatem.
75. At ¹⁾ tibi, cui Rhodanus totus famulatur ab ortu
 Usque suo, totusque fluit, dum gurgite fesso
 Oceani tumidis tandem se misceat undis,
 Haec placuisse velim: dubium, puer inclyte, dici
 Réxne Comésne ²⁾ velis: veterum nam regna potenter
80. Allobrogum materna regis, regnique decore
 Dignus, ab excelso nomen deducis Othone.
 Nec tu, regifico Chunradi nomine clarus,
 Ac verus virtute nepos, cui foedere certo
 Nominis et juris, succedens, Francona rura
85. Herbipolimque regis, primae cui munera Musae
 Obtulimus, scriptos sacrâ de sede libellos,
 Praetereundus eris: sed hîc quoque nomen habere
 Te volumus, partemque novi sacramus ³⁾ honoris.

1) Ac. Sc. * 2) Duxne B. †. (*) 3) dicamus Sp. † (*)

- Ultima magnifici, sed non minùs inclyta, proles
90. Principis, oblatum puerili suscipe dextrâ
Munus, et his gaudens allude Philippe libellis.
Quod tibi venturi promittere nomen honoris
Ritè queam? Comitémne vocem, Regémne, Ducémne,
Pontificémne magis? sic quippe est fama, verendum
95. Disposuisse patrem: cujus praesagia nunquam
Fallere fata solent, rerúmue incognitus ordo.
Quidquid eris, nobis jam magnus es, atque verendus,
Jam te non puerum, sed sacrâ tempora mitrà
Velatum, oelsâ residentem fingo cathedrâ.
100. O verè magni proles generosa parentis!
O verè felix dulci de stipite fructus!
O verè famosa domus, cui totus ab ortu
Solis ad occiduas mundus substernitur undas;
Quam qui novit amat, qui non novere, verentur.
105. Cujus in auditu ¹⁾, confusis mentibus hostes
Tabescunt, contraque nihil se posse fatentur.
Nam pater invalido ²⁾ robustus et integer aevo
Extimulat, teneram ducitque per ardua prolem.
Illa velut patriae sectatrix aemula laudis,
110. Accelerat: tardamque ³⁾ putat, damnoque futurum,
Expectare dies, meritisque supervenit annos.
Quisnam igitur talem, tali cum prole parentem,
Laude satis dignâ poterit celebrare Poëta?
Et tamen aggrediar: liceat modo fortia gesta
115. Eximii memorare viri: non omnia, sed quae
Pulchra magis: quis enim, si prosequar omnia, codex
Haec capiet? seu quis poterit percurrere lector?
Illa quidem officio magnorum clara virorum
Sunt satis: et metus est, ne dum prodesse labore,
120. Inveniar nocuisse magis, rebusque serenis
Arguar insanus tenebras obducere vates.

¹⁾ inauditum A. Rs. α. ²⁾ in valido Rs. * ³⁾ A. Rs. — rr. tardumque. *

- Est tamen et ratio, quae forsitan ausa tueri
 Nostra queat, veniamque dare, et detergere culpam.
 Qui scripsére priùs, cupientes ordine certo
125. Historiae servare fidem, non pauca videntur
 Inseruisse suis (liceat modò dicere) chartis,
 Quae neque Caesareos augent vehementer honores,
 Nec contexta rei, sed tanquam adsuta cohaerent.
 At nos, siquid erit pulchrum minus, eximiumque,
130. Vel quod ad egregios non multùm Caesaris actus
 Pertineat, veri nihil adjectura decoris,
 Sponte relinquentes, tantùm potiora secuti,
 De multis modicam nitemur condere summam:
 Claudendumque manu formâ brevior libellum,
135. Ad demulcendas conflare legentibus aures;
 Ac velut è pleno, decerptis floribus, horto,
 Principe digna suo breviter compingere sarta.
 Siquem igitur rerum prolixior ordo, fidesque
 Incorrupta juvat, doctorum scripta virorum
140. Consulat, atque ipso latices de fonte petitos
 Hauriat: at si quis summatim carpere tantùm ¹⁾
 Rem satis esse putat, nostris apponat ocellum,
 Et medio ²⁾ tenuem de gurgite sorbeat undam.
 Praeterea ³⁾ rerum freti splendore, simulque
145. Artifici sermone suo, sensuque profundo,
 Materiae insigni metricas adsciscere leges
 Spreverunt: puduitque reor, puerilibus illos
 Lascivire jocis, et inanes texere nugas.
 Nos autem, sermone rudes, animoque pusilli,
150. Singula sub numerum certâ ratione vocantes
 Verba; superposito velabimus inlita fuco:
 Ut quem fortè parum malè cultus sermo movebit,
 Hunc saltem structura pedum, versusque canori
 Detineant, sitque hîc aliquid laudabile nostrum.
155. Nunc age, praemissis quae vel res ipsa monebat,

1) tantum. Ra. 2) modico. B. †. 3) praeteriti. B. ††.

- Vel vatis studiosus amor, solamine tuti
 Principis ac juvenum, de re, quod restat, agamus.
 Atque adeò praesens ex illo tempore textus
 Incipiat, quo prima sacrâ, Friderice, tulisti
 160. Sceptra manu: licèt antè quidem non pauca relatu
 Digna, vel à tenero gessisti fortiter aevo.
 Nam neque prima tuae nobis monimenta juventae
 Peroensere vacat, nec quae crescentibus annis
 Sub patre, vel patruo cunctis memoranda tulisti.
 165. Illa suis speciosa locis; nos regia tantùm
 Gesta levi calamo, quadam brevitate sequemur.
 Annus ab urbe novâ millesimus, utque notetur
 Res, qua voce potest, octingentesimus ibat:
 Vel magis, ut Christi, qui tempora condidit, ortu
 170. Tempora distinguas, millenis adjice centum,
 Mox quinquagenis subnectens quatuor ¹⁾annis:
 Temporis haec series effluxerat, orbaque regni
 Teutonioi sedes Chunradi morte vacabat.
 Acturi sacrae de successore coronae
 175. Conveniunt Proceres, totius viscera regni,
 Sede satis notâ, rapido quae proxima Mogo
 Clara situ, populoque frequens, murisque decora est,
 Sed rude nomen habet: nam Teutonius incola dixit
 Franconefurt: nobis liceat sermone Latino.
 180. Francorum dixisse vadum: quia Carolus illic
 Saxonas indomitâ nimium feritate rebelles
 Oppugnans, rapidi latissima flumina Mogi,
 Ignoto fregisse vado, mediumque per amnem
 Transmississe suas neglecto ponte cohortes
 185. Creditur; inde locis mansurum nomen inhaesit.
 Huc sacri, celebresque viri, quos laude serena
 Infula, vel gladius mundo facit esse verendos,

1) Idem annus, licèt falsò, notatur in cod. msct. Othonis
 Frising. testante Muratori SS. rer. Ital. Tom. VI. p. 699.
 Not. 1.

- Ex omni regione fluunt, ad publica regni
 Commoda: de summis agere ac disponere rebus
 190. Exactâ ratione parant, éque omnibus unum,
 Qui inodò sit tantò succedere dignus honori,
 Praefecisse sibi celeri pietate laborant.
 Sic ubi noctivago stellarum lumine puppis
 Decurrit pelago, si fortè noocentibus illam,
 195. Qua regitur cursus tenebris premit invida nubes,
 Abrumpitque vias, alio sibi sidere nauta
 Quærit iter, clavique modum, velique tenorem
 Innovat, et radiis accomodat arte carinam.
 Sic ¹⁾ postquam sedere Duces, dubioque volutant
 200. Pectore, cui tanti regni tribuantur honores,
 Saxones, et quorum Ripuaria nomine tellus,
 Westualiaequæ urbes, et Norica rûra regentes,
 Allobrogumque duces coëunt, Cimbrique feroces,
 Quos perfusa suo pugna Germania Rheno
 205. Misit, et à magno tellus signata Luthero.
 Vindelici, Rhaetique ruunt, quos Suevia nutrit,
 Quosque Carentinis collimitat Austria campis,
 Quos Lycus, et tumidis Ister praelabitur undis;
 Quique ²⁾ suos urbes huc direxère potentes,
 210. Claraque Teutonici coëerunt nomina regni.
 Nec minùs ex Italis multos, et gente Latinâ
 Traxerat huc rerum miratrix fama novarum;
 Concilium, Regemque novum, faciesque verendas
 Aspersisse Ducum, famosaque nomina nosse
 215. Optabant, populisque suis exacta referre.
 Ergo ubi tanta patres audire negotia, dignum
 Insedere locum, diverso magna favore
 Pondera librantes, nunc hos, nunc protinus illos
 Inspiciunt: versantque diu moresque genusque,
 220. Ingenium, famam, fortunæ simplicis usum,
 Eventum, finemque simul, quæ commoda regni

1) hic. B. 2) quæque Rs.

- Inde fluant, quae damna sui: judéxne severus,
 An facilis, pius, anné ferox, largitor honestus,
 Anné rapax, pacem portendat ¹⁾, an arma minetur,
225. Omnia sollicito curarum examine pensant.
 Tandem quid peteret regni fortuna, per unum
 Dignata est aperire virum: qui nomine clarus,
 (Dux, comes, an praesul, dubium) formâque verendus,
 Consilioque potens, et persuadere peritus,
230. Surgit: et ut magnis vocem cum corpore rebus
 Composuit, facunda pater sic ora resolvens,
 Omnia suasibili permulsit pectora voce:
 Francorum Proceres, quos inclyta robora regni,
 Et validas nunquam pudeat dixisse columnas,
235. Scitis ut è medio, dolet heu, sublatus acerbo
 Funere Chunradus vitam regnumque reliquit:
 Nunc igitur (veluti cùm luditur alea) prudens,
 Si qua malè acciderint, ea lusor corrigit arte:
 Sic nos, humanae lusit quos alea sortis,
240. Consilio fati casum properemus iniqui
 Corrigere, et tanto solatia ferre dolori.
 In manibus vestris regnum est: ea quippe potestas
 Ad vos more suo, semper viduata recurrit.
 Regibus est aliis potiundi jure paterno
245. Certa fides, sceptrumque patris novus accipit haeres.
 Nos, quibus est melior libertas, jure vetusto
 Orba suo quoties vacat inclyta principe sedes,
 Quodlibet arbitrium statuendi Regis habemus.
 Ex quo Romanum nostrâ virtute redemptum,
250. Hostibus expulsis, ad nos justissimus ordo
 Transtulit Imperium; Romani gloria regni
 Nos penes est: quemcunque sibi Germania Regem
 Praeficit, hunc dives submisso vertice Roma
 Suscipit, et verso Tyberim regit ordine Rhenus.
255. Consulite in medium, tantâque à plebe potentem,
- 1) pacem portendat (*).

- Unum, quem tanto deceat succedere Regi,
 Eligite, Ausoniam dignum gestare coronam.
 Ast ego, si vestrâ, quae sit sententia mentis,
 Pace monere licet, quo nostri pondera vergant
260. Consilii (vos rem propius perpendite) promam.
 Est hîc eximiae juvenis probitatis, et alto
 Nomine majorum clarus, sed clarior actis
 Ipse suis, patrii Fridericus nominis haeres,
 Suevus, et à veterum non longè sanguine Regum,
265. Quem sibi, dum superâ frueretur luce superstes,
 Rex patruus dignum gaudebat habere nepotem,
 Multaque cognati mandare negotia regni
 Sueverat, et socium summis adiscere rebus,
 Quid juvenis de laude loquar? quid fortia primae
270. Acta juventutis? quid, quod peregrinae sequutus
 Castra Dei, primis ¹⁾ tyro famosus in armis
 Gessit? et invictâ quantos virtute labores
 Pertulit, expediam? timeo, ne multa loquendo
 Inveniar dixisse minus. Notissima res est,
275. Quam qui fortè negat, nunquam vidisse diurnos
 Se Phoebi radios, nec verno tempore flores,
 Aestibus aut mediis audisse tonitrua dicat.
 Hunc ego Rectorem fausto clamore cieri,
 Incingique sacro nitidos diademate crines,
280. Et moneo, et nunquam, fateor, monuisse pudebit.
 Si satis hunc novi, nec me praesagia fallunt,
 Nobilitate viget, claroque hinc sanguine Reges,
 Inde Duces contingit avos: facundia dulcis,
 Forma nitens, animusque sagax, manus impigra,
 sollers
285. Consiliis, belloque ferox, et pace modestus,
 Mente senex, aetate puer, prudentia rerum,
 Certus amor, robusta fides, constantia mentis
 Nec frangenda malis, nec sustollenda secundis,

1) P. Rs. — A. rc. prima. — Ependat. sibi sumit W.

Laudis amans, largitor opum, crudelibus atrox,
 299. Tranquillus placidis, ferox indomitusque superbis,
 Supplicibus facilis, justis pius, asper iniquis,
 Fortis ad instantes casus, prudensque futuri,
 Praeteritique memor, sociis bonus, impius hosti.

Haec sunt ô Proceres, haec sunt quae regna tueri
 295. Ac munire solent: his artibus infima crescunt,
 Maxima servantur: ni fallimur, artibus istis,
 Seque suosque reget: neque enim quas hactenus ultro
 Et gratis coluit, sumtâ mercede relinquet.

Nam quod summa probos mutare potentia mores
 300. Dicitur, ex aliâ sumtum magis aestimo causâ:
 Siquis fortè sibi perversae conscius artis,
 Ingeniique mali, tacitus captator honoris
 Tempore dissimulat: cùm quod cupiebat, adeptus,
 In vitium moresque redit, mutasse videntur

305. Immeritique hominem violasse putantur honores,
 Quos magis ille malo corrumpit et inquinat usu.
 At cuicumque bonum, et nullo violabile casu
 Ingenium natura dedit, si laetus honorem
 Fortè tulit, quo dignus erat, tunc tempore rapto,

310. Illa latens probitas laeto pubescere fructu
 Incipit, et sese virtutum germina produnt.
 Sic puer à tenero castis qui moribus aeo
 Floret, et hunc habitum naturae vertit in usum,
 Qualis erit? quantûsve putas? quae gloria regni?

315. Quis decor Imperii tanto sub Principe surget?
 Hunc ipsum voluisse suis succedere regnis
 Et patrum, res ipsa probat, cui sanguine juncto,
 Ac velut haeredi moriens insignia nuper
 Regia, nil parvâ sperans de prole, reliquit.

320. Quippe Deus, si regna diu voluisset in illâ
 Stare domo, prolem potuit servasse priorem,
 Quae jam suscepto consorti foedere regno,
 Flebilis indignâ praecessit morte parentem.

Nunc quoniam fatis è fratribus alter iniquis

325. Occidit, et casu regnum fraudavit acerbo,
 Alter adhuc teneris puer est malè firmus in annis:
 Quis melius patruo (faveat modò vestra voluntas)
 Succedat, quàm quem studiis et carne propinquum
 Ipse sibi haeredem quasi designasse videtur?

330. Noverat ille quidem generosae robora mentis,
 Noverat, atque ideò regnum, quantum esset in ipso,
 Tradidit, et nato voluit praeferre nepotem.
 Nec alienus erit: nulla hîc translatio regni,
 Nulla sub ignoti redigemur jura tyranni.

335. Adde quòd antiquâ Regum nutritus in aulâ,
 Regia prudenter tractare negotia novit.
 Adde quòd et geminas poterit Regumque Ducumque,
 Hanc patris, hanc clâro contingens sanguine matris,
 Conciliare domos, quas seditione frequenti

340. Excitat impatiens sociae discordia laudis.
 Siquis ob invidiam studiiue latentis amorem,
 Tot bona secreto dissuasor inutilis astu
 Impedit, imprudens aut perfidus esse probatur.

Sic ubi mellifluâ, quisquis fuit ille, disertus

345. Voce peroravit, concordî protinus omnes
 Assensere sono: laeto clamore cietur
 Dux puer in Regem: Fridericî curia nomen
 Tota canit: moresque probos, et fortia facta
 Extollunt, dignum sceptris, ultroque petendum,

350. Cogendumque ferunt: alii famosa priorum
 Nomina, permixtumque genus Regumque Ducumque
 Commemorant: alii stûdium, magnique vigorem
 Pectoris, et placidos, sed non sine pondere, mores.
 Pars operum titulos jactant, aevique minoris

355. Vix aequanda viris, annisque valentibus, acta.
 Hanc ego rem penitus, quam dicere pauca, silere
 Tutius esse puto: non est mihi carminis inde
 Tanta fides, pleno scribens ut cuncta relatu

Exaequare velim; magnum res ista Poëtam

360. Exigit, in minimis nobis audacia rebus.

Mox ubi ritè suam Proceres juramine sacro
Astrinxère fidem, cunctis, quae postulat ordo,
Expletis, paucisque novo cum Rege relictis,
Discedunt, laetique suas referuntur ad urbes.

365. Sic ubi mundanis dominantia sidera rebus

(Si modò vera canunt, qui talia tradere gaudent
Dogmata) propitio post plurima saecula signo
Conveniunt, aliquemque boni majoris in orbe
Proventum, pacem terris, hominùmve salutem,

370. Temperiemue poli, fidòsve colentibus agros,

Aut simile his aliquid concordì foedere jurant:
Inde suis iterum vicibus, versoque relapsu
Discedunt, solvuntque chorum, repetuntque penates,
Non nisi post longos iterum coitura labores.

375. At Rex prima movens, ibi re feliciter actâ,

Castra, per emensas memorati fluminis undas,
Classe petit celebrem famosi nominis urbem,
Qua Mogus tumido miscet sua flumina Rheno:
Qui licet ipse suum perdat cum gurgite nomen,

380. Dat tamen egregiae primordia nominis urbi:

Illaque majori, cum sit popularior amni,
Negligit, et fluvio dignatur ab hospite dici.
Namque premens Rhenum (si credimus omnia famae)
Nomen ab infuso recipit Moguntia Mogo.

385. Haec urbs Francorum medijs in finibus, agris,

Vitibus, arbustis, populo generosa frequenti,
Hinc statione suâ Rhenum contingit, at inde
Extendit rapidam fines procul usque Mosellani,
Quae non paenè minor, placidos dum permeat agros,

390. Frugibus et pomis, et dulci fertilis uvâ,

Nomen, aquasque suas, proprio sub jure retentans,
Fluminis ex gemini confluxu nomen habentem
Servat adusque locum: victor mox Rhenus utrumque

Eripit, et mixtis dominatur fortior undis.

395. Turribus haec eadem quondam, murisque superba,
 Paenè fuit toto sedes notissima regno,
 Donec ob infandum, detestandumque furorera
 Strata, luit meritas, occiso Praesule, poenas;
 Inde ruinosus deformis et horrida muris,

400. Testatur justas offensi Principis iras.

Huic ne praecipuam celebret Germania sedem,
 Invidet, atque locum tenet Agrippina priorem.
 Ambae metropoles: haec quas praeterfluit amnis
 Altior ad fontem (modò te, Basilea, remotâ),

405. Aut hinc inde sitas lateraliter adspicit urbes:

Altera, quas eadem Rheni procul aut propè ripâ
 Possidet, aequoreis donec se misceat undis,
 Prisco jure regunt: sic Rhenus partibus aequis
 Scinditur, et dominae solus famulatur utrique.

410. Mox, quantum libuit ¹⁾, per eundem defluus amnem

Remige carpit iter: multi, magnique potentes
 Occurrunt, Regemque novum, dominumque salutant.
 Utque satis visum est, Rheno, ratibusque relictis,
 Flumineos cursus evectum mutat equorum.

415. Inde per Ardennae saltus pervenit ad illum

Usque locum, cui nomen Aquis posuere priores.
 Quae ratio facti, vel quae sit nominis hujus
 Causa requirenti, solum hoc ²⁾ opponere possum:
 Sunt ibi secreti terrae, caecique meatus,

420. Dissimilique modo, tacitâ tellure latentes

Ejaculantur aquas. Alias nam sulfure vivo
 Ferventes, undante ferunt erumpere fumo;
 Ast alii gelido veluti de fonte liquores
 Emanant, tunc ductâ cavis canalibus undâ

425. Confluit in quandam mirâ ratione lacunam.

Regia ³⁾ sic calidis miscentur balnea thermis,
 Marmoreosque gradus veterum sollertia circum

1) licuit Rs. † 2) haec? 3) frigida. m. Rs. *

- Artificum posuit, per quos descendat in undam,
 Quantum quisque volet: gelidas hinc, inde calentes
430. Invenit, arbitrioque suo sibi temperat undas.
 Hos illis secreta locis natura vapores
 Addiderit, manuumque labor ¹⁾, quaeratur ab illis,
 Qui loca nota colunt: caussas, secretaque rerum
 Majores ²⁾ fido possunt audisse relatu.
435. Hoc sibi prima loco veluti cunabula regni
 Carolus esse volens, magno cum Francia regi
 Utraque serviret, primam gestare coronam
 Jussit, et in sacrâ reges ibi sede locari.
 Et ³⁾ simul à nostro secessit Gallia regno,
440. Nos priscum regni morem servamus; at illa
 Jure suo gaudet, nostrae jam nescia legis.
 Ergo ubi multorum turbâ praesente potentum,
 Non modò Germanis, sed et his, quos Flandria,
 Miserat audita miratrix Gallia famae, [quosque
445. Imposuit capiti gestamina regia sacro
 Arnoldus, quo tunc pastore Colonia dives
 Gaudebat, (quippe hunc veteris sibi juris honorem
 Vindieat ille locus) tunc sacrâ sede locatus,
 Conscendit solium veterum Fridericus avorum.
450. Nec reticere libet quaedam manifesta severae
 Pignora justitiae, strictique exempla rigoris.
 Quippe ministrorum quidam de plebe suorum,
 Dum privatus adhuc ageret, malè sanus atroci
 Eximium clarumque Ducem percellere culpâ
455. Ausus erat, justamque viri quam noverat iram,
 Territus ipse sui fugiebat imagine facti:
 Hic quoque gaudenti, veniae spe lusus inani,
 Intererat populo, vultuque ignotus operto, ⁴⁾
 Ac se dissimulans, humili sub veste latebat.
460. Ergo ubi Pontifices sacram de more coronam
 Imposuere viro, prostratus corpore toto,

1) (*) 2) Majoris s. majorum. V. * 3) at. Rs. † 4) Rs. -
 A. ss. aperto. o

Regiaque amplexens vestigia, voce gementi,
Et lachrymis, veniam miserandus poscere coepit.

Moti omnes, precibusque piis instantius orant,

465. Parcat, et afflicto velit indulgere clienti:

Ille suum cupiens cunctis sancire timorem,
Et terrere malos, multumque diuque rogantes
Exaudire viros firmatâ mente negavit.

Neuè gravi Proceres quaterentur fortè repulsâ,

470. Non odio miseri, sed stricti juris amore,

Exemplique loco, sese hoc fecisse patenter
Asseruit, factique sui vir providus omnem
Sustulit invidiam, documentaque fortia sanxit.

Forsitan haec alii culpent: ego nobile factum

475. Laudo viri, dignumque voco gestare potenti

Sceptra manu, qui sic animum, pietate repressâ
Continuit, cunctisque sui documenta vigoris ¹⁾

Certa dedit; plus saepè nocet patientia Regis,

Quam rigor: ille nocet paucis, haec incitat omnes,

480. Dum se ferre suos sperant impunè reatus.

Audierat fortasse puer generosus, ut olim

Ille suae primus regnator Romulus urbis,

Conditor Imperii, teneras infringere leges,

Atque humiles ausum saltu transmittere fossas,

485. Jusserat ultrici fratrem succumbere morti,

Dum cupit aeterni fundamina ponere regni.

Jamque sui plenum sortitus culmen honoris

Rex puer, ex animo puerilia quaeque virili

Propulsare manu, magnisque intendere rebus

490. Ingenium puerile parat; non inscius olim

Ipsè sui, quantumque oneris comitetur honorem,

Cooperat ex obitu clari sentire parentis.

Sed nunc se solito graviori pondere sentit

Urgeri, multumque sibi crevisse laboris.

495. Ut cùm post multos indefessosque labores

1) rigoris m. Rs. †

Alcides fesso succedere jussus Atlanti,
 Cum tot sideribus magnum miratus Olympum
 Ferret, et insolito sudaret pondere pressus.

Ergo viros, famosa quibus prudentia nomen,
 500. Longaque multarum dedit experientia rerum,

Sæpius arcanis solitos interfore rebus,
 Adsciscens, magni secreta negotia regni
 Pertractans studio, de cunctis rebus agendis
 Consulit: et pulchrum, justumue, vel utile quid sit,

505. Quid deceat, quid non, studiosâ mente requirit.

Nec mora, legatos summo mandata ferentes
 Pontifici, properare jubet, cunctasque per urbes
 Ausoniae vulgare suos indicit honores.

Primitias operum Princeps has esse suorum
 510. Maluit, ut regni manifestos protinus hostes
 Frangeret, et justo purgaret scandala ferro.

Haud mora, Trajectum, patruo regnante, superbâ
 Abjecisse jugum cervice, piumque recenter
 Offendisse virum factis crudelibus ausum,

515. Hostili fervore petit: murosque parabat
 Inclinare solo, captasque evertere turres,
 Suppliciumque reis (pietas ô magna nepotis
 Judiciumque viri) patruels fortiter iras
 Ultrici satiare manu, regnique dolorem.

520. Sic Augustorum primus summusque monarches,
 Eximiusque nepos, crudelia Caesaris olim
 Hostibus extinctis, pius ac fortissimus ultor,
 Protinus accepto diademate fata piavit.

Tandem multorum vix eluctante rogatu
 525. Magnorumque Ducum, multo prius aere redemptis
 Parcitur, et justi fera Principis ira resedit.
 Nec melius stultae furor atque superbia plebis
 Puniri poterat, quam tanti ut caussa tumoris
 Eriperentur opes: et 1) quos opulentia rerum

1) ut Rs. †

330. Fecerat elatos, in se revocaret egestas.

Inde gradu verso, gaudentibus obvia Rheni
Signa ferens undis, te pulchra Colonia, lætam
Laetior ingrediens: ibi digno vir pius illum
Egit honore diem, quo Christus carne resumptâ,

535. Victor ab infernis rediens nitidissimus umbris,
Retulit eximios superatâ morte triumphos.

Postea Saxoniae fines ingressus, ad illam,
Quam Martinopolim vocat incola Teutonus urbem,
Concilium Procerum toto de corpore regni

540. Convocat: ut digno celebretur curia coetu
Tempore solenni, quo Spiritus almus ab alto
Cum sonitu veniens in pectora sancta piorum,
Ignea distinctis effudit lumina linguis.

Huc etiam geminos, Petrum simul atque Guidonem,

545. Danorum Proceres, quos inter sanguine junctos
Moverat ejusdem regni dissensio litem,
Evocat, ac tali causam ratione diremtam,
Terminat: ut quaedam provincia tota Guidoni
Cederet, at regnum cum nomine Petrus haberet.

550. Ergo ubi vexillo partem, quam diximus, ille,
Hic autem gladio regnum suscepit ab ipso;
(Hunc etenim longo servatam tempore morem
Curia nostra tenet) posito diademate Petrus
Regali dextrâ tulit alti Principis ense,

555. Praecessitque sacram brevius diadema coronam.

Huc quoque Virgineâ, modo dicere fas sit, ab urbe
(Nam neque barbaricum recipit mea pagina nomen,
Nec melius dici sine nomine posse videtur)

Electo partes gemino de praesule fitem

560. Pertulerant: quas dum placidè componere Rector
Et revocare diu frustra studuisset in unum,
Tandem exsufflato, qui poscebatur, utroque,
Tertius invitis datus est à Principe pastor.
Hoc etenim sibi jus collatum à Praesule summo

- 565. Rege sub Henrico testatur curia quinto:
 Ut si fortè novo certat de praesule sedes,
 Nec valet imposito sopiri fine querela,
 Debeat ipse suas mox interponere partes,
 Arbitrioque suo pastorem ponere sedi.
570. Nec priùs electum quenquam de jure sacrandum,
 Quam sceptro Princeps regalia praestet eburno.
 Inde Ratisponae (vetus ex hoc nomen habenti,
 Quòd bona sit ratibus, vel quòd consuevit in illâ
 Ponere nauta rates: hac Noricus urbe ducatus
575. Praecipuâ gaudet) solemnis curia certo
 Tempore mandatur, modico post ista sequentis
 Temporis elapsu, totus quo tempore mundus
 Gaudet Apostolici gemino splendore triumphi.
 Jamque viri reduces, Princeps quos miserat olim,
580. Urbibus ex Italis, nec non à Praesule summo
 Sedis Apostolicae, felicia quaeque reportant.
 Mox ubi propositas, quo debuit ordine, caussas
 Egit, et in placidâ Rex omnia pace locavit;
 Magna sibi cupiens quaerendae semina laudis,
585. Et propagandi momenta potentia regni,
 Protinus Hungaricos armato milite fines,
 Si placuisset idem sociis, intrare parabat.
 Et facturus erat, nec inutile Principis esset
 Propositum: poteratque suo rem claudere voto.
590. Sed quidam, semmente bonâ, monituque fideli,
 Sive dolo, tacitoque (magis quod credimus) astu,
 Dissuasére Duces: ac ne contrarius illis
 Ire videretur, nec in hac re commoda regni,
 Sed privata sequi, quamvis invitus, ab alto
595. Cessit proposito; sic dissuadentibus illis,
 Non sublata quidem, sed adhuc dilata voluntas,
 Vel magni virtute patris complenda, vel alti
 Sanguinis auspiciis, nactis sua tempora rebus,
 Speratur: neque enim frustra voluisse, nec unquam

600. Concepisse sacro praesagia vana futuri
 Pectore, vel quidquam temerè sperasse putabo.
 Non tamen in tanto rerum splendore locatus
 (Usque adeo nulla est hominis sincera voluptas).
 Gaudia plena capit tranquillo pectore Rector:
605. Quem bene compositis divino munere rebus,
 Anxia cognatae torquet discordia rixae.
 Nam duo magnifici Proceres, Henricus uterque 1)
 Nomen, et ambo pares factis insignibus, ambo
 Majorum titulis, bellum grave prorsus, et anceps,
610. Et multâ regni metuendum clade gerebant.
 E quibus hunc ipsum patrum generaverat ille
 Austricus ex aviâ Leopoldus marchio Regis:
 Hunc Noricus Ductor et Regis avunculus idem,
 Nobilis Henricus generosâ stirpe creavit.
615. Hi tristes belli caussas, et prima furoris
 Ex his nimirum traxerunt semina caussis:
 Nam pater alterius, Noricorum Ductor, atrocem
 Pulsus ob invidiam dudum, moresque superbos,
 Saxoniae tantum nudo sibi jure relicto,
620. Senserat ultrices Chunradi principis iras.
 Ereptumque sibi, regno tribuentè, Ducatum
 Antè Leopoldus, nunc ejus frater, et idem
 Rectoris patruus, pugnax Henricus habebat.
 Utque haec una lues sano de corpore tandem
625. Ac velut è medio nubes odiosa sereno
 Cederet, è cunctis, claro sub Principe, regni
 Partibus Herbipoli jussi coëre potentes.
 Affuit hîc Saxon, non affuit Austricus, ut qui
 Judicium fugeret: dudum possessa Ducatus
630. Perdere jura timens: nam caussa semper in omni
 Judicium spoliatus amat, qui possidet, odit.
 Quem tribus absentem totius curia regni
 Censuit edictis in jus debere citari.

1) utrique Rs.

- Nec minus Apuliae Calabrisque ex finibus alti
 635. Sanguinis hinc aderant proceres: quos ille locorum
 Invasor patriis migrare Rogerius oris
 Jusserat, et totâ profugos regione fugarat:
 Multaque flebiliter crudelia facta tyranni
 Dequesti, patriâ sese tellure fugatos,
 640. Proscriptosque bonis, indignaque plurima passos,
 Morte, vel exilio, vel longo carceris usu
 Damnatos, miseras gemitu rumpente querelas,
 Addiderant, rebusque suis à Principe nostro
 Auxilium, et regni vindictam jure petebant.
 645. Mota manus procerum, Regemque defiliter omnes
 Tam manifesta rogant, totius scandala regni
 Vindicet, et tantam juris morumque ruinam.
 Accipit hæc laetus Princeps, gaudetque rogari,
 Materiamque novae sectandae laudis habere;
 650. Signaque trans Alpes post prima biennia ferre,
 Regia, communi procerum juramine sancit:
 Ut simul Imperii sacrâ de sede coronam
 Sumat, et injusti fera corrigat acta Rogeri.
 Hunc, ut fama, virum, pariter cum fratre Roberto,
 655. Cui propter sensus agiles, animique vigorem
 Cognomen Guiscardus erat, Normannia quondam
 Ediderat: mediâ rerum seu stirpis agentes
 Fortunâ, sed mente suis et pectore longè
 Praestantes, validosque manu, formâque venustos,
 660. Laudis amatores, magnarum semina rerum
 Quaerentes, cupidosque suis notescere factis,
 Quique magis sese claro de sanguine regum,
 Quam de privatâ Gallorum gente docerent.
 Hi dum sub teneris, et adhuc crescentibus annis,
 665. Nescio quid valido ¹⁾ tractarent pectore pulchrum,
 Ipsâ nimirum fortunâ voce latenti
 Exhortante viros, et blandâ maxima quaedam ²⁾

1) calido m. Rs. † 2) quaeque?

- Promittente manu, jam spe ventura trahentes,
 Omne solum forti patriam quique ²⁾ esse putant:
670. Ausi sunt totâ, spreis natalibus agris,
 Demigrare domo, nomen, gentemque, domumque
 Optantes peperisse sibi: nec Gallica tantum
 Rura, sed abruptas excelsis rupibus Alpes
 Festino transire gradu: tandemque per urbes
675. Italiae, Latiasque domos, quasi debita rura,
 Apuliam, Calabrosque viri petiere penates.
 Regia sic volucris, primas ut crescere plumas
 Artubus, et teneros durescere senserit ungues,
 Naturae sectatur iter: jamjamque parentum
680. Officio contemnit ali, nidoque relicto
 Egreditur, parvoque pudet latuisse cubili:
 Mox confisa sibi securo tuta volatu,
 Aut leporem venatur agris, aut aethere cygnum
 Corripit, et proprios in acutâ rupe penates
685. Aedificat, similesque sibi parat edere foetus.
 Illa quidem tellus nullius muneris expers
 Foetibus arboreis uberrima, vitibus, agris,
 Urbibus, et castris, omnique decore nitebat:
 Sed vulgus stolidum, pravum, rude, futile, vanum,
690. Moribus incultum, fragili male corpore firmum,
 Otia longa sequi solitum, fugiensque laboris,
 Mente manuque pigrum, nec pace, nec utile bello.
 Ergo viri, mores hominum, cultusque locorum,
 Ingeniumque suum, aollerti pectoris astu
695. Tractantes, semperque viros ingentia fortes
 Ausa decere rati, potundi finibus illis
 Spem rapiunt animo: missisque fidelibus, omnes
 Francigenas, quos aut humilis fortuna parentum,
 Aut novitatis amor, seu magna audacia mentis
700. Finibus à patriis ad praemia magna vocavit,
 Adsciscunt, totamque brevi sub tempore terram

1) cuique Sp. P. R. Rs. †

- Viribus, arte, dolis, multoque labore subactam,
 Civibus expulsis, injusto jure tenebant.
 Teque sibi, patriae laudis Robertus, et alti
 705. Nominis haeredem dignum, Boamunde, reliquit.
 Qui mox auspiciis tibi designata paternis,
 Antiochena manu cepisti moenia victor
 Fatalis, generique tuo servanda dedisti.
 Alter at aequivocum sibi consimilemque Rogerum
 710. Progeniuit: patriis, qui nunquam degener actis,
 Marte suo Siculis adjecit plurima regnis:
 Quin et belligeris Byzantion usque carinis
 Vectus, inauratas in regia tecta sagittas
 Ipse manu propriâ juvenili fortiter arcu
 715. Misit, et aeternae laudis monimenta reliquit.
 Hanc tamen historiae seriem plerique relatu
 Confundunt, variantque suo, solique decorem
 Roberto, magni gaudent adscribere facti,
 Cumque Boamundo fortem genuisse Rogerum
 720. Hunc perhibent, natosque suis virtutibus ambos
 Informasse patrem: nec solum rebus in illis,
 Quas jam sors dederat, sed quas praesaga futuri
 Spondebat ¹⁾ mens alta viro, magnique paratus,
 Haeredes in spem magnam succedere jussos
 725. Instituisse sibi, mandataque fortia pulchrae
 Indolis extremo pueris in fine dedisse,
 Et largâ tribuisse manu, quaecunque vel hostis,
 Vel timidus, dignusque minus possessor haberet.
 Unde Boamundo noster *Solymarius* illam
 730. Externi juris Lybiam, Siculosque penates,
 Et claram Antiochi, quam nondum viderat, urbem
 Assignasse refert, famae vulgata secutus.
 Rumor, an historicus sit certior ordo, requirat
 Lector, et ambiguo scribenti grandia versu
 735. Ignoscat vati: nondum satis illa propago,

1) Spondebant Sp. P. R. †

Et Siculae series nobis innotuit aulae,
 Ex qua praeclaro generosam sanguine nuptam
 Augustas tetigisse sinus, castumque potentis
 Regis inisse thorum laetatur maximus orbis.

740. Primum post istam vidit Vormatia sedem
 Concilium procerum jussu concurrere Regis.
 Huc ambo venére Duces; sed curia nec tunc
 Evaluit veterem procerum sopire querelam.

Tempore mox alio rursum revocata potentum

745. Turba Ratisponam, studio tentavit inani,
 Pace reformatâ, longam compescere litem.
 Proximus inde fuit procerum concursus in urbe
 Spirensi, geminosque Duces, multumque diuque.
 In placidos mores, solidamque reducere pacem

750. Conati, longum frustra insumpsére laborem.

Hinc etiam Rector Manueli, principe quo tunc
 Porphyriogenito ¹⁾, gaudebat Regia sedes,
 Legatos properare jubens, de foedere pacis
 Communique bono, regnique utriusque salute

755. Verba ferenda dedit, suadens ob facta Rogeri
 Guilhelmo, qui jam defuncti sceptrâ parentis
 Et raptas servabat opes, indicere bellum.
 Et quia nuper eum deprenso foedere juncti
 Sanguinis, à primâ secedere conjuge Papa

760. Jusserat, et thalami viduatus sorte carebat,
 Consortem dignam pariter regnique thorique
 Ejusdem de stirpe petens, quo firmiùs illum
 Constringat validis in pacis foedera nodis.

Tandem instante pio vehementer Saxone Regi,

765. Ac repetente summi penitus sine fine Ducatum,
 Quem castris adire suis Rex ipse parabat,
 Goslariam Proceres, et partem litis utramque
 Evocat. Hic patruo caussam fugiente, nepoti
 Reddidit evictum, servato jure, Ducatum.

1) Porphyrogenito B. *

L I G U R I N I.

LIBER SECUNDUS.

- Tertius eximio regni felicitis ab ortu
 Annus erat Friderica tui, castrisque movendis
 Instabat praefixa dies: tunc rura relinquens
 Saxoniae, superasque petens cum milite multo
5. Ipse sui partes regni, qua Norica lambit
 Rura Lycus, placidis factus jam mollior undis,
 Non procul Augustâ consedit Rector ab urbe:
 Proxima Brixno ram famosi nominis urbem,
 Altera saxosum tetigerunt castra Tridentum.
10. Inde per anfractus rigidos, angusta locorum
 Saxosis horrenda jugis, faucesque malignas
 Carpit iter: tandem longo, magnoque labore
 Alpibus evictis, campos et plana jacentis
 Aspicit Ausoniae, stagnoque propinqua jacenti
15. In campis Verona tuis tentoria ponit.
 Sed quia defectu miles cogente ciborum,
 Dum rigidam duro transiret limite vallem,
 Et loca nec Cereri foecunda, nec hospita Baecho,
 Illicito raptu sacras spoliaverat aedes;
20. Antè profecturis quàm Rex procedere castris
 Vellet, et humani tractare negotia regni,
 Instituit placare Deum, regique superno
 Seque suosque piis humiles supponere votis:
 Protinus ex omni collectos agmine nummos
25. Corrogat, atque viris commissa fidelibus aera,
 E quibus hic Praesul, Comes ille, probatus uterque,
 Distribui justâ spoliatos sorte per omnes

- Imperat et licitae ¹⁾ compensat damna rapinae.
 Nobile Regis opus: quamvis penuria factum,
 30. Ut quondam sancti David, excusare valeret:
 Non tamen hac in re causas attendere, sed rem,
 Nec quid sit licitum perpendere, sed quid honestum.
 Mentis quippe bonae proprium est ²⁾, agnoscere
 culpam,
 Culpa ubi nulla subest. Tunc demum signa revellens,
 35. Runcaliam properat rapidis attingere castris.
 Est locus Italiae, modicum sejunctus ab urbe,
 Cui, quia pulchra situ placet, inde Placentia nomen,
 Planus, et Eridani placido junctissimus amni,
 Effundit latos spatioso limite campos:
 40. Hic quoties claram Regnator tendit ad urbem
 Teutomus, Ausoniam sumturus rite coronam,
 Ponere castra solet: ligno suspenditur altè
 Erecto clypeus: tunc praeco regius omnes
 Convocat à dominis feudalia jura tenentes.
 45. Exceubias Regi primà celebrare fideles
 Nocte, vetustorum debent ex more parentum.
 At quicumque domi domino nolente relictus,
 Defuerit, feudo privari Curia censet.
 Tunc quoque nonnulli censurà vindice regni
 50. Amisere du tali possessa reatu.
 Quin et Pontifices Halberstadensis, et ille
 Sub quo Brema fuit, tali regalia jura
 Amisere notà: personae scilicet ipsae,
 Non tamen Ecclesiae: neque enim quod pastor iniquè
 55. Gesserit, Ecclesiae fas est in damna refundi.
 Nunc age, de terrâ memoratu plurima sacro
 Digna relaturi, positum, sedemque locorum,
 Nominibusque datis, populos, ritusque vetustos
 (Sient ab antiquo vulgavit fama) canemus.
 60. Haec Appennini rigidis hinc rupibus, inde

1) illicitae. B. †. 2) deficit 20 est in A. Sp. et R.

- Alpibus, aëriis pressa, atque coërcita tellus
 Longa, sed angustam zonae sortita figuram,
 Hinc sale Tyrrheno, Venetis hinc clauditur undis.
 Quippe Noti rapidos aestus, Austrique vapores,
 65. Appennine, tui sibi temperat obice ¹⁾ montis.
 At rapidum ²⁾ Boream, gelidamque timentibus Arcton
 Praesidio veniunt objectis rupibus alpes:
 Tyrrhenum Zephyro, vagus Adria tunditur Euro.
 Forsitan, hos aliquis, velut uno corpore, montes
 70. Jungit, et ut capiti duo brachia subicit uni,
 Ut Pyrenaeum vero sit nomine totum,
 Totius partes sint Apenninus et Alpes.
 Haec tamen hinc aliquas invasit opinio mentes:
 Nam qua belligeris totiens experta carinis
 75. Janua Tyrrheni pulsatur gurgitis aestu,
 Cernuntur gemini sese contingere montes,
 Ae velut expansis hinc inde fideliter ulnis
 Amplecti gremio populos et moenia lato.
 Magnus, et Hesperio non ignoratus in orbe,
 80. Et multum debens antiquis vatibus, unda
 Hanc medio secat amne Padus, zonasque minores
 Ex unâ facit esse duas, populosque bipertit,
 Quem geminis, hinc inde fluens è partibus unda
 Ditat, et Adriacas opulentior influit undas.
 85. Haec unâ tellure, triplex provincia, ternos
 Scinditur in populos: Venetus, Ligus, Aemiliusque
 Incolit: à populo recipit provincia nomen.
 Quaelibet, et multas in se complectitur urbes.
 Haec igitur dulci gaudens uligine tellus,
 90. Tam Cereris, Bacchique ferax, et mitis olivae
 Arboris, et pecorum, nullius frugis honorem
 Ignorat, nulloque dolet se munere tardam.
 Aemiliae primam famâ cognovimus urbem,
 Quae velut ex aquilâ, cunctarum rege volucrum,

1) P. obice * 2) Sic A. s. rr. rigidum †

95. Nomina clara trahens, Aquileia ritè vocatur.
Metropolim Ligurum dicunt, sedemque supremam;
Quam Mediolanum Ligus incola nominat urbem:
Sive quod in mediâ quadam tellure medulla
Omnibus ingenuis acerrima¹⁾ rebus abundat:
100. Seu quod ab invento trahit ista vocabula potto,
Lanea qui medio portabat vellera tergo
At quam præcipuo Venetus colit ordinis sedem,
Nomine non alio quàm tellus ipsa vocatur:
Urbs opulenta nimis, quamvis circumscinet illam
105. Pontus, et Adriacis ingestus fluctibus agger
Eliso medicam concesserit æquore sedem.
Hanc vêtus Italiam sermo vocat ulteriorem:
Quod mediâ Tusci seclusa orepidine montis,
Longius à pulchrâ Romana colonia. Ratis
110. Distet, et Ausoni quidam sit terminus orbis.
Haec autem magno quæ clauditur Appennino,
Etruscasque domos, et claram continet urbem,
Interior veteri consuevit more vocari.
Mox ea quæ Siculum protenditur usque profundum
115. Apuliam, Calabrosque sinus, Campanaque rura
Amplectens, seu citior, seu Graecia major
Antè vocata fuit, mediam tamen huic quoque multi
Connumerant, unoque duas sub nomine pantit.
- Hanc olim bello, quem Scanzia²⁾ miserat, hostis
120. Barbarus invasit: maribus qui Marte peremptis,
Crinibus ad mentum torvâ sub casside præssis,
Coeruleâque comâ barbani simulante virilem,
Foemineas armasse greges, olademque virorum
Infirmâ supplesse manu, sic denique victor
125. Hæc loca foemineo fertur tenuisse triumpho.
Hæc quoque de causâ signato nomine tellus
Dicitur à longis ea Longobardia barbis
Protinus indigenis paulatim sanguine mixto,

1) uberrimam. B. † 2) Sic A. - rr. Scandia †. (*)

- Barbara plebs, praeter consuetum gentibus usum.
 130. Transiit in sociam suscepto nomine gentem.
 Gens astuta, sagax, prudens, industria, sollers,
 Provida consilio, legum jurisque perita:
 Corpore, mente valens, animo vigil, ore venusta,
 Membrorum levitate vicens, patiensque laboris,
 135. Prompta manu, sermone fluens, avidissima laudis,
 Artibus atque operum studiis exulta novorum,
 Sobria, venturi metuens, sumtuque modesta,
 Invigilans opibus, studiose parta reservans,
 Exiguo contenta cibo, fulgentibus armis,
 140. Et nitido corpus componere gaudet amictu:
 Libertatis amans, pro qua nec tristia rerum
 Damna, nec extremam gaudet exhorrescere mortem;
 Nec Regis, dominusque jugo cervice volenti
 Subdita: Consulibus rerum committere summam.
 145. Gaudet, et hos triplici sumtos ex ordine (fastum
 Ne pariat diuturnus honos) mutare quotannis,
 Vivere quemque suae subjectum legibus urbis
 Cogit, et externos sub eodem jure potentes
 Affligat: ut terrâ vix inveniatur in illâ
 150. Aut Comes, aut alius civili jure solutus.
 Utque suis omnem depellere finibus hostem
 Possit, et armorum patriam virtute tueri,
 Quoslibet ex humili vulgo (quod Gallia foedum
 Judicat) attingi gladio concedit equestri.
 155. Illa tamen legum prudens, et juris amor
 Dedita gens, facto leges ac jura ¹⁾ nefando
 Infringit, maculatque gravi se sponte reatu;
 Dum quem praecipuo venerari debet amore,
 Atque timere simul, nunquam nisi territa Regem.
 160. Suscipit, et facili susceptum fraude relinquit.
 Hoc magis imposito renuens se subdere Regi,
 Quod revocare suos victrix Alemannia Reges

1) Rs. et A. c. & rr. jure.

- Saepe solet: quippe haec tanto praesentia regna
 Diligit affectu, quanto tremit illa pavore.
 165. Inde fit, ut gemino noceat gens improba damno,
 Dum premit indigno Regem malefida labore,
 Et patitur meritas à justo Principe poenas.
 Sic ea quem mitem contemnit, sentit acerbum:
 Ille ream punit, quam mallet habere fidelem.
 170. Omnibus Italiae processerat altius una
 Urbs Ligurum, titulisque potens, et nomine claro
 Ardua sidereum pulsabat vertice coelum.
 Illa ferè paribus spatiis Alpemque Padumque
 Separat, hinc Aduâ, Ticino clauditur inde,
 175. Qui de vicinis orientes ¹⁾ alpinus ambo,
 Et famosa Padi majoris stagna petentes
 Hanc aliasque duas, Cumam, Laudamque capaci
 Inclusere sinu: sed fortior illa duabus
 Praevaluit, victasque gravi ditione premebat.
 180. Usque adeo nocuit, vicinis ²⁾ urbibus esse
 Majorum: siquidem multos vicinia laesit.
 Nec tantum populos, aliasque potentior urbes
 Presserat, immo etiam rebus sublata secundis,
 Et quasi prima suae ducens momenta ruinae, ³⁾
 185. Ausa fuit validas incessere Principis iras.
 Ergo ut tantorum notescat causa malorum,
 Pauca super veteri regnorum jure revolvam.
 Ductus ab antiquo priscorum tempore Regum
 Mos habet, ut quoties Regnator Teutonius Alpem
 190. Transit, et Italicis invisere destinat oras,
 Qui repetant fisco fiscoque jura, fideles
 Per quasunque suos praemittere debeat urbes:
 At quaecunque ream se perfida fecerit ausu
 Sacrilego, Regique suo sua jura negarit,
 195. Strata luat meritas fraudato Principe poenas.

1) P. Rs. - A. et rr. orientis. o. 2) Ita A. - rr. vicinos t.

3) Transpos. Rs. - A. et rr. v. 185. praeced. v. 184. o.

Inde fit, ut fractis deformiter horrida muris,
 Nunc quoque per totam videas loca plurima terram.
 Hinc quoque per cunctas Regnator Teutonas urbes,
 Non modò Teutonicas, sed et hinc et ubique jacentes
 200. Jus habet : ut praesens quasi maximus omnia iudex
 Claudere jura manu, cunctasque recidere lites
 Debeat, atque omnis iudex, omnisque potestas,
 Atque Magistratus ipso praesente quiescant.

Hunc etiam Regi priscarum sanctio legum,
 205. Longaevique vigor moris, proficitur honorem,
 Ut cunctos foetus, quos educat Itala tellus,
 (His modò, quae poscit terrae cultura, retentis)
 Principis ad autum fisco praestare colonus
 Debeat, in regni sumtus et militis usum.

210. Ergo ubi Runcaliae paucis residente diebus
 Caesare, fama loquax post tristia nubila clarum
 Sidus, et ultorem violati juris adesse
 Urbibus ¹⁾ et populis circumtulit: undique multi
 Conveniunt, properantque suas exponere causas.

215. Factaque multorum moestis efferre querelis
 Impunita diu: quos longo tempore tutos
 Fecerat, et scelerum cupidos absentia Regis.

Sic cum post tenebras, hibernaque frigora noctis
 Igneus Aethiopum montes transcendere Phoebus
 220. Incipit, et nitidos terris ostendere vultus:
 Gaudet, et optati gratanter luminis ortum
 Suscipit ²⁾, aequoreis afflicta carina procellis:
 Quam neque Luna prius, nec caetera sidera fessam,
 Inter nocturnas poterant servare tenebras.

225. Spes nitida cum sole redit, jam temperat arte
 Nauta ratem, clavumque regit, jam tota resedit
 Seditio, pelagique fragor cum nocte quievit.

Commemorare piget, magnisque adscribere rebus
 Oppida, seu celsis castella minantia pinnis,

1) P. Rs. A. c. - rr. viribus. o. 2) suspicit?

230. Ob scelerum noxas, regnique ultricis honorem,
 Paucorum adsultu, faciliq̃ue eversa triumpho.
 Inter propositas multasque gravesque querelas
 Regia Lauda sui, Cumā cum supplice, Regis
 Implorabat opem, missisque fidelibus ambae

235. Consulibus, patribusque suis, crudelia facta
 Deslebant querulis Ligurinae vocibus urbis,
 Aerumnasque suas, longaeque tyrannidis usum
 Facundo, moestoq̃ue tamen sermone gemebant,
 Consulibus Ligurum praesentibus, atq̃ue paratis

240. Excusare suam phaleratis vocibus urbem.

Sed quia per fines Ligurum loca summa petenti
 Italiae, restabat iter, differre querelam
 Maluit, inter eos modicum post tempus agendam
 Finibus in propriis: veluti gravioris utrinque

245. Consilii, spatiiq̃ue simul majoris egentem.
 Utque viae gnaros, monstratoresque locorum
 Detinuit Ligures: jamjamque redire parantes,
 Praevia ferre suis jussit vestigia castris.

Jamque aderant juvenes Regi peregrina ferentes

250. Munera, laeta novo quae miserat alta triumpho
 Janua: nuper enim contritis hostibus urbes
 Barbaricas populata suis everterat armis,
 Quaesieratque sibi nomen memorabilis facti, 1)
 Eximia magnam referens cum laude rapinam.

255. Miserat ergo suae Regi nova munera praedae
 Barbaricas vestes, struthiones atq̃ue Icones,
 Psittacon humanis aequantem murmura verbis.

Tandem castra movens, Ligurum Fridericus in oras
 Tendit, et in mediis ponit tentoria campis.

260. Ast ubi signa viros praecedere regia jussos,
 Ductoresque viae per dura, per arida sese
 Ducere, perque locos steriles et frugis egenos
 Comperit, agnovitque dolum: tunc fervidus ira

1) factis m. Rs.

- Exarsit, jussitque suis excedere castris.
 265. Damnatos, urbique suae sine laude remisit.
 Addidit huic alios justo fortuna dolori
 Irarum stimulos: namque aspera frigora passus
 Miles, et hiberni contusus turbine coeli,
 Esurie, nimboque simul vexatus egebat.
270. Inde furor, feritasque viris, iramque furenti
 Adjiciunt, stimulosque graves: accessit eodem,
 Quod quascunque prius bello subverterat urbes
 Urbs eadem Ligurum, ne fortè resurgere vellent,
 Urgebat, victasque gravi terrore premebat,
275. Inque sui sceleris consensum flectere mentem
 Principis invicti (quid enim non impetrat auri
 Gratia?) si posset, multâ mercede parabat.
- Inde locos steriles, jejunaque rura relinquens,
 Haud procul à celsâ Rex invictissimus urbe
280. Regia foecundis posuit tentoria campis,
 Attritasque fame, duroque labore cohortes,
 Uberiore cibo, placidâque quiete refovit.
 Turribus, et valido longè spectabile muro,
 Infidâ modicum distabat ab urbe Rosatum,
285. Municipum secura domus, tutique receptus,
 Siquid ab incursu tutum satis esse valeret
 Teutonico, regnique minas contemnere posset.
 Hoc tunc quingentis in eadem sede relictis,
 Hisque bene instructis, victuque et fortibus armis
290. Munierant Ligures; (sed quae munimina regni
 Auspiciis obstare queunt?) depulsus ab arce
 Cogitur infidam sine sanguine miles in urbem.
- Nec mora, direptis quaecunque paraverat hostis
 Ipse sibi, flammâ munimina tota cremari
295. Rex jubet, et fractis everti moenibus arcem.
 Nec minus è castris audax effusa juvenus,
 Ocyus ad muros, et portas urbis adusque
 Irruit: occurrunt hostes, validoque tumultu

- Praelia prima movent, multos arsura ¹⁾ per annos,
 300. Nec nisi post longos, indefessosque labores,
 Extremamque loci tandem cessura ruinam.
 Hic praeter captos, quos nec numerare valemus,
 Nec libet, innumeri proprio rediére cruenti
 Sanguine semineces: multi jacuere perempti.
 305. Hoc stupefacta malo plebes, cladisque futurae
 Territa primitiis, jam nunc praesentia damnans,
 Et ventura timens, Girardi consulis aedes ²⁾
 (Quippe hic praecipuus famosi criminis auctor
 Et suasor fuerat) rapido fremebunda tumultu
 310. Diruit: hoc justam violati Principis iram
 Sperabat placare modo: sed inania Princeps,
 Et quasi vana ratus, stultae ostentamina plebis
 Sprevit, et his alias properans adjungere clades,
 Extemplò rapidas Ticini tendit ad undas.
 315. Hic fluvius gelidâ venam sortitus ab Alpe,
 Haud procul à pulchrâ cursu brevior Papiâ,
 Influit Eridanum: quam nomine gurgitis urbem
 Nonnulli vocitare solent: mediusque locorum
 Terminus, à Ligurum te parva Novaria campis
 320. Semovet. Hic geminos pontes, et pontibus ipsis
 Addiderant Ligures valido munimine turres;
 Ut quoties fines vastae Novaria vellent,
 Sive Papiâ tuos, tuto transcurrere possent
 Ac remeare gradu: pontes Rex occupat ambos,
 325. Traductisque suis, munimina lignea, turres
 Concremat, et ruptis distinguit pontibus amnem.
 Protinus immani fastu tria Rector ab illis
 Hostili fundata solo castella, potenter
 Diruit, et miseros longâ formidine cives
 330. Solvit, et ereptos victoribus eripit agros.
 Hanc etiam dudum gentili fraude rebellem,
 Princeps Henricus penitus subverterat urbem,

1) A. ausura; - R^s: quid si mansura? + 2) A. aedem.

- Tempore mox alto, satiata Principis ira,
 Jam dominis servire suis edocta, vetustas
335. Erexit, fatis melioribus usa, ruinas:
 Parva quidem, sed tuta novo, speciosaque ¹⁾ muro,
 Et circumducti lato satis aggerè valli.
 Hujus ab antiquo Comitatum in finibus urbis
 Solus ab angariis Italorum paenè solutus,
340. Praesidit Ligurum Guido Blandratensis habebat:
 Qui veluti multas, sic hanc quoque, viribus usi,
 Absorbere suis sperabant faucibus urbem.
- Postea Vercellum, Taurinaque moenia Princeps
 Praeterit: utque ²⁾ Padi quæ plus accedit ad ortum,
345. Contigit oppositam traducto milite ripam,
 Protinus ad pulchrae fines et rura Papiae
 Vertit iter, fidam gaudens invisere terram.
 Urbs erat, antiquo quam nomine dixerat Astum
 Usus, habens propriis in finibus oppida lata,
350. Ac populosa nimis, Cairam gens illa vocabat.
 Haec loca Ferrati Guillelmus Marchio montis,
 Debita jura sibi, dignumque negare timorem,
 Publica Runcaliae tractante negotia Rege,
 Suppliciter conquestus erat, fastumque superbae
355. Gentis, et acta gemens immobilis improba vulgi,
 Contemptusque suos: edictaque regia saepe
 Paripensa ferens, multumque diuque loquendo
 Moverat ingenuas invicti Principis iras.
 Accedebat ad hoc, sociatum sanguine mixto
360. Inter utrumque genus: nam quæ sortita maritum
 Hunc erat, haec Regem gaudebat habere nepotem.
 Hos igitur populos, longo jam tempore læsa
 Majestate reos, toties, frustraue citatos
 Legibus, invicta ³⁾ jam tandem plectere poenâ
365. Constituit, rapidoque gradu petit oppida Princeps.
 Territus hoste novo, sed non correctus, in altos

1) Spaciosaque V. †. 2) Rs. Jo. usque † †. 3) Indicta?

- Exierat populus trepidâ formidine colles:
 Irruit: et gaudens exercitus invenit, omni 1)
 Oppida plena bono, spumante nectare cellas,
 370. Horrea frumentis, oleo spirante 2) lagenas.
 Hic paucos egere dies, dum plurima sacris
 Infundunt frumenta suis, utrasque, oadosque
 Ventrosasque replent oleo, Bacchoque lagenas.
 Nec mora, direptis potioribus, oppida flammis
 375. Tradant, et validas evertunt funditus arces.
 Inde recedentes, non tantum criminis hujus
 Terreno sub Rege ream, sed jure superno
 Damnatam proprii contemptu praesulis Astum,
 Hostili terrore petunt: quas cive fugato,
 380. Omni plena bono, victores ubere laeto
 Excepit, multisque viris alimenta diebus
 Uberiora dedit: tandem spoliata, rogisque
 Tradita, perversi sceleris, geminique reatus
 Pertulit immeritam sedes innoxia poenam.
 385. Sed quia castrensis crebris assueta rapinis,
 Rixari, ferroque etiam pugnare juvenus
 Duxerat in morem, pravaeque libidinis usum:
 Providus hunc tali mitescere lege furorem
 Rex jubet: ut siquis castrorum ex agmine quenquam
 390. Pulset, et injustis socium ferus appetat armis,
 Aut caput, aut dextram tali pro crimine licet
 Amputet, et facinus feriat capitale securis.
 Haud mora, Tordonam (Ligurum quas foedere
 pravo
 Consiliis adhibebat opem, scelerique nefando,
 395. Quam Regi vesana suo praestare favorem
 Maluerat, nec adhuc toties revocata rodibat)
 Constituunt raptis petere, atque evertere signis.
 Haec etenim fidam regnis inimica Papiam,
- 1) Rs. A, c. - A. Sp. R. Jo. omnis. 2) spirare B. t.

Plus quoque quam Ligures, crebrò grassata premebat.

400. Nam licet urbs Ligurum spatio brevior locorum
Dissideat, medius Ticini gurgēs utramque
Separat, et geminos intersecat unda tumultus.
At quā turrigeram spectat Terdona Papiam,
Omnia plena jacent: non hīc mons, sylva, vel amnis,
405. Qui queat alternos medius cohibere furores.

Proxima magnifici vidit tentoria Regis
Marchia, vulgari quæ nomine Busca vocatur.
Inde Palatini gaudentem juris honore,
Unanimumque sibi Chunradum nomine fratrem,
410. Signiferumque suum, quem Norica misit Othonem
Terra, virum magnis spectatum saepè periculis,
Allobrogumque Duoem, cujus sub jure fatigat
Lenis Arar, placidas Rhodano ¹⁾ quæ commodat
undas,

- (Huic nomen Bertholdus erat) cum milite multo
415. Praecursare jubet, dictaeque sagaciter urbis
Explorare situm, quid agat, quid cogitet hostis,
Seque secuturum castrorum robore toto
Subsidioque viris venturum spondet: at illi
Praecelerant, urbemque petunt: Taneramque ²⁾ rapacem.

420. Transgressi, muros et portas urbis adusque
Discurrunt, oculisque notant, et mente sagaci
Naturam sedemque loci, pensantque laborem,
Signaque dispositis expectant regia castris.

Tertia lux aderat, totis cum viribus ecce
425. Bellator Fridericus adest: tentoria ripâ
Ulteriore locat: ne protinus agmina jungi
Possent, auctus aquis, pluvialibus obstitit amnis.
Ast ubi detumuit fluvius, positoque furore
Coepit habere vadum, necdum residentibus undis,

1) A. Rheno, o. 2) A. Taneramque o. c. Tanarumque. *

430. Protinus erectu validorum ¹⁾ miles equorum,
 Non tam flumineas transit, quam transnatat undas,
 Junctaque ²⁾ consistunt sociatis agmina castris.
 Montis in abrupti scopulose vertice sedes
 Arcis erat, iteretique tumens excreverat umbro
435. Saxeus ille jugo, monti vicinus utrique,
 Qua sibi confines sunt Appenninus et Alpes.
 Nec solum Terdonæ tuos locus illa penitus,
 Sed velut è speculâ Ligures et plana Papiae,
 Atque alias Italiae positas in finibus urbes,
440. Ceu capiti subjecta suo, prospectat ab alto
 Membra; haec obsistunt ullae spectantibus ³⁾ umbrae.
 Hic praeter validas turres, quibus undique sedes
 Tuta videbatur, tunc nitidissima muro,
 Pro saxo laterem celeberrima turris habebat.
445. Hanc ibi Tarquinum quondam fundasse Superbum
 Rumor erat: nomenque loco retinente Superba
 Illa vocabatur longo jam tempore turris: nam
 Huic subjecta jugo, valido firmissima muro,
 Turribus, et celsis consurgunt moenia pinnis,
450. Exornantque suam teotus sublimibus urbem.
 Hanc secat exiguis saliens à monte propinquo,
 Sed faciles iras modico sumpturus ab imbre
 Gurges, et in geminas sejungit moenia partes.
 Prima dies magnis momenta potentia coeptis
455. Addidit, et dubiis ⁴⁾ depressit pondera fati.
 Ipsâ namque die primo expugnata labore,
 Hostibus afflictis cessere suburbia nostris,
 Et sese tutam populus revocavit in arcem.
 Denique, augustam ⁵⁾ muniret ut undique sedem.
460. Hic praeter cives et signa domestica, multi
 Intererant Ligures, paucis quos ante diebus

1) Validore o. Sp. validiore. † 2) Emend. W. — Edd. cunctaque. 3) A. et rr. sectantibus o. — A. et Sp. u. spectantibus.
 4) dubii? 5) augustam P. †

- Urbs. Equestrum, tantae communis caussa ruinae,
 Vana laboranti solatia miscrat urbi.
 Praeterea multis stipatus Opitius ¹⁾ auspis,
 465. Addiderat socium rebus, se sponte supremis.
 Marchia: quem propter mores, ni fallor, acerbos
 Spinam fama malam veno satis ore vocabat,
 Quod ²⁾ contra mores et legum scita rebellis.
 Nam quid in humanis reperitur acerbius actis
 470. Saevitia stimulare pium, et compungere Regem?
 Viribus his, validoque loci munimine freti
 Infantili cives, nec moenia dedere, nec se
 Post mala tanta suo dignantur subdere Regi:
 Perpetui in inepto stolidus furor, inque ruinam
 475. Tendit, et ad certam properat gens perditam cladem.
 Tunc verò ut iustam sese collegit in iram.
 Regia nobilitas, et tandem saeva coactus
 Movit in arma furor, non tam servare laborat
 Ingratos, veniamque ultra sperantibus offert:
 480. Jam toties ravonasse pudet, monituque salubri
 Invitasse res ad dulcia foedera cives.
 Ut Leo qui dudum placido mansuoverat usu,
 Exueratque ³⁾ feros longo jam tempore mores,
 Si quis cum ⁴⁾ jaculis, vel nudo oominus ense
 485. Praeditus ⁵⁾ irriter, generosi pectoris iram
 Dissimulat, reprimitque diu, spernitque minori
 Tingere caedo genas, et vili sanguine pasci:
 At si perstiterit damnatus et improbus hostis,
 Addideritque minas, tunc se stimulante flagello
 490. Incitat, et miserum violento pectoris ietu
 Involat, et laceras frangit crudeliter artus.
 Sic suppressa diu generosi Principis ira
 Exarsit, rapuitque novum mens alta furorem:
 Utque satis certe plebs noverit improba signo,

1) R. B. et rr. Apicius. a. 2) Quam. A. — forsan: Quam?
 3) Rs. rr. exueritque. 4) eum R. Joa* 5) perditus. P. Rs.*

495. Quam sperare suis mercedem debeat ausis,
 Protinus ante fores miserorum certa reorum:
 Attolli tormenta, cruces, cernentibus ipsis,
 Imperat: ac nequis sese subducere cladi
 Cantus, et elapsu trepido discedere possit,
500. Undique conclusos Princeps hoc ordine cingit:
 Qua Zephyrus clausam geminis prohibentibus arcem
 Montibus, à tergo blando spiramine tangit,
 Regia signa nitent, et clausis hostibus omnes
 Aggressus ¹⁾, aditusque negant: qua pinniger Austros
505. Excipit, atque Notis obsibilat Appenninus,
 Saxonas indomitos, et Norica castra superbus
 Asperat, Henricus, perituraque moenia terret.
 At qua plana jacent, et liber transitus Euro
 Accessusque patet, popularia signa, suasque
510. Pulchra Papia locat numeroso milite vires,
 Protinus ingenti muralia pondere Princeps
 Attolli tormenta jubet, quae grandia saxa
 Incutiant validis, agitato verbera muris.
 Quaeque superveniens hostiles machina turres
515. Despiciat, missis et desuper implicet ²⁾ hastis,
 Quae levibus subjecta, rotis, aut fraude latenti
 Suffodiat validos, aut pulset turbine muros,
 Tunc jaculis strident aerae, levibusque sagittis,
 Sibilat excussum balistae turbine telum,
520. Fundaque fatifero tenerum secat aëra plumbo.
 Nec minus infausti summis è turribus hostes,
 Grandia saxa rotant, ferrum jaculantur, et ignes,
 Adjiunguntque animos, segue exhortantur in arma:
 Urget, quippe metus, faciuntque pericula fortes.
525. Saepe etiam propriis confisi viribus, ultro
 Prosiiliunt, turbantque viros, celerique relapsi
 Evadunt, iterumque suam referuntur in arcem.
 Non impune quidem: nam praeter multa suorum

1) Egreus. V. ¹. 2) implicat. A. - Re. m. impluat. ².

- Funera, quae moestâ clâm servabantur in urbe,
 530. Multi dum refugo repetunt pede moenîa, capti
 Appensique eruci, miserandâ sorte peribant.
 Nec reticere libet triste ac memorabile quiddam,
 Ignotumque priûs: rapido nam turbine saxum
 Inflictum muris, violento frangitur ictu.
 535. Tresque suî partes faciens, tria corpora saevo
 Dat juvenum leto, dum starent agmine denso,
 Et mediâ summis agerent de rebus in arce.
 At Rex eximius, tandem pietate remotâ
 Adjectisque minis, socios hortatur, et addit
 540. Ipse suis animos: oppugnat et adsilit hostes.
 Saepe levi jaculo validam, celerique sagittâ
 Excitat ipse mantum, tormentaue bellica praesens
 Instruit, et certos in moenia difigit ictus;
 Et nihil infectum, fieri quod postulat usus,
 545. Neglectumque sinit, multumque et ubique jubendo,
 Pugnandoque manu, perfecti militis usum,
 Officiumque simul discreti Principis implet.
 Fons erat ex illâ qua moenia parte Papiam
 Respiciunt, unus turbae castrensis in usum
 550. Sufficiens, dum liber erat; nunc aemulus hostis
 Adservat latices, inimicaue signa Papiæ
 Infaustos propriis arcent à fontibus hostes.
 Unde fit, ut duros pugnandi ferre labores
 Jugiter, et rigidis versari semper in armis
 555. Cogat eos sitiens, et ob hoc animosa juvenus,
 Fundere dum proprium vetito pro fonte cruorem,
 Sanguinis et fluvio permixtas sumere lymphas
 Non timet, atque animos eadem, quae corpora
 frangit,
 Auget acerba sitis: nulla est audacia major,
 560. Quam cui materiem naturae praebebat egestas,
 Ut sitis atque fames: sitiens mala nulla timere,
 Esuriensue potest: miserae violentia pestis

- Cogit abesse metum: dum plus praesentia torquent,
 Quam ventura movent: vidit discrimina summa,
 565. Et totum Princeps hac vergere parte laborem.
 Praesidioque viris Ferrati Marchio montis
 Additur: ut socios juncto discrimine casus
 Excipiat, servetque lacus, et terreat hostes.
 Praeterea sordes, et quaeque nocentia fonti
 570. Injiciunt, purasque ipsis cernentibus undas
 Morticinis, turpique audent corrumpere tabo:
 Et delibutas immèrgunt sulfure taedas,
 Ut sapor ingenuus gustu violetur amaro.
 Nec minus has cupide sitiens, et egena liquoris
 575. Appetit, et certâ pugnat pro morte juvenus,
 Permutans olidas effuso sanguine lymphas.
 Nam qui per mediam manabat rivulus urbem,
 Mole ruinarum, saxis et pulvere multo
 Hostibus exiguas ultrò ¹⁾ turbantibus undas,
 580. Gurgite limoso sordens ac putridus ibat.
 Nec mihi cujusdam virtus reticenda videtur,
 Seu magis incautae praeceps vesania mentis.
 Strator erat, de plebe quidem, nec nomine multum
 Vulgato, modicâ in castris mercede merebat
 285. Hic velut iratus bello, longasque perosus,
 Indignansque moras, et ob hoc crudelior hosti,
 Dum gravis adsultus, solitoque ferocior arcem
 Urget, et hinc illinc hibernae grandinis instar
 Saxa, faces, et tela volant; neque casside clausus
 590. Tempora, nec chalybum munitus pectora textu,
 Vix gladio, clypeoque levi protectus, in altum
 Nititur ascensu collem, quo regia turris
 TarquinI fundata nitet, parvâque securi,
 (Quam genus hoc hominum serviles gestat in usus
 595. Subnexam sellae) vestigia caedit in altâ
 Rupe sibi, sociis revocantibus, hostibus autem
- 1) Forsan ultrà, id est, insuper. Rs.

- Attonitis, et stulta viri mirantibus ausa,
 Non illum lapides, non illum ferreus imber
 Telorum; non quae violento turbine turrim
600. Saxa petunt, revocare valent: interque suorum
 Clamorem, hostilesque minas, evadit ad arcem.
 Protinus armato cuidam congressus inermis,
 Fortior ad terram scopulo deturbat ab alto
 Praecipitem, versoque gradu vestigia victor
605. Fortunâ comitante refert, et corpore toto
 Integer, ad socios et regia signa reversus,
 Se pariter castris, et totâ mente recepit,¹⁾
 Mirans ipse suum revocato pectore factum,
 Cui Rex ob facinus praeclarum, praemia laudis
610. Digna referre volens, titulos et nomen equestre,
 Armaque, corpipedesque feros, cultusque nitentes
 Largiturus erat: puduit consurgere tantum
 Plebeium, generisque sui transcendere fines;
 Et sub fortunâ potius remanere priori
615. Credidit, acceptis largis à Principe donis,
 At Rex ignavo coeptum procedere tractu,
 Aegrâ mente ferens, (properabat quippe coronam,
 Atque monarchiam totius sumere mundi,) ²⁾
 Omnia quae lentum valeant impellere bellum;
620. Et tardas celerare moras, sub corde sagaci
 Ventilat: ingenuo videt undique moenia firma
 Robore, nativoque loci munimine tuta.
 Unâ parte tamen, stabat qua regia turris,
 Quod natura minus dederat supplere labore,
625. Artificumque²⁾ manu: tandem memorabile quiddam,
 Egregium dictu, sed non satis utile menti
 Incidit: ut solidae fodiendo viscera terrae,
 Ima cavans, ductis ad fundamenta cavernis,
 Ipsam inclinato turrim subvertere muro
630. Apparet, et subito reseret sibi moenia lapsu.

1) totâ B †. 2) artificemque B. (?)

Hanc Regis curam versutus praevenit hostis,
Atque artem solers opponere cogitat arti.

Ergo ubi visceribus sese telluris opacae

Regius immersit secreta limite fossor;

635. Protinus occurrens patulae scrobis hostis hiatu

Deprensos tellure viros, redituque negato

Attonitos; medio suffocat in aggere fossae.

Sic miseros proprium sibimet fodisse sepulchrum

Poenituit, clausosque cavo telluris hiatu

640. Ulterior ¹⁾ coelo non reddidit atra vorago.

Nec minus iratos alios quoque crimine vultus,

Fortuitos omnes solito contemnere casus,

Ausa fuit fortuna procax ostendere Regi.

Hand procul ejusdem distans à finibus urbis

645. Fulgebat Ligurum longè spectabile castrum;

Hoc expugnandi dudum Fridericus amorem

Pectore conceptum perducere tentat in actum.

Protinus in castris scalas, et caetera per quae

Hostibus ignaris conscendi moenia possunt;

650. Extruit: haec in se fabricata putantibus illis,

Oppida qui servant, atque admirantibus ausam:

Haud mora, delectos ex ordine Rectoraequestri

Ductori Allobrogum, praestanti corpore fortes,

Atque Palatino juvenes committit Othoni:

655. Atque illuc jubet ire viros, quo tempore luci

Extremae gelidas miscet nox prima tenebras:

Paret, et ad tutam miles duce fretus uterque ²⁾

Tendit iter sedem: cunctisque sopore solutis,

Adlatis ³⁾ furtim scalis, fastigia muri

660. Summa petunt; ac nō temerè clamore coorto

Indicium facti juvenes properantius aequo

Fecissent, crepta brevi castrensibus horâ,

Et pulchro sublata dolo castella fuissent.

1) Mterid. m. Sc. A. c. idem. 2) Rs. utroque: + 3) Rs. et
c. Sp. - A. et rr. ablatis o.

Armorum strepitu, et subito clamore citatum
 665. Prosilit è stratis vulgus castrense, fugamque
 Arripit: at postquam trepidis audacia major
 Affuit, et sumtis virtus incanduit armis,
 Bella movet, hostemque suis jam paenè potitum
 Moenibus, excutiunt, capto ¹⁾ muroque repellunt.

LIGURINI.

LIBER TERTIUS.

- Jamque dies aderat, qua Christus mystica Coenae
 Discipulis statuens convivium, corporis esu
 Ipse sui, potuque sacri satiare cruoris,
 Post agni carnes priscae libamina legis
5. Nos voluit, veram panis, laticisque figuram
 Protendens oculis, sed certae ²⁾ pabula vitae
 Sensibus infundens, cum jam cessante vetusti
 More sacri, nova jura novus statuisset sacerdos
 Creditur altaris, quae tradita primitus uno
10. Ac suscepta modo, tenet ecclesiasticus ordo.
 Hunc, et tres alios spatio propiore sequentes,
 Temporis ob sacri Princeps generosus honorem
 Constituit celebrare manu devotus inermi.
 Hac quoque praeteritâ, jamque ortâ luce sequenti
15. Qua Deus in ligno verâ sub carne pendit,

¹⁾ castro muroque Sc. + ²⁾ Certe Sp. Rj. † certè P. R. ††.
 certe A. quidem sed eadem et: vite.

- Ecce profugata¹⁾ miserabile vulgus ab arce,
 Clerus, et informis Monachorum turba, solutis
 Moenibus, ad placidi properant tentoria Regis:
 Exhausti macie, jejunia longa ferendo,
20. Esuriem faciente siti, squallentia sacris
 Vestibus ora tegunt, nudo vestigia gressu
 Figentes: tunc signa crucis, capsasque piorum
 Custodes cinerum, praelato thure vaporant.
 Quos ubi pacificè venientes agmine denso
25. Vidit, in occursum Princeps reverendus eorum
 Prudentes jubet ire viros, et quaerere causas
 Quid veniant? quidue illa velit novitatis imago?
 Protinus ex illis pallenti squallidus ore,
 Voce satis moestâ, fortunae verba coaptans,
30. Facundo sermone tamen, sic incipit unus:
 Mens erat, invicti pedibus procumbere Regis,
 Et quos immeriti patimur, deflere labores:
 Quem quia nunc miserâ prohibemur adire repulsâ,
 Vos saltem nostras illi deferte querelas.
35. Quid luimus miseri? quid dignum fecimus irâ
 Rex invictæ tuâ? quæ tantum causa furorem
 Movit, ut imbellem, solitum fideliter hymnos
 Pro populo Christi, pro te quoque saepius ipso,
 Si credis, resonare Deo, cum plebè nocenti
40. Perdere coneris tanto molimine clerum?
 Quod scelus hîc nostrum? nisi si scelus esse putetur,
 In medio populi sedem posuisse nocentis.
 Nos neque consiliis immania coepta, nec acta²⁾
 Juvimus; invitis fiunt hæc omnia nobis.
45. Illi civiles causas, et pondera rerum
 Inter se tractare solent: nos vulgus inerme,
 Nos abjecta manus, nullis adhibemur eorum
 Consiliis, tantum studiis nocturna diurnis

1) proculcata s. flagellata pp. Rs. - et profugus alia, Sc. †
 profugata Pf. * 2) actis Rs. actu B. †

- Jungimus, assiduos soliti depromere psalmos,
 50. Et precibus pulsare Deum; sed bella nec illos
 Exercere sinunt in tantis cladibus usus.
 Undique concutimur bello, lapidumque rotatu
 Tempia flagellantur, sacris altaribus astans
 Confixus telis expirat morte sacerdos.
55. Ergo pius pariter pereunte peribit iniquo,
 Nec vixisse piè sub iudice proderit aequo?
 Si ¹⁾ scelorum vindex, consolatorque piorum
 Venisti, si jura tuis, legesque reformas
 Gentibus, inque suum satagis revocare vigorem:
60. Parce bonis, et perde malos, propone quibusque
 Justitiam meritis, compensans praemia caussis.
 Quanquam (si veris liceat modò vocibus uti,
 Pace tuâ, Princeps) pensato pondere rerum
 Non tam formosae rea sit Terdona Papiae,
65. Quàm rea Terdonae formosa Papia tibique.
 Nam praeter reliquas, quas aut servire coactas
 Subdidit, aut captas evertit funditùs urbes,
 Aspice quàm turpi Lunelli nobile castrum,
 Atque Palatini sedem, fidosque penates
70. Verterat ²⁾ illa dolo: Comitem, civesque vocabat
 Perfida, colloquio pacis de rebus habendo,
 Incautosque viros, et nil hostile timentes,
 Fraude malâ captos in vincula dura coëgit.
 Ipsaque non armis, nec belli jure, sed astu,
75. Vel potius subversa dolo castella reliquit.
 Et nunc ille Comes concors, et regius aulae
 Ille potens Princeps, sub quo Romana securis
 Italiae punire reos de more vetusto
 Debuit, injustae ³⁾ victrici cogitur urbi,
80. Ut modicus servire cliens, nulloque relicto
 Jure sibi, dominae metuit mandata superbae.

¹⁾ Rs. A. c. - Sic ... venisti? Sp. P. R. o. ²⁾ verterit Rs. Rj. * ³⁾ Ita expressè A. - injustè. m. Rs. †.

- Haec feritas urbi Ligurum, quae sola Papiam
 Non timet, infausto, Princeps, nos foedere junxit:
 Non odio regni, non seditione rebellī,
85. Immò (ut vera loquar) non ipsius urbis amore
 Hanc sequimur; sed ne nos ore Papia voraci
 Absorbere queat; quae cunctas devorat urbes:
 Et tamen in tantis scelerum proventibus illa
 Gaudet, et ecce tui felix habet omen amoris.
90. Sed nihil haec ad nos; ad te justissime Princeps
 Attinet, Italicos jam dudum inquirere mōres,
 Ulcisci scelerum noxas, punire nocentes,
 Oppressos relevare manu, frenare superbos.
 Nos proprios tantum contenti flere labores,
95. Oramus, jam parce piis, hominesque memento
 Foedere naturae, Fidei characterē junctos.
 Aspice tabifico languentiā corpora morbo,
 Aspice deformes vultus, atque arida longā
 Ora siti: vix haec fauces in verba solutae
100. Vocis iter praestare valent, quos ¹⁾ tempore longo
 Sulphureus torret potius, quam temperat humor;
 Corruptos sanie latices, infectaque tabo
 Pocula, vix mediis ex hostibus enſe recepta
 Sumimus: obducto durescunt viscera coeno,
105. Artantur ²⁾ fauces, insano fervidus aestu
 Pectoris alternos angustat pulmo meatus:
 Nec pestem relevare cibo, vel languida victu
 Membra fovere libet: misero solatia morbo
 Jussimus esse famem: sic pestem peste levamus.
110. Heu miseram, atque omni gravioſem funere vitam,
 Vivere, nec gratas vivendi noscere causas!
 At tu per Fidei communia sacra, per illum
 Quem crucis in ligno potatum felle, piasque
 Extendisse manus, et sacri fluminis imbre
115. Conscissum rorasse latus, mortemque subisse
- 1) B, quas *. 2) Sic A. probante Rs. - rr. arcantur.

- Lux hodierna monet, Vir maxime, parce, nec ultra
 Innocuos afflige pius: sine, morte relictâ
 (Mortis enim species) aliâs ¹⁾ quocunque jubebis,
 Omnibus ereptis, inopem traducere vitam:
120. Néve velis iterum miseris nos reddere claustris;
 Olim grata domus, nunc carcere tristior omni
 Ille locus, stygioque magis metuendus averno.
 Dixit, et erectis omneis ad sidera palmis
 Principis absentes feriunt ululatibus aures:
125. Qui tamen occultâ tractus pietate, laborem
 Dissimulans animi, documentaque magna, suique
 Exemplum sancire volens, ad tuta ²⁾ redire
 Imperat, et clausam miseros compellit in arcem.
 Non secus irati sententia fine supremo
130. Judicis, aeternum maledictos tradet in ignem,
 Suppliciisque datos exertâ punit irâ,
 Qui totiens moniti, totiens sprevere monentem.
 Sic miseri cives ad moenia clausa gementes,
 Ac velut in certam queruli rediére gehennam.
135. Tandem spe positâ, jam desperare coactus,
 Ac velut in certae conclusus carcere mortis,
 Ingentes animos ex ipsis cladibus hostis
 Colligit: ac medio concessae tempore pacis,
 Extruitur mirae Balearica machina molis.
140. Quae valido longum transverberet aëra jactu.
 Ergo ubi divino concessum tempus honori
 Praeteriit, rursum jaculis, lapidumque rotatu,
 Et teli quocunque modo tentantur: et inde
 Illa gravis moles ingenti pondere fulta
145. Erigitur, celsasque supervenit altior arces,
 Saxaque magna rotans, nostros absistere longè
 Cogit, et ipsius tormenti robora frangit,
 Quod magis obsessos affligere sueverat hostes.
 Addidit hoc animos hosti, quantumque doloris

1) aliis quaecunque Rs. † 2) B. tecta.

150. Accessit nostris; tantum ferus ille superbit.
 Respirant utrinque minae, paulumque remissâ
 Pugnandi serie, renovato robore rursum
 Fit fragor, et valido quassantur moenia bello.
 Nec minùs obsessi, quantum timor, iraque praeceps
 155. Suggestit, accelerant, ferrum jaculantur, et ignem
 Saxaque terrifico vibrant excussa flagello.
 Nec dubitant ipsos in praelia frangere muros
 Seque ipsos hosti, si desint tela, minantur.

Tandem post multos bellorum hinc inde labores,

160. Et miserae cladem numerosaque funera plebis,
 Expugnata magis, quàm reddita ¹⁾ moenia nostris
 Cesserunt, tantumque reis pro munere summo
 (Id quoque vix Procerum precibus, multoque ro-
 gatu)

Est concessa salus; in sortem caetera praedae

165. Omnibus, et longi pretium venére laboris:
 Ipsaque disiectis hostiliter undique muris
 Moenia, pulvereâ pessumsedére ruinâ.
 Quis referat miserae squalorem plebis, et aegro
 Tabida membra situ, detestandumque colorem?
 170. Cùm velut è tumultu permissu Regis ab arce
 Non homo, sed pallens hominis prodiret imago.
 Tunc licuit miseris, quàm sit miserabile longâ
 Obsidione premi, proprio perpendere casu.

Inde profecturum Ticini laeta juvenus

175. Ad sua victorem divertere moenia Regem
 Flagitat, insignes antiquo more triumphos
 Exhibitura Duci: non est in finibus, inquit,
 Italiae tanto locus aptior ullus honori,
 Quémque tuo cupias magis illustrare triumpho,
 180. Quàm quae fida tibi per laeta, per aspera quaeque
 Extitit, et nullo defecit tempore sedes.
 Adde, quòd iste tuus nostros procedit in usus

1) dedita m. Rs.

- Sudor, et ista tuae gessisti Bella Papiae.
 Hostilem, nostrisque malis inihiare paratam;
 185. Hostibus et saevis adstricto foedere junctam,
 (Quid referemus ad haec?) vertisti funditus urbem.
 Non sumus ingrati: liceat modò solvere grates,
 Ingressuque sui Regis gaudere Papiam.
 Paret: et exhibitum non aspernatus honorem
 190. Moenia victor adit: non est tractabile sensu,
 Eloquioque meo, quae gaudia, quantus ab urbe
 Occursus populi: quò scilicet ordine castus
 Antistes, laetusque suo cum praesule clerus,
 Vestibus ornati nitidis, pretiosa ferentes
 195. Signa crucis, textusque sacros, thurisue vaporem,
 Prodierint: ut purpureo velamine passim
 Belligeros instratus equos fulgentia latè
 Signa ferens, phaleratus eques fremebunda lupatis
 Ora terat, cogatque leves subsistere cursus:
 200. Utuè nurus, matresque simul, mitesque puellae
 Candida sidonio velatae corpora textu,
 Gestantes nitido baccata monilia collo,
 Fulvaque gemmatis incinctae tempora ciclis,
 Urbis utrumque latus densâ statione tenentes,
 205. Vocibus acclament faustis, dominumque salutent:
 Ut domus aulaeis latè pendentibus omnis,
 Et picturatis constrata platea tapetis,
 Rebus odoriferis, et pingui thure vaporet:
 Ut tuba terribili spiramine, tibia leni,
 210. Cornua ventoso strepitu, cava tympana rauco,
 Seu lyra percussis dulci modulamine nervis,
 Murmure mirantes placido demulceat aures:
 Ut pueri, populusque minor venientibus ultro
 Exuvias substernat equis, Pæanaque lætum,
 215. Joque triumphæ canat: hæc omnia, pluraque nobis,
 Si modò suppetere vires, memoranda fuerunt;
 Deficit ingenium, non hæc fiducia menti,

- Ut penitus meminisse velim, rerumque nitorem
 Voce sequi: vix hæc stimulatus Apolline toto,
 220. Vel Maro, vel magnus verbis æquaret Homerus.
 Quid volui demens, tantarum pondera rerum,
 Agresti tentata ¹⁾ sono, tenuique Camoena?
 Materia succumbit opus: mihi paupere venâ
 Verba fluunt: magnum res exigit ista Poëtam.
225. Comiter exceptum sancti Michaelis ad aedem,
 Qua veterum fulgent antiqua palatia Regum
 Producunt: nitidumque caput gemmante coronâ
 Cingitur, et sceptro decoratur dextera sacro.
 Hunc triduo Regi populus devotus honorem
230. Exhibuit, largo cumulans nova gaudia sumtu.
 Inde Placentinos fines, et rura Cremonae,
 Et Mutinae transeurrit agros: atque urbe potitus
 Quae quasi plena bonis est diætâ Bononia, sacri
 Flaminis adventum digno celebravit honore.
235. Mox Appenninum scopuloso limite transit,
 Ingrediturque tuos, bellatrix Tuscia, fines.
 Occurrere Duci Procères, quos bellica Pisa
 Miserat, æquoreis celeberrima Pisa triumphis,
 Pisa peregrinis statio bene nota carinis.
240. Hos jubet in Siculum condicto tempore regem
 Cogere belligeras, atque emunire carinas.
 Inde caput mundi Romam petit, atque Viterbum
 Contigit, excelsâ non longius urbe remotum
 Quàm quantum biduo tardus valet ire viator.
245. Sedis Apostolicæ Praesul, summusque sacerdos
 Tunc Adrianus erat: qui famâ laetus eadem,
 Protinus eximiâ cleri stipante coronâ
 Occurrit, magnasque viro, tristesque querelas,
 Multaque facta suæ crudelia pertulit urbis:
250. Conspemni sese referens, populique furentis
 Jurgia, probra, minas, risus, convicia, rixas

1) Sic A. - rr. tentare.

- Saepe pati, clerumque suum, ceu vindice nullo,
 Expositum probris, crebras perferre rapinas,
 Pulsari grassante manu, ferroué lacessi.
255. Sic pater invalidus nato post longa reverso
 Tempora, seu castris, seu de regione remotâ,
 Quem penes et rerum jus est, et tota regendae
 Cura domus, noxas et facta proterva suorum
 Contemtusque suos, et quos absente labores
260. Pertulit, eversamque domum, numerosaque damna
 Commemorat, multùmque minas ultoris acerbat.
 Cujus origo mali, tantaque voraginis auctor
 Exstitit Arnoldus, quem Brixia protulit ortu
 Pestifero, tenui nutrit Gallia sumtu,
265. Edocuitque diu: tandem natalibus oris
 Redditus, assumptâ sapientis fronte, diserto
 Fallebat sermone rudes, clerumque procaci
 Insectans odio, monachorum acerrimus hostis,
 Plebis adulator, gaudens popularibus auris,
270. Pontifices, ipsumque gravi corrodere linguâ
 Audebat Papam, scelerataque dogmata vulgo
 Diffundens, variis ¹⁾ implebat vocibus aures.
 Nil proprium cleri, fundos, et praedia nullo
 Jure sequi monachos, nulli fiscalia jura
275. Pontificum, nulli curae ²⁾ popularis honorem
 Abbatum sacros referens concedere leges.
 Omnia Principibus terrenis subdita, tantùm
 Committenda viris popularibus, atque regenda:
 Illis primitias, et quae devotio plebis
280. Offerat, et decimas castos in corporis usus,
 Non ad luxuriam, sive oblectamina carnis
 Concedens, mollesque cibos, cultusque nitorem,
 Illicitosque jocos, lascivaque gaudia cleri,
 Pontificum fastus, Abbatum denique laxos
285. Damnabat penitus mores, monachosque superbos.

1) vanis m, Rs. 2) curiae pp. Rs. ††.

Veraque multa quidem, nisi tempora nostra fideles
Respuerent monitus, falsis admixta ¹⁾ monebat.

Et fateor, pulchram fallendi noverat artem,
Veris falsa probans: quia tantum falsa loquendo

290. Fallere nemo potest: veri sub imagine falsum
Influit, et furtim deceptas occupat aures.

Articulos etiam Fidei, certumque tenorem
Non satis exactâ stolidus pietate fovebat,
Impia mellifluis admiscens toxica verbis.

295. Ille suam vecors in clerum, Pontificemque,
Atque alias plures adeo commoverat urbes,
Ut jam ludibrio sacer, extremoque pudori
Clerus haberetur: quod adhuc (ni fallor) in illâ
Gente nocet, multumque sacro detruncat honori.

300. Mox in concilio Romae damnatus, ab illo
Praesule, qui numeros vetitum contingere nostros
Nomen ab innocuâ ducit laudabile vitâ,
Territus, et miserae confusus imagine culpae,
Fugit ab urbe suâ, transalpinisque receptus,

305. Qua sibi vicinas Alemannia suspicit Alpes,
Nomen ab alpino ducens, ut fama, Lemanno,
Nobile Turregum, doctoris nomine falso,
Insedit, totamque brevi sub tempore terram
Perfidus, impuri ²⁾ foedavit dogmatis aurâ:

310. Unde venenato dudum corrupta sapore,
Et nimium falsi doctrinâ ³⁾ vatis inhaerens,
Servat adhuc uvae gustum gens illa paternae.

Ast ubi de medio sublato Praesule summo,
Eugenius sacrae suscepit jura cathedrae,

315. Ille Petri solidam cupiens convellere petram,
Ut caput infirmum per caetera membra dolorem
Diffundat ⁴⁾, Romana petit temerarius ausu
Moenia sacrilego, totamque nefarius Urbem

¹⁾ at mixta pp. Rs. ††. ²⁾ impure A. Sp. R. impure P. impuri Rs. RJo. - A. c. impura. † ³⁾ doctrinae m. Rs. ⁴⁾ Sic A. - rr. diffundit †.

- Inscit impuri corrupto semine verbis:
 320. Et populi tantas in clerum concitat iras,
 Ut penitus nullum summo deferret honorem
 Pontifici, clerumque odio vexaret iniquo.
 Et siquis, cui mens aequi et reverentior esset,
 Et meliora pio flagrant viscera voto,
 325. Fortè refragari, seu dissuadere furorē
 Ausus erat, seseque novis opponere monstris;
 Omnibus ereptis, eversâ funditus aede,
 Corporis afflictu, seu tandem sanguine fuso,
 Clericæ, aut etiam popularis, facta luebat.
 330. Quin etiam titulos urbis renovare vetustos,
 Patricios recreare ¹⁾ viros, priasque Quirites,
 Nomine plebeio secernere nomen equestre,
 Jura Tribunorum, sanctorum reparare Senatū,
 Et senio fessas, mutasque reponere leges,
 335. Lapsa ruinosis, et adhuc pendentia muris
 Reddere primævo Capitelia prisca nitore:
 Consiliis, armisque suæ moderamina summae
 Arbitrio tractare suo, nil juris in hac re
 Pontifici summo, modicum concedere Regi,
 340. Suadebat populo: sic laesâ stultus utrâque ²⁾
 Majestate, reum geminae se fecerat aulae.
 Unde etiam tandem (neque enim reor esse silendum,
 Nec de funesto repetetur ³⁾ postea sermo)
 Judicio cleri nostro sub Principe victus,
 345. Adpensaque cruci, flammâque cremante solutus
 In cineres, Tiberina, tuas est sparsus in undas:
 Ne stolidæ plebis, quem fecerat improbus, error,
 Martyria ossa novo, cinerisue foveret honore.
 Jamque Ravennatis defuncto Praesule sedis,
 350. Hanc Rex Anselmo, Graecâ de gente reverso
 Contulit: emeriti ceu præmia grata laboris

1) (*) 2) R. et A. c. > rr: uterque †. 3) Ita A. Sp. > rr. repetatur.

- Curia saepe sua cathedrae transmittit alumnos.
 Sic gemini Proceres, veluti duo maxima mundi
 Lumina, conjunctis aliquanto tempore castris,
 355. Hinc pater, inde patris devotus filius almi,
 Ille sacerdotum celeberrimus, ille ¹⁾ regentum,
 Hic regni gladio metuendus, at ille superno,
 Dulcia colloqui tandem consortia nacti
 Insatiata pio carpebant gaudia voto.
 360. Cumque petens Romam Sutrii jam moenia Rector
 Parva reliquisset, magnaeque accederet urbi,
 Occurrere viri, patriae mandata ferentes
 Conspicuo sermone quidem phalerata, sed astu,
 Et tacitis perplexa dolis: nec protinus ausi,
 365. Ni prius indulta regalis foedere pacis,
 Ut liceat, quaecumque ferat, impune profari.
 Tunc ita, compositis ficto moderamine verbis,
 Praemeditata diu molimina protulit unus.
 Ducit in adventu felicia gaudia, Princeps,
 370. Roma potens, Invicta, tuo, devotaque pandit
 Moenia, maternosque sinus aperire potenti ²⁾,
 Quem sibi rectorem delegit, gaudet amico.
 Imperiumque tibi, atque Augusti nominis ultrò
 Quo nihil in terris majus, promittit honorem,
 375. Si modò pace venis: si pristina jura fideli,
 Ac bene promeritae conservas integra matri.
 Aspice quae fuerit priscais sub Regibus Urbis
 Gloria, quae populi libertas, quanta Senatus
 Majestas, Praetoris honos, et Consul uterque
 380. Annuus, et gemini plebis tutela Tribuni,
 Gratia quae morum, castarum sanctio legum,
 Pace tenor juris, justis audacia bellis:
 Quantus amor laudis, patientia quanta laboris.
 Haec sunt quae nostram longis proventibus ³⁾ urbem
 385. Ex illa tenui nascentis origine fati,

1) iste m. Rs. * 2) petenti B. * 3) pro vectibus m. Rs. †

Ex laribus parvis, et primi Regis asylo,
 Stramineisque casis, et sparso sanguine sulco,
 Ad celebres titulos, et tanti culmen honoris
 Extulerant ¹⁾, ubi nil, nisi sidera sola super se
 390. Cerneret: his gaudens populosque regesque per
 orbem

Consiliis, validisque sibi subjiceret armis.
 Tunc populus Regi, belli mandata, domique
 Non populo Rex illa dabat, passuraque nullum
 Urbs erat haec Regem, nisi quem regnare juberet:

395. Ut patriae mitis ²⁾ non aegrè visa ferendo
 Justa daret populis, et magni regibus orbis ³⁾:
 Tunc hujus populi mandata, minasque timebat
 Ortus, et ocoiduo tellus subcincta profundo,
 Et Notus, et gelidi Boreas sub cardine mundi.

400. Ast ubi fortunae vitio, populique paventis
 Desidia prisci perierunt signa decoris,
 Justitioque silent longo jam tempore leges
 Suppressae: tanto retrocessit Roma relapsu,
 Ut vix ad decimum lapidem, finesque propinquos

405. Audeat ipsa sui protendere nominis umbram.

Vilis apud gentes, in se male firma, nec ullo
 Robore fulta sui: quam seditione frequenti,
 Atque intestinis lacerat discordia bellis.

Nullus amor juris, nulla est reverentia morum,

410. Nec jam libertas, nec libertatis imago.

Nusquam Patricii, nusquam sacer ordo Senatus,
 Nusquam cum gemino Consul, Praetorue Tribuno:
 Cumque ruinosis praeumbant ⁴⁾ moenia muris,
 Majorem morum patimur, querimurque ruinam.

415. Hoc ideo nobis usu venit, optime Princeps:

Hic disponendi populus moderamina regni,

¹⁾ Extulerunt uti nil pp. Rs. ††. ²⁾ miti B. †. ³⁾ B. - magni regibus urbis A. o. magnae regibus urbis. rr. †. ⁴⁾ Ita A. - rr. procumbunt †.

- Et totum priscis fraenandi legibus orbem
 Non habet arbitrium: majestas regia dudum
 Abstulit, et priscum populi mutilavit honorem
420. Ex quo Teutonicos admisit Roma Tyrannos.
 Tu procul à nobis absens, et in orbe remoto
 Rarus in Italiâ, sed in hac rarissimus urbe
 Esse soles, et ¹⁾ Rege meo mihi notior hospes.
 Sic neque nos nobis, nec tu satis, inclyte Rector,
425. Consuljs, et curâ miseri fraudamur utrâque,
 Expositi cunctis nullo sub vindice fatis.
 Respice nos animo tandem, vultuque benigno,
 Atque ipsam deflere puta tibi talia Romam:
 Si te cura mei tangit ²⁾, si gratia matris
430. Ulla movet, si Teutonicâ de gente vocatum
 Imperii summâ gaudens te sede locavi,
 Redde vicem meritis, et dignos gratus honores:
 Longos pelle situs, antiqua reflorêat aetas;
 Prisca vetustorum redeant insignia morum:
435. Patrícios, cives, priscos arcesse Quirites,
 Nomine plebejo secedat nobilis ordo.
 Da libertatem, sanctum repone senatum:
 Jam redeat Senior ³⁾, redeat cum Consule Praetor,
 Et redeant gemini cum Dictatore Tribuni.
440. Curia respiret, Capitolia lapsa resurgant,
 Pulchra vetustorum redeant insignia morum.
 Gaude quòd tanti dudum sit gloria facti
 Temporibus servata tuis: felicior illo
 Advenias, cujus pariter nomenque locumque
445. Suscipis, Augusto, Trajano mitior adsis.
 Quaeque alii Reges jurando foedera mecum
 Tempus adusque tuum pepigerunt, tu quoque jura:
 Ne concessa mihi priscorum munere Regum,
 Vel resecare velis, vel tollere: néue salutis

1) est vel es B. †. 2) Rs. R. J. arrog. sibi W. - rr. tangat. o. 3) Censor? Rs. †.

450. Pro me, proque meâ fugias discrimina plebe,
 Largaque Romanae persolvas munera plebi,
 Ut tibi festivum celebret devota triumphum.

Dixit: at ille dolos, infectaque verba veneno
 Comperit, et contra regali concitus irâ,

455. Dissimulare gravem contemnens voce dolorem:
 Quantum Roma meo, non Roma sed incola Romae
 Gaudeat adventu, secretae consona menti
 Verba satis dedere ¹⁾ palàm: commercia certè
 Non satis aequa mihi faciunt, dum vendere nobis

460. Nostra volunt, veluti plenis cum follibus emtum
 Adveniam, pretioque novos sumturus honores,
 Quos sibi jam proprios effecit Gallica ²⁾ virtus.
 Non emimus fascès: non si credamus emendos,
 Praeter virtutem, pretium quod detur habemus.

465. Hoc mihi, vel nullo venient commercia pacto:
 Non turget oculis inserta pecunia nostris:
 Nec multis opibus, sed laude venimus onusti:
 Non est Teutonico cumulata pecunia cordi,
 Nec sibi quaerit opes, sed pulchrae laudis honores.

470. Non habet ille suum, sed habentibus imperat au-
 Quanto Romanus studio cupidissimus aera [rum.
 Congerit, et magno vigilans incumbit acervo,
 Tanto Teutonicus, vel adhuc majore paratas
 Fundit opes, nitidasque manus aerugine turpi

475. Foedari scelus esse putat, dignumque pudore.
 Invigilent opibus cupidi; mihi sola potestas
 Sufficit, et cunctis dare jura potentia terris.
 Quò mihi divitias? cui servit gloria mundi,
 Quem possessor opum cum paupere dives adorat.

480. Quidquid habet locuples, quidquid custodit avarus,
 Quidquid in occultis abscondit terra cavernis,
 Jure quidem nostrum, populo concedimus usum.

1) A. sedere. o. - rr. fecere. 2) Ita A. - rr. Francona. - A.
 c. bellica *

Rege figuratam Regis patet esse monetam:

Caesaris et domino sub Caesare fulget imago.

485. Quid mihi divitias? cui quaeque potissima Reges,
Ac populi crebris non cessant mittere donis.

Semper habet veteres, semper videt aula recentes

Undique legatos, et ab omni Principe missos:

Semper ab ignotis veniunt nova munera terris.

490. Ergo pudet, populo quasi debita cogar avaro

Solvere, cui magni solvunt indebita Reges.

Miror ab antiquo famosam moribus urbem

Tam foedum sperasse ¹⁾ nefas, ut Rege coacto

Erueret pretium, veluti jam carcere vasto

495. Inclusum, duris astrinxerit illa oatenis.

Ergone Roma tuo legem vis ponere Regi?

Cum potius Regem deceat te subdere legi.

Millia quinque tibi librarum debita poscis:

Poscenti debere nego: largitio Reges

500. Non extorta decet: captivos ista, reosque

Sors premit, extortis redimant sua tempora nummis;

Munera magnorum laeta atque ultronea Regum

Esse volunt: ut dans plus gaudeat accipiente.

Hoc est, gratuitum quod possim ²⁾ dicere, solum,

505. Quo plus ille dato, quam gaudeat iste recepto.

Hunc mihi munifici morem liquere parentes,

Hunc retinere libet: nec plebem munere largo

Laetificare tuam renuo, sed pacta recuso.

Nil nisi gratuito manus haec dare novit, et ultro.

510. Juramenta petis? Regem jurare minori

Turpe reor: nudo jus et reverentia verbo

Regis inesse solet, quovis juramine major.

Non decet in labiis versari lubrica Regis,

Non decet ore sacro mendacia cudere Regem:

515. Sancta et plena suo sunt regia pondere verba,

Dicta semel nullum patiuntur jure recursum.

¹⁾ spirasse m. Rs. †. ²⁾ Ita A. rr. possum. †.

Ergò quod instigas jurando jure pacisci,
 Pone metum ¹⁾, curae vel non juratus habeo.
 Adde quod hoc ipsum nostris est utile rebus
 520. Quod petis, et nobis nullo suadente gerendum.
 Jura vetusta feram ²⁾? potiùs supplere paratus
 Quàm minuisse bonis aliquid de moribus Urbis.
 Te mihi vel summo non conservabo periclo?
 Dum mea non esses, summo discrimine jussi
 525. Esse meam: nunc cùm mea sis jam facta, relin-
 quam?

Namque quod Imperium ³⁾, te Roma vocante,
 receptum

Adseris, et meriti peragis praeconia tanti,
 Non magni reputare libet: venisse vocatum
 Confiteor, sed quae fuerit tibi causa vocandi,
 530. Ne multum te fortè putes meruisse, videndum est.
 Hostibus infestis, et belli pressa tumultu
 Undique, nec propriis ultrà tutanda, nec illis,
 Quas tibi tentaras precibus consciscere vires,
 Desperata diu, cunctisque relicta jacebas.
 535. Nunc ubi Roma tui vires? ubi perfidus ille
 Graeculus? et Siculae, vindex tuus, arbiter aulae,
 Quem tibi tutorem, timeas licèt ore fateri,
 Mente tamen tractas. Fortassis sentiet ille,
 Roma, tuus vindex: (veniant modo congrua rerum
 540. Tempora) Teutonicis vires et pondera regni.
 Tandem consilio, sicut patet, usa salubri,
 Francorum vires, invictaque signa rogasti.
 Affuit immensi domitor fortissimus orbis
 Carolus, et magnâ miseram virtute redemit:
 545. Ereptumque manu mediis ex hostibus, in se
 Transtulit Imperium, bellicae tenore recepta
 Haec tua Francorum sociavit moenia regno.

1) Vitiosam antea distinct. rest. W. 2) teram W. †. 3) Im-
 perio s. Nam quod in Imp. Ra. †.

- Nunc age, collatos nobis, tua munera, fasces,
 Et quasi gratuitâ primùm bonitate vocatos
 550. Magnifico sermone refer: sed verius illud
 Implorare fuit: sic pauper ad ostia clausa
 Saepiùs implorans, querulo vocat ore potentem.
 Namque Beringerum Desideriumque, tyrannos
 Roma tuos, quibus attonitum cervice subactâ
 555. Subdideras miseranda caput, quis nesciat armis
 Francorum victos, captosque, aeternaque passos
 Exilia, in nostro per tempora plurima regno
 Victori servissè suo, tardâque senectâ
 Tandem servili pressisse cadavere terram?
 560. Illa dies uno tua pristina jura triumpho,
 Si qua tibi Grajae fortuna reliquerat urbis,
 Transtulit in Francos, non sunt extincta, sed extant,
 Imperium comitata suum, quod debita secum
 Ornamenta trahens, nudum, vacuumque decoris
 565. Non poterat transire sui. Mea respice castra,
 Omnia quae dudum quereris sublata, videbis
 Nominae mutato sub eâdem vivere formâ
 Hic Eques, hinc Praetor, hinc Consulis atque Tribuni
 Imperiosus honos, et publica cura Senatus.
 570. Aspice Teutonicos Proceres, equitumque catervas,
 Hos tu Patricios, hos tu cognosce Quirites,
 Hunc tibi perpetuo dominantem jure senatum:
 Hi te Roma suis (nolis licet ipsa) gubernant
 Legibus, hi pacis bellicae negotia tractant.
 575. Sed libertatis titulos, antiquaque legum
 Tempora commemoras. Quas leges, improba,
 praeter
 Teutonicas, aut quae praeter mea jura requiris?
 Quae tibi libertas potuit contingere major,
 Quàm Regi servire tuo? sic fatur et acres
 580. Ingenuo vultu regaliter¹⁾ excitat iras.

1) (*)

- Audierant, stupidoque metu praecordia pressi
 Obtineere viri, multisque rogantibus, anné
 Plura loqui vellent, nihil ultra vocibus ausos
 Addere praemissis, tantum dixisse pigebat.
585. Tantus eis tristes irato Principe vultus
 Cernere terror erat: mallent siluisse, nec unquam
 Suscepisse suae peragenda negotia Romae,
 Securosque petunt in moenia tuta regressus,
 Orsa relaturi metuendi Principis Urbi.
590. At Rex colloquium solo cum Praesule miscens
 Principibusque viris, quod ¹⁾ nunc sibi restet agendum
 Quamue dolo plebis versutae providus artem
 Opposuisse ²⁾ queat, sollerti consulit astu,
 Et simul internâ fervens exaestuât irâ.
595. Cui pater eximius, laesae ³⁾ solatia menti
 Addere blanda volens: non est, ait, optime fili,
 Hac in gente novum, nec res miranda videtur,
 Fraudibus occultis blandè palpare potentes,
 Principibusque suis argutam ostendere vulpem:
600. Hoc vitium gentile tenet: sic vivitur istic.
 Jam partim sensisse doles; sed verius illud
 Amodò concipies; et adhuc majora videbis.
 Me quoque, non longo residentem tempore, multis
 Est aggressa dolis, indignaque multa relatu
605. Tam mihi, quàm sacro plebs intulit improba clero.
 Verùm contemptus minor est injuria nostri,
 Quos manus imbellis, nulloque armata potestas
 Sanguine, sed tantum divino fulta timore,
 Spurnendos impunè viris exponit iniquis.
610. Te quem terreni metuenda potentia regni,
 Quem scelerum vindex gladiûs facit esse verendum
 Romanis, ⁴⁾ qua fronte dolis ambire laboret,

1) quid? 2) Rs. - rr. apposuisse. o. 3) Ex A. Henrichiani Exempl. c. Rs. - rr. laeso. o. 4) verendum, Romanus qua etc. Rs. *

- Mirandum satis est: sed justo parce dolori,
 Et nobis (auctore Deo) gens improba justas,
 615. Et tibi maturo persolvat tempore poenas.
 Tu modò belligero delectos agmine fortes,
 Instructos telis, instructos omnibus armis,
 Occulto praemitte gradu: qui sacra beati
 Corripiant positâ formidine limina Petri,
 620. Atque Leoninae munimina fortiter urbis.
 Sunt ibi praesidii caussâ sub nomine nostro
 Praestantes animi juvenes, qui moenia tradent,
 Admittentque tuos: aderit, qui moenia tradi
 Imperet, egregius Romanae stirpis alumnus;
 625. Sedis Apostolicae Comes, eximiusque sacerdos,
 Et tibi prae cunctis Octavius iste fidelis.
 Desierat Praesul: placuit laudabile cunctis
 Consilium, sincera fides, et plana voluntas.
 Mittuntur properè ¹⁾ quasi millia quinque virorum
 630. Nocte ferè mediâ, quo tempore lumina Titan
 Opposito praebens, si fas est credere, mundo,
 Ex aequo medium noctis discriminat arcum.
 Haud mora, festinant jussi, portasque patentes
 Ingressi, tacitè sancti munimina Petri,
 634. (His priùs edoctis ²⁾, qui limina prima tenebant,)
 Atque Leoninam rapiunt hostiliter urbem.
 Nuntius ad Proceres rediens, compendia facti
 Edocet, et totis hilarescunt agmina castris.

1) A. nituntur proprie, o. 2) Sic A. - rr. eductis t.

L I G U R I N I.

LIBER QUARTUS.

- Jamque soporiferae decurso limite noctis,
 Atreus occulto sublatam lampada coelo
 Coeperat in nostrum traducere Phoebus Olympum.
 Tempore non alio nitidos magis extulit ortus,
5. Purgavitque polos, et nubila tota removit:
 Exoritur felix, et cunctis paenè diebus
 Candidior, primos tibi collaturus honores
 Imperii, Friderice, dies, radiisque serenis
 Publica per totum diffundens gaudia mundum.
10. Jamque per oppositi Princeps declivia montis
 Adveniens, claram, quam nondum viderat urbem,
 Adspicit: huic populi festivum gaudia nomen
 Imposuere loco: siquidem qui moenia clara
 Illâ parte petunt, ex illo vertice primum
15. Urbem conspiciunt, et te sacra Roma salutant.
 Prima Leoninam gaudens admisit in urbem
 Aurea porta Ducem: mox limina sacra petentem
 Sedis Apostolicae, divinis ritè peractis
 Obsequiis, sacrâ redimitus veste sacerdos
20. Summus, ad alta sacri ducens altaria Petri
 Innexum digitis, mundi totius honorem
 Imposuit, pressitque sacro diademate crines.
 Saeraque Missarum peragens solennia ritè,
 Nobile coelesti munivit foedere factum.
25. Omnibus egregiè laetis, totâque catervâ
 Acclamante viro faustum, FELICITER, omen.
 Hic favor armatus, turbaeque hic plausus equestris

Dulcius Augusti mulcebat Principis aures,
Quàm venalis honor, conductaque gaudia vulgi.

30. Hic siquidem sincerus amor, gaudensque fideli
Obsequio, devota fides; ibi gloria tantum
Mendaci fucata dolo, pretiosaque pompa.

Nos quoque carminibus, ni mens angusta negaret,
Acclamare tuo, fortissime Caesar, honori

35. Et fascēs celebrare tuos, rerumque nitorem
Eloquio, numerisque suis implere decebat.
Sed vereor, ne plura loquens, multumque laborans
Inveniar dixisse minus, magnique reatus
Arguar, eximiis inducens nubila rebus.

40. Atque ideo carptim non singula quaeque, sed ipsam
Gestarum propero rerum percurrere summam:
Immo etiam facti compendia vera secutus,
Hoc ipsum satis esse reor: namque illa serenae
Tempora laetitiae, tantique insignia plausus

45. Non longas habuere moras, populique furentis
Insidias, strepitumque timens armatus ubique
Adstat eques, templique fores et limina servat
Crescentisque domum, pontisque angusta propinqui
Obsidet, et totas densâ statione plateas.

50. Hos Regis titulos, hoc clari nomen honoris,
Quartus ab ingressu regnorum contulit annus;
Plusque ferè medio juvenum se mensis agebat,
Ut quarto decimo prodiret Julius ortu.
Postea gemmiferam laetâ cervice coronam

55. Ipse ferens, insedit equo: quem purpura totum
Ambit, et intextis velamina picta figuris.
Aurea mirifico radiantibus ordine gemmis
Sella nitens picto Regem complectitur arcu.

- Aurea nexilibus fastidit fraena catenis,
60. Gemmatosque lupos, et fulvum masticat aurum;
Lucidus è mediâ dependet fronte pyropus,
Lucida multisonis phalerantur pectora bullis.

- Ipse ferox, interta vago vertigia gressu
 Multiplicat, tenuesque interdum calcibus auras
65. Verberat, et tanto sonipes vectore superbit.
 Hoc invectus equo, turba comitante pedestri
 Gaudet habere viros utrinque ad fraena potentes,
 Sanguine conspicuos, et mundi jura regentes.
 Tunc ita productus, plausu resonante suorum
70. Proxima turrigeris repetit tentoria muris
 Ipse: sed eximius dimisso Principe Praesul
 Urbe Leoninâ, propriâque in sede remansit.
 Cùmque siti fervens, et multo temporis aestu
 Languidus, optatâ castrorum fusus in umbrâ
75. Corpora fessa cibo miles recreare pararet,
 Ecce repentinus vicinâ clamor ab Urbe
 Insonat, et subiti feralia signa tumultus.
 Jamque furens populus, prisco sibi jure negato,
 Injussuque suo sumtos à Principe fasces
80. Indignans, rapido transmissso ponte tumultu
 Irruperat, paucosque viros ex agmine nostro
 Securos nimium, nulloque pavore relictos,
 Fuderat: ast alii celeres, urgente periclo,
 Castra petunt, socios, atque ipsum nomine Regem,
85. Cujus erat virtus cunctis bene nota, vocantes.
 Horruit irarum stimulis, justoque furore
 Caesar, et ingratum socios iterare laborem
 Compellit, totis educens agmina castris.
 Hoc magis accelerans, quod eum metus acer agebat,
90. Ne quid in eximium crudeliter impia Patrem
 Auderet, solito plebes grassata furore:
 Distulit ira cibos; hostili sanguine malunt
 Dilatam satiare famem, fremituque leonum
 Terribiles urbem repetunt, et in arma feruntur.
95. Nec cedunt hostes, sed pectore praelia firmo
 Excipiunt: missis bellum committitur hastis,

Et levibus jaculis, et quas pluit aura ¹⁾, sagittis.
 At simul incaluit stimulis gravioribus ira,
 Conseruere manus, admotaque cominus arma.

100. Non jam missilibus telis, ferroque volanti,
 Sed gladiis pugnare libet: tinnire sonoris
 Ictibus²⁾ audires galeas, incussaue telis
 Arma, gravi clypeosque leves mugire fragore:
 Cernere palantes passim, rursumque resumtis

105. Viribus instantes, alternâ sorte licebat.

Maxima conflictus moles in limine pontis
 Ante domum Crescentis erat: facilique rotatu
 Obruta saxorum, seu missis desuper hastis
 Regia pars certae poterat succumbere cladi,

110. Ni quae spectandi caussâ pinacula turris
 Servabant matres, validas, pulchraeque cohorti
 Parcere, non stolidae plebi sociare furorem,
 Orarent iuvenes jam mittere tela parantes.
 Sic parti nostrae castarum gratia matrum

115. Profuit, innocuas prohibens à sanguine dextras.
 Hic furor à decimâ spatiosus et integer horâ
 Perstitit ad primas mersæ jam sole tenebras.
 Nec quisquam, quamvis jejunia longa tulissent,
 (Totam quippe diem miles jejunus agebat)

120. Jam poterat sentire famem, pondusque laboris,
 Immemor ipse sui: tantoque nocentior hosti
 Tantus in ultores fundendi sanguinis ardor
 Incidit, et justâ satiandi caede furorem.

Atque aliquis gaudens in tantâ strage reorum

125. Insultare malis: haec sint tibi Roma vetusti
 Praemia juris, ait: merces à Principe justo
 Redditur ista tibi: sic nobis regna parantur,
 Sic emimus fasces: sic acclamare triumphis
 Te jubet ille suis: haec tecum foedera Caesar

1) et quas tulit ira. V. †. 2) Rs. et A. c. - A. ictus. o. ss.
 Sp. P. R. mutantes v. praeced. sonoris in sonoros †.

130. Percutit, atque tuo juramina sanguine firmat.
 Vix tandem miseros sero jam vespere cives
 Afflictosque diu bello, fuga, noxque removit,
 Claraque justitiae patuerunt signa supernae,
 Ex rerum merito varios prodentia casus.
135. Namque uno tantum nostrâ de parte peremto,
 Mille, vel immersos Tiberi periisse, vel armis
 Hostili de plebe quidem; captiva ducentos
 Supposuisse ferunt injectis colla catenis.
 Mox cum laude Dei repetunt tentoria laeti
140. Victores, gratoque cibo, dulcique sapore ¹⁾
 Membra foveant, tutis carpentes otia castris.
 Vix erat orta dies, suspectâ Caesar ab Urbe
 Regia signa movet (neque enim commercia rerum
 Indigus afflicto sperabat miles ab hoste).
145. Pulchraque foecundis fixit tentoria campis.
 Inde secus montem, quo quondam saeva Tyranni
 Jussa timens, nondum te Constantine renato,
 Sylvester latuit, Soractem nomine dicunt,
 Te placido transmissae vado vetus Albula transit,
150. Albula, cujus aquis Tiberinus nomina fecit;
 Primaque castra locat vicinae ad moenia Romae,
 Inter et Argoas famosi Tiburis arces.
 Nos, ut fama, lares Grajâ de gente profecti
 Tres posuere viri, Coras ²⁾, cum fratre Catillo
155. Argolicae stirpis juvenes, et major utroque
 Tiburtus, cujus sumtum de nomine nomen
 Nobile Tibur habet, perhibent si vera Poëtae.
 Jamque aderat veneranda dies, quae clara tri-
 umpho
 Fulget Apostolico, totum festiva per orbem
160. Illa quidem, sed Romulae specialiter urbi;
 Cujus sacra suo lustrarunt moenia patres
 Martyrio, saevi dum spernunt sceptrâ Neronis.

1) Sp. et R. sapore. †. 2) A. Corax.

Illam, quo poterat ¹⁾ populus castrensis honore,
Suscepere diem, devotas Praesule summo

165. Missarum celebrante preces, et Caesare sanctam
Imperii cervice pia gestante coronam.

Illâ quippe die sacris altaribus adstans,
Omnem, qui justo sub Principe bella gerendo
Cinxerat ultorem Romanis caedibus ense

170. Clavibus aethereis, et Petri fretus honore,
Solvit, et indultum purgavit Papa reatum.
Et ratione quidem: nam quisquis jura tuetur
Ecclesiae, Regniue decus, si fortè cruorem
Fuderit humanum, non est homicida, sed ultor.

175. Hoc siquidem bellum, quod juris amore coacto
Milite suscipitur, meritum, non culpa vocatur.

Inde petens celsam, quae Tuscula dicitur, urbem,

• Moenibus excelsis, tutâque in sede resedit.

Jamque vaporiferâ succedens lampade mundum

180. Coeperat ex alto metuendo fervidus ortu
Erigones radiare Canis: quem tristis Orion
Adlitrare sibi, et rabido vestigia morsu,
Adventare videns, aeternâ exaestuât irâ.

Utraque flamma nocens, sed longè tristior illa,

185. Cujus in exortu vitiatus nubibus aether
Aestuât, et tristes ardescunt ignibus aurae.

Squalida torpet humus, corruptis stagna, lacusque
Inficiuntur aquis, pigrisque paludibus atrae
Exhalant nebulae: calidi spiramine coeli

190. Languida pestifero tabescunt corpora morbo.
Inde fit ut proprios plebes Romana quotannis
Cogatur transferre lares, montesque relictâ,
Dum furit ille Canis, vicinos incolat Urbe.

Adde quòd antiquis horrens inculta ruinis,

195. Parte sui majore vacat, generisque nocentis
Plurima monstriferis animantia Roma cavernis

1) Rs. m. poterant †.

- Occulit: hîc virides Colubri, nigrique Bufones,
 Hîc sua pennati posuerunt lustra Dracones,
 Quorum morticinis contabescentibus aër
200. Laeditur, atque aestu resoluta cadavera putent.
 Ergo metu belli vetitum mutare penates
 Vulgus, in urbe suâ subito tabescere morbo
 Incipit, et validâ correptum peste laborat.
 Nec minus in castris Francorum laeta ¹⁾ juvenus
205. Aëris impatiens, et tanto victa calore,
 Languet, et insolito tabescit squalida morbo.
 Occupat ora sitis, deformes inficit artus
 Squalor, et icterico tabescunt membra calore ²⁾.
 Protinus accensis miseri vitalibus ardent,
210. Aëra pestiferum velut è fornace trahentes.
 Quod si ferre gravem potuissent aëra nostri,
 Atque immota brevi servassent tempore castra,
 Haud dubium, quin se plebes Romana, suamque
 Pontifici, Regique suo supponeret urbem.
215. Sed jam ³⁾ foeda lues tanto regia castra,
 Atque insueta mali confecerat agmina morbo,
 Ut passim fragiles, longisque laboribus aegras
 Efflarent animas, aliique superstite fato
 Invalidi, miseram dilato funere vitam,
220. Saepiùs optatâ fraudati morte, trahebant.
 Ergo suis Rector castris, socioque labori
 Compatiens, multis etiam suadentibus, illo
 Demigrare loco, nolens, ac paenè coactus,
 Corpora Pontifici sacro captiva relinquens,
225. Tristia signa movens, Tusci crepundia montis
 Ascensu superans, meliori subdita coelo
 Castra locat, gelidas vicini Naris ad undas.
 Hîc omni curâ, medicaeque piissimus artis
 Subsidio, sacrum satagebat pellere morbum,
230. Expurgare malî contagia noxia coeli.

1) lecta Rs. †. 2) colore Rs. †. 3) tam m. Ra. †.

- Cùmque per Etruscas turbae castrensis in usum
 Coepissent urbes fiscalia jura requiri,
 Octingenta quidem Spoletum, nomine fisci
 Principis edicto jussum praestare talenta ¹⁾,
 235. Non timuit falso fraudare numismate Regem.
 Praeterea Comitem Tuscâ de gente Guidonem,
 Quo prior Etruscis habitabat nullus in oris:
 Guerra viro cognomen erat, mandataque Regis
 Urbibus Apuliae portaverat: inde reversum,
 240. Hospitii loco malefidâ sede fruentem
 Ceperat, et duro servabat carcere clausum.
 Cùmque relaxari Princeps, solvique juberet,
 Emittique virum: contempto Rege, superbus
 Instabat sceleri populus, regalia ridens
 245. Jussa: sed ipse suas modico pòst tempore clades
 Fleturus, scelerisque piacula justa daturus.
 Namque ubi tot factis crudelibus atque superbis
 Et meruit justas, et movit Principis iras:
 Incorrecta ²⁾ parans ulcisci crimina Caesar,
 250. Quae correcta ³⁾ reis ignoscere mallet, ad Urbem
 Tendit iter: cui sacrilego temerarius ausu,
 Ante fores ipsas, clausâ vix tutus in urbe,
 Occurrens ⁴⁾ populus, fundâ, levibusue sagittis
 Praelia prima movens ⁵⁾, et missis eminus hastis.
 255. Risit: et hîc pueros, Dux inclytus inquit, inermes ⁶⁾,
 Non fortes certare decet: sic ludere natos
 Ignavi docuere patres: incurrite totis
 Viribus, ô socii; conversum ad moenia civem
 Praeveniat, patulasque fores prior occupet hostis.
 260. Dixit, et accepto gaudens à Principe signo

1) talenti A. Sp. et P. o. 2) Indirecta. Pfl. †. 3) Rs. - A. et rr. directa. o. 4) occurrit Rs. * 5) Barth. leg. movent. *
 6) In A. Sp. P. R. deficiit το inermes, mutil. metro, quod P. notavit, nil substituens. - Rs. et cum illo Jo: Risit ad haec, et sic pueros etc. - A. e. addit: inermes, quod aliis omnibus praeferre non haesitavi.

Teutonus, hostilem cum civibus irruit urbem.

Protinus admotis incensa suburbia taedis,
In cineres collapsa fluunt ¹⁾, animosque furentes
Nec praedae locupletis amor, non ²⁾ regia, nondum

265. Exaudita viris, poterant edicta morari.

Inspoliata quidem, multis nitentia gazis
Non expectato flammis sunt tradita signo.

Attoniti tanto miserarum turbine rerum
Infausti cives, non jam miserabile vulgus,

270. Sed magis invidiâ dignum, compendia montis

Ardua corripunt trepidi, pro fraude superbâ
Digna reportantes: ubi ³⁾ qui fiscalia Regi

Jura suo tumidâ mendaces fraude negarant,
Omnibus amissis inopes miserieque dolerent.

275. Stabat in excelsâ sedes munitior arce,

Optima pars urbis, tuto satis edita colle;

Hic excelsa viri primates tecta locarant,

Securosque lares; hinc sedes pontificalis,

Altaque conspicui surgebat fabrica templi.

280. Hic ⁴⁾ bona pars populi sedis munimine freta,

Rebus in extremis tutari seque locumque

Certabat, ferrumque manu, lapidesque rotando,

Vel retinere locum, vel fata subire parabat.

A Rex invictus, nil se memorabile credens

285. Dum superest aliquid, nil se fecisse decorum,

Voce, manuque suos ardens hortatur, et addit

290. Saepè minas, reficitque animos et suggerit iras.

Ipsè manu propriâ, sociis prohibentibus, omneis

Explorat casus, et quaeque pericula primus

290. Excipit, oblitus pariter regnique, suique,

Coeptaque vel summo cupiens implere periclo.

Principis exemplo miles virtute coactâ

Audet, et audaci pudor est sub Rege timere.

1) ruunt. m. Rs. * 2) P. Rs. Jo. nec. * 3) uti Rs. † 4)
Pa. et Rs. - A. et rr. Sic o.

- Nec modus, aut requies, donec clamore supremo
 295. Effractae patuere suis victoribus arces.
 Sed quia praecluso fugiendi tempore, vulgi
 Magna repentino pars conflagraverat igne,
 Aëre corrupto, foedumque trahentibus auris
 Nidorem, saevamque loco spirante mephitim.
300. Quanquam multa viris minimè temnenda supellex
 Posset ab igne rapi, nostrosque urgeret egestas;
 Aëris impatiens cessit, praedâque relictâ,
 Haud procul eversâ victor consedit ab urbe,
 Sub meliore polo et levius spirantibus auris.
305. Mox ubi saevus odor flammâ cessante resedit,
 Et vacuum cessit tenuatus in aëra putor,
 Protinus ad praedam vulgus castrense recurrens,
 Siquid adhuc flammis illaesum fortè manebat,
 Diripit, et calidam pedibus calcare favillam
310. Non timet, et prunis ardentibus urere plantas,
 Semustam properans flammis subducere praedam.
 Inveniunt plenis studiisque condita cellis
 Vina, nec ¹⁾ exiguos servatae frugis, acervos:
 Inveniunt plenas pretiosis vestibus arceas,
315. Quasque sibi populus parco conflaverat usu,
 Et cupidè servabat opes: rapit omnia victor,
 Plenaque semicremis dītescunt castra trophaeis.
 Nec mora, Dalmatici qua fluctibus aequoris Ancon
 Tunditur, et magno finem facit Appennino,
320. Signa rapit Princeps, pulchraeque à moenibus urbis
 Haud procul in medio ponit tentoria campo.
 Hic duo magnates, Graia de gente profecti,
 Occurrere viri ²⁾, Regis mandata ferentes,
 Donaue magna sui: quorum hic Maradachus, at ille
325. Palologus ³⁾ vocitatus erat: quos ille venusto
 Excipiens vultu, digno cumulavit honore.

1) Rs. et A. c. rr. non o. 2) Rs. RJq, viro *. 3) Palalogus A. o. Palaeolog. Sp. R. ††.

Auditaque viae causâ, responsa daturam,
Insignem meritis, et clarâ stirpe creatam
(Hic Abbas Stabulensis ¹⁾ erat) jubet ire Guibaldum. ²⁾

330. Interea patriis Andreas finibus exul,
Atque alii Proceres, Siculus quos ille tyrannus
Appuliae totis dudum proscripserat oris,
Ceu postliminio Romani jure reversi
Principis, injectâ fines ereptaque dudum

335. Jura manu, firmasque urbes, et castra tenebant:
Omnibus attonitis, Regemque putantibus ipsum
Ponè sequi, jam jamque suos invadere fines.
Et certè facturus erat, cupidusque parabat
Ultrices illuc Caesar transferre cohortes:

340. Sed vapor aethereus, rapidique molestia coeli,
Et comatum languor, longoque labore solutum
Vulgus, et innumero fulgentia ³⁾ funere castra,
Ne faceret, tenuère virum, monituque fidei
Teutonicæ Proceres renuentem et magna parantem

345. Coepta, coegerunt ad Transalpina reverti.
Ergo ubi deposito tandem mansuescere ferro,
Et reditu optato patrios invisere fines,
Regia belligeris indulisit gratia turmis:
Protinus abscessu tristes, gemituque profundo

350. Pectora palantes, et largis ora rigatos. ⁴⁾
Fletibus asplices: adeo sub Principe miti
Dulce viris fuerat quosvis tolerare labores.
Ipse quoque emeritos ⁵⁾ grato solenniter ore
Extulit, et digno laudavit honore cohortes,

355. Dimisitque viros: quorum pars gurgite vasto
Et Veneto devecta mari, natalia rura
Contigit, et patrios aspexit laeta penates:
Ast alii fines, extremaque claustra jacentis
Italiae, duris horrendas rupibus Alpes

1) Stapulensis Sp. R. RJo. †. 2) A. Gribaldum o. 3) lu-
gentia m. Rs. * 4) rigantes m. Rs. 5) emeritas m. Rs.

360. Agmine non uno repetunt: non prorsus eodem
 Limite, sed variis anfractibus acta locorum,
 Difficilesque vias, et tristia claustra sequentes,
 Vix tandem patriis longus labor intulit arvis.
 At, qui de Tuscois aderant, Italique frequentes
365. Urbibus, hi facili curâ, spatique minori,
 Ad sua diffuso redierunt moenia coetu.
 Sic ubi multifidos uno de fonte meatus
 Unda secans, varios sejunctis cursibus amnes
 Efficit; hos leni per plana jacentia lapsu
370. Serpentes, alios inter cava saxa sonantes,
 Luctatosque idia diversâ sede receptat,
 Seriùs aut citiùs, pro tractu gurgitis, aequor.
 Non tamen emissâ tantorum plebe virorum
 Vel Princeps vacuus, vel curia, sola remansit.
375. Non est magnorum cum paucis vivere Regum:
 Quotlibet emittat, plures tamen aula reservat.
 Nec Princeps latebras, neo Sol desiderat umbras:
 Abscondat solem, qui vult abscondere Regem.
 Sive novi veniant, seu qui venere recedant;
380. Semper inexhausta celebratur curia turba:
 Ut mare, cum largas mundo disseminet undas,
 Semper inexhaustis fecundum pullulat undis.
 Ergo bonâ quamvis dimissâ parte suorum,
 Magna tamen Princeps, et solo Caesare digna
385. Castra moyens, per eam quae nunc Senogallia fertur,
 Quod Senones illam Galli tenuisse putantur,
 Cum premerent trepidam peregrino milite Romam,
 Appennine tuos properat contingere colles.
 His quoque transcensis, planis in finibus illum
390. Excipit exiguo perfusa Bononia Rheno,
 Quae quasi plena bono ¹⁾ laeto trahit amine nomen.
 Hinc ²⁾ quoque discedens, Italarum Rector aquarum
 Te, Pade, transgressus, Veronae plana potentis

1) bonis Rs. †. 2) hinc Rs. †

- Contigit, et notis posuit tentoria campis,
 395. Qua rapidas Athesae torrens agit impetus undas.
 Mos erat à veterum traductus tempore Regum,
 Et stabili multos servatus jure per annos:
 Sive petat Latiam Regnator Teutonus Urbem,
 Sive sacer ¹⁾ rediens sua signa reportet ab Urbe,
 400. Ut latum junctis pontem Verona carinis:
 Per medias Athesae porrectum construat undas:
 Quo validus Princeps intactis moenibus urbis
 Transeat, atque ²⁾ suas transmittat ritè catervas.
 Tunc quoque connexis fragili compage carinis,
 405. Desuper injectis leviter gens perfida lignis,
 Extruxit facili cessurum pondere pontem.
 Ut cum noster eques tabulata sonantia tutus,
 Atque vacillantes incerto pondere naves
 Jam premeret, nexu series infida soluto
 410. Cederet, et rapidas ferretur miles in undas.
 Praeterea caesis riparum in fronte salictis
 Struxerat ³⁾ in multos fruticum ramalia fascies,
 Quos quasi fortuitu ⁴⁾ venienti gurgite raptos
 Prona catenatis infligens unda carinis,
 415. Solveret infidum decepto milite pontem:
 Ut jam Teutonicae transmissa parte cohortis,
 Gurgite praecluso, reliquos invaderet hostis
 Impius, et dirum satiare sanguine ferrum.
 Causa fuit miseris infandae machina fraudis,
 420. Et magno ventura malo, nutuque superno
 Incidit in foveam quam foderat improbus hostis.
 Nam simul innocuo per certa pericula gressu
 Immemores fraudis se trajecere catervae:
 Cumque hos à tergo quidam de plebe feroci
 425. Attentare dolis, subitoque lacerare bello
 Coepissent, refugoque gradu transire pararent,

¹⁾ sacræ m. Rs. †. ²⁾ adque A, Sp. P. o. ³⁾ strinxerat Pfl. *
⁴⁾ fortuitò m. Rs. †.

Inveniunt ruptâ pontem compagè solutum,
Seque interceptos, subitâque voragine clausos,
Et tabulata novo mirantur hiantia lapsu:

430. Quos ibi comprehensos, et nil rationis habentes,
Attonitosque malo, jugulat mox Teutonus ultor.

Ventum erat ad fauces, angustaque claustra viarum,
Qua se nubiferis horrendae rupibus Alpes
Exiguo tantùm penetrandas limite præbent,

435. Uniusque capax scopuloso semita calle
Arcta laboranti pandit vestigia turbæ.
Hic ¹⁾ fractis prærupta jugis tenebrosa vorago
Pandit inane chaos, baratrique simillimus horror
Exanimis fecisse potest, Athesamque ²⁾ fragosis

440. Sub pedibus rauco certantem murmure saxis
Accipit attonitâ, quam non videt, aure viator.
Hinc se nubifero super æthera vertice rupes
Tollit, et ingenti latè loca protegit umbrâ:
Eque supercilio scopulosi verticis unus

445. Conatu facili, lapsuraque saxa movendo
Mille potest arcere viros, aditusque viarum
Claudere, vel missis incautos ³⁾ perdere saxis.
Huc se contulerat ferus, infandusque satelles
Albricus, cupidus scelerum, cupidusque rapinae,

450. Horridus, acer, atrox, ex ordine natus equestri:
Civis erat, Verona tuus: jurataque turpi
Obsequio, monstribusque novis adscita Juventus
Cum domino peritura suo, miserasque parentum
Orbatura domos: longoque labore petitam

455. Rupis inaccessae sedem statione latenti
Servabant, dirumque ⁴⁾ nefas ac turpè parabant.
His erat in voto, pretiis spoliare coactis
Agmina, vel missis aditum præcludere saxis.

1) Rs. Hinc A. rr. o. 2) Athesimque R. †. 3) Rs. - ibi
cautos A. et rr. - ibi clausos A. c. Henrich. quoque exempl.
adscripta. 4) Rs. ~ rr. durumque loc. ~ ~ ~

- Non placuit ¹⁾ tentare dolos, facinusque fateri,
 460. Donec in angustas fauces, infidæque totæ
 Ignaræ fraudis, cecidissent claustra cohortes.
 Atque ideo paucos tutò præcedere passi
 Continuere manus ad grandia monstra paratas.
 Sic venator apros, fulvosque agitare leones
 465. Instituens, timidos lepores, damasque fugaces
 Dissimulat: prædamque pudet captare minorem.
 Ipse sub ingenti latet altæ ²⁾ forpice rupis,
 Clamososque canes inhibet ³⁾, cupidosque molossos
 Comprimit, ut nullis quætant latratibus ora ⁴⁾,
 470. Donec cornigeri veniant in retia cervi,
 Trux leo, saevus aper, maculoso vellere pulcher
 Pardus, et hirsuti rapidis cum tigribus ursi.
 Non tamen occulti potuerunt fallere Regem
 Instrumenta doli: coelestia pectora sanè
 475. Nil transire potest: Sapiens quod prædicat, hoc est:
 Principibus filii tacitus maledicere noli,
 Portat avis cœli maledicta latentia Regi.
 Conperit ergo dudum Caesar, sensitque furorem,
 Nec placuit certo sua tradere castra periclo,
 480. Fataque sacrilegis Romani subdere Regis.
 Protinus è nostro præmissis agmine paucis
 Imperat infando tutos desistere coepto,
 Possessam sedem, tumidamque relinquere mentem,
 Infremuit vesana manus, lapidumque rotatu
 485. Imperiosa viros abigit mandata ferentes.
 Intererant nostris sub eodem tempore castris
 Ex Veronensi juvenes duo plebe creati,
 (Hunc Isaac, hunc Carzabanum Verona vocabat)
 Tempore qui longo regalia signa secuti,
 490. Obsequio Regi se commendare fideli
 Certabant, studioque pii placuisse favoris:

1) Rs. et A. c. - rr. complacuit a. complacuit o. 2) altè B.
 3) P. Rs. - A. et rr. ibi habet. 4) auras B. *

- Hos quasi concives, et ob hoc securius illis
 Jure sodalitii pro Caesare verba datu-
 Ire jubent Proceres, monitisque ¹⁾ farocia eorda
 495. Consilioque feras saevorum frangere mentes.
 Quos velut ignotos nihilominus impia turba
 Exaudire negans, ut certos repulit hostes.
 Ac nisi se certo redimat plebs nostra tribute
 Loricâ, vel equo, pro quolibet antè relicto,
 500. Et caput ipse suum multo Rex liberet aere
 Nunquam se tutos aditus ²⁾ concedere, nunquam
 Transmittenda locis urgentibus agmina, jurant
 Visa fuit Regi miserabilis atque pudenda
 Conditio, tactusque gravi sic incipit irâ:
 505. O Socii, Proceresque, mei solatia casus,
 Quos mundi dominos, et certo jure potentes
 Imperiosa facit Romani gloria regni:
 Cernitis in quantum majestas regia tandem
 Venerit opprobrium, post tanta negotia regni,
 510. Post expugnatas armis victricibus urbes,
 Imperiique sacro susceptam more coronam,
 Post multas scelerum poenas, cladeaque nocentum:
 Cùm jam vestibulum patriae, primumque penates,
 Optatasque domos reduces intrare paremus ³⁾,
 515. Proh pudor, à paucis prohibemur inertibus, ultrâ
 Regali transire viâ, nec vertere cursum
 Fama, pudorque sinit: nec longius ire nocentum
 Saevitiâ prohibente licet: paucique latrones
 Improba Romano poscunt à Rege tributa,
 520. Cujus ad arbitrium disponitur omne tributum;
 Et Capitolitiam cogunt ⁴⁾ appendere summam,
 Quo caput in toto non est mage nobile mundo.
 Non decet à timido redimi latrone metallo,

1) B. arrog. W. - Edd. mentisque o. - Rs. pp. meritisque.

2) abitus m. Rs. †. 3) Ita A. - rr. parantur. 4) Et caput
 illicitam Pf. †.

- A quo saepè rei, nullo licet aere redempti,
 525. Accipiunt propriam donato crimine vitam.
 Neo me damna movent, sed tristia foedera terrent,
 Foedaque mansurae fugio commercia. famae.
 Sed dabimus justum, dabimus quandoque tributum,
 Quale decet Regem persolvere, ferre latronem.
 530. State viri fortes, libet expugnare nocentes:
 Aut hîc, aut nusquam gelidam transibimus Alpem.
 Sic ait, et positis agmen consistere castris
 Imperat; ignavos cupidus punire latrones.
 Omnia versanti quiddam rationis apertae ¹⁾
 535. Incidit in mentem; veluti conscenderat antè
 Turba nocens; ita posse suos super ardua rupis
 Ferre gradum quocunque modo: juvenesque du-
 centos
 Pectora signifero fortissima tradit Othoni:
 Hos jubet ex omni secretas parte petito
 540. Ascensu tentare vias. Paretur, et armis
 Instructi levibus, sed firmo pectore tuti
 Magnanimi juvenes, sylvas et confraga rupis
 Undique multivago scrutantes limite lastrant.
 Vix inter scopulos et acutos denique cautes
 545. Conspexere locum, quo se promittere tandem
 Magna videbatur peragendi coepta facultas:
 Protinus angusto nituntur ad ardua calle,
 546. Cautibus infringunt ungues, et si qua vetusto
 Prominet è scopulo putri jam stipite radix,
 550. Hanc nitente manu prendunt, humeroque priorem
 Subvehit, attollitque sequens, primusque sequentes
 Attrahit, et studiis alterna juvamina praestant.
 At si fortè viris praecisâ semita rupe
 Nulla patet, solitis ²⁾ jungentes ³⁾ nexibus hastas
 555. Salarum simulare gradus, suspensaque longè

¹⁾ opertae m. Rs. †. ²⁾ solidis B. †. ³⁾ B. arrog. sibi W. -
 A. et rr. ingentes o.

- Non dubitant nisu vestigia ferre sub auras.
 Sic ubi consumto ¹⁾ vix eluctata labore
 Constitit in summâ bellatrix rupe juvenus:
 Regia, quae tacitus secum sub veste gerebat,
 560. Signa potens erexit Otho, strepituque feroci
 Terribiles sonuere tubae: clamore virorum
 Hactenus ignoto mirantia saxa resultant,
 Saxa feris tantum, fessisque volantibus antè
 Cognita, ventosis vix unquam tacta procellis.
 565. Obstupuit peritura cohors, ubi regia signa
 Vidit, et adstantes summis in rupibus hostes.
 Quid faciant miseri? praeruptis ardua pinnis
 Saxa fugam prohibent, pugnam mala causa, me-
 tusque
 Impedit, et trepidæ tenuis fiducia dextrae.
 570. Attonitos, penitusque animi ²⁾ ratione carentes
 Regius aggreditur miles, reliquisque perentis
 Cum duce capta suo, turpi bissenâ reservans
 Corpora supplicio, grato pro munere Regi
 Exhibet hos omnes: excepto scilicet uno,
 575. Qui socios propriâ jussus suspendere dextrâ,
 Obtinuit miseram regali munere vitam.
 Gallus erat, nuperque dolis adscitus iniquis
 Inscius: huic parcens, aliorum guttura diro ³⁾
 Elidi laqueo justissimus imperat ultor.
 580. Sic cruce vel gladio quingentos ultima mortis
 Fata subisse ferunt: omnes ex ordine equestri
 Ingenuos juvenes, quos regia ⁴⁾ vulnera passos,
 Supplicioque suo cunctis exempla datuos,
 Teutonus in magnos miles congegit acervos;
 585. Corporibusque suis extincti, et strage cruentâ
 Obstruxere viam, quam vivi fraude superbâ
 Tentavere pio frustra praecludere Regi.

1) cum summo Rs. et RJo. †. 2) omni B. * 3) W. - Edd.
 duro. o. 4) turpia W. vereor ut appositè.

At Rex Italiae fauces, angustaque claustra
Praeteriens, placidum primâ statione Tridentum

590. Contigit: hîc multos natalia rura petentes
Dimittens, vicina petit placidissimus hospes
Moenia Brixnorae: mox illum Norioa laeto
Terra sinu verso reducem jam suscipit anno.

Haec ¹⁾ de tam multis generosi Principis actis

595. Credidimus nobis tenui tentanda camoenâ:
Ac veluti plenâ raros ex arbore flores
Carpimus, et paucas numeramus in aethere flammâs.

Nam si continuo libeat perscribere tractu,
Quidquid in Italiam tendens, aut inde revertens,
600. Aut quocunque loco positus, tam fortiter ille
Quam sapienter agit; quis jam, precor, omnia codex
Haec capiet? scriptorue manu properante notabit?

Non est exigui de tanto Principe vatis
Scribere: magnificum desiderat ille Poëtam.

605. Nos animo tenues, et nullo robore fulti,
Sudamus facilem magno sub fasce laborem.
Adde quòd absenti de multis pauca referre,
Remque verecundo leviter perstringere tactu
Sufficit: hi solidè possunt describere gesta,

610. Quos oculata fides, simul et praesentia facti
Instruit, et notus falli non sustinet ordo.
Nos procul absentes regalia cernere facta
Caesaris indigni, vulgata superstitè famâ
Paucula de multis tenui suscepimus aure.

1) Rs. & rr. Nec q.

L I G U R I N I.

LIBER QUINTUS.

- Ergo sui reditu gaudens Alemannia Regis,
 Majoremque videns, quàm miserat ipsa, redisse,
 Fascibus, et summae cognomine laudis ornatum:
 Ejus in occursum Proceres, populosque fideles
 5. Excitat, et totas devotis moenibus urbes
 Lacta patere ¹⁾ jubet, gratumque impendit honorem.
 Sic quondam duri post multa pericula belli,
 Thermodoontiaco referentem signa triumpho,
 Adjecisse suis gaudentem plurima regnis
 10. Thesea Cecropiae reducem vidistis Athenae.
 Principis in patruo, raptò conflata Ducatu
 Bangariae, spirabat adhuc vetus illa simultas.
 Hanc sedare nepos cupiens mitissimus iram,
 Urbe Ratisponâ, flagrantem dulcibus illum
 15. Convenit alloquiis, multumque diuque laborans:
 Non tamen evauit veterem sopire querelam
 Inter utrumque virum, solidamque reducere pacem.
 Ergo viris aliud super iisdem rebus agendum
 Colloquium statuit, qua rura Boëmica primos
 20. Bangariae fines communi limite tangunt.
 Dumque locum Princeps, fieret mora ne qua per ip-
 Colloquii peteret, finesque accederet illos: [sum,
 Ecce Labezlaus, ductore Boënia sub quo
 Tunc erat, Herrmannusque sacrae comes inclytus
 25. Cujus erat tumido tellus circumflua Rheno, [aulae,
 Saxonicaeque potens Albertus Marchio terrae,

1) P. ex Argum. ss. Ra. et RJo. - A: et rr. parere o.

- Occurrunt, reducemque (metu vel amore) saluant.
 Tantus quippe metus Proceres invaserat omnes,
 Qui sua signa sequi, patriosque relinquere fines
30. Abnuerant, tantus trepidantes horror habebat:
 Ut sibi quisque nocens, et se quoque Caesaris irâ
 Judice jam dignus, laesum contenderet omni
 Obsequio placare Ducem, quem laude venustum,
 Insignem meritis, omni virtute decorum,
25. Terribilemque reis, praecurrens fama canebat.
 Nam quanto terrore sui post terga timentem
 Liquerit¹⁾ Ausoniam Rector, quantumque recedens
 Urbibus Italicis incusserit ille timorem,
 Legati fecere palàm, quos conscia culpae
40. Ac metuens Verona suae, post pauca secutos
 Tempora, Teutonicam supplex direxit ad urbem²⁾:
 Quorum blanditias humiles, lachrymosaque cautus
 Tempore verba suo posthac memoranda relinquo,
 Soliket hanc in se majestas regia justi
45. Vim terroris habet, procul an propè, praestò vel
 absens,
 Semper terribilis, semper metuenda, suoque
 Plena vigore manet, nullique impunè premenda
 Creditur, et semper cunctis, et ubique timetur.
 Hoc quoque colloquio, procures hinc inde sagaci,
50. Caesaris imperio, rimantes pectore caussam,
 Conatique diu tantos sedare tumultus,
 Suscepto frustra tandem cessere labori.
 Nam quamounque viri tentarent cudere formam
 Pacis, ut huic³⁾ finem faceret transactio liti;
55. Sprevit, et in solitâ permansit Noricus irâ,
 Inque salutato fremebundus Rege recessit.
 Inde Ratisponae rursum revocata potentum
 Principis accitu convénit turba virorum.

1) Rs. - A. ss. liquerat. o. 2) Teutonicum ... orbem? cf. infra v. 76. et Lib. X. v. 2, 3. 3) Rs. - rr. hinc. o.

Hic ubi iudicio Procerum, jurisque tenore

60. Saxona majorum Princeps in sede locavit,
 Omnis ¹⁾ Baugariae studio jurata fideli
 Cum Duce prima novo sanxerunt foedera patres.
 At populus clarae possessor, et incola sedis,
 Non tantum jurare Duci, sed et obside multo
65. Securam praestare fidem, compulsus ab illo
 Paruit: hic siquidem majori foedera curam
 Sunt exacta Duci, quod plebs ea fida priori,
 Atque novo poterat domino suspecta videri.
- Hic quoque multimodas dubia sub lite querelas
70. Emersisse ferunt: quas inter maxima paene
 Haec erat: Arnoldus, tuus ô Moguntia Praesul,
 Hermannusque Comes, magnae sub Principe summo
 Acriter inter se ²⁾ conflictum litis agebant.
 Nam dum Teutonicis Rector submotus ab oris
75. Ausonias premeret bello seu legibus urbes,
 Tantus in arctoo belli furor arserat orbe,
 Ut penitus concussa suas Alemannia clades
 Fleret, et absentem revocaret sedula Regem.
 Haec quoque cum multis, sed fortior omnibus una
80. Finibus ex Italis Fridericum causa reduxit
 Sed tamen in tanto totius turbine regni,
 Tanto majori pugnax Germania clade
 Senserat istorum vires, iramque virorum,
 Quanto major eis erat, editiorque potestas.
85. Hos igitur Procerum strepitus, clamosaque regni
 Pectore sedato dirimente negotia Rege,
 Ecce tui cives, Isaac bene notus in aula
 Carzabamusque simul, quorum (ni fallimur) ante
 Mentio praecessit, timido cum Praesule sedis,
90. Tentamenta precum placidas ad Caesaris aures,
 Et populi mandata tui, Verona, ferebant
 Utque viris aditus datus est, coramque loquendi

1) omnes P. Rs. 2) Rs. - rr. se. inter o.

Copia, facundo Praesul sic incipit ore:

Veronae mandata tuae, populi que fidelis

95. Verba precesque tibi, Romani maxime Rector
 Nominis, ejusdem vix dignus Episcopus urbis
 Perfero: nec dubium mihi persuadere laborem
 Evaluere prius, quam totus mente sub una
 Ecclesiae populus majoris in aede receptus,
100. Omnia quae nobis ad te referenda dedissent,
 Teste Deo, sanctisque suis promisit, et actu
 Et plenâ servare fide: quis crederet ullum
 Fraudibus esse locum? poterant, si fallere vellent,
 Alierius famam certo objectare pudori,
105. Atque alii mandare dolos, et parcere patri.
 Sed quia pura fides, nullo fucata colore
 Mandatis inerat, placuit committere nobis.
 Atque ideo comites morum gravitate probatos
 Adjungere viros, longo quos ipse fidelis
110. Agnovisse potes castrorum et temporis usu.
 Ausit et doluit, tumida feritate latrones,
 Non cives, Verona, suos, transire paranti
 Insidias posuisse tibi: quis dicere cives
 Audeat, in proprium molitos impia Regem?
115. Qui violat civem, concivis desinit esse;
 Qui violat Regem, quis posset ¹⁾ dicere civem?
 Sed bene quod meritam ausit manus impia poenam,
 Et projecta feras, volucresque cadavera pascunt.
 Ossa, praemptorum tumultus Verona negatis,
120. Atque faros manes, et nomina salva ²⁾ nocentum
 Damnat, et irati natos odere parentes.
 Ac ne fortè tibi nostrâ videatur ab urbe
 Consilium prodisse doli, quocunque jubebit
 Regia nobilitas, sese promittit et offert
125. Purgandam Verona modo, fideique probandae
 Spondet, et innocuae certissima pignora mentis.

1) possit? 2) scæva m. Ra. †.

- Nonne ¹⁾ adstrieta tibi sacro Verona tenetur
 Foedere? nonne tuas excepit prima cohortes,
 Cum peteres magnam felici milite Romam?
 130. Nonne tuos iterum reditus, conversaque laeti
 Vidimus, et patriis dimisimus agmina terris?
 Quae totiens gavisa tuis occurrere castris
 Cernitur, infidam frustra ne dixeris urbem.
 Desine paucorum contagia morbida, quaeso,
 135. In totum transferre gregem, culpâque carentes
 Exaequare reis: insontes culpa nocentum
 Non trahat, ex propriis justo sub iudice factis
 Praemia, seu poenas meritorum quisque reportet.
 Nos sumus innocui, justam quam debuit iram
 140. Excepit scelerata manus: jam parce fideli,
 Devotoque tibi populo, potiusque rebellem
 Infidamque suis ²⁾ longo jam tempore Romam,
 Aut tumidam Ligurum totis pete viribus urbem.
 Nec dubita justis Veronam adsciscere bellis,
 145. Et facias adhibere manus: quaecunque furorẽ
 Caesaris urbs meruit, nostram quoque sentiet iram.
 Dixerat, et comites plenis assensibus ambo
 Adjecere suas placando ³⁾ Caesare partes.
 At Rex consilio Procerum, sub nomine certo
 150. Exigit, ut fisco jurent appendere summam,
 Et totis contra Liguriam viribus urbem
 Regia castra sequi: sic demum pace reperta,
 Ad patrios fines vestigia laeta retorquent.
 Instabat veneranda dies, qua Christus in unâ
 155. Aequalis deitate Patri, sine temporis ortu,
 Natus ab aeterno, sub tempore, temporis auctor,
 Coelitus infusâ voluit de virgine nasci,
 Illic matre carens, istic nihil ex patre sumens:
 Sic puer in cunis, Deus ut regnaret in astris.

1) P. et Rs. - rr. Nec ne o. 2) Rs. m. tuis * 3) placando
 in Caesare, Rs. - placato Caesare A. c. †.

160. Hunc celebrare diem digno meditatus honore
 Caesar, ubi ¹⁾ illustrem legeret sibi curia sedem,
 Quae posset pleno tot millia pascere cornu;
 Wormatiam petiit, medio quae gurgite Rheni
 Gallica Germanis opponit rura colonis:
165. Utraque frugiferis tellus uberrima campis,
 Utraque vinetis exuberat, utraque pomis,
 Piscibus, atque feris, et cunctis rebus edendis.
 Hic ubi devoto solennia pectore Princeps
 Tempora transegit, tandem sub iudice summo
170. Ardua tractari coepere negotia regni.
 Fundere multiplices ex omni parte querelas
 Aspiceres, dubiasque viros collidere caussas.
 Quidquid ab alterutris absentis tempore Regis
 Pertulerant, queruli mixto clamore queruntur.
175. Sic domino peregrè post tempora longa reverso
 Commemorare solent lachrymosa negotia servi,
 Pressurasque suas, et iniquae verbera rixae,
 Alternosque dolos, occultaque crimina furti,
 Et scelorum noxas, et quidquid nequiter actum
180. Enarrare valent, odio flagrante loquuntur.
 Omnibus his placidas constantia Principis aures
 Commodat, et validos tranquillâ mente tumultus
 Temperat, indignans aliqua ratione moveri:
 Oppressos relevat, poenâ graviore superbos.
185. Percutit, afflictis bonus, ac metuendus iniquis.
 Tunc duo praefati Proceres, Arnoldus et alter
 Aulicus ille Comes, multis vehementer in illos
 Accensis, Regemque gravi stimulantibus irâ,
 Ob sua multiplici crudeliter acta reatu
190. Iudicio victi, capitalis vulnera noxae
 Excipiunt: ac ni gravis aetas et sacer ordo
 Pontificem tutata forent, aut sanguine poenas
 Solveret, aut summi pateretur probra pudoris.

1) uti Rs. †.

Quippe vetus mos est, uti ¹⁾ si quis Rege remoto,

195. Sanguine, vel flammâ, vel seditionis apertae
Turbine, seu crebris regnum vexare rapinis
Audeat: antè gravem quàm fuso sanguine poenam
Excipiat, si liber erit, de more vetusto
Impositum scapulis ad contigui Comitatus

200. Cogatur per rura canem confinia ferre;
Sin alius, sellam: cujus dispendia poenae
Ille Palatinae custos celeberrimus aulae
Non potuit vitare Comes, cunctisque videndus
Portavit scapulis passus plus mille latrantem.

205. Hanc quoque tunc alii simili pro crimine poenam
Sustinuere decem Comites, totidemque coacti
Foeda tulere canes generoso pondera collo.
Cujus inauditae poenae timor altus in omnes
Irruit: ut nullus procerum praesumeret ultra

210. Armata certare manu, sed pace sequestrâ
Judicis arbitrio sua quisque reposceret aequi.
Adde quod invictus discurrens undique Caesar,
Praedonum castella jugis horrentia ²⁾ summis,
Et vix spectandas celsis in rupibus arces

215. Expugnare manu, sparsisque evertere muris,
Urere vel flammis avidè properabat, et ipsos
Artifices scelerum, regni turbare quietem,
Et miseros crebris solitos spoliare rapinis,
Vel cruce, vel gladio, vel longo carceris usu

220. Perdere gaudebat, non exorabilis ultor.

Sic jam post tenebras et saevi tristitia belli
Nubila, Teutonici sedato turbine regni,
Principis adventus, veluti nova solis imago,
Cooperat optatae radios effundere ³⁾ pacis.

225. Sola Ducum studiis exercita Norica tellus,
Hujus adhuc expers erat, impatiensque salutis.

1) Rs. Rfo. - rr. ubi o. 2) haerentia m. Rs. †. 3) Rs. m. diffundere *.

- Jamque dies aderat celeri revoluta relapsu,
 Quam¹⁾ sacer ipse suo venerandam Spiritus orbi
 Praestitit adventu, cum mystica munera signans,
 230. Desuper effuso linguas distinxit in igne:
 Inque Palatini castro privatus Othonis
 Otia sepositis curis Fridericus agebat.
 Hac triduo tantum secretâ in sede peracto,
 Ad solitas iterum curas et publica regni
 235. Retulit²⁾, excluso torpore, negotia mentem.
 Ergo Ratisponae patrum de foedere pacis
 Alloquitur, flectitque virum: fortassis ab illis,
 Quos propter rixas, injustaque praelia, Regis
 Audierat sensisse minas, exempla trahentem.
 240. Cumque reformatâ tantorum pace virorum,
 Publica per totum florerent gaudia regnum:
 Ut benè compositis rebus perfecta decoris³⁾
 Gloria, nullius detectu partis, adesset,
 Restabat viduum, generosae prolis amore,
 245. Casta Beatrici sociare cubilia Regem;
 Quae sibi per quasdam⁴⁾ nuper traducta fideles,
 Teutonicas urbes, et conjugis arva⁵⁾ futuri,
 Principis accitu⁶⁾ jam spe⁷⁾ Regina, tenebat.
 Nam quae prima viro, nec permansura potenti
 250. Nupserat, illicito cognata recedere lecto
 Jussa, locum thalamis dederat, caussamque secundis.
 Hoc quoque discidium⁸⁾ secreto cuncta regentis
 Consilio prodisse potest, ut⁹⁾ fortè beata
 Principis in thalamos succederet illa Beatrix,
 255. Principe digna viro, prolem paritura beatam.
 Quam comes Allobrogum, Regum de gente vetustâ
 Ortus, et ipse suis Rainaldus clarior actis
 Progenit, moriensque tuos Burgundia fines

1) Rs. - rr. quem o. 2) Rs. - rr. rettulit. 3) B. decori (?)
 4) quosdam Pfl. et Rs. †. 5) Pfl. - rr. arma. 6) Pfl. - rr. a coitu.
 7) Pfl. - rr. spem. 8) dissidium P. R. Rs. 9) vi Sp. † ni R. †.

Orbatae in teneris et pupillaribus annis,

260. Et validas urbes, munitaque castra reliquit.

Haec adeo tellus à sedibus incipit illis,

Qua Basilea suos vicino flumine muros

Alluit 1) et Rhenum venientem laeta salutat:

Innumerosque tenens populos, hinc Gallica rura

265. Mordet: at hinc rigida scopulosae rupibus Alpīs

Arctatur, tractuque pari protenditur, usque

Qua rapidus primas Rhodanus maris influit undas,

Quaque caput regni sedesque fuisse vetusti

Fertur Arelatum, priscorum curia Regum:

270. Teque sibi jungens aequo Provincia jure,

Nomen apud veteres regni titulumque gerebat;

Cujus Arelatum sedes et finis ab illā

Parte ferebatur, donec suprema voluntas

Regis Rudolphi regnis accedere nostris

275. Jussit, et antiqui detraxit nomen honoris:

Ut jam non regnum, sed sit bona portio regni.

Has ibi metropoles et primas novimus 2) urbes:

Chrysopolim placidam, Lugdunum, sive Viennam,

Quaeque tuos spumante mari Provincia fines

280. Claudit Arelatum, validis obnoxia ventis.

Chrysopolim Dubius, reliquas praelabitur annis

Maximus Allobrogum Rhodanus dominator aquarum.

Hanc Comes antiquā veniens ab origine Regum

Guilelmus quidam, puerum quem fama vocabat,

285. Possedit, quem conspicuo produxerat ortu

Chunradi germana Ducis; quo fraude suorum

(Ut perhibent veteres) humanis rebus ademto,

Proximus agnatus Comitīs Rainaldus, et haeres

Legitimus, tantae nactus moderamina summae,

290. Jure suo nimirum et claro sanguine fretus,

Teutonicos Reges, edictaque saepe vocatus

1) abluit m. Rs. * 2) A. c. et W. - Edd. et primas nominis, o. -
primi nominis Rs. †. 3) Rs. * A. et rr. nimum, renitente metro.

- Sprevit, et Allobroges aliis sub Regibus esse
 Indignum reputans, nimium memor ille vetustae
 Libertatis erat, Regemque superbus agebat.
295. Donec ob innumeros fastus sententia tandem
 Ultrices in eum deprompsit regia vires,
 Ereptamque viro, regni sub iudice, terram
 Nomine Chunrado fisci concessit habendam:
 Et ¹⁾ quasi proscripto regni spretore rebeli,
300. Proximus extincto succederet ille nepoti.
 Qui mox concessos armato milite fines
 Irrumpens, regale sibi defendere donum,
 Et validâ sancire manu tentabat: at ille
 A patribus suscepta suis tutare laborans,
305. Plurima conseruit diverso praelia casu.
 Has inimicitias tandem sub tempore nostro
 Regia sopivit tali sollertia pacto:
 Scilicet ut geminas illis in finibus urbes,
 Lausennam, gelidâque sitas in rupe Gebennas,
310. Bertholdus regeret, reliquas Rainaldus haberet.
 Hanc reor ob causam, regni pro parte vetusti
 Maluit Allobrogum Rector Bertholdus haberi,
 Quàm Comes ²⁾: in solito Rainaldus nomine mansit.
 Hoc quoque defuncto, tanti patris unica proles,
315. Jure sibi patriae delatum sortis honorem,
 Magnaque sub teneris moderamina sumserat annis,
 Eximio nuptura viro, generosa Beatrix.
- Ergo dato passim varias rumore per urbes,
 Advenisse diem, quo festâ lampade Princeps
320. Dignetur sacri sociam sibi jungere lecti,
 Et meliora novis sponsalia ducere fati:
 Undique magnifici Proceres ad magna vocati
 Conveniunt, urbemque petunt, cui nomen ab herbis
 Esse putant, linguae vulgaris nomine tractum:
325. Ut tanquam medii circa praecordia regni

1) Ut P. ss. Rs. et RJo. * 2) Sola A. rectè distinguit post: comes.

330. Quisue favor populi, seu quae devotio cleri,
Qui velit expressis metiri singula verbis,
Hunc ego littoreas numerare fatebor arcnas
Posse, vel in magno radiantia sidera coelo.
Hoc rerum splendore sacros Regina mariti

335. Venit in amplexus, Comitesque, Regesque, Du-
cesque

340. Quod tua facta probant, dignissime nominis haeres.
Te quoque cum magno praeclaræ laudis Othone
Insignis Chunrade puer: cunctisque minorem
Sed non dissimilem morum probitate Philippum.
Hos equidem partu felici foemina Princeps

Heu mihi, quàm celeri dominatrix inclyta fato
550: Occubuit, viduumque virum, prolemque reliquit.
Jam tamen Augusto dominantes cum patre natos
Viderat, impressamque tuis Henrice coronam
Temporibus: cùm de toto semel orbe vocatos ¹⁾,
Quanta nec antè fuit, nec creditur esse futura,

Nondum collectos ad gaudia tanta potentes
Ad proprias sedes, nataliaque arva reverti

Digitized by Google

- Passus erat Princeps: sed adhuc Hymenaea, sacra
Carmina digna thoro, solenni curia plausu, [croque
360. Et felix omen, votivaeque festa canebat:
Cum rediit Graia Stabulensis ab urbe Guibaldus,
Legatique simul, Regis mandata ferentes.
Qui tamen ob fraudes aliorum, quos prius idem
Egregio Manuelli orator ¹⁾ miserat urbis,
365. Auribus, et facie tam laeto tempore, tanti
Principis indigni, longè consistere jussi,
Expavere graves offensi Caesaris iras.
Nam qui praedicti mandata priora tyranni
Ausonias urbes, Etruscaeque rura tenenti
370. Attulerant Friderice tibi, gentilibus usi
Fraudibus, impressas falso sub nomine Regis
Mendaces ²⁾ chartas sibi confecere sigillo.
Quos bene Rex habitas, postquam cumulavit honore,
Muneribusque datis, referendaque fausta tyranno
375. Verba suo, placidaeque dedit consortia pacis,
Dimisitque viros: cum regia signa remensis
Alpibus audirent ad Transalpina redisse:
Protinus Apuliae populos et moenia falsis
Subreptisque dolo Campana relatibus implent;
380. Littoreas urbes sese, vicinaque Ponto
Oppida, munifico falsis à Principe signis
Accepisse probant: ignavaque ³⁾ pectora vulgi
Fraudibus, et Graio corrumpunt nequiter auro.
His Comes Andreas Capuae, proscriptaque turba
385. Nuper ab exilio nostro sub Rege reversa,
Atque Cavillensis Robertus nomine quidam
Eximia virtute Comes: seu gratia nostri
Principis, aut odium Siculi, seu maxima merces

1) Egregio Manuel monocrator etc. B. †. - Rex Graiae Manuel oratum etc: A. c. - Forsan: E Graia Manuel orator miserat urbe, vel: Et Graiae Manuel orator miserat urbis, vel prorsus: Egregiae Manuel etc. - Nil mutandum censet Rs. (?) 2) mendaci. B. 3) ignavaque m. Rs. †.

Impulerat, coeptis totâ virtute favebant.

390. Praeterea dominis infidum ac mobile vulgus
Pondera servitii, Sicalaeque tyrannidis optans
Abjecisse jugum, sceleri praestare favorem
Gaudebat, rerumque sequi momenta novarum.
His opibus freti Barum petière, locumque
395. Praesidii validam quam ¹⁾ praemuniverat arcem
Milite non paucò Sículus, certantibus armis
Oppugnant, capiuntque manu, possessaque bello
In sua jura novis traducunt moenia fatis:
Non sine clade tamen; nam maximus unus in illis
400. Gaudia Palologus letho turbavit acerbo;
Cujus aromatico conditum corpus odore
Turba comes patrio transmittit moesta sepulchro.
Jamque per Ausonias urbes vulgatus adusque
Principis ingenuas rumor pervenerat aures,
405. Vel summum clausisse diem, vel pondere morbi
Guilelinum proprii privatum munere sensus,
Nec ratione frui, cunctasque in finibus illis
Foedè ²⁾ Graiorum deceptos fraudibus urbes.
Quod satis indignum Caesar, penitusque pudendum
410. Duxit, et ingenti turbatus inhorruit irâ.
Nam licèt à Siculo Romani nominis urbes
Hactenus invasas, mutilataque regna doleret:
Turpe tamen magis hoc, et foedius esse putabat,
Moenia capta dolo, seductaque turpiter astu,
415. Seque sui falsâ delusum nominis umbrâ.
Nam quòd tam longâ Sículum gaudere rapinâ
Tam patiens tulerat, justamque represserat iram,
Hactenus occultis, penitusque latentibus actum
Quis dubitet caussis? ubi ³⁾ tandem tempore nostro
420. Aeternum veteri finem positura querelae,
Nobilis è Siculâ tibi Rex Henrice veniret
Nupta domo, gemini pax et concordia regni.

1) qua B. †. 2) W. - Edd. Foedere o. 3) uti Rs. †.

- Forsitan hîc facinus, commentaque fraudis iniquae,
 Graiugenumque dolos Gratorum morte piasset;
 425. Aut inhonoratos, et probra gravissima passos
 Turpiter Argolicam repedare dedisset ad urbem,
 Ni bona pars Procerum, legatis parcere Regem
 Censeret, famamque bonam praeferre dolori.
 Sic demum Graiis adeundi copia Regis,
 430. Temporis atque loci praescribitur ordine certo.
 Non tamen invicti fera Principis ira resedit,
 Donec in Apuliam Proceres ultricia regni
 Juravere sequi condicto tempore signa.
 Jamque graves ultrix Alemannia moverat iras,
 435. Magnaque terrifico properabat coepta tumultu;
 Cum novus ex Latio rumor, meliorque priori,
 Hostibus extinctis, Siculo victore receptas,
 Quas sibi subdiderant fallaciter, attulit urbes.
 Ergo aliò Princeps tantarum pondera rerum
 440. Flectit, et in Ligures properat convertere bellum;
 Innumerasque suo signatas nomine chartas
 Destinât ad Proceres, ita regia jussa ferentes:
 Si non perspicuis patuisset cognita signis
 Vestra fides, multoque prius sudore labores
 445. Pignora sinceræ mentis manifesta dedissent,
 Non ita securè vestrum peteremus, ad omnes
 Auxilium, diversa ferunt quos tempora, casus:
 Sed quia devotos, velut officiosa supremo
 Membra decet capiti, nobis cognovimus esse,
 450. Nunc hoc, nunc aliud mutato tempore vestris
 Mandamus studiis: sic rerum postulat ordo:
 Sic variat fortuna vices, nullosque timemus
 Ob decus Imperii vobis sociare labores.
 Apuliae bellum, quod paucis antè diebus
 455. Sanximus Herbipoli, vobis impunè remitto.
 Praevenit siquidem nostros fortuna labores,
 Magnaque sublatis pericre negotia caussis.

- Altera jam nostros expectant bella lacertos,
 Egregium virtutis opus, pulchrique laboris:
460. Imperii satiare minas, cunctisque per orbem
 Gentibus et populis, Ligurinâ funditus urbe,
 Ut decet, eversâ, nostrum sancire timorem:
 Quae semper Latiis fallax, infida, rebellis
 Regibus, et nulli docilis servire potenti,
465. Praecipuè nostris tumefacta repugnat habenis,
 Et quasi degenerem, timidumque ¹⁾ et mente caren-
 Contemnit, nec posse putat punire nocentes, [tem
 Quem nimis expositum veniae, segnemque malorum
 Aspicit in poenas; patientia nostra timori
470. Illa teste ²⁾ datur: nescis, heu ³⁾ perdita, nescis,
 Quem stimulas peritura virum: sentire decebat ⁴⁾
 Te quoque, quod sensit consors et conscia culpa
 Infelix Terdona tuae: ceu corruit illa,
 Tu quoque victa cades; tantò graviore ruinâ,
475. Quantò nunc ⁵⁾ aliis tibi firmior ipsa videris.
 Parva cadunt levius, non multâ mole premuntur:
 Magna sub ingenti franguntur pondera lapsu ⁶⁾.
 Nunc age, magnifici Proceres, ingentibus actis ⁷⁾
 Intrepidas adhibete manus, et justa ferentes
480. Arma, laboranti mecum succurrite regno.
 Tutius est ferro jam putrida membra recidi,
 Quàm partis vitio totum tabescere corpus.
 Haec est illa nocens, quae cunctas fortior urbes
 Persequitur, nostramque premit sine fine Papiam;
485. Quae Cumam Laudamque, nimis vicina, perenni
 Insectans odio, crudelibus urget utramque
 Terrificatque minis, aliasque ferociter armis
 Evertit, pressasque tenens in pulvere, victum
 Non patitur relevare caput: regnique superba

1) Rs. - A. et rr. tumidumque o. 2) stante W. †. 3) W. -
 Edd. ha. 4) decebit? 5) A. c. P. ss. Rs, et RJo. - rr. Nec. o.
 6) pondere lapsa W. †. 7) ausis Rs. *

490. Contemnit, ridetque minas: quas odimus urbes
 Diligit, et contra quas nos dileximus, odit.
 Terdonæ veteres, nobis prohibentibus, arces
 Erigit, et vetitas audet sarcire ruinas.
 Nec timet iratum, quem scit procul abfore Regem,
495. Nec putat ulterius nostros sentire recursus.
 Fallitur, et vano ducit solatia voto:
 Sperato citius castris Ligurina prememus
 Moenia; completo bellum condiximus anno.
 Tunc nobis meritas cogetur pendere poenas:
500. Et quæ nunc alias tutatur, et erigit urbes,
 Non nisi post longum tempus renovanda jacebit.
 Ergo viri fortes, vobis adsciscite, quantas
 Quisque potestis opes, uti cum se torserit annus,
 Totus apud nostram cœiens exercitus Ulmam,
505. Me duce per rigidam securus et integer Alpem
 Transeat, et fortem ¹⁾ satis impiger occupet urbem.
 Néue sub hac specie vos ad majora vocari,
 Aut Appenninum traduci fortè putetis,
 Sit procul iste metus: Ligurum non longius urbe
510. Cogendum quenquam per regia nomina juro.
 Interea solito belli fremebunda tumultu
 Urbs Ligurum, postquam natalia rura tenere
 Comperit evictâ regales Alpe catervas:
 Ticinum geminis incingere pontibus amnem
515. Adgreditur, pavidam solitâ feritate Papiam,
 Ac circumpositos flammis simul atque rapinâ
 Depopulatur agros; mortalia ²⁾ corpora ferro
 Confodit, aut duris adstringit capta catenis:
 Lunellum renovat, Terdonæ moenia raptim
520. Erigit, atque novas properat sarcire ruinas.
 Haud procul à tutis Ticini moenibus alto
 Fulgebant castella loco, de nomine certum

1) sontem Pfl. * 2) mortali Pfl. *

(Vigevanum ¹⁾) scriptura vocat) nil tradidit usus.

Haec tunc Guilelmus Ferrati Marchio montis:

525. Moenia servabat, simul et Ticina juvenus,
Praesidio submissa loci: sed fortior hostis
Expugnata diu tandem munimina victor
Occupat, et captis multo vix obside vitam
Indulgens, proprio componit foedera nutu.
530. Quae tunc ²⁾ ob leges, et formam pacis iniquam
Sprevit, et abjecto Ticinum pondere rupit.

Ergo ubi festa suum cepérunt gaudia finem,
Protinus Herbipoli Præcerum cum parte relictâ:
Norica castra petens, ibi Rex ad tempus agebat.

535. Hic, ut erant jussi, legati Regis Achivûm
Occurrere viro: mandataque regia Regi
Notificant, quorum series (ni fallimur) hæc est ³⁾:
Uxorem clarâ Regum de gente suorum
Spondebant, thalamosque novos et foedera pacis
540. Perpetuae, nexu solido firmare parabant.

Huic quoque prædictae restabat et altera caussae:
Nam duce Boricio tumidorum Rector Achivûm,
Nuper ad Hungariam magnum direxerat agmen:
Cujus ut interiit bello pars magna cruento,

545. Cum duce fusa suo Scythicâ perimente sagittâ ⁴⁾,
Viribus ipse suis vindictam sumere cladis
Invalidus, nostrum, quem noverat omnia posse,
Orabat Regem, sævis indicere bellum
Gentibus, ultoremque suis adsciscere factis.

550. Tentabat: sed caussa virum spes utraque lusit.
Nam meliora sibi thalami jam foedera Rector
Junxerat: at ⁵⁾ bellum breve tempus, et altera belli
Fortius incumbens privati cura vetabat.

Inde Ratisponam Princeps, et publica regni

1) Ita ex Othone Fris. - A. Vigenum, A. c. Vigevum.
Edd. Vingeum. 2) R. ss. Rs. et Jo. - rr. tum o. 3) Edd.
v. 536 post 537. r. W. - adverterant sed non viderant vitium
Rs. et B. 4) B. - Edd. pereunte o. 5) Rs. - rr. ad o.

555. Cura vocat Proceres, et rerum fama novarum.
 Hic inter Regis patrum, Regisque nepotem,
 Hactenus occultam de pacis foedere formam
 Nuno tandem vulgare parant, et ferre sub auras:
 Quae qualis fuerit, rerum satis ordo docebit.
560. Nam patruus Regis per septem signa Ducatum
 Ritè resignavit; quae tradidit ille nepoti.
 E quibus ille duo patruo tradenda resignans,
 Austriaca jura viro pariter cessura relinquit.
 Marchia tunc tellus erat haec, nunc verò Ducatus.
565. Namque volens prisci defendere nomen honoris
 Rex patruo, cum tres Comitatus illè teneret:
 His quasi compactis, et in uno corpore junctis,
 Consilio Procerum celebrem dedit esse Ducatum.
 Neve secuturi factam subvertere Reges
570. Aut revocare queant, regali tuta sigillo
 Argumenta Duci, monumentaque certa relinquit.
 Utque bono pacis cunctas florente per urbes,
 Haec quoque regali frueretur munere tellus,
 Ultima juratam suscepit Norica pacem.
575. Sic velut antiqui revocato tempore seculi,
 Aurea pacifico sub Rege revixerat aetas.
 Sed quantum placidae, firmata pace, quietis
 Praestiterat nostro Regis praesentia regno,
 Italicis tantum populis injecerat absens
580. Cladis: et astrictos laxaverat ante furores.
 Sic dum dimidium tenebris absentia Solis
 Infuscat mundum, reliquo praesentia lucem
 Fundit, et alterno partitur lumine coelum.

L I G U R I N I .

LIBER SEXTUS.

Ergo reformatæ post tempora plurima paci
Nobilis arridens laeto Germania vultu,
Dulcia sepositis tractabat gaudia curis.
Mutatos sese, mutataque secula laeti

5. Credebant homines: coeli quoque blandior aura
Spirabat, meliorque dabat sua munera tellus.
Non tamen in tantâ Princeps ignava quiete
Otia carpebat, credens hoc perdere tempus,
Quo nihil adjectum regni proventibus esset:
10. Quamque aliis dederat pacem, sibi sponte negabat.
Ergo novam nactus tentandi fortia caussam,
Constituit saevis indicere bella Polonis.

Hos, ut fama tenet, populos à cardine primo
Solis, et aestivo Phoebæae lampadis ortu,

15. Vistula præcingens torrentibus alligat undis:
At quæ fumantem mergi videt æquore Phoebum,
Hanc rapido cursu praelabitur Odera partem:
Quod latus imbriferos telluris respicit Austros,
Rura Boëmorum, sylvis horrenda vetustis
20. Tangit: ab arctoâ Scythici maris aestuat orâ
Fluctus, et indomiti sedem posuere Ruteni.
Haec regio Slavos complectitur, atque Polonos,
Et gentes alias, quarum nec barbara nobis
Nomina, nec rigidi possunt notescere mores.
25. Terra suo munita situ, vix hostibus ullis
Armata tentanda manu: gens aspera cultu,
Terribilis facie, morum feritate timenda;

- Horrendo violenta' sono, truculenta, minaxque,
 Promta manu, rationis inops, adsueta rapinae,
30. Vix hominum se more gerens, horrore ferino
 Saevior, impatiens legum, cupidissima caedis,
 Mobilis, inconstans, acerrima, lubrica, fallax,
 Nec dominis servare fidem, nec amare propinquos
 Sueta, nec affectu pietatis docta moveri.
35. Haec partim natura dedit: partimque nocentes
 Tabida pestiferae faciunt contagia plebis.
 Nam quaecunque jacet Scythico brevis insula Ponto,
 Qui tenet hanc populus, nec terram vomere sulcat
 Frigore perpetuo sterilem, nec squallida duro
40. Rura ligone movet, nec vitem copulat ulmo,
 Nec legit arboreos, autumnii munera, foetus:
 Venatu tantum, crebrisque alimenta rapinis
 Quaerit, et assiduis pirata senescit in undis.
 At si quando famem penuria longa ciborum
45. Asperat, (horrendum dictu, vix credere possum
 Ipse quidem, sed rumor habet) sua membra vicissim
 Pestifero miseri morsu lacerare feruntur:
 Nec genitor nato, nec fratri parcere frater
 Novit, et elixâ recreatur filia matre.
50. Non tamen invictam terrae populique ferocis
 Asperitas potuit Regis compescere mentem,
 Quo minùs ad certos securâ mente labores
 Tenderet, et justam vindictâ pasceret iram.
- Haec siquidem tellus communi jure tenenda.
55. Funiculi sub sorte tribus devenerat olim
 Fratribus, egregii generis: sed nomina nostris
 Barbara legitimè nequeunt accedere libris.
 Horum, qui reliquos ortu praecesserat, unus
 Dux erat, et nuptam ¹⁾ cognatam Regis habebat,
60. Nomine Gertrudem, Leopoldo patre creatam.
 Cujus ob invidiam ²⁾ fratres cervice rebelli

1) nuptum B. 2) infidiam Sp. L. †.

- Abjecere jugum, pulsumque è sede paternâ
 Compulerant ¹⁾ totâ profugum discedere terrâ.
 Ille suâ pariter fugiens cum conjuge, Regem
65. Chunradum petiit; scelerataque facta suorum,
 Aerumnasque suas, ereptaque jura Ducatus
 Affini, Regique suo deflebat: at ille
 Imperiosa satis Regni mandata, minasque
 Misit, et ereptos reddi praecepit honores.
70. Intumescere truces, nec regia jussa, nec acres
 Exaudire minas, nec jam parere jubenti
 Curabant: missisque aliis, iterumque remissis,
 Spernebant tumidi, fraternaue jura ²⁾ tenebant.
 Sic Dux praedicto longum sub Principe frustra
75. Flevit, et assiduâ mansit vetus exul in aulâ.
 Ast ubi felici Fridericus regia gessit
 Sceptra manu, patruique loco suscepit agendum
 Quidquid inexpletum, dubiumque reliquerat ille:
 Saepius admoniti, nec tunc quoque rapta jubentem
80. Reddere germano, timuerunt spernere Regem;
 Nec jurare fidem, nec prisco more tributa
 Annua, quingentas curabant pendere marcas,
 Omine non fausto: nam postquam saepe repulsa
 Infremuit justâ patientia nobilis irâ,
85. Agmina confestim rapiens per iniqua viarum,
 Difficilesque locos, et quos praestruxerat hostis
 Objicibus ³⁾ vastis aditus, pervenit adusque
 Odera Germanos quâ separat, atque Polonos.
 Hanc neque Chunradus, neque Regum tempore
 prisco
90. Distantem ripis, tumidamque rapacibus undis,
 Armatâ transire manu tentaverat ullus.
 At Rex invictum, quod suscepisset agendum,
 Nil patiens, ipsam quae cunctis imperat, acri
 Ingenio fervens, naturam vincere tentat.

1) compulerunt m. Rs. †. 2) rura m. Rs. †. 3) viribus Rs.

95. Protinus innumeras sociis contexere puppes
Imperat, ut rapidum toto simul agmine flumen
Exuperet, pariterque viros transmittat, equosque.
Obstupuere rei, postquam sua rura tenere
Et ripam cunctis intactam Regibus antè
100. Conspectere virum, vexillaque regia campis
Irradiare suis: pavidique fugacia turpi
Terga dedere fugae ¹⁾: quamvis ea castra Polonos,
Pomericos, Bruscos ²⁾, Parthos simul atque Rutenos,
Atque truces populos Scythiae totius haberent:
105. Néue secuturis optata cibaria tellus
Praesidiúmue ferat, villas, atque oppida tuta,
Castraque per longos vix expugnanda labores
Exurunt flammis, spoliataque rura relinquunt.
Nec minùs à tergo, quaecunque illaesa manebant,
110. Vastabat Princeps: his qui sibi mente feroci
Parcere noluerant, indignum parcere ducens.
Tum demum tumidis è fratribus alter, iniquâ
Qui profugi sedem fratris ditione tenebat,
Ut videt interitum tandem certumque gravemque
115. Advenisse suis irato Principe rebus,
Clamque palamque suos mittens, iterumque remit-
Saepius accitos affatu supplice coepit [tens,
Compellare patres, et deditionis apertae
Principis arbitrio legem, veniamque pacisci.
120. Quam miser hoc pacto tandem tulit, ut duo Regi
Millia marcarum, bis centum verò ministris
Penderet, argenti marcas bis mille probati ³⁾,
Mille alias Proceres studiorum praemia ferrent,
Bis centum sacrae daret officialibus aulae:
125. At tibi, quae ⁴⁾ rutilo fulgebant digna metallo,

1) fugâ? 2) Prussos B. †. - Radevici Codex: Pruschos.

3) Vel error Poëtae vel locus corruptus: Radevicius ita L.
1. c. 5: Duo millia marcarum Imperatori et Principibus mille;
Imperatrici viginti marcas auri, Curiae CC. marcas argenti. 4)
P. s. Rs. - rr. qui o.

- Corporis ad cultum, generosi germinis aurum,
 Viginti magnas daret, uxor regia, marcas:
 Juraretque fidem Regi, dignumque favorem,
 Nec se de solio fratrem pepulisse paterno
 130. Dedecus ob Regni jurando jure probaret:
 Denique virgineam se praesentaret in urbem,
 Staturus fratri summo sub iudice regni,
 Signaque trans Alpes devotus regia miles
 Praevaricatricem Ligurum sequeretur ad urbem.
 135. Haec ubi jurando firmavit, et obside multo,
 Rursus ad obscoenos mores, vitiumque recurrens,
 Rupit, et Aeoliis dedit irrita ferre procellis.
 Nam neque castra sequi voluit, neque venit ad illam,
 Quam Rex fraternae liti condixerat, urbem.
 140. Victor ad Herbipolis famosae moeria Princeps
 Signa refert: ibi tunc alios Rectoris Achivi
 Legatos, Graiae portantes munera pompae,
 Verbaque mandatis satis ampullosa superbis,
 Occurrisse ferunt: quos, ut ventosa loquentes,
 145. Jaetantesque sui nimium magnalia regis,
 Urbano sermone diu gestire, benignus
 Rector inoffensâ patienter pertulit aure:
 Sprevit, et irrisos probris fortasse lacessi
 Dissimulans sineret, ni se peccasse fatentes
 150. Elati stultique viri, generosa potentis
 Fletibus et gemitu movissent pectora Regis:
 Jurassentque simul, nunquam se talia regnis
 Ferre suis, Graiasque domi suspendere nugas,
 Verbaque cum patriis phalerata relinquere tectis,
 155. Si quando nostram casus revocasset ad urbem¹⁾.
 Sic tandem tuti, vix totâ mente receptâ,
 A summo petière viro, (nec tarda voluntas
 Affuit) ut Princeps puerum praesentibus illis
 Accingi gladio Fridericum ritè juberet.
 1) nostrum ad orbem. B. *

160. Haec amitam pueri, consortem Regis Irenen 9
 Argolici, mandasse, ac saepe rogasse ferebant,
 Astipulante viro, propter consortia magni,
 Quo pueri patrem fuerat complexus, amoris:
 Donaque larga quidem tam nunc, quam saepius
165. Miserat egregii puero Regina decoris, [antè,
 Mandatumque viris dederat, non autè reverti,
 Quam dominae possent ea gaudia visa referre.
 Nec minùs Henrici, sub quo tunc dives agebat
 Anglia, contigerat legatos Regis adesse.
170. Hi quoque compositis mandata loquacia verbis,
 Et pretiosa suae portabant manera terrae.
 Quorum praecipuum miro spectanda decore
 Scena fuit, cui nec similem videre priores,
 Nec, reor, ulterius series ventura videbit.
175. Materiam quaeris? peregrino stamine texta
 Creditur: arlis opus? miras habuisse figuras:
 Pondus? humo tolli manibus, nisive nequibat;
 Arte levabatur, spatiosaque jugera campi,
 Multorumque capax hominum, plus quinque tenebat.
180. Haec igitur tanto radiantis dona decore
 Regia mellifluis ornavit epistola verbis.
 Anglicus Augusto Rex grandia²⁾, vera monarchae
 Optat, et aeternae felicia gaudia vitae:
 Sit tibi vera salus, Rex optime, semper ab illo,
185. Qui bonitate sua dat Regibus esse salutem,
 Inspiretque tuo bona coelitus omnia cordi,
 Cujus clausa manu Regum pia corda feruntur.
 Gratulor, et nostris meritò congaudeo regnis,
 Cum tu cunctorum, quos cernunt sidera, Regum
190. Maximus, et toto nulli cessurus in orbe,
 Foedera nostra tamen, regnique minoris, amico
 Affectu, non spernis opes: missisque frequenter

1) Irenam A. 2) Sic A. adnitente Rs. - rr. gaudia. - W. gaudens †.

- Muneribus, scriptisque ¹⁾ potens nos Rector honoras.
 Munera grata quidem, sed longè gratior illa,
 195. Quae facit ut nobis sint munera grata voluntas;
 Quae sese nobis de tanto culmine rerum
 Inclinat, nostraeque petit consortia pacis.
 Atque ideo quidquid nostris promittere regnis,
 Aut fecisse licet, devotâ mente volentes
 200. Spondemus, cupideque tuo sacramus honori.
 Sit precor in populis pax, et concordia nostris,
 Unus amor, sincera fides, commercia tuta:
 Obsequiis nostris, studiisque fidelibus opto
 Uti saepe juvet, raro contingat egere:
 205. Auxilii quoties aut res, aut tempus egebit,
 Viribus alternis suffragia grata feramus.
 Sic tamen, hâc ut tu, qui me cunctosque per orbem
 Praeocellis Reges, jus arbitriumque jubendi,
 Ut decet, obtineas; mihi sit parere necesse.
 210. Tamquè tibi placeat nobis facienda jubere,
 Quàm nobis fecisse placet: nec foenora blandi
 Quaerimus obsequii, nec parvis magna latenter
 Praemia captamus: summo sit gratia Regi,
 Incolumes servamus opea, nullius egemus:
 215. Regna vigent, fortuna favet, multisque timemur
 Gentibus, et populis, Aquitanica me duce tellus
 Utitur, Andegavis Comitem vocat, Anglia Regem.
 Non contra Reges alios, inopinaque bella
 Imploramus opem, tranquillâ pace fruentes:
 220. Pace tamen mediâ fides optamus amicos.
 De quibus, ut nobis liceat sperare, quis autem
 Utilior, majorûe mihi contingat amicus,
 Quàm tu, quem toti Romana potentia mundo
 Imposuit dominum, quem totus suspicit orbis?
 225. Munera parva tibi, sed quae placitura putavi,
 Mittere cura fuit: tu suscipe mente benignâ,

1) W. - Edd. sceptrisque. o.

Quae ferimus, missamque tuis hanc, usibus, opto
Semper habe scenam, quae te, Dux optime velis
Protegat expansis, qui totum protegis orbem.

230. Nondum festinus mandata recentia lector
Prompserat, atque alii regalia tecta subibant,

Quos Rex Hispanus, quos Gallia miserat, aut quos
Dacus, et Hungaricis ¹⁾ Pannon qui praesidet arvis ²⁾,

Quos alii Proceres, magnum qui sparsa per orbem

235. Regna tenent, aliisque procul dominantur in oris.

Istam quippe domum nunquam sine plebe frequenti

Omnibus è terris, et ab omni gente profectâ

Invenies: ut ³⁾ qui linguas, moresque locorum,

Et quidquid toto rarum ⁴⁾ contingit in orbe,

240. Agnovisse velit, nusquam perfectius illa

Edidicisse queat: sic plurima tunc quoque turba

Hic aderat, diversa sonis, et moribus impar.

Munera certatim, mandataque laeta ferebant,

Et sua regna pio gaudebant subdere Regi.

245. Quos placidus Princeps blandis affatibus implens,

Responsis laetos, donis dimisit onustos.

Inde Viro placuit dotalia conjugis arva,

Allobrogumque domos motis invisere castris.

Cujus ut adventum praecurrens fama per urbes

250. Distulit, et rerum praekoniam magna peregit:

Protinus Allobrogum Proceres, multique potentes

Italici, Veneti, Tusci simul atque Latini,

Guascones ⁵⁾, Hispani, seu quos Provincia dives

Misit, et Allobrogum contingens Gallia fines,

255. Chrysopolim celeres ⁶⁾ adeunt: ibi regia castra,

Teutonicasque Ducum placet expectare catervas.

Huc quoque Romano celebres à Praesule missi

Legati venére duo, Bernardus, et ille;

¹⁾ Hungaricus Sp. R. †. ²⁾ armis A. o. ³⁾ ~~to~~ ut deest in Sp. - qui r. R. †. ⁴⁾ rerum Pf. * ⁵⁾ Sic A. Vascones Sp. Wascones rr. ⁶⁾ celebres i. e. frequentes Pf. †.

- Qui post in cathedrâ Rollandus, nomine verso
 260. Dictus Alexander, multos, magnosque tumultus
 Pertulit Ecclesiae ¹⁾, cujus sub tempore longum
 Schisma quater senos exarsit paenè per annos.
 His praeter solitum census ingentis amorem,
 Quo Romana suos inflamat curia cives,
 265. Haec quoque caussa viae fuerat: quia nuper ab illâ
 Sede gradum referens, famoso nomine quidam
 Anglus, Apostolicâ multùm dilcetis in aulâ
 Praesul, Teutonicis foedè tractatus in oris,
 Et spoliatus erat: nec adhuc crudele, recensque
 270. Flagitium, dignâ Princeps mulctaverat irâ.
 Reddita magnifico super hac re pagina Regi,
 Plurima vana quidem, sed et hoc ²⁾ monuisse puta-
 Ut memor impensi tanti sibi Caesar honoris [tur:
 Esset, et acceptae Papâ donante coronae:
 275. Nunquam Pontificem collati muneris alto
 Poenituisse viro, nec si majora dedisset
 Praemia, tristitiae posthac oneriuè futurum.
 Haec ideo Princeps non contemnenda, nec absque
 Pondere suspectis credebat tradita chartis,
 280. Quòd priùs Ausoniis dum versaretur in oris,
 Audierat Latiae diffusum plebis in ora,
 Et vulgò dici solitum: contingere nulli
 Regna Latina viro, nisi cui Romanus amicâ
 Traderet illa manu, Petri sub nomine, praesul.
 285. Hoc quoque Romanae prostands ³⁾ in sedibus aulae
 Vana loquebatur, qua voce licebat, imago.
 Hic à Romano mendax antistite pictor
 Fecerat Imperii sumentem jura Lutherum,
 Stare genu flexo, nec non epigrammata vanus
 290. Desuper addiderat, simulatis consona rebus.
 Hanc Adrianus ei, ne verae semina cladis

1) Pertulit, Ecclesiae ss. Sp. P. R. †[●] 2) P. ss. Rs. et RJo. - rr. hic o. - haec? 3) Rs. - rr. praestans o.

Res simulata daret, penitus delere figuram
 Factus erat: sed adhuc minimi promissa laboris
 Distulerat, fomesque mali vivebat imago.

295. Ergo ubi magnificis accessit epistola verbis,
 Admonuitque virum: satis indignatus, ab illo
 Imperium Princeps se suscepisse negavit.
 Cumque refragari legati, et dicere contra
 Tentarent, et falsa suâ pro parte monerent ¹⁾:

300. Infremuere Duces, quos omnes aulicus irâ
 Ille Comes praecessit Otho, gladioque cruentas
 Acriter educto properabat sumere poenas.
 Sed Rex in mediâ, famae non immemor, irâ
 Corripuit, tenuitque viros, iramque repressit:

305. Et satis implacide dimissos, jussit eâdem
 Qua venere viâ, vestigia tuta referre:
 Neo tamen ad dextram sit copia, neque sinistram.
 Detorquere gradum, nec nocte diutius unâ
 Uno stare loco, donec referantur in Urbem.
 310 Utque haec caussa suae cunctis notesceret irae,
 Protinus innumeris absentibus acta libellis
 Innuît, et tales properat dictare querelas.

Cum mihi consensu divina potentia vestro
 Imperium fraenare manu, cunctisque per orbem
 315. Gentibus Ausonium dederit sancire timorem,
 Siquid opinato gravius; dignumue querelâ
 Inciderit, vestras justis conquestibus aures
 Pellere ²⁾ non timeo: quorum me munere regna
 Et primò cepisse, et nunc accepta tenere

320. Glorior, et nunquam memorem gratumue pigebit.
 Inde fit ut summi (modo dicere fas sit) iniquos
 Pontificis vobis cogar depronere fastus:
 Nam cum Chrysopoli, magno cum plebe potentum
 Consilium nuper summis de rebus haberem:

325. Advenere duo falsi de sede prophetae

1) Ita A. - Edd. moverent. * 2) vellere V. †.

- Romanâ, qui se mandata salubriâ nobis
 Ferre paciscentes, et toti commoda regno,
 Dulcia miscuerant ¹⁾ secreto mella veneno.
 Nam cùm coepta legi nobis à Praesule missa
330. Primâ parte sui sapuisset epistola pacem,
 Protinus expressis ausa est subjungere verbis,
 Illius nobis collatum munere regnum,
 Imperii fasces, et sceptri jura dedisse,
 Et gaudere datis, et si majora dedisset,
335. Numquam Pontificem facti, doniue pigre.
 Quem cùm legati vivâ quoque voce furorem
 Adstruerent, tantis exarsit curia flammis,
 Ut nisi sedato tumidis praesentia motu
 Nostra tulisset opem, miserandâ clade perissent.
340. Ecce paterna fides, et magni Praesulis alma
 Integritas, humilisque Petri vestigia sectans.
 Jam non ferre crucem Domini, sed tradere regna
 Gaudet, et Augustus mavult, quàm Praesul haberi:
 Ecclesiae pacem, gladiis quâe ritè duobus
345. Utitur ²⁾, alterutro nunquam bene firma remoto,
 Scindit, et in sese geminos exasperat enses:
 Dumque sacerdoti conatur jungere regem,
 Non uno tantum contentus laedit utrumque.
 Quid voluere duo gladii, quos Petrus in illo
350. Indicat esse globo? totidem nisi nomina summi
 Juris in Ecclesia: quâe cùm sibi mutua quondam
 Foederis alterni nexu suffragia praestent,
 Sunt divisa tamen: nec in unum posse videntur
 Juncta coire caput: nec eodem saepe recurrunt
355. Instituenda modo, licet unus utrique sit auctor,
 A quo nomen habet sub coelo quaeque potestas.
 Alter honos cleri consensum postulat: alter
 Arbitrio Procerum, regnique favore paratur.
 Ergo quid ad summum de regni jure, quid, oro,

1) miscuerunt m. Rs. †. 2) nititur m. Rs. *.

360. Pontificem spectat? nullum caput ista super se
 Aspicit, excepto coelorum Rege, potestas.
 Ecclesiam regat ille suam, divinaque jura
 Temperet; Imperium nobis, fascesque relinquat.
 Adde, quod infandum tractantes pectore votum
365. Latore apicum, mandatorumque sequestri,
 Divinas spoliare domos, sacra tollere vasa,
 Excoriare cruces, abrumperere textibus aurum:
 Omnia quae possent, avidè corradere saevis
 Unguibus, et secum collecta referre parabant.
370. Utque minùs cautos mendacibus angere possent,
 Ac terrere notis, impresso plurima signo
 Deprensa est vacuis apud illos pagina chartis,
 Susceptura novae quas vellent cunque figuras.
 At nos Teutonico cupientes parcere regno,
375. Et simul injustas cleri prohibere rapinas,
 Vertere pestiferos à primo limine gressus
 Jussimus, et vacuâ lusus repedare ¹⁾ crumenâ.
 Vos (age) nunc Proceres, quibus hanc auctoribus
 Imperiumque rego, praesens injuria quaeso [aulam,
380. Asperet, et justos mecum stimulate dolores.
 Interea magnos Proceres, Burgundia dives
 Pontificesque suis excitos sedibus ultrò
 Regis in occursum commoverat, omnia latè
 Oppida, seu validis munitae turribus urbes,
385. Excipiunt illum valvis reverenter apertis;
 Quaeque relictæ sibi jam libertate vetustâ
 Gaudebat tellus, venientem milite paucò
 Agnoscit dominum supplex, Regemque fatetur.
 Ipseque Parisiae moderator et arbiter aulae
390. Milite cum multo (dubium, pacatus, an hostis)
 Colloquii causâ Regem Ludouicus ²⁾ adibat.
 Ast ubi dispositis illum dotilibus arvis
 Teutonicas revocasse gradum cognovit in urbes,

1) trepidare Pfl. ††. 2) P. ss. rr. - A. Ludouicus o.

Regia magnifico pacis sub imagine fastu

395. Misit, et aequa suis ab eo mandata recepit.

Jamque tuqs Caesar peragrans, Germania,
campos,

Saxoniae fines, claramque intraverat urbem,

Quam prius infidis condixerat ille Polonis.

Quos ubi velle dolum, jurataque pendere parvi,

400. Indefensa fidem cunctis absentia fecit:

Signa Ratisponam sua fert, ubi magna coibat

Concelebranda patrum solenni curia coetu.

Huc quoque Pannoniis legatio venit ab oris,

Verba, precesque ferens Gaisae ¹⁾ sub nomine Regis.

405. Huic satis in teneris adolescens strenuus annis

Frater erat Stephanus, quem Rex ad culmina Regni

Aspirare dolo Bela suasore, ferebat.

Hic placido cultu puerum nutriverat, ut qui

Vir bonus et prudens, et avunculus esset utrique.

410. Hunc quasi suspectum regnis, et facta parantem

Impia, Rex odiis vexabat frater iniquis:

Impositoque sibi funestae crimine fraudis,

Testibus, et falsis juvenem damnare parabat

Indiciis ²⁾, odiumque furens ferale coquebat.

415. At puer in magno spem tantum Caesare ponens

Rebus opemque suis, solum ratus esse sub astris,

Qui velit aut possit tumidos arcere tyrannos:

Hunc adiit, tumidique graves, quas senserat, iras

Fratris, et indigno foedatam crimine famam,

420. Exiliumque suum deflens; insignia magni

Corda viri, crebris tandem permota querelis

Impulit, ut saevo fratri mandata, minasque

Scriberet, et juvenem famae, domuique paternae

Restitui, falso laesum rumore, juberet.

425. Ille furens odiis, et gaudens fratre remoto,

Cujus erat probitas animi suspecta nocenti,

1) Garzae A. o. Geisae Edd. 2) Ph. - Edd. Judiciis o.

- Excusare suam fraternae 1) crimine culpam,
 Invidiamque sui cupiens lenire furoris,
 Haec Regi mandata viros perferre fideles
430. Jussit, et augustas his fallere vocibus aures:
 Germanum, quoad usque nihil crudeliter egit,
 Vel latuere doli, consorti foedere juris
 Participem, nulloque modo, nisi nomine tantum,
 Partiri quod nemo potest, habuisse minorem:
435. At postquam dirum 2) patuit scelus, illud amice
 Non potuisse pati: nec tunc quoque saevius actum
 Aut gravius quicquam, quam quod jam fraude re-
 Cautus ab infido se subtraxisset amico. [pertâ,
 Illum (cum posset tutus mansisse) coactam
440. Sponte sua simulasse fugam, caussamque doloris
 Esse, quod inceptos nequeat patrare furores.
 At Rex huic finem nequiens imponere liti,
 Cum majora premant privatae pondera curae,
 Distulit, et juvenem Veneti per stagna profundî
445. Providus Argolicam servandum misit ad urbem.
 Hoc quoque conventu Procerum, Dux ille Boë-
 Fama Labezlaum quem nominat, ob sua gesta [mus,
 Fortiter, et bello nuper spectata Polono,
 Ex Duce Rex fieri meruit, gessitque potenti
450. Sceptra manu, cinxitque novo diademate crines.
 Protinus ad patrias vestigia Rex novus urbes
 Retulit, Italico pactus sua robora bello.
 Nec minus egregium dictu, pulchrumque putamus,
 Quod patrui Regis, Dux Austrius, atque Frisingae
455. Praesul sedis Otho, studio, curaque nepotis
 In pacem redire bonam, quos ante feroces
 Irarum stimuli, fraternaque rixa cruentis
 Vexabant odiis: cum Dux abrumpere quaedam
 Fratris ab Ecclesiâ per vim tentabat: at ille
460. Prisca suae sedis certabat jura tueri.

1) Fraternali P. Rs. RJo. †. 2) Rs. pp. ~ Edd. durum.

- His bene compositis Ripuaria Caesar in arva
 Tendit, et extremos Rheni percurrere fines
 Accelerat, pacemque locis, et jura reformat
 Gentibus: hanc cunctis gaudens praeponere curis,
 465. Ne qua parte sui nutantia regna relinquat
 Rector, ad Italicos moturus signa labores.
 Rursus Vangionum campos, Luthramque revisit,
 Regalesque sibi quos struxerat ipse penates,
 Incoluit paucis sedatâ mente diebus.
 470. Dum sibi consilio sanctorum ritè virorum
 Cuncta gerenda putans, vicinis munera larga
 Erogat Ecclesiis: turbaeque benignus egenti
 Elargitur opes: auctorem nactus in hac re
 Hermannum, meritisque gravem, formâque ve-
 nustum,
 475. Sanguine conspicuum: qui tempore praesul eodem
 Brixinensis erat, cunctis quos Teutona tellus
 Tunc habuit, clarae praelatus nomine famae:
 Unde viri monitis ad magna negotia tendens,
 Divinam studiis Princeps à seque, suisque
 480. Tentabat castris avertere mitibus iram.
 Jamque procellosis aquilonibus aëra molles
 Abstulerant Zephyri, senii cum frigore pulso
 Grata repubescit jocundi temporis aetas,
 Dum viret omnis ager, tellusque decore resumpto,
 485. Floribus, et viridi juvenescere gramine gaudet:
 Cùm jam desuetos post otia longa juvencos¹⁾
 Cura laboriferi cogit juga ferre coloni:
 Quaeque diu tutae tenuit navalia sedis,
 Nauta ratem dubias pelagi deducit in undas:
 490. Magnaque pro regno gesturi praelia Reges,
 Fortia belligeras revocant in castra catervas.
 Caesar ad Italicum jam se procingere bellum
 Apparat, et validas castris accire cohortes.

1) Rs. s. RJo. ⁊ Edd. desuetus . . juvencus o.

- Ne qua tamen puram culpae contagio caussam
 495. Infuscare queat, sanctos adsciscere patres,
 Et justae caussas exponere maluit irae.
 Qui postquam stimulos jam dudum bella volenti
 Adjecére novos, justumque, piumque fatentes,
 Nomine quod regni geritur sub Principe bellum:
 500. Protinus accensâ stimulis gravioribus irâ
 Fervet, et ultorem veniae spe tutus adepta,
 In Ligurum poenas Princeps accingitur ense¹⁾.
 Jamque gradu refugo Romam sine laude réversi
 Terribiles nostri legati Principis iras,
 505. Quaeque suae trepidi tulerint discrimina vitae,
 Quantaque probrorum convicia, cuncta gementes
 Ediderant²⁾. Adriane tibi, moestoque relatu
 In Regem nimias acuebant Praesulis iras.
 Jam tunc Romani partes dissensio cleri
 510. Fecit, et in geminum secessit schisma furorem:
 Hi legatorum partem, Papamque sequuntur,
 Ast alii Regis pulchrum et laudabile factum
 Excusant, fortemque vocant, dignumque corona:
 Ac velut elatos culpant, nimiumque tumentes
 515. Dissidii caussam, fomentaque prima dedisse.
 Illa dies caussam, momentaque prima malorum
 Praestitit, et longo³⁾ victurae tempore pestis.
 Principis, an Papae fuerit pars justior, alter,
 Qui meliùs potuit cognoscere, judicet: at nos
 520. Ignari rerum, partem veneremur utramque.
 At Praesul subitâ⁴⁾ nimium quoque fervidus irâ,
 Praesulibus nostri tam saeva piacula regni,
 Contemptusque suos moestis deflere querelis
 Accelerans, tales ferri jubet undique chartas.
 525. Si satis unanimes in Christi nomine fratres
 Estis, et ejusdem proles certissima matris,

1) ense Sp. P. R. †. 2) Ediderant m. Rs. * 3) Rs. s. RJo. -
 rr. longae o. 4) subitò Pfl. ††.

- Contemptus nostros, et sacrae scandala vobis
 Credimus Ecclesiae magno ventura dolori.
 Quam male legatos majestas regia nostros
 530. Audierit, quantâque furens exarserit irâ,
 Unius falso decepta interprete verbi,
 Vel qui praesentes aderant, videre: vel absens
 Siquis erat, potuit certis audire relatis.
 At nos, teste Deo, quodd sceptrum juraque regni
 535. Diximus à nobis illi collata fuisse,
 Non donata quidem, potius sed tradita nostro
 Illa ministerio, vel ei commissa, per illud
 Credidimus verbum sat rectè posse notari.
 Nunquid ob ambigui suspecta vocabula dicti
 540. Debuit in tantam succendi filius iram,
 Verbaque mandatis opponere dura paternis?
 Adde, quodd eximio famosos nomine nostri
 Custodes lateris tantâ feritate lacessi
 Pertulit, ut gladios, et saeva piacula mortis
 545. Vix fugerent: vetitosque ultra procedere tristes
 Turpiter, ac trepidos ad limina sacra remisit.
 Nèue quis ad nostram de toto corpore regni
 Audeat ulla sui deferre negotia sedem,
 Observare aditus, angustaque claustra viarum
 550. Dicitur, et mediam positis custodibus Alpem.
 At vos, Ecclesiae fortes validaeque columnae
 Pontifices, (neque enim vestris hoc credere fas est
 Actum consiliis) vos haec injuria tangat:
 Proque Dei fortem stabiles opponere murum
 555. Ne trepidate domo, solidâ quae, praeside Christo,
 Aedificata petrâ, quamvis concussa procellas
 Sentiat, everti tamen, et succumbere nescit.
 Ac primò juvenem ¹⁾ monitis inflectere Regem
 Cura sit, ut tantum properet purgare reatum,
 560. Auctoresque mali, rabidae feritatis Othonem,

1) tumidum Pā. ††.

- Rainaldumque simul: quorum Comes audicus alter,
 Alter in Ecclesiâ falso jam nomine culmen-
 Pontificale tenet: famosi criminis ultor
 Corrigat, et dignâ manifestè puniat irâ:
 565. Obsequiumque Deo, nobis impendat honorem,
 Illis ¹⁾ spem veniae, cunctis exempla relinquat.
 Talibus acceptis à summo Praesule chartis,
 Pontifices uno sic rescripsere tenore:
 Scimus, et à Domino stabili promissa tenemus
 570. Indubitata fide, nunquam de sede movendam,
 Quam Petrus in solidâ fidei consistere jussam
 Protegit Ecclesiam justo sub praeside, petrâ.
 Cum tamen insolitis sedes Romana procellis
 Concutitur, capiti totius corporis angor
 575. Condolet, uniusque dolor transfertur ad omnes.
 Hinc fuit, alma Pater, cum regia pectora nuper
 Illa recens dubiis movisset epistola verbis:
 Cum fremierant regni Proceres, strepituque feroci
 Obstruerent stupidas inpetitis vocibus aures.
 580. Ut neque fulmineam, te contra, Principis iram,
 Et saevas stimulare minas, nec rursus in illum
 Munimenta tuae parti praestare liceret.
 Ut si fortè nova lunam concurrere soli
 Aetheris impulsu mirantia sidera ceruant,
 585. In neutram belli secedere, territa partem
 Forsitan audebunt, et compatientur utrique.
 Hunc velut innato, proprioque calore timendum
 Horrebunt: isti placidae magis, atque labore
 Assuetae socio densas purgare tenebras,
 590. Praestabunt tacitum, nil ampliùs ausa, favorem:
 Sic nos Caesareas et formidavimus iras,
 Et tibi, quâ leuit, favit secreta voluntas.
 Illa tamen dubii sensus defendere verba,
 In tanto Procerum fremitu, medioque furore,

1) Nulli m. Rs. *.

595. Omnibus infestis, nullo praesumimus ausu.
 Quae super haec nobis mandata legenda dedisti,
 Legimus, et monitis cupidi parere paternis,
 Protinus ammonitu ¹⁾ regalia pectora blando,
 Jamque soporatas precibus demulsimus iras:
600. Cujus ut expressas possis agnoscere voces,
 Dulcibus alloquiis ita respondisse putato.
 Imperium geminis disponitur, inquit, habenis,
 Legibus, et veterum servato tramite morum:
 His ego contentus, fines transire paternos
605. Nec volo, nec possum: neque enim prudentior illis
 Laude supervacuâ cupio, vel major haberi.
 Debita Pontifici faveat reverentia; regnum
 Legibus antiquis et prisco more regatur:
 Cujus ab aeterno tantum collatio Rege
610. Provenit: ad Proceres electio pertinet, in qua
 Praecipuam vocem Praesul de more vetusto
 Moguntinus habet: pastori prima recentis
 Agrippina tuo conceditur unctio Regis:
 Imperii nitidam summo sacrare coronam
615. Pontifici jus est: ut vero nomine possit
 Non dator Imperii, sed confirmator haberi.
 Haec ego magnorum suscepi jura parentum,
 Haec retinere libet: si quid superaddere quisquam²⁾
 Nititur, invalidum prorsus vacuumque relego.
620. Sint ³⁾ sua jura patri: divinis legibus orbem
 Temperet: Ecclesias, quo debet, jure gubernet.
 Cogitet antiquos primaevi temporis annos,
 Praeteritosque dies, et secula prisca revolvat:
 Num Petrus? aut Clemens? num caetera turba
 priorum ⁴⁾
625. Sceptra Latina dabat? Romanus tempore prisco

1) Sic A. ss. Rs. et RJo. - rr. admonitu. 2) Rs. s. RJo. - rr. si quis ... quicquam †. A. si quis ... quisquam o. 3) Rs. - Edd. Sunt o. 4) priorum Pfl. ††.

- Pauper erat Praesul; regali munere crevit:
 Nec tamen ut fascēs; et regnī jura Latini,
 Vel dare praesumat, vel cuiquam tollere possit.
 Excessere modum magnorum munera Regum,
 630. Si tantum cuiquam jus in sua regna dederunt.
 Sed neque tanta fuit largitio, nec dare quisquam,
 Quo caret ipse, potest: hujus collatio regni.
 Auctorem sortita Deum, contingere nulli
 Jure potest hominum: collator muneris hujus
 635. Est Deus, hoc summis regnum confertur ab astris.
 Hoc tamen arbitrium Romanus tempore nostro
 Vendicat. Antistes, documentaque vana figuris
 Exprimit, et chartis dat grandia verba superbis.
 Jamjam picturae, moneo, tollantur inanes,
 640. Cauta verecundis mitescat epistola verbis.
 Jam veris tractare libet: jam muta loquaxue
 Cedat, et è medio mendax tollatur imago.
 Quid sua verba ferant studeat pensare prius, quàm
 Regales incauta manus reprobandaue tangant,
 645. Si cupit Ecclesiae pacem cum Regibus esse.
 Nec sumus ignari, patri quid filius, aut quem
 Debeat ille mihi versâ vice juris honorem.
 Legatos siquidem minimè procedere passi,
 Non ¹⁾ in contemptum divini patris ²⁾ ad Urbem
 650. Jussimus, aut odio, vestigia versa referre:
 Sed quia multa novae secum molimina fraudis,
 Vel jam scripta notis, vel adhuc scribenda ferentes
 Optabant miserum premere atque exsugere ³⁾ cle-
 Divinas spoliare domos, secumque referre, [tum,
 655. Quo nunquam Romana sitis satiabitur, aurum.
 An pulchrum satis est, et summo Praesule dignum,
 Impressas signo vacuas emittere chartas,
 Quas possit lator variis inscribere nugis,

1) Rs. s. RJo. - Edd. nec o. 2) Idem cum B. - rr. patriat
 o. 3) ka A. ss. Rs. et RJo. - rr. exugere t.

- Cùm volet, et miseris falsas affigere ¹⁾ culpas,
 660. Laturus veram ficto pro crimine praedam?
 Nam quòd me queritur, positis custodibus omnes
 Praeclusisse vias: nec me fecisse negabo,
 Nec nisi propensâ ²⁾ factum ratione fatebor.
 Siquis habens caussam, sacra limina, jure probatam
 665. Vel peregrinus adit, via libera ritè patebit:
 At siquis nugas, pacis turbator, inanes
 Illuc ferre cupit, nusquam transire licebit.
 Haec de responsis divi, Pater optime, Regis,
 Salvâ pace tuâ, tibi rescribenda putamus.
 670. Nam quae praeterea superaddidit, utpote quosdam
 Pactorum tacitas, ignaro Principe, leges,
 Contractusque novos, et conspirata latenter
 Foedera cum Siculis, meliùs reticenda videntur,
 Ille Palatinus jam tunc à Principe nostro
 675. Regius Italicas veluti praecursor ad urbes,
 Non aderat praemissus Otho: Rainaldus, eodem
 Accelerare parans, multis praesentibus antè
 Immunem culpaë, populique furentis ab irâ
 Protexisse viros, multo se teste probavit.
 680. Nunc, age, tranquillae sanctissime pacis amator,
 Justitiae speculum, placidorum sanctio morum,
 Nunc, age, depositâ, si quam dolor intulit, irâ,
 In melius mentem revoca, nobisque, tibi que
 Consule: neu placidam mundi turbare quietem
 685. Ecclesiae Regnique gravis dissensio possit:
 Mitior Augustas mittenda videtur ad aures,
 Quae tantos animi compescat epistola motus.

1) affingere m. Rs. * 2) perpensâ m. Rs. *

L I G U R I N I.

LIBER SEPTIMUS.

- Jamque profecturis ad magna negotia signis
 Rhaetica rura tenens multo cum milite Princeps,
 Quà celer Augustam placido Licus irrigat amne,
 Proxima Vindelicae tentoria fixerat urbi.
5. Hic ex diversis venientia partibus orbis
 Agmina, septenis placet expectare diebus.
 Cujus ut adventum tantâ Romanus in irâ
 Comperit Antistes, verâ tunc denique famâ
 Territus, Henricum praemittens, atque Jacinctum
10. Ire jubet, placidisque virum mulcere loquelis,
 Scriptaque pacificis minùs aspera reddere chartis.
 Nam jam cum valido prudens Rainaldus Othone
 Italiam, finesque tuos Verona tenebant.
 His sine Marte viris ingressu Rivola primo,
15. Invictum, nullâque manu superabile castrum,
 Traditur; aëriae primis in faucibus Alpibus
 Exstructum ditione suâ Verona tenebat.
 Contulit his ¹⁾ multum, gratosque sequentibus usus
 Praestitit, ut tuto transirent agmina gressu.
20. Tum quascunque viros urbes, aut magna subire
 Oppida contigerat, populis gaudentibus ultrò
 Exceptos lacti decorabat cultus honoris.
 Tunc Proceres, clarique viri, turbaeque minoris
 Ambitiosa manus, studio devota fideli
25. Sacramenta dabant, cunctas servanda per urbes:
 Principis Ausonii jus, famam, corpus, honorem,

1) hoc B. ††.

Nec se laesuros, vel siquis laedere tentet,
Usque vel ad mortem totâ virtute reniti.

Inde tuos raptim transcurrunt Mantua fines,

30. Mantua famosi musâ vulgata Poëtae,
Vicinanque petunt, acturi magna, Cremonam,
Quam Padus effusus delambit molliter undis.
Huc ex Italicis confluxerat urbibus ingens
Pontificum, Procerumque manus: reverenter ab illis
35. Susceptura sui mandata recentia Regis.
Quae postquam quanto decuit splendore diserti
Exposuere viri, placidâque hîc ¹⁾ aure verendi
Suscepere patres, magno complenda favore;
Inde per Aemiliam vestigia versa ferentes,
40. Te Ravenna petunt, legatos Regis Achivum,
Quos apud Anconam positos hostilia quaedam
Moliri audierant (horum Palologus ille,
Hic Logotheta fuit) coeptis arcere parantes.
Hi contra Siculum specie tenus arma moventes
45. Praetextu belli furialia vota tegebant.
Nam quae littoreis stabant in finibus urbes,
Conciliare suo, nostroque abrumpere regno,
Arte, dolo, belliue metu, pretioûe parabant:
Venalesque manus et municipalia castra
50. Conflabant multo, quod Graecia miserat, auro.
His bellatricem juvenum Ravenna cohortem
Improba conductis merituram miserat armis:
Ut plebs illa nihil cum spe mercedis iniquum
Judicat, oblato nihil est quod abhorreat auro.
55. Inde revertentes ²⁾ cum jam sua moenia tuti,
Vicinasque urbis portas intrare pararent,
Occurrere viri, dignâque ferociter irâ
Correptos saevo circumstrepere tumultu.
Ductor erat juvenis Guilelmus nomine quidam
60. Transversorque malus, vero cognomine forsan

1) haec s. hinc m. Rs. * 2) revertente R. †. revertenti Rs. †.

- Quòd quasi fraude malâ transverteret omnia, dictus.
 Hunc licet ante fores urbis, medioque suorum
 Agmine, regalis noxae non impiger ultor,
 Nec numero comitum, sed Regni fervidus irâ
65. Irruit, et medium forsân mucrone cruento
 Confodisset Otho: nisi multo denique fletu
 Ignavae plebis pariter, precibusque suorum
 Evictus, trepido, ac sese peccasse fatentî
 Donasset miseram ¹⁾ magno pro munere vitam.
70. His quoque dimissis Anconae proxima fortes
 Castra viri ponunt, Graecosque potenter ab urbe
 Accitos, Regnique minas, et jurgia passos,
 Tanta quòd injussu Romani Principis ausi
 Ambiguis suspecta dolis incepta moverent ²⁾:
75. Argolicae secum fraudis commenta referre
 Ocyus, et toto jussére secedere regno.
 Qui postquam Graiae pepulerunt scandala pestis,
 Converso repetunt Mutinensia moenia cursu.
 Huc, Adriane, tuos regalia castra petentes
80. Legatos, perfusa ³⁾ Pado Ferrara misit:
 Quos ubi tranquillos, mandataque pacis habentes,
 Atque reformandae paci venisse sequestros
 Agnovére Duces, ad coepta negotia tutos
 Dimittunt, placidumque sinunt explere laborem.
85. Ergo Tridentinae tuti cum Praesule sedis
 Praetereunt rigidas angustis faucibus Alpes.
 Qui tamen illaesas ad regia Caesaris usque
 Castra viris praestare vias, tutasque nequivit.
 Nam duo belligeri Comites, crebrisque rapinis
90. Adsueti (quorum hic pugnax Henricus, at illum
 Nomine vulgato Fridericum fama vocabat)
 Nudatos spoliis, captosque in dura feroces
 Vincula conjiciunt, tam qui ducebat euntes,
 Quàm qui se tutos illo ductore putabant.

1) Rs. - rr. miserum o. 2) movere V. †. 3) praefusa B. ††.

95. Nec prius emissi, proprio quam fratre Jacinctus
 Obside deposito, sese, sociumque laboris,
 Praesule detento, miserandâ sorte redemit.
 Mox tamen et nutu divino Praesul, et obses,
 Saxonis auxilio, Romanae ob sedis honorem,
100. Saxonis Henrici, sub quo duce Norica tellus
 Tunc erat, horrisonis subduxit colla catenis;
 Afflictis graviter raptoribus, atque coactis
 Reddere, quae tulerant, et justas pendere poenas.
 Ergo ubi Vindelicae non longè à moenibus urbis
105. Augusto faciente moras, regalia castra
 Ausonii subiére viri, praemittere vivo
 Pauca sono cautela fuit, quibus ira verendi,
 Si qua superstes erat, posset mitescere Regis.
 Haec tibi cunctorum Rex augustissime Regum
110. Summus in Ecclesiâ Petri successor, et idem
 Devotus tibi mente pater, cultorque fidelis
 Mittit Apostolicâ praemissâ verba salute:
 Totaque Romani nunc maxima curia cleri,
 Te velut eximium Regem, Dominumque salutant.
115. Caetera, quae ferimus, nudis quam tradimus, ecce,
 (Tradiderantque ¹⁾ simul) narrabit pagina verbis.
 Protinus explicitâ papalis epistola fronte,
 Talia continuo subnectit verba relatu.
 Quantus in officio studiosi cultus amoris,
120. Quanta paterna fides in te, mitissime fili,
 Exstitit, ut primùm divino munere sedem,
 Et pastoralis suscepi munia curae,
 Indubitata tibi devotae pignora mentis
 Esse reor: quòd prima tui gratanter honoris
125. Accepi mandata libens, quodque omnia laetis
 Saepè ministeriis à te dictata peregi:
 Quòd tibi collatos divino munere fascas
 Imperii, sacram manu gaudente coronam
- 1) Tradideruntque m. Rs. †.

- Imposui, vidique tuos gavisus honores;
 130. Quòdque tui caussâ Romanae jurgia plebis
 Sustinui, multosque tuli, scis ipse, labores.
 Inter tot veri certissima signa favoris,
 Siquid fortè tuas, ita re cogente, sub aures
 Vel minus exactum, vel acerbum pagina nostra
 135. Detulit, in subitam stimulari protinus iram
 Non decet: in cunctis caussas et tempora rebus
 Aspiciat, qui vera cupit decernere ¹⁾ judex.
 Filius ille quidem sapiens et gloria patris
 Creditur, ejusdem qui blandimenta, minasque
 140. Aequâ mente libens ²⁾ et amicâ suscipit aure.
 Imò, tuâ quod pace loquar, qui parcere virgae
 Sustinet, huic odio perhibetur filius esse.
 Non decuit Regem, nec tanto Principe dignum,
 Urbanumque ³⁾ fuit, mea dum tibi pagina nuper
 145. Adderet ultrices violati Praesulis iras,
 Obsequiique mei, non exprobrare profecto,
 Sed monuisse volens, quaedam tibi signa referret;
 In tantam paucis accendi vocibus iram,
 Quas minùs exactâ scriptor ratione notarat,
 150. Ut nostri socios lateris, sèmporque fideles
 Te quoque teste, tibi, tantâ feritate laceSSI,
 Tanta pati sineres irati fulmina Regni,
 Explendique viros coepti praeclusa facultas
 Cogeret irrisos ad limina sacra reverti.
 155. Siquid in illorum factis enorme notasses,
 Indignumque tuis, aut intolerabile regnis,
 Significare tribus potuit tua pagina verbis,
 Atque emendandum nobis servare reatum,
 Nunc semel admonitus placidè, ne tale quid ultra
 160. Attentare velis: transacta sequentibus, orò,
 Corrige, Romanae servato sedis honore.
 Nos quoque, si qua fuit turbato in corde querela,

1) discernere? 2) librans B. †. 3) Urbanumque m. Rs.

- Ponimus, et dulcem tecum partimur amorem.
 Latores apicum, mandatorumque ministros,
 165. Quae legis, eximio, fili, pietatis honore
 Suscipe: quodque tuas per eos dictamus ad aures,
 Illud ab interno sinceri crede profectum
 Pectoris affectu: tutosque, habitosque benigne
 Hos saltem laetos ad limina sacra remitte.
170. Haec tunc exposuit mandata recentia pastor
 Ille Frisingus Otho, quem tantò major habebat
 Hac de lite dolor, quantò propioribus illum
 (Regis erat patruus) tangebant curia vinculis.
 Utque piè scriptis à summo Praesule verbis
175. Addidit ipse suas in pacis foedera partes:
 Protinus ingenui consedit pectoris horror,
 Et nitidus rediit, sedato Principe, vultus.
 Ut si forte rosas et candida lilia nimbus
 Contudit et nitidum virgis decussit honorem:
180. Horrent informes spinae, frustra que petiti
 Quaerentem fallunt nudato stipite flores.
 Mox ubi tranquilli clementior aura Favoni¹⁾
 Coeperit excluso spirare benignius Austro,
 Protinus ad placidos flatus sua germina rami
185. Producunt, solitoque nitent virgulta decore.
 Praeter praedictam turbati Principis iram,
 Restabant aliae litis fomenta querelae:
 Quas ubi legatis distinctas ordine Caesar
 Exposuit: contraque suo pro Praesule missi
190. Optima sollicitè cauti responsa dedere:
 Protinus optatae praesentibus oscula pacis
 Dulciter impendens, Papae, Cleroque salutem
 Innuit, et laetos à se dimittit in Urbem.
 Jamque precatores aderant à Rege Dacorum
195. Electo nuper, populique favore creato,
 Principis arbitrio sceptrorum jura petentes:

1) Rs. - rr. Favoni. †. o.

Annuit hoc pacto Rex, ut post bella reversum
 Ante quater denos properaret Regulus illum
 Cautus adire dies, regnum sumturus ab illo,
 200. Obsequique fidem jurando jure daturus.

Jamque suas valido vires Alemannia motu
 Excierat, populique truces fervente tumultu
 Partibus è cunctis ad regia castra fluebant.
 Saxones, et rigidi qui Norica rura coloni
 205. Guestualiamque tenent, quos aut Ripuaria tellus,
 Aut cum Germanis Rhenum partita colonis
 Francia, seu magno nomen sortita Lothero
 Terra tenet: tunc Allobroges dotalia laeti
 Arma movent, Celtaeque leves, Cimbrique feroces,
 210. Vindelici, Suevi, Sclavi, simul atque Boëmi,
 Pannonnes, et laetis ¹⁾ quos educat Austria campis,
 Quique Carenthinis populus versatur in oris.
 Non ego vel populos, vel nomina clara potentum
 Enumerare queam, quosunque à cardine mundi
 215. Horridus, et gelidâ Borëas emissus ab Arcto
 Verberat aërias donec veniatur ad Alpes.
 Arma ferunt populi: non ²⁾ sunt, qui moenia ser-
 vant ³⁾,

Non ⁴⁾ qui rura colant; ⁵⁾ praemissis undique fervent
 Castra viris, inagno scrutatum à Principe, per quas
 220. Hos jubeat transire vias: nam tantus in armis
 Plebis erat numerus, ne junctis agmina castris
 Nubiferae rupes Alpīs transcendere possent.

Utque dedit ducibus cunctis loca congrua Rector,
 Distribuitque vias, scisso mox agmine quidam
 225. Cannales, Julique ⁶⁾ Forum, multique Clavennam,
 Cumanumque lacum, multi petière Tridentum.
 Ipse Boëmorum Regem, multosque potentes
 Allobrogum, Suevūmque Ducem, fidumque nepotem

¹⁾ latis B. †. ²⁾ vix B. †. ³⁾ servant Rs. †. ⁴⁾ vix B. †.
⁵⁾ colunt? ⁶⁾ Julique B. †

- Te, Friderice, suum, Chunrado Rege creatum,
 230. Secum Rector habens, illas transcendere rupes,
 Nomine quas veteri montem Jovis incola dixit,
 Adproperat: jam jamque domos et rura jacentis
 Italiae cernens, fidas quas noverat urbes,
 Ticinum, Laudamque suam, Cumamque salutat
 235. Laetus, et in Ligures violentam concipit iram.

- Prima feros bellumotus, regnique furores
 Tanta loco, fidensque nimis Ligurumque suisque
 Viribus, adversis excepit Brixia fati:
 Quae postquam Regi tentatis restitit armis,
 240. Plus quoque quam potuit: tandem contrita, solutis
 Moenibus accepit dominum, quem fecerat hostem,
 Vixque redempta suos multo luit aere tumores.

- Utque Ducis totae subiérunt castra cohortes,
 Nequid inhumanum, linguis ac moribus illa
 245. Dissona barbaries castris impunè moveret,
 Consensu Procerum tales à Caesare leges
 Compositae, stabili castrorum jure feruntur:

- Nequis rixari ferro ¹⁾, pugnamque movere
 Audeat in castris: neu motâ lite vocatus
 250. Cum telo veniat, lorica tutus ²⁾, habensque
 Quo tantum rixae dirimat certamina, fustem.
 Neu belli signum, nisi forte domestica quaerens
 Agmina, vociferet: miles si fecerit ista,
 Ejecto castris, et turpia plurima passo,

255. Eripietur ei castrorum tota supellex:
 Armiger exustâ eandenti fronte metallo,
 Detonsâque comâ, post verbera pulsus abibit,
 Vel domini spoliis redimetur et omnibus armis.

- Vulneris, aut caedis convictus, voce duorum,
 260. Qui modò non fuerint violato sanguine juncti,
 Hic caput, ille manum perdet: si teste carebit
 Altera pars, facinusque velit formidine poenae

1) Rs. cum Pf. disting. post: rixari. 2) nudus V. †.

- Abjurare reus, poterit jurare ¹⁾ volentem
 Quilibet oblato licitè reprobare duello,
 265. Passurus similem non victo crimine poenam.
 Miles equo cursore carens, clypeoque, vel hastâ,
 Sit licet oppositae partis, regalia castra
 Tutus adire potest: si quis violaverit illum,
 Sicut et in socio pacem violasse feretur.
 270. Si fuerit bellator equus ²⁾, clypeusque, vel hastâ,
 Non erit ille nocens, poenamque merebitur ullam.
 Institor à nostro spoliatus milite, cuncta
 Conduplicata feret: maxillâ servus adustâ,
 Vertice detonso, supponet terga flagellis:
 275. Aut erit à domino praedicto more luendus.
 Qui spoliare sacras aliquem conspexerit aedes,
 Si prohibere potest facinus, prohibere laboret:
 Si prohibere nequit, maneat securus; at ille
 Iudiciis arbitrio poenam pro crimine pendet.
 280. Urbem, vel castrum nostro sub nomine tutum
 Impugnans, poterit pacis violator haberi.
 Non erit in nostris nobiscum foemina castris;
 Qui reus extiterit, spoliis nudatus abibit,
 Turpiter et naso mutilabitur illa reciso.
 285. Servus deprenti convictus crimine furti,
 Si fur antè fuit, probrosâ morte peribit:
 Sin minus, abraço signatus vertice frontem
 Verbera dura feret, castrisque fugatus abibit,
 Ni fuerit domini spoliis, armisque redemptus.
 290. Si continget equum cuiquam reperire vacantem,
 Nec dominum norit, non detondebit, ut illum
 Ignotum faciat, nec clausum fraude tenebit:
 Sed stabulatori nostro denunciât, ac sic
 Invento ut proprio, nullo prohibente, fruatur.
 295. Quem si fasce novo dominus deprendet onustum,
 Non erit hoc licitum, dejecto pondere raptum.

1) Edd. poterit jurare: †. 2) Rs. - rr. eques o.

Tollere: portantem patiens in castra sequatur,
Jamque ministerio liceat revocare peracto.

Siquis pacificae plebis villasué, domusué

300. Usserit: abrais signabitur ora capillis,

Et pulsus castris post verbera multa recedet.

Lex eadem poenae praescripta minoris ementi

Teutonico, castris ut pluris vendere possit.

Hoc tamen adjecto, quicquid venale ferebat,

305. Eripiet camerae turpi pro fœnore custos.

Miles Teutonicus socium de gente Latinâ

Non habeat, nisi notitiam sermonis habentem

Teutonici: quod si praesumpserit, omnia perdat.

Inventor foveae, nullo prohibente repertis

310. Gaudeat: at si quis vim fecerit improbus illi,

Id noster dignâ stabulator corrigat irâ.

Nemo parùm cautè, nimiumuè potenter agendo

Conterat educto vinaria vasa liquore,

Quae praestare suum possunt castrensibus usum.

315. Has, aliasque sacro dictatas Principis ore,

Consensère patres, servare per omnia, leges.

At Rex belligeras cupiens armare cohortes,

Ultricesque viris incudere fortibus iras;

Editiore loco, blando spectabilis ore,

320. Et tamen ingenuae reverendus pondere vocis

Constitit, attentas implens his vocibus aures.

Maxima sidereo laudum praeconia Regi,

Rex ego terrenus, modò si foret illa ¹⁾ facultas

Vocis et officii, merito persolvere possum,

325. Cùm mihi devoto tantos assistere coetu

Aspicio Proceres, quorum me munere regna

Accepisse juvat, studiis retinere laboro.

Nam neque me tanti mea gloria muneris unquam

Immemorem faciet: vestrique ²⁾ favoris egentem,

330. Vivere dum potero, bello seu pace fatebor.

1) ulla B. * 2) Rs. - rr. nostrique o.

- Sunt impressa meis suffragia vestra medullis,
 Quòque magis recolo, magis haec recolenda viden-
 Immemor officii non sat memor extitit antè, [tur.
 Nec benè gratus erat, qui gratus desiit esse.
335. Spem mihi de reliquo, quae praecessére dederunt;
 Gratia praeteritis, spes est adhibenda futuris.
 Sed jam tempus adest, quo certo pignore possit
 Vestra nitere fides: ad magna negotia rerum
 Venimus, ingentes belli concepimus iras.
340. Nec mihi res agitur, nec certos sponte labores
 Aggredior, belli caussas, iramque coactus
 Accipio, justosque movet vindicta dolores.
 Cernitis in quantos sese efferat improba fastus
 Urbs Ligurum, Regnique minas mandataque nostra
345. Ridet, et antiquis à Regibus edita jura,
 Quae cum legifero statuit reverendus Othone
 Carolus, (ah pudeat) nunc demum tempore nostro
 Respuit, abjecitque ferox cervice superbâ
 Imperiale jugum, manifestaque bella fatetur.
350. Hoc ego si patiar, sine caussâ censear ensem
 Invalidâ portare manu, Regumque priorum
 Degenerem, dignumque minùs perhibere ¹⁾ nepotem.
 Ergonè saevitiae mea sunt electa nefandae!
 Tempora, quae tantos nequeant punire furores?
355. Fallitur ignavae (nisi fallor) opinio plebis.
 Quidquid in Imperium nostro committitur aevo,
 Invenit ultorem: dabit ah, dabit impia poenas,
 Interituque gravi commissa nefanda piabit;
 Si benè vos novi, si non mea pectora fallit
360. Spectatae toties vestrae virtutis imago.
 Nam neque vos nostri socios non esse doloris
 Communis jactura sinit: quae sponte dedistis,
 Eripit invito, nisi vos succurritis, hostis:
 Munera vestra mihi parat extorquere, simulque

1) praehibere s. praebere Rs. *

365. Vos, et me ¹⁾, socii facto contemnit in uno.
 Dumque putat bello nec nostra requirere posse,
 Arbitrium vobis, fructum mihi muneris aufert.
 Nunc age, Teutonici fortissima robora regni
 Imperii vires, totius gloria mundi,
370. Magnifici Proceres, magnis intendite coeptis
 Pectora, sitque palàm, nullam sub limite magni
 Esse poli, nostris quae tutò viribus obstet,
 Legibus aut Latiis impunè recalcitret, urbem.
 Si vos à patriis laribus, thalamisque pudicis
375. Noster amor, regnique labor, justique doloris
 Adduxit ²⁾ ratio, si dulcia pignora, natos,
 Plorantesque domi liquistis sponte puellas:
 Nunc iisdem caussis ultrices acriter iras
 In tumidos Latii depromite nominis hostes.
380. Atque illud nostro detergite dedecus aevo,
 Ne nostras impune minas sprevisse feratur
 Urbs Ligurum, quas Roma timet: nec jura nec ullae
 Hoc prohibent leges: quotiens injuria regnum
 Vexat, et Imperii subito pax hoste laborat,
385. Principis edicto justissima bella gerantur ³⁾.
 Ille nocens populus; nos regni jura tuentes,
 Ultrices aquilas, qui publica signa secuti
 Eximios certè ⁴⁾ referemus laude triumphos.
 Vocibus Augusti virtus accensa suorum
390. Incaluit: fremuere minae, capuloque reductas
 Admovit gravis ira manus: vox omnibus una:
 Dicta probant, laudantque virum, stimulisque mo-
 rantem
 Impellunt, fidasque foveant in praelia dextras.
 Sed ne praecipiti quidquam prudentia motu
395. Regia neglecto praesumeret ordine juris:
 Primum propositis legalibus esse citandos

1) mei Sp. R. ††. 2) abduxit pp. Rs. †. 3) geruntur? 4)
 certà m. Rs. *

Hostes edictis, juris suasere periti.

Utque sibi certam Ligures incumbere cladem,
Dilatamque vident offensi Principis iram;

400. Jam spe majores scelerum deposcere poenas:

Electos de gente sua, legumque peritos
Miserunt in castra viros, blandisque potentes
Persuadere modis: quorum sermone deserto
Posse putabatur mitescere Principis ira.

405. Qui cum se caussis graviter poenalibus angi

Legibus Italicis, et stricto jure viderent,
Inque coloratis suffragia nulla loquelis
Esse, vel in multa, quam promissere, monetâ;
Rebus inexpectis, multum frustraue rogatis

410. Principibus, moesto repetentes moenia vultu

Implevere suam magnis terroribus urbem.

At Rex instructis properans ad moenia castris,

Jam loca contigerat, qua certior Addua limes
Finibus à Ligurum magnae secat arva Cremonae.

415. Qui quamvis medias populis injecerit undas,

Non tamen hostiles poterat ¹⁾ cohibere furores,
Quos minus alterno spumaret saepe cruore.
Gurgite tunc pleno solito torrentior ibat,
Auxerat et tumidas resolutis Alpibus undas,

420. Nec se belligeris transmitti posse catervis

Ponte, vado, remoque carens sperare sinebat.
Nec minus opposito Ligurinus in aggere miles,
Magnanimi juvenes, vel si vada tuta paterent,
Excipere hos armis, ac propulsare parati

425. Constiterant, densaque vadum statione tenebant.

Sic duplici caussa, fluvio, belloque repulsus,
Iratus mediis exercitus haeserat undis,
Cornipedesque virosque simul gravis horror habe-
Tantum distantes alterno margine ripae [bat.

430. Certatim validis torquebant tela lacertis,

1) P. et Rs. - rr. poterant o.

Donec ab extrémâ riparum fronte Boëmus
Cum Duce Dalmatico sese rapientibus ultrò
Injecére vadis: hos agmina tota sequuntur.

Urget eques peditem; multis violentior annis

435. Lubrica fallaci vestigia subruit ¹⁾ undâ,
Vortioibusque cavis involvens arma, virosque,
Et rapidæ feritatis equos, correpta deorsum
Cuncta trahit: sic paenè viri perière ducenti.

Ast alii non tam vectu, quàm remige freti

440. Cornipedum, solidâ tandem vestigia ripâ
Fixerunt: turpique fugâ perterritus hostis,
Moenia nota petens, infaustum civibus omen
Retulit, et cladis praenuncia signa futurae.

Stabat in ejusdem devexo margine ripae

445. Turribus et valido castram spectabile muro,
Nomen erat Tretium, Ligurum sub nomine tutum
Haec tenus, et nullo tactum per secula bello.
Hoc latus excelsae circumstant undique turres;
Illud flumina tutum defenditur undâ,

450. Ingentique rapax incingitur Addua ponte,
Quem servat positus custodibus ardua turris.
Visa fuit Regi nostris accomoda castris
Illa satis sedes, propter compendia pontis,
Et magno ventura bono: jussitque cohortes

455. Expugnare locum: parèt festina juvenus,
Tutaque belligero cingit castella tumultu.
At qui praesidium servabat et oppida, miles,
Frustra tentato conatus moenia bello

Defensare manu, postquam cognovit ab urbe
460. Nil opis esse sibi, miserae modò munera vitae
Depactus, totis patefecit moenia portis:
Armaque victori, castellaque plena relinquens,
Nudus ad hostilem miserè compellitur urbem.

Hos tamen eventus laetos, et gaudia rerum

1) surpuit Pfl. †.

465. Invida turbavit casu fortuna sinistro:

Namque novae quidam quaerentes semina laudis,
Praeclarumque sibi cupientes didere ¹⁾ nomen,
Moenia terrifico strepitu Ligurina petentes
Excivère suis tutis ²⁾ de sedibus hostes,

470. Saevaue conflictu moverunt praelia duro.

Primus in his Ekbertus erat, Comes ipse, sed alto
Sanguine, regifico minimè cessurus honori,
Et magnos Reges animi virtutibus aequans.

Hic dum prolapsus quendam, rapidoque volutum

475. Turbine cornipedis cuperet relevare suorum,

Hasta Ligus juvenis vibrata per ilia magni
Transiit, et latebris animam deprendit in altis.
Sunt tamen, incolumi juvenem qui corpore captum,
Hostilemque manu tractum fateantur in urbem,

480. Saevaue discerptis perpressum funera membris.

Hunc et Teutonici Proceres, Italique potentes
Et Ligurum bona pars aegrè ³⁾ gemisse feruntur.
Cujus et interitum lachrymoso tristia nectens
Carminе Teutonicas deflevit fama per urbes.

485. Hic quoque Caesareae multi periére cohortis:

Quemque domi famosa Ducem Ravenna potentem
Miserat, occubuit miserandâ clade Joannes.
Nonnulli rigidas collo subiére catenas,
Ast alii fraenis redeunt ad castra retortis:

490. Quos graviter Princeps verbis invectus acerbis

Corripuit, poenasque rei fortassè luissent,
Ni precibus blandis Proceres, multoque rogatu,
Fortunaeque vices, incertaque fata loquendo,
Vix tandem justam sedassent Principis iram.

495. Qui mox permixtâ tantis cum luctibus irâ

Ulcisci socios avidè festinat, et arètâ
Obsidione ream jam claudere cogitat urbem.

1) Rs. - Edd. dedere o. - addere W. 2) tutos m. Rs. †. 3) aequè B. *.

- Totaque septenis distinguens agmina turmis,
 Ductorem cuneo praefecit providus uni -
 500. Cuique suum: nunc cornicines sonitusque tubarum
 Praelia terrifico committere prima tumultu,
 Signiferosque loco vel laeta vel aspera primo
 Lattros, acies aequè dispersit ¹⁾ in omnes;
 At qua Caesareae, signum latiale, cohortis
 505. Regia fulget avis; magnorum densa viro-um
 Agmina, cœu magni glomeravit viscera regni.
 Hinc famulûm succincta manus, vulgusque pedestre;
 Pondera jumentis ingentia portat onustis;
 Quaeque expugnandis creduntur idonea muris.
 510. Ultima cœu modico subitura negotia voto
 Aere dato conductâ cohors, et bellica miles
 Dona sequens, pretioque suum mutare favorem
 Suetus, et accepto pariter cum munere bello,
 Hunc habuisse, dator pretii quem jusserit, hostem.
 515. Sic pulchro felix acies instructa tenore,
 Carmine belligerò, longèque sonantibus hymnis,
 Divinam sibi poscit opem, Ligurinaque sensim
 Moenia securo petit imperterrita gressu.
 At qui sollicitâ civis spectator ab urbe
 520. Prodierat, primasque fores, vallumque tenebat,
 Nullo lascivus strepitu, (sêu Regis honori
 Hoc dabat, ingentis seu jam praesagia cladis
 Pectore ²⁾ certa ³⁾ trahens) nullo clamore superbus
 Stabat, et insignem spectabat sedulus hostem.
 525. At Rex dispositis pulchro satis ordine castris,
 Obsidet ingentem plus centum milibus urbem.
 Hanc per circuitum spatîo spectanda capaci
 Planities, centum stadiis diffusior ambit;
 Extructus quadris vallabat moenia saxis
 530. Murus: adhuc ⁴⁾ vasto praecinxerat agger hiatu,

1) dispersit m. Colerus et Rs. * 2) Rs. - rr. Pectora o.
 3) caeca m. Pfl. ††. 4) at hunc Rs. †. - et hunc B. †.

- Ad subitos belli strepitus, saepesque ¹⁾ fragores,
 Grandibus impensis anno praeparatus eodem.
 Turribus, et pinis, tormentorumque flagellis
 Hoc minus institerant, quod nullâ posse putabant.
 535. Obsidione premi plenam tot civibus urbem.
 Unde nec Imperio sese praestare fideles
 Curabant, ac saepe jugum cervice rebelli
 Respuerant, Regnique ²⁾ diu, plebs illa superbis
 Luxurians animis, tutò contempserat iras.
 540. Ergo ubi divisis ingentia moenia portis
 Teutonici totâ Proceres indagine belli
 Undique cinxerunt, et regia signa superbi,
 Ausopiasque suis volucres colludere campis
 Viderunt Ligures, et opertos milite fines:
 545. Prima viris altâ tentoria cingere fossâ
 Cura fuit, densare sudes, et ducere vallum,
 Castrorum munire sinus: ne clausa latenti
 Turba dolo, vel Marte palâm fremebunda diurno
 Erumpat, subitoque viros, et castra furore
 550. Turbet, et incautos inopinâ clade lacessat.
 Nam neque tormentis, neque raptò moenia bello
 Posse capi populosa putant; meliusque videtur
 Expectare famem, (vi namque haec cuncta potenti
 Expugnare solet) vel si confisus ad arma
 555. Prosiliens, pugnam ferus ultrò conserat hostis,
 Fortunam tentare manu, facilesque triumphos.
 Unam portarum sociâ virtute premebant
 Cognati juvenes, quorum Comes aulicus alter
 Nomine Chunradus, Regis quoque frater: at illum
 560. Ductorem Suevis Chunrado ³⁾ patre relictum
 Aequivocum, junctumque sibi Fridericus amabat:
 Promptus uterque manu, formâ verendus uterque,
 Nobilitate pares, et eisdem in finibus aevi.

1) coeptosque s. creperosque pp. Rs. * - factusque V. †. 2)
 Regisque R. †. 3) interponi partic. à m. Rs.

- Hos vel quod teneris vigiles minus esse sub annis
 565. Credebant Ligures, vel quod viciniis urbem
 Terrentes, sociis præcul absedissee videbant;
 Hos primum tentare parant, tacitasque cohortes
 Nocte pruinosas mundo referente tenebras,
 Moenibus educunt, quo tempore membra diurnis
 570. Extenuata malis primo sopor irrigat imbrem:
 Tunc etiam primo somni torpore gravatos
 Invadunt, turbantque viros, et castra lacessunt.
 Prosiliunt stratis stupidi: vix sumere tela
 Noxæ timoræ sinit: ferit horridus æra clamor,
 575. Multiplicatque metus, veris graviora timentur.
 Non tamen in tanto discrimine mente carentes
 Immemoresque sui validis hortatibus iram
 Extimulant juvenes: sumtisque viriliter armis,
 Quæ tempus, casusque dabant, certamina dura
 580. Instituunt, ferroque simul, lapidumque rotatu,
 Et quocunque licet telo, depellere castris
 Nituntur tumidis sublato viribus hostes.
 Jamque Boëmorum tentoria proxima clamor,
 Armorumque sonus per opaca silentia noctis
 585. Impulerat: qui mox tremulo clangore tubarum,
 Raucaque terribili quatientes tympana pulsu,
 Vicinam testantur opem: jam castra tenebant,
 Jam sua Teutonicis sociarant arma catervis:
 Attoniti subita miseri formidine cives
 590. Degenerem petière fugam, turpique relapsu
 Moenia nota petunt: sed nox, et porta, timorque
 Impediunt aditus, compressaque turba laborat.
 Sic bona pars ferro cecidit prostrata cruento,
 Aut injecta tulit captivo vincula collo:
 595. Semineces alii, numerosaque vulnera ¹⁾ passi
 Illaeso penitus redierunt corpore pauci:
 Exemplumque suis, documentaque certa dederunt,

1) Pfl. - Edd. vincula o.

- Ne spem nocturnis auderent ponere furtis.
 Sed quia festino bellum procedere motu
 600. Obsessi fortuna loci prohibebat, et ingens
 Tempora multa labor, momentaque tarda petebat:
 Multorum virtus torpescere nescia, tardas
 Non poterat tolerare moras, longamque quietem
 Oderat, et steriles ignavi temporis horas.
605. Ergo Palatinus geminis cum fratribus ille
 Eximiae virtutis Otho, firmissima nostrae
 Robera militiae, flagrantis laudis amore,
 Grande aliquid patrare manu, dignumque referri
 Inter magnorum celeberrima facta virorum,
610. Vespere jam paenè ¹⁾ referente crepuscula noctis
 Eduxere suas castris ad moenia vires,
 Atque crematuras portam cum ponte latenter
 Admovere faces: rapido tabulata vaporì
 Materiam ²⁾, fomenta dabat violentior aura.
615. Protinus è totâ raptim concurritur urbe:
 Omnibus hostiles amor est extinguere flammās.
 Nam praeter pontis discrimina, tota patebat
 Urbs Ligurum flammis, si non consideret ignis.
 Nec mora, conflictu magno certatur utrinque;
620. Hi prohibere parant incendia pontis; at illi
 Oppositi ³⁾ prohibere volunt prohibere volentes.
 Tela volant, stridunt lapides, densusque sagittis
 Aër, nocturnas et vincit et adjuvat umbras.
 Tandem restinctâ multo discrimine flammâ,
625. Paenè pari casu serâ vix nocte dirempti,
 Alternas caedes et mutua vulnera passi,
 Hi muros subeunt, illi sua castra revisunt.
 Nec Ligures nostris tardi magis, aut minus esse
 Audaces, tumidique volunt, factoque recenti
630. Sponte referre vicem, pulchrum et laudabile credunt.

1) plenae B. †. 2) Rs. - rr. non distinguunt inter materiam et fomenta. 3) Rs. - rr. oppositis o.

- Saepiùs obsessis gaudent excurrere muris,
 Et jaculo, fundâque levi, celerique ¹⁾ sagittâ
 Incautos turbare viros, crebrisque lacesunt
 Castra latrocinis: portâque frequentius illâ,
 635. Quam Ductor validis obsederat Austricus armis,
 Erumpunt: tandem stimulis gravioribus ardens
 Impulit ira Virum, totis educere castris
 Agmina: collato muros accedere bello.
 At Ligures jam non muros defendere, verum
 640. Obvia ferro viris ultrò venientibus arma
 Accelerant, miscentque gravis certamina pugnae.
 Prima volatilibus mandantur bella sagittis:
 Protinus exoussis avidè concurritur hastis.
 At simul ad gladios, et strictas cominus iras
 645. Incaluit virtus: tunc verò horrendus ubique
 Clamor, et ingenti penitus collisa fragore
 Arma sonant: tinnire cavae mucronis ab ictu
 Audires galeas, incussa tremantibus hastis
 Scuta gravi mugire sono, gemituque cadentes
 650. Oppetere, et rigido terram prosternere trunco.
 Instant castrenses, adversaque pectora saevis
 Vulneribus lacerant, indignanturque resisti.
 Nec cedunt Ligures, neo de statione moventur
 Obnixi, pariterque necant, pariterque neocantur.
 655. Donec vix tandem magnâ virtute repulsi,
 Et nostris multa respersos caede triumphos
 Linguentes, refugo tenuerunt moenia cursu.
 Hic inter multos stolidissimus occidit ille
 Staius, infausti sibi quem praeponere Regem
 660. Optabant Ligures, et sceptra dicare parabant.
 Cujus et à nostris multo simul aere redemptum,
 Et captivorum numerosâ plebe cadaver
 Mutatum solito Regum sepelivit honore.
 Stulta superstitio, quodque huic sors justa negarat ²⁾

1) celerique m. Rs. 2) Rs. - rr. negaret o,

665. Viventi, stolidus morienti contulit error.

Non mihi cujusdam Liguris reticenda videtur
Improbitas, stultaeque ferox vesania mentis,
Qui rapido fremebundus equo, fulgentibus armis
Conspicuis longè, nostris illudere castris,

670. Militiaeque rudes, equitandi lege carentes
Dicere Teutonicos, probitrsaque multa pudendis
Gaudebat jactare sonis, vanamque superbus
Ostentans artem, rapido modò turbine vectus
Quadrupedantis equi, nunc certà lege reductis

675. In gyrum fraenis sinuosa volumina torquens,
Unum de multis, potiusue ex omnibus unum
Electum, dignumque sibi concurrere, crebro
Poscebat, captosque metu ridebat mani.
Ut quondam pueri periturus glande ¹⁾ superbus

680. Ille Philistaeus, trepidanti probra minasque
Jactabat populo, donec pastoris Hebraei
Procubuit tumidam signatus vulnere frontem.
Non tulit elatae Comes ostentamina mentis,
(Albertus Tyrolensis erat) vanamque superbi

685. Stultitiam Liguris digna compescere poena,
Teutonicaeque parat gentis removere pudorem:
Non tamen aut galeà muniri tempora curat,
Aut gladio lumbos, aut ferro pectora texit ²⁾,
Aut cursoris equi, quo praelia semper agebat,

690. Officio fungi; clypeo contentus et hastà,
Terga mimora premens, vibratà cuspide, seghem
Impulit, armatumque solo dejecit inermis.
Sed neque degeneri dignatus tingere ferrum
Sanguine, non spoliis nullo discrimine partis

695. Victrices ornare ³⁾ manus, tellure jacentem
Liquit: et hoc ⁴⁾ aliis magni reputantibus, ipse
Negligit, et modico factum metitur honore.

1) B. - Edd. laude o. 2) texi? Rs. ^v 3) onerare B. †. 4) P.
et Rs. - rr. hic o.

LIGURINI.

LIBER OCTAVUS.

- Has inter laudes et fortia facta virorum,
 Illam præcipuè curam ¹⁾ Fridericus agebat,
 Ut sine jacturâ grandi, sine clade suorum
 Conficeret coeptos optato fine labores.
5. Et modo quam paucis, denso modò milite cinctus,
 Ardua sollicite illustrabat moenia gressu:
 Spectabat muros, spectabat robera valli,
 Quæque locum vasto cingebant aggere fossas:
 Quæque viam coeptis facilem fortuna parare
10. Tuta videbatur, corâ studioque sagaci
 Acriter intendens, oculis et mente notabat.
 Haec ita concussit trepidos vigilantia cives,
 Ut quotiens illum muros ambire videbant,
 Non sacus, ac si jam validas effringere portas,
15. Turribus aut celsis infligere saxa pararet,
 Moenia tota gravi tremere concussa tumultu.
 Tunc varius totam clamor strepitusque per urbem,
 Signaque divinas trepidè pulsata per aedes,
 Foeminei planctus, lamentaque moesta sonabant.
20. At tuba pinnigeri juvenes ad culmina muri
 Terribili clangore vocat, densâque coronâ
 Undique consistunt, et propugnacula servant.
- Stabat ab obsessâ non multò longius urbe,
 Quàm œmel exiliens arcu jaciente sagitta
25. Ire potest, quadris moles incognita saxis
 Romano constructa modo: quam fama superstes
- 1) puram P. o.

- Dicere Romanum vulgò consueverat arcum.
 Quattuor haec ¹⁾ validis surgebat fula columnis,
 Tam sibi conveniens, ut visu nemo sagaci
 20. Posset ab alterutris unum discernere saxis:
 Formam turris habens, cameras, tabulataque mul-
 Interiùs ²⁾ sortita locis, altasque fenestras, [tis
 E quibus et totos ³⁾ ibat prospectus in agros,
 Et facili poterant conamine tela rotari.
 35. Hanc Romanorum quendam ⁴⁾ pro fernice Regum
 Exerxisse sui certissima signa triumphique
 Vel magis inatos alio quoque tempore Reges
 Moenia viota per hanc sibi subjecisse ferebant.
 Praesidium plebs illa loco, suutusque ciborum
 40. Ad spatium belli, longosque locaverat usus.
 Id cautè fecisse putant: nam quicquid ab hoste
 Exteriùs fieret, spectantibus inde videri,
 Et facili sociis poterat notescere signo.
 Haec ⁵⁾ transferre suis Fridericus comoda castris
 45. Cogitat, et juvenes jaculo, celerinè sagittà
 Corpora vel longè distantia figere doctos
 Stare jubet contrà, costasque intendere jactus.
 Ut siquis patulis, aut mittere tela fenestris,
 Aut spectaturos etiam producere vultus
 50. Audeat, adversis configant ora sagittis.
 Ipse flagellatam tormento rumpere molem
 Apparat, et duro penitùs confingere ferro.
 Attoniti stupuère viri, dextrasque petentes
 Vitam depacti tradunt munimina Regi:
 55. Qui postquam sociam tutos dimisit in urbem,
 Collocat ipse suos in tutà sede fideles.
 Hoc tamen in bello veteris non immemor irae,
 Acriùs in Ligures Ticini saeva Juventus,

1) Rs. - rr. hic o. 2) interni Rs. * 3) P. s. Rs. - rr totus o. 4) P. s. Rs. - rr. quondam o. 5) Rs. qui pp. et: huc t. - rr. hic o.

- Atque Gremuchenses odio grassante fremebant.
 60. Nam si quis Ligurum fabia agitatus iniquis, II
 Illos quandoque manus, infestaque tela, 60
 Inciderat: tunc idira sui monumenta furoris I
 Aspicienda dabant, iuguloque videntibus illis
 Gondebant gladios, aut duro stipite vinctum
 65. Certatim missis figebant undique telis, II
 Nec minus ex illis, si quisquam forte malignus, 65
 Venerat, ad Ligures, discepti corporis artus,
 Truncoque de sinu spargebant, funera, muro.
 Tantis ab antiquis furor et discordia causis)
 70. Inter vicinas semper spiraverat urbes, 66
 Jamque fames Ligurum, nostris optata, super
 Cooperat insolito mentes contundere morbo, I (bas
 Aes, reor, à summi proficiens judicis ira,)
 Squalida tabificum corruperat aëra pestis, 67
 75. Castra tamen Procerum vindex secevit ab urbe,
 Persequiturque reos, parcens insontibus, aër: 68
 Castra vigent: non peste famis, coelique laborant:
 Urbs eget, et dubio tabescit languida coelo:
 Jamque fugam propriam multi meditantur ab urbe
 80. Exagitatque suos sedes natalis alumnos, 69
 Sunt quibus extremam pro libertate tuendam, 70
 Dulce sit intrepido mortem promittere voto;
 Esuriem, coelumque pati, bellicque labores,
 Dum modò pro patriae sint 1) haec toleranda sa-
 85. At quibus in misera turbato pectore rabus, I (ute.
 Plus aliquid rationis adest, mentisque profundae,
 Foedera projecto pacis deposcere ferro,
 Quasque velit Princeps, suadent admittere leges.
 Maximus inter eos suadendi foederis auctor 2)
 90. Utile consilium Guido Blandratensis agebat:
 Hic Comes eximius, Ligurum concivis, et idem
 Charus erat Regi, nec ob hoc suspectus in urbe.

1) Rs. - rr. sunt o. 2) actor A. o.

- Tales ⁴⁾ fama viri vulgaverat: inchoata mores. A
 Hunc igitur medio mepidantis in agmine vulgi,
 95. Cum jam de summis ageretur quaestio rebus,
 Inter Caesarem pariter, patriaeque favorem,
 Talia prudente cognovimus ore locutum.
 Si mea pro vestris nunquam sellertia rebus
 Pigra fuit, si vestra libens mandata peregi
 100. Semper, et hoc ipso vobiscum tempore dura
 Malo pati, et tristes partiri gaudeo casus.
 Non modò quid moneam, sed quo pretatis amore,
 Quasque fide, cives, animo tractate ²⁾ sagaci.
 Quae facies rerum, quae temporis hujus imago,
 105. Qui status, aut quae sit nostrorum forma malorum,
 Plus quoque, quam satis est, ipsi cognoscitis, ipsi,
 Certa quoque fortunae clarent exempla sinistrae.
 Sensimus, ut multi, mortalia quaeque regentem
 110. Nos quoque fortunam: non ³⁾ culpa forte caremus.
 Novimus hunc olim populum, Regesque creasse,
 Et virtute sua quondam pepulisse creatos.
 Novimus Italicas leges, et jura per urbes
 Ex isto fluxisse loco: sed durior aequo
 (Pace bonâ dixisse velim) dominatio nostra
 115. Exitit: immodiis vicinas legibus urbes
 Terruimus: scit Canna quid est ⁴⁾, scit Regia Lauda.
 Quasque ⁵⁾ per Italicos, urbes et oppida, fines
 Stravimus, aut validis servire coëgimus armis.
 Mutavit fortuna fidem, dextramque retraxit,
 120. Atque novâ longum compensat clade favorem.
 Non ultra stabilire suos, aut pellere Reges,
 Sed Latio servire Daci Ligurina necesse
 Urbs habet: et recto (liceat modò vera fateri)
 Ordine res agitur: Reges Alemannia nobis,
 125. Urbibus Italicis leges et jura daturus

1) Rs. - rr. talis o. 2) Rs. - rr. tractare o. 3) nec Rs. *
 4) quidem Rs. †. 5) Quosque A. Sp. P. o.

- Mittere rite solet: postquam de partibus illis
 Carolus, et Magni regnum surrexit Othonis,
 Ausoniâque frui Reges coepere coronâ
 Teutonici: quorum tutò contempsimus antè
 130. Respuimusque jugum; nunc justis ultor in armis
 Bellator Fridericus adest: quem nescia vinci
 Mensque Manusque suis facit hostibus esse tremen-
 Exemplo testata suas Terdona ruinas idum.
 Esse potest, quam nē verito de pulvere frustra
 135. Jasserit erectis urbs nostra resurgere muris,
 Haud modicus timor est: exemplo debuit esse
 Spoleum; justâ deletum vindicis irâ:
 Quæque per Italiam conata resistere frustra
 Oppida, Teutonicis victor pessumedit armis.
 140. Nec timeo, socii, fateor, ne Regis amore
 Falsa movere ¹⁾ puter: audum bene cognita vobis
 Nostra fides certis potuit notescere signis.
 Nam quod nil propriæ prætextu suadéo causæ,
 Nec favor, aut odium, quæ publica commoda sæpe
 145. Impediunt, sed certa fides, et pura voluntas
 Haec suadere jubent: scrutator pectoris alti
 Scit Deus, et proprii mihi mens bene conscia voti:
 Omnia discutiens animo, nihil esse salutis
 Censeo placatâ nisi primum Caesaris irâ.
 150. Arma movere libet, nudamque ²⁾ laceßere pugnam?
 Sed vix obstructis prohibemus moenibus hostem.
 Tuta loco clausis servabimus otia muris?
 Sed prohibet violenta fames, miserosque fatigat
 Pestis, et adversus pro Caesare dimleat ær.
 155. Omnia securi pro libertate feremus?
 Sed libertatem contemta nemo salute
 Sanus arhat: neque enim certæ susceptio cladis,
 Quam vitare queas nisi cum ratione salutis,

1) monere. P. Rs. * 2) timidamque Pfl. ††. - crudamque V.
 praeoccup. B. †.

Libertatis amor, sed gloria vana putatur.

160. Nunquid, et in brutis, immanisque videmus
Hoc jus esse, foris, uti vasta minoribus ultrò
Imperitare velint, majoribus infima cedant?

His ego de caussis (adsit modò vestra voluntas)
Caesarea ambire pedes, et foedera pacis

165. Poscere, praecipuam fateor certamque salutem.

Nec placido Regi viotos parere pigebit;

Nullus honor siquidem populi, vel gloria major,
Quàm domino servire pio. Postrema loquentis
Verba viri mixto suscepit turba tumultu.

170. Consilium plerique probant, pacisque petendae
Foedera: nec desunt alij, qui dicere contra
Conventus, foedumque putant, dignumque pudore:
Cum patriâ potius pro libertate cadendum.

Tandem compresso fremebundae murmure ple-
175. Praevaluit ratio: missisque potentibus urbis, [bis,
Austrius, ille potens Ductor cum Rege Boëmo
Accituras per eos Ligures mandata, precesque
Insinuanda Viro cupiunt offerre potenti:

Qui neque difficilem sese, durumque rogatus

180. Exhibuit, gaudensque ream cum civibus urbem
Poenituisse sui, leges et foedera pacis
Providus in scriptum tali ratione redegit.

Prima quidem Ligures fidei pacisque tenendae
Juramenta dabunt: omnes quoscunque nec aetas

185. Pupillaris habet, nec septuagesimus annus

Contigit, in medio jurabit quilibet aevo.

Appendentque novem poenae sub nomine fisco
Millia marcarum puro conflata metallo.

Praeterea, veterum neglecta palatia Regum,

190. Lapsaque correctis relevabunt tecta ruinis,
Ut quotiens magnam, vel Rex, vel Regius urbem
Fortè procurator, caussâ ducente subibit,
Digno magna loco tractare negotia possit.

- Oppressasque diu Cumam, Laudamque solutis
 195. Legibus, et longâ penitus ditione remota,
 Respirare sinent: non prisca tributa requirent,
 Praeterquam veterem divini juris honorem,
 Quo super has urbes Ligurum viget inclyta sedes.
 Sincerâ quae cumcta fide complenda trecentis
 200. Firmabunt vadibus de quolibet ordine summis
 Hosque per Italicos servandos cautius urbes
 Principis arbitrio custodia mitis habebit.
 Et quibus illa locis fuerit commissa juventus,
 Protinus expleto servatos reddere pacto,
 205. Chara suis patribus jurabunt pignora natos.
 Consulibus positis, et factâ pace repertis
 Stare licet, plenus dum se converterit annus.
 Postea nullus erit, nisi quem Rex ipse probarit
 Electum populo: quibus haec ad jura vocatis,
 210. Si tunc Italicis Princeps habitabit in oris,
 Hunc electorum bona pars reverenter adibunt:
 At duo sufficiunt, si transalpina tenebit:
 Jurabuntque fidem Regi, dignumque favorem,
 Tam sibi, quam sociis ea ¹⁾ regni dona petentes.²⁾
 215. Nec minus absentes ³⁾ accepto munere Regis,
 Coram plebe suâ, coram primatibus urbis
 Praestabunt eadem jurandi foedera juris.
 Si tamen Italicis fuerit legatus in oris
 Regius, hoc ipsum Regis vice juris habebit,
 220. Et de consulibus disponere cuncta valebit.
 Antè tamen clausâ quam victor ab urbe recedat,
 Captivos omnes, veteresque, novosque Boëmo
 Committent Ligures: quos protinus ille paternis
 Restituet laribus, si jussu Principis illas
 225. Cum populo Ligurum concordia junxerit urbes:
 Accipientque suos Ligures versâ vice captos,
 Quaeque juvant illos sociis conatibus urbes:

1) et V. ††. 2) putantes B. ††. 3) absentis?

- Sin minus, in solito retinebunt carcere victos,
 Nec tamen hinc aliquam patientur Caesaris iram.
230. Obsidibus positis, captivis nitè solutis,
 Proxima lux Regis discedere castra videbit.
 Argenti summam Ligures pro pace ferendam
 A 1) tibi subjectis poterunt 2) confare colonis,
 Dum tamen immunes Labdam, Cumamque relin-
235. Navigium, portus, vectigal, sive monetam, {quant.
 Vel quaecunque sibi defendit commoda fiscus,
 Nec rapient Ligures: nec si quis fortè nefando
 Invasu raptasse volet, patientur iustum.
- Has postquam leges, et spe leviora rebellis
240. Jam dudum populus, gratanter pacta recepit,
 Continuum totis effusi moenibus omnes
 Procedunt: primusque suo cum Praesule clerus
 Veste sacra nitidus, nudo pede, supplice vultu,
 Vertice demisso, nostrae monumenta salutis,
245. Signa cruris praefert: post hinc in vellere pullo
 Infausti cives, vestigia nuda prementes,
 Iudiciumque 3) sui pariter, poenamque reatus,
 Admotos nudis portantes faucibus 4) enses,
 Tecta 5) pudore gravi perfundunt fletibus ora.
250. Protinus à totis fluit ad spectacula castris
 Miles, et astantes densas hinc inde catervas
 Angustus dirimit medio discrimine limes:
 Quo vix turba gemens ad regia Caesaris ora
 Pervenisse queat, placidâ qui fronte serenus,
255. Pectore contritos, et se peccasse fatentes
 Suacipit, et tali summo pro munere Regi
 Gratos lactus agit, saevâ qui mente rebelles
 Contudit, et tumidos 6) tandem respirare jussit.
- At Ligurum primi prostrati corpore toto

1) At P. ††. o? 2) P. s. Rs. - rr. poterunt o. 3) Indicium-
 que m. Rs. †. 4) portant cervicibus Pfl. ex Radevico. *
 5) Tecta Pfl. * 6) Ra. - rr. timidos o.

260. Caesaris ante pedes trepidis confusa querellis;
 Paucæ gerunt, veniamque suis excessibus orant.
 Hoc tantum, veniamque sonant, veniamque loquuntur.
 Non odio regni bellum movisse, sed illas, [tur:
 Quas sibi vicinæ fecissent saepius urbes,
265. Non potuisse pati tranquillo pectore noxas.
 Nunc veniam nactos, operam, curamque daturus,
 Ut redimant antiqua novis, praemissa salvis.
 Mox ubi praescripti recitata est pagina pacti,
 Atque probata viris, optatae pignora pacis.
270. Accipiunt, junctas conserti foedere dextras.
 Nec minus emissi Ligurum de carcere longo,
 Duraque temporibus multis ergastula passi
 Captivi dudum variis ex urbibus hostes¹⁾,
 Ordine diffuse circa vestigia magni
275. Considerare Ducis, squalentia tegmina foedo
 Corpora velati: miserandos possidet artus.
 Foeda situ macies, deformia turpis et aspera
 Inficit ora color, pressis cutis arida membris
 Insidet, humanae tantum vestigia formae.
280. Servat, et antiquam retinet natura figuram:
 Et, ²⁾ si vera velis imponere nomina rebus,
 Non homo, sed vivens ³⁾ hominis videtur imago.
 Et tamen exultant longos fugisse labores
 Carceris, et duras semel abjecisse catenas:
285. Ignotumque diu post tristia nubila laeti
 Aspiciunt Solem, Regemque libentius ipsum,
 Cujus ab exilio sese virtute reductos,
 Ac velut è stygiis tractos meminere tenebris.
 Quis referat fletus, lachrymosaque gaudia tantae
290. Plebis, et internâ tactos⁴⁾ pietate dolores?
 Cum captiva diu post durum corpora tetri
 Carceris exilium, laetis sic reddita tandem

1) hostis Rs. †. 2) Ut? 3) vivens B. †. 4) tractos pp. Rs. -
 tacitos V. ††.

- Civibus, et natos vix agnovere parentes
 Jam niveos canis, primo quos flore nitentes
 295. Ultima non faustis ad bellum miserat hora
 Auspiciis, longas damnatos ferre catenas.
 Nec solum miseros spatiosi temporis aetas
 Fecerat ignotos, sed squallor, et hispida vestis,
 Et situs, et macies, et nullo pedine tacta
 300. Utraque caesaries, agnosci paenè volebant.
 Tunc demum victâ Fridericus ab urbe recessit,
 Modionumque petens, prisco dignatus honore
 Illustrare locum, sacro diademate crines
 Induit, et dextrâ gestavit sceptrâ potenti.
 305. Hanc fortuna diu, Ligurumque potentia dives
 Eximiam regni proavorum tempore sedem
 Presserat, et longâ victâ dititione tenebat.
 Sed placidus Princeps primaevo cuncta decori
 Restituendâ putans, injustis legibus illam
 310. Exemit, priscumque loco reparavit honorem!
 Sumtibus et propriis veteres sarcire ruinas
 Jussit, et annosi senium deponere fati.
 Tunc bene re gesta, cunctis in pace locatis,
 Caesaris à facie om̃m tellus tota sileret,
 315. Militiae partem placuit dimittere castris.
 Austricus Allobrogum Dux cum Duce, Rexque Boë
 Pannoniaeque simul sub eodem Regè cohortes, [mus;
 Et Moguntino Proceres cum Praesule multi,
 Rege salutato, meritis et laude venusti,
 320. Discedunt castris, conversaue signa ferentes,
 Teutonicas repetunt transcensis Alpibus urbes.
 Ipse satis multos secum, ceu nullus abisset,
 In castris retinens, ad certa negotia regni
 Ducitur, et pulchros invictâ mente labores.
 325. Non tamen in tanto clari victoris honore,
 Italiaeque metu, stolidae vesania gentis,
 Exemplo Ligurum penitus compressa quievit.

- Namque satellitio quidam stipatus iniquus,
 Civis erat Verona tuus; Tusuidus, ut ajunt,
 330. Nomen ¹⁾, ab infidâ caussas tacitosque furoris
 Urbe trahens stimulos, Castrum regale, (quod illi
 Appellare solent vulgato ²⁾ nomine Gardam)
 Invasit, cepitque dolo: jussusque ³⁾ relictis
 Saepius insanis illo desistere coeptis,
 335. Spernebat Regem demens audire jubentem.
 Infremuit tandem Princeps, Athesamque rapacem,
 Neo ratis officio, solitis nec pontibus usus,
 (Fervida quippe vadum fluvio jam federat aëslas)
 Contemptis transivit aquis, urbisque superbae
 340. Depopulatos agros, quaedam castella, nocentum
 Diruit, et spretas impunè retransiit ⁴⁾ undas.
 Nec minùs egregium quiddam Comes aulicus illæ.
 Tunc quoque gessit Otho: qui te, Ferraria, jussu
 Regis adire parans, intactas omnibus antè
 345. Eridani fregisse vado nil territus undas
 Dicitur, et tumidum primis transisse per amnem.
 Haec quoque res multum curae, justique ⁵⁾ timoris
 Urbibus Italicis, et magnae nomina famae
 Adjecit nostris, claro sub Principe, castris:
 350. Quem nihil aggressum frustra natura vereri
 Ipsa putabatur: cui sic famulantibus ultrò
 Subdita more novo studiis elementa favebant.
 Ergo Palatinus stupidae formidine magnæ
 Plebis, et ingenti pariter susceptus honore,
 355. Regia sollerti studio mandata peregit.
 Utque quater denos fidei pacisque tenendae
 Accepit monimenta vades, ad regia castra
 Vertit iter, cunctis dignâ cum laude peractis.
 Hoc quoque conveniens, et tanto Principe dignum,
 360. Atque inter castos memorabile Caesaris actus,

1) Nomine Pfl. 2) vulgari Pfl. †. 3) Rs. - rr. rursusque o.
 4) P. - rr. transiit, refrag. metro. 5) mœstique Pfl. ††.

- Scribendumque puto, quòd tempore Rector eodem
 Illecebrosa suis purgavit scandala castris,
 Eque suo coetu lixas, et scorta, nocivum
 Ac petulans vulgus, satis indignanter abegit.
 365. Nec docilis tolerare moras, pigrosque quieti
 Indulgere ides, exclusis pectore sacro
 Bellorum curis, pacis benè ponere tempus
 Cogitat, et mundo prodesse laborat inermis.
 Neque retractato Ligurum inconstantia pacto
 370. Absiliat, solitâque fremens Laudensibus irâ
 (Immineat, totos urbis transferre penates
 Et veterem mutare situm festinat, et urget:
 Describitque locum, quem torrens Addua ¹⁾ totum
 Gurgitibus flexis aditu breviori relicto
 375. Circuit: ut modico munimina tuta labore
 Artificis praestare queat sollertia curae.
 Huc transferre dares, antiquaque moenia Rector
 Imperat: atque novam Regni sub nomine Laudam
 Grandibus impensis sese Pater ²⁾ auspice fundat.
 380. Inde per Italicos famosa Potentibus urbes
 Curia Roncaliis certo mandatur habenda
 Tempore, quo pacti leges, et publica jura
 Aut ea, quae fisci rationibus applicat usus,
 Omnibus in medium, strictè servanda, ferantur.
 385. Commemorare juvat, populo quod fortè sequenti
 Proderit exemplo: ne quis fore credat inultum,
 Quicquid in Augustos ausus committere Reges,
 Vel meditatus erat ³⁾: nam tempore servus eodem
 Argolici Regis (Graeci cognominis usu
 390. Hic Caniclinus erat ⁴⁾, nobis Camerarius idem
 Esse potest) domino secretâ fraude parabat
 Sanguinis insidias, et tres sibi criminis hujus
 Addiderat socios, quos ad mala grandia ⁵⁾ promptos

1) Abdua P. †. 2) patre Sp. P. R. RJo. †. 3) erit P. s. Rs. *

4) Camiclinus Sp. R. Rs. †. Calimicus B. ††. 5) Rs. rr. gaudia o.

Perdita sacrilegis audacia fecerat armis.

395. His malè praemonitis peragendae fraudis iniquae
Infandum mandarât opus : mox caede peracta
Usurpare sibi manibus diadema cruentis,
Et desolatum cupiens invadere regnum,
Nescius ipse sui tractabat inania fati.

400. Nam re compertâ, priùs illi lumina lictor
Fodit, et exertâ terebrato gutture linguâ,
Cum ¹⁾ sociis longâ cruciatum perdidit irâ. ²⁾

Jam loca jussa petens ex omnibus undique terris
Principis edicto clarus convenerat ordo;

405. Tantaque Roncalias magnorum turba virorum
Fluxerat, ut nec se similem vidisse priores
Crediderint, nec jam visuros esse sequentes
De reliquo sperare queant: tentoria ponunt
Undanti vicina Pado, quae more Latino

410. Ductus ab antiquo talis determinat ordo.
Semper in aequali Romanus tendere miles,
Si patitur natura loci, planoque laborat.
At si diffìcili fuerint loca pendula clivo,
Asperiusûe solum, primò correctâ labore

415. Complanare solet, jacto mox aggere fossam
Ducit, et ingenti cingit munimina vallo.
Protinus in quadram vergentia, sive rotundam,
Pro ratione loci ponit tentoria formam.
Principis in medio digno spectanda decore

420. Castra nitent, celsi speciem referentia templi.
Quem circa Proceres, condigno juris honore
Cuilibet exhibito, propiùs, seu longiùs absunt.
Inque modum magnae spatiosis frontibus ³⁾ urbis
Dirigit immensas ad portam porta plateas.

425. Ante fores ipsas regalia castra secuti
Artifices operum, seu qui venalia portant,

1) Quàm Pfl. ††. 2) longae . . irae B. †. 3) P. s. Rs. - rr.
fontibus. - Pfl. pontibus. ††.

Castra minora locant, faciuntque sub urbia quaedam.
 Sic tanquam subitis properata colonia tectis,
 Atque repentinae nova cernitur urbis imago.

430. Tunc quoque praescripti servato foedere moris
 Regia dispositis sederunt agmina cartris.
 Nec minus oppositae Ligures in margine ripae
 Atque alii cives tentoria juncta tenebant.

- Brixia quos genuit, quos misit Pergamus, et quos
 435. Italiae plures in iisdem partibus urbes.

Haec quoque castra suo porrecto ponte per amnem
 Continuare parat Princeps, biduoque labori
 Impenso, medias cinxit pons pervius undas.
 Nonina magnorum, quos praesens curia vidit,

440. Commemorare patrum, numerum, gentemque referre,
 Non satis est promptum, non ²⁾ multum pertinet ad
 Id potius certâ nobis ratione videndum, [rem.
 Quid bene dispositum, quid ab his feliciter actum,
 Quae nova prodierint tanto sub Principe jura,

445. Quasve recensuerit celeberrima curia leges.

Ergo sacros tantum patres, jurisque peritos,
 Et de Principibus paucos, quibus ipse timorem
 Norat inesse Dei, tacitis Fridericus adaptans ³⁾
 Colloquiis, triduo secreta negotia toto

450. Rimatur, jurisque vices, legumque tenorem
 Consulit: hanc illis gaudens injungere curam,
 Ut super Ecclesiae, seu regni jure, salubri
 Consilio monituque virum formare ⁴⁾ laborent.

- Tandem prolato post longa silentia vultu,
 455. In medio Procerum, spectabilis undique, coetu,
 Talibus ora modis Princeps facunda resolvit:

Si modò non frustra, quotiens in nomine Christi
 Trésue, duósue pari consensu juris amore
 Congregat, in medio perhibet se Christus adesse;

460. Quis dubitet tantis ad commoda tanta vocati

2) Nec m. Rs. * 3) adoptans? 4) informare m. Rs.

More suo mediū Primatibus affore Christum?
Absit, ut nos unquam Christi praesentia patres
Destituisse velit: quibus Ecclesiasticus ordo,
Imperii leges, et publica jura reguntur.

465. Nunc igitur Proceres, communi foedere juris,
Quidquid in Ecclesiae, vel regni commoda ritē
Pertinet, in medium Christo praesente feramus.
Ipse quidem, quamvis divino munere Princeps
Summus in orbe ferar, legumque immunis, et expers,

470. Non servire quidem cogar, sed condere jura
Fas habeam, vestris cupio disponere cuncta
Consiliis: nostro ¹⁾ non aegrè spondeo jussu,
Vel sancire novas, vel prius legibus uti.
Nam nihil, ut verum fatear, magis esse decorum,

475. Aut regale puto, quā legis jure solutum
Sponte tamen legi sese supponere Regem.
Gratia sit magno, qui temperat omnia, Regi,
Undique bellorum tumidos suppressimus aestus,
Bellatrix positis Alemannia conticet armis,

480. Et vetus Italici deferbuit ira furoris.
Sed veterum leges, edictaque regia longo
Justitio suppressa silent, quae Carolus olim,
Quae noster vulgavit Otho: vestigia juris
Pauca sui Italicis agnoscit fiscus in oris.

485. Consulite in medium, quas me vel ferre recentes,
Vel senium passas leges renovare velitis.
Ac primum moneo, quicquid statuisset libebit,
Utile sit, justum, naturae, moribus aptum,
Temporis atque loci patiens, et prorsus honestum.

490. Ast ego, quicquid erit, totā virtute tueri,
Et sancire paro: nec me regnante licebit
Has cuiquam nostras impunè lacessere leges.
Ac si quis tumidus praesumerit obvius ire,
Supplicium praesens, manifestaque poena docebit,

1) vestro?

495. Non magis invictum bello, quàm legibus esse.

Talia facundo regaliter ore sonantem,

Spectabat stupido miratrix curia vultu.

Quòd neque doctrinae studiis imbutus, et aevo

Paenè puer, canos, scripturarumque peritos,

500. Sensibus, et blandâ praecederet arte loquendi.

Protinus ingenuo quidam sermone disertis

Ora fatigantes, pro consuetudine gentis,

Sive suum Regi studium jactare volentes,

Sive facultatem potiùs monstrare loquendi,

505. Officio linguae, studiisque loquacibus illum

Insumsére diem: quos inter clarior unus,

(Praesul erat Ligurum) vix exaequanda relatu

Gaudia cunctorum, facundo protulit ore.

Omnibus, à primo quos, inquit, vidimus, aevo

510. Laetior iste dies, et clarior esse meretur,

Cùm te pacificum populi mitissime Princeps,

In medio residere sui, ¹⁾ legesque citantem

Hactenus extinctas, gaudens videt Itala tellus.

Haec est illa salus, quam tot jactata procellis

515. Expectare solet miserae sors naufraga terrae.

Scimus ab antiquo, quantos qualesúe tyrannos

Senserit Italicae fortuna miserrima plebis,

Cùm totiens proscripta bonis, addictaque ferro,

Aut spoliis nudas, ²⁾ aut sanguine pasceret iras.

520. Nec legem ratio, sed Regum sola libido

Poneret, et ferro gaudens, non jure potestas.

Nec minus infestis gens haec malefida tyrannis,

Atque his saepè suo conata resistere damno,

Pressa metu potiùs, quàm laeta favebat amore.

525. Hinc odium populis, et seditiosa simultas,

Et furor Italiae multos grassatus in annos

Prodiit, et geminas fecit dissensio partes:

Et partim patriae, partim regnantibus urbes

1) tui? 2) tumidas pp. Rs. †.

Adsisunt: saevoque diu collisa fragore

530. Bellorum, alternam senserunt moenia cladem.

Quis Ligurum caedem, quis vulnera saeva Papiæ,

Quis referat Cremae, quis tristia damna Cremonae?

Haec inter varias oppressis legibus urbes,

Exarsit rabies, et longa licentia ferri.

535. Tu velut eximium post tristia nubila tandem

Sidus ades, tu bella fugas, pacemque reducis:

Tu leges et jura novas: te praeside rerum

Grata redit facies, certusque renascitur ordo.

Nunc age, divinae, quicquid ¹⁾ sententia mentis

540. Dictabit jus esse, jube: pro lege voluntas

Principis esse solet: quicquid decreverit ille

Esse ratum, mos ²⁾ est et juris habere vigorem.

Utere jure tuo, quicquid rectum^{ue} pium^{ue}

Esse putas, servare jube: nos verò ³⁾ volentes

545. Omnia suscipimus: libertas maxima nobis

Tam placido parere viro. Sic ore diserto

Praesul in assensum Regis propensius omnes

Impulit, et magno percussit corda favore.

Tunc quoque compositis quidam resonantia verbis

550. Regia Caesareae cecinerunt carmina laudis.

Postera lux aderat, solio reverendus in alto

Consedit iudex: ex omnibus undique multi

Urbibus ac vicis aderant, querulique ferebant

Innumeras clamore cruces (hoc quippe querelas

555. More solent aperire suas.) Rex omnibus aures

Commodat, et querulis iudex clamoribus idem

Aequus adest, certo dirimens examine lites.

Sed quia tam multis finem dare curia praesens

Non poterat caussis, placuit satis utile quiddam

560. Ingenuo pulchrumque Duci, cunctasque per urbes

Edoctos in jure viros, verique sequaces

1) P. s. Rs. - rr. quicquam o. 2) fas V. †. 3) P. s. Rs. - rr. vera. o.

- Imposuit, medio qui cuncta negotia juris
 Limite discuterent, nec eos ex urbibus iisdem
 (Ne favor aut odium sensus corrumpat eorum,)
565. Sed magis ex aliis ad munera pulchra vocatos
 Elegit, sacrâ vel delegavit ab aulâ.
 Postea sollicitè regni de jure vetusto
 Quaestio mota fuit, quod desuetudine longâ
 Priscus inumbrabat neglecti temporis error.
570. Ac primùm Ligures super hoc à Rege rogati,
 Vectigal, portus, cudendae jura monetae,
 Cumque molendinis, telonea, flumina, pontes,
 Id quoque quod fodrum vulgari nomine dicunt,
 Et capitolitium certo sub tempore census,
575. Haec Ligures sacro tribuerunt omnia fisco.
 Haec, et si qua pari fuerant obnoxia juri,
 Praelati, Proceres, missisque potentibus urbes
 Libera Romano liquerunt omnia regno.
 Tanta tamen clari fuit indulgentia Regis,
580. Ut quicumque bonâ priscorum munera ¹⁾ Regum
 Hactenus ista fide possederat, ²⁾ idque probare
 Legitimis poterat, vel demonstrare tabellis,
 Principis assensu, titulo gavisus eodem,
 Nunc quoque possideat: reliquis in jura relatis
585. Regia, librarum triginta millia puri
 Annuus argenti fisco solet addere census.
 Tunc Proceres stabilem jurando nectere pacem
 Rector, et adjectâ certo sub nomine poenâ,
 Italicas latè jussit vulgare per urbes.
590. Mox de communi feudorum jure, quod illâ
 Perspicuis nondum scriptis expresserat aetas,
 Has dedit, et scriptis jussit notescere leges.
 Si quis habens feudum, pretio seu vendere totum,
 Seu pro parte velit, dominique licentia desit,

1) munere Sp. P. R. Rjo. †. 2) P. s. Rs. - rr. possideat o.

595. Seu dare, seu vadio supponere cogitet ¹⁾, illud
 Qui dedit, amittet, non qui suscepit habebit:
 Nullaque vel longi praescriptio temporis obstet,
 Quò minùs ad dominum redeant translata priorem.
 Emptorique ²⁾ bonae fidei praestetur in illum
600. Actio, quae pretium cogat redhibere solutum.
 Haec magnus fieri vetuit Lutherius; at nos
 Facta retractari volumus, facienda caveri.
 Successor feudi, totum si fortè per annum
 Atque diem, tacto primae jam tempore pubis
605. Sive dolo, seu desidiâ, seu mente superbâ,
 Spreverit à domino feudalia poscere jura,
 Perdat, et haec dominus proprios assumat in usus.
 Publica militiae vasallus munera justae
 Non renuat, dominique libens in castra vocatus
610. Aut eat, aut alium pro se submittat iturum
 Arbitrio domini: vel quam ³⁾ laudaverit ille,
 Compenset, redimatque suum mercede laborem.
 Si patris dominum vasalli filius acri
 Laeserit offensâ, festinet providus illum
615. Conciliare pater: quod si contemnit agendum;
 Munere privetur: si verò audire monentem
 Filius indomitâ neglexerit aure parentem,
 Non erit in feudo successor idoneus illo, ⁴⁾
 Ni priùs accensam domini placaverit iram.
620. Si tuus ex feudo cuiquam vasallus idipsum
 Contulit, atque tuo vasallum munere fecit
 Ipse sibi, si fortè tuam jam tertius ille
 Successor meruit factis atrocibus iram,
 Nec tibi pro culpâ domino mediante secundo
625. Pecerit ipse satis, reprobato pròtinus illo
 Ad dominum redeant feudalia jura secundum.
 Si tuus ille suum tibi conciliare fidelem

1) Rs.- rr. cogitur o. 2) P. Rs. et Rjo.- rr. Praetorique o.

3) q^{ua} pp. Rs. 4) ille B. *.

Spernit, et aut torpens, aut perfidus esse probatur,
Ambobus spretis ad te tua jura recurrent.

630. Inter vasallos unius fortè patroni

Quaestio de feudo quotiens agitur, eodem
Quo feudi domino gaudent, hoc iudice certent.
Si tibi pro feudo, quod te tribuente fatetur
Acceptum, tu vero negas, vasallus agendam

635. Fortè movet litem, non tu, sed curia iudex
Audiat, et certo determinet ordine causam.

Marchia, seu Comitatus possessio, sive Ducatus,
Integra permaneant: feudalia caetera multis
Participanda patent, domino dum quisque fidele

640. Spondeat obsequium, jurandaque foedera praestet.
Sic tamen, ut dominos ejusdem nomine plures
Vasallus feudi non compellatur habere.

Praeterea quotiens feudali jure recepto
Vasallus domino fidei iuramina praestat,

645. Excipiendus erit Romanus nomine Princeps.

Omnibus his leges voluit subnectere pacis
Caesar, ut extremo positus in fine loquendi
Vocibus, admonitas penetrarent altius aures:

Omnibus in nostro, quod toti praeminet orbi,

650. Gentibus et populis edicta potentia ¹⁾ regno
Tradimus: ut cuncti bellorum clade remotâ,
Tempore jam nostro pacis servare quietem
Incipiant homines: poenasque nocentibus ultrò
Addimus, et justam legum proponimus iram.

655. Hanc Proceres cuncti, Comes, an ²⁾ Dux, Marchio,
Et cum iudicibus, capitanea turba, verendis, [Consul,
Miles, paganus, civis simul atque colonus,
Et cum plebejo pariter grege nobilis ordo,
Omnes hanc inquam penitus, quoscunque non aetas

660. Pupillaris habet, non ³⁾ septuagesimus annus
Contigit, in medium concordii foedere jurent.

1) patentia B. * 2) ac Pfl. * 3) nec. . nec. m. R. *

- Ac ne fortè sacrae veniant oblivia pacis,
 Singula juratam renovent quinquenia formam.
 Judicis officio sua cuncti jura sequantur,
665. Contineantque manum: vaginae redditus ensis
 Torpeat, et scabie rubeat, non sanguine ferrum.
 At siquid temerè contemptis legibus actum,
 Et violata sacrae fuerit reverentia pacis:
 Urbs centum libris puri mulctabitur auri,
670. Oppida vicienis: at Marchio, seu Comes, aut Dux
 Quinquagena dabit laesâ pro pace talenta;
 Magnates bis dena viri, bis terna ¹⁾ minores.
 Vulnera, vis, caedes, livor, mutilatio membri,
 Insidiae, fraudes, injuria, furta, rapinae,
675. Damnaque legitimis mulcentur subdita poenis.
 Major, qui pacis noxas punire recusat
 Convictus judex, fulvi bis quinque metalli
 Appendet libras, damnumque resarciēt omne
 Legis ad arbitrium: minor atque pedaneus in tres
680. Condemnandus erit: cujus fortuna laborans
 Non potis est auro poenales solvere noxas,
 Arctatum vinclis, gravioraque verbera passum,
 Sedibus à patriis hunc quinquagesimus annos
 Amoveat per quinque lapis, tandemque reverti
685. Fas sit, et optatos patriae contingere fines.
 Ne conventiculum, vel conspiratio fiat,
 Sive sodalitiū, seu juncti sanguinis astu
 Urbibus in nostris, tali sub lege vetamus:
 Qui convictus erit librâ mulctabitur auri.
690. Pontifices, sanctique patres anathemate sacro
 Spretores pacis, damnataque legibus ausos
 Intrepidè feriant, humanaque jura supernis
 Legibus, et justum studeant sancire timorem.
 Hactenus Italicas fieri consueta per urbes,
695. Angariisque sacras etiam vexare frequenter

1) Hotmannus ex Radevico. - Edd. bissena.

Ausa domos, clerumque¹⁾ suis, exactio cesset:
Aut exacta duplo redhiberi plura iubemus.

Qui pacis jurare modum formamque tenere
Improbis abnuerit, quae possidet omnia vulgo
700. Diripienda patent, evertendique penates.

Qui violatorem pacis fovet, atque receptat,
Consensu culpae meruit consortia poenae.

Iuramenta metu, mortisue dolore coacta,
Praecipue ne quis multis nocitura loquendo
705. Publicet, aut in se crudeliter acta queratur,
Nullius meriti vel ponderis esse iubemus.

L I G U R I N I.

LIBER NONUS.

Inter caussantis creberrima jurgia turbae,
Et querulas variis ex urbibus undique lites,
Magna Placentinos et pulchrae rixa Cremonae
Vexabat cives, et adhuc vetus illa simulas
5. Spirabat, stimulisque viros agitabat acerbis.
Nam licet has junctis connexas finibus urbes
Gurgite vix medio dirimat Padus, illa Papiæ,
Haec urbi Ligurum, concordi foedere juncta,
Hactenus alternas studiis hostilibus iras,
10. Atque graves odii stimulos agitare solebant.
Sed tunc antiquis accesserat haec quoque caussis:
Nam dum Roncalias peteret Fridericus, eumque

1) W. & Edd. plerumque, nullo sensu o.

- Signa Cremonensis sequerentur bellica turmae,
Emisit tumidos inimica licentia cives,
15. Irritansque viros, quasi per colludia quaedam
Instituit verum collato milite bellum.
Nec sine caede quidem, nec prorsus sanguinis experta
Pugna fuit, sed utrâque viris ex parte peremtis
Praebuit alterno casus solatia damno.
20. Ergo Cremonenses caussâ meliore, simulque
Ingenuis freti facundi laudibus oris,
Acribus invidiam stimulis, et Principis iram,
(Quippe nec illicitos satis excusantibus ausus
Hostibus) accumulanti: donec vix denique multo
25. Aere dato, talique reis est reddita pacto
Gratia: dejectis ut totâ turribus urbe
Moesta ruïnosis lacerarent moenia muris.
Quasque metû Regis coepissent ducere, rursus
Ingesto patulas implerent aggere fossas.
30. Hactenus Italicis pulchro satis ordine rebus
Dispositis, ad quaeque volens extendere Caesar
Anteriora ¹⁾ manum, Tyrrheno gurgite clausos
Sardiniae fines, et Corsica rura potenter
Conciliare suis parat atque adsciscere regnis:
35. Atque ideo geminos procures praemittere, quorum
Hic Comes, hic Praesul; suspectaque pectora gentis
Pacem, an bella velint, cogendi, an sponte sequantur,
Attentare libet. Securos Ianua missis
Altaque Pisa viris aditus praestare iubentur.
40. Utraque Tyrrhenas longè metuenda per undas,
Utraque famosis latè vulgata triumphis
Quid tamen inciderit, cur haec legatio finem
Non fuerit sortita suum, perpendere nobis
Inde licet: quod ab his regionibus utraque sedes
45. Plurima ferre solet dominatu commoda longo.
Unde satis liquidè mandata negotia regni
- ¹⁾ Ita. A. - rr. ulteriora.

- Praepediisse queunt occultâ fraudē videri.
 Sed neque tuta dolo versutae Ianua plebis,
 Nec sale Tyrrheno, nec quos natura locorum
 50. Vix aditu stricto, multoque labore petendos
 Opposuit montes, irati Principis acres
 Evaluit vitare minas: veniâque petitâ
 Vix pretio fraudem marcarum mille redemit.
 Hoc tamen adjecto, ne claudere pergeret urbem,
 55. Iussus ab incepto populus desistere muro.
 Coeperat aestivis succedere torpida castris
 Converso jam bruma gradu, placuitque potenti
 Multimodoque Duci, terrae melioris opima,
 Intactosque priûs diducto milite passim
 60. Et latè sparsis fines insidere castris.
 Nec mora, frugiferis opulentam finibus Albam
 Occupat, hibernis satis hospita moenia castris.
 Hic quanto poterat Princeps terrenus honore
 Proxima siderei coluit natalia regis.
 65. Inde per Etruscas legatos destinat urbes,
 Campanasque domos, et quas in littore curvo
 Aequarei lavat unda salis: qui debita fisco
 Iura vetusta petant; per quos statuuntur in omni
 Urbe magistratus, et civica quaeque potestas.
 70. Praeterea reditus cunctis de finibus illis,
 Quos formosa priûs possederat illa Mathildis,
 Pluribus invasos Rex in sua iura retraxit.
 Inde recollectos, et tanquam corpus in unum
 Partibus ex multis quadam gravitate reductos,
 75. Nescio quid prisci juris habere volenti,
 Ac velut haeredi, cumulato munere Princeps
 Concessit Catulo, qui Regis avunculus, illo
 Tempore Dux validus felicia castra nepotis.
 Milite non pauco, mentisque vigore juvabat.
 80. Hunc ex Romano Catulorum sanguine clarum,
 Et genus, et nomen (nisi fallit fama) trahentem,

Teutonicus verso Guelphonem nomine sermo
Dixerat, ambiguae deceptus imagine vocis.

Inter successus laetos, et prospera rerum

85. Magna repentino Regem jactura dolore
Perculit, et placidae turbavit gaudia mentis.
Nam Procerum multi, seu qui sub Principe claro
Castra sequebantur, seu qui sub pace quietâ
Teutonicas urbes, nataliaque arva tenebant,

90. Extremum clausere diem. Quo tempore Praesul
Ille Frisingus Otho, majoris causa doloris
Exitit ingenuo compertâ morte nepoti.

Hic patruus Regis, studiis in utrisque peritus,
Regia signa sequi semper consueverat; at nunc

95. Credo equidem revocante Deo, languore gravatus
Manserat, ut medius fratrum, clerique gementis

Inter luctificos psalmis modulantibus hymnos,
Non in castrorum strepitu, ferrique fragore
Expirare sacram divini muneris ¹⁾ auram

100. Posset, et aethereo tandem sua reddere regi.

Interea veterem pravis auctoribus iram

Summus, et extinctas animo refricare querelas
Coeperat antistes, magnumque Potentis honorem
Anxius invidiae stimulos Adrianus habebat:

105. Praecipue postquam sua jura recognita fisco

Assensu Procerum per cunctas comperit urbes,
Indoluit facto, quantumque videbat honoris
Accessisse Viro, tantum Pater ipse putabat
Decessisse sibi: tunc quicquid atrocius actum

110. Antè videbatur, legatorumque, suosque
Contemptus, regnique minas, mandataque duris
Asperiora notis, ceu quaedam pabula flammae,
Invidiaeque faces, ardenti sponte carmino
Adjicit, et rapidos fornaci suggerit aestus.

115. Haec quoque causa recens aderat, quòd regia missi

1) luminis B. (?)

- Quaerere jura, Viri, dum per castella, locosque
 Pontificis summi mandata fidelius aequo
 Publica conficiunt, nimia feritate timendi
 Insolito miseris urgebant pondere cives.
120. Ergo novâ veterem causâ stimulante dolorem,
 Gaudebat crebris Regem culpâre querelis,
 Injustum, saevumque vocans, regnoque superbum,
 Ingratumque sibi, qui tanti culminis ultro
 Nomen, et Imperii summum tribuisset honorem.
125. Ac primum scriptis levioribus, atque¹⁾ paterno
 Affatu suadere Viro; mox acrius illum
 Corripere, et nimium verbis instare molestis.
 Nec minus ille vicem maledictis reddere gaudens
 Verba remittebat chartis odiosa superbis.
130. Sic alterna ferens diversae jurgia partis,
 Acrius incensas stimulabat epistola mentes:
 Conflictuque gravi totius maxima mundi
 Nomina, magnarum quatiebant praelia rerum.
 Nec fuit ambiguum, multis (si credere fas est)
135. Pontificis summi scriptis, crebroque rogatu
 Pelleptos Ligures, iterum cervice rebellantem
 Abrupisse sacras, contempto foedere, leges.
 Ergo ubi cum claro praesul Rainaldus Othone,
 Signifer hic prudens, et¹⁾ Cancellarius ille,
140. Et Comes eximiae laudis Gozvinus, ad urbem
 Magna peracturi venere negotia regni;
 Infremuit, coepitque furens concurrere vulgus.
 Quaque receptus erat Praesul famosus in aede,
 (Nam Comitès ambo muros, suspectaque cauti
145. Mœnia vitantes, extrâ prudenter agebant)
 Hanc lapidum saevo Ligures evertere jactu,
 Atque ipsum magni legatum Caesaris, altâ
 Pontificem famâ, mentisque vigore timendum,
 Certatim saevo properabant tradere letho.

1) Signifer hic, prudens at etc. Rs. †.

150. Nec prohibere potest Regi devotior ipsa
 Nobilitas, nec qui sociâ concivis in urbe
 Egregium nomen guido Blandratensis habebat.
 Vix tandem rabidas, ejusdem praesule sedis
 Subveniente, minas effugit Praesul, et urbis
155. Pestiferae muros, infidaque tecta relinquit.
 Protinus infectis legati regia rebus
 Castra petunt, sociasque gradu properante catervas.
 Interea Regum legatio fida potentum,
 Diversis studiis ad magni Caesaris aures
160. Attulit ex variis mandata recentia regnis.
 Principis Argolici quidam mandata ferentes,
 Securos in castra gradus, pacemque petebant.
 Iam dudum siquidem Stabulensis ¹⁾ morte Guibaldi
 Quem lux ²⁾ Argolicis oppresserat ultima terris,
165. Suspectos Regi sese vehementer haberi
 Audierant, gentemque suam purgare parabant.
 Nec minus Hungariae Rector in fraude recenti
 Comperitâ Ligurum, mandata fidelia pacis
 Scripserat Augusto, pluresque prioribus illi
170. In poenam sceleris spondebat mittere vires.
 Anglus, et urbanis illo qui tempore Gallis
 Rex erat, ambo viros ad regia castra fideles
 Legarant: pacisque fidem, magnique favorem
 Caesaris, oblati certabant poscere donis.
175. Hos inter Reges vetus et gravis inde simultas
 Orta ferebatur, quod Galli Principis uxor
 Coniuge dimisso Rectori nupserat Anglo.
 Inde ferox odium, stimulisque ardentibus ira,
 Saevaue limitibus dirimendis bella furentes
180. Vexabant: ideoque sibi properabat uterque
 Alterius damno consciscere Caesaris arma.
 Hos omnes hilari vir prudentissimus ore

1) Edd. post. A. Stapulensis †. 2) P. ss. Rs. et RJo. - rr.
 dux o. - Pfl. crux † †.

Laudavit, donisque suis dimisit omnes:

Interea reduces legati castra subibant,

185. Foeda reportantes Ligurum criminis aesa.

Cognita res cunctos, Regemque ferocibus ipsum

Concussit stimulis, iterumque recandunt ira.

Ne tamen Augusto quoloquam sub Principe certo

Ordine non fieret, rursus tribus esse citandos

190. Edictis Ligures, juris suasere periti.

Quae postquam tumida spreverunt mente superbi,

Curia damnatos regni denunciat hostes.

Utque viros justae stimulis gravioribus irae

Rursus ad armiferos incenderet ipse labores,

195. In medio Procerum coetu, vulgique coronâ,

Talia melliflue Fridericus protulit ore:

Saepe quidem vestras ad praelia cogere vires,

Et fidas adhibere manus, iterata malorum

Improbitas, Ligurumque frequens injuria cogit.

200. Res onerosa quidem, nec si dubitabilis esset

Grata ¹⁾ fides, totiens ad magna negotia pigras

Atque recusantes auderem poscere dextas:

Sed quia communis labor est, vobisque minori,

Quàm mihi, quod geritur, curae non suspicor esse,

205. Auxilii quotiens vestri, certique favoris

Tempus eget, regnumque recens fortuna lacessit,

Tutus ²⁾ ad invictum vestrae virtutis amorem

Confugio, certusque manus imploro fideles.

Scitis, et horrendum vobis, durumque ³⁾ videri

210. Ceu mihi, non dubito, perjuræ saepius urbis

Prodigiale nefas, quam vix modò munere nostro

Delicti veniam, fructumque salutis adeptam,

Excitat in solitos feritas recidiva furores.

Quae jam de reliquo fidei pacisque tenendae

215. Spes superesse potest, cum sacramenta, fidesque,

Totque vades Italas nostro sub jure per urbes

1) certa, Pfl. †. 2) Ita A. s. R. - rr. totus †. 3) durumque?

- Infidae rabiem nequeant compescere plebis.
 Det poenas perjura graves, crudelia tandem
 Facta luat, meritòque cadat, quae ¹⁾ stare recusat.
220. Audierant, aliusque alium certante favore
 Praeveniunt, stimulisque virum majoribus urgent.
 At Rex rem tantam, tantique laboris egentem,
 Non nisi Teutonico peragendam robore credens,
 Germanos Proceres, cognataque signa nepotis
225. Baugariae Ducis, atque alios plerosque potentes,
 Teque thori sociam sacri generosa Beatrix,
 Ex transalpinis ad sese convocat oris.
 Ipse per Italicas, paucis comitantibus, oras
 Undique discurrens, bello quaecumque sequenti
230. Vel prodesse sibi, vel obesse putaverat hosti,
 Accelerat, castella viris, armisque, cibisque
 Instruit, atque novam valido munimine Laudam
 Cingit, vicini ²⁾ passuram pondera belli.
 Cumque sibi fidae tetigisset moenia Cumae,
235. Belligeras vires, atque auxiliaria poscens
 Agmina, plura suis ultrò collata petitis
 Accepit, fidae gavisus plebis amore.
 Cumano praeincta lacu jacet insula quaedam,
 Belligeris foecunda viris, quae foedere prisco
240. Infidae Ligurum sese sociaverat urbi:
 Navigioque potens, piratica bella gerendo,
 Gaudebat crebris stagnum infestare rapinis.
 Hanc Rex ob varios bellorum providus usus,
 Conciliare suis sapienter cogitat armis.
245. Nec fuit hoc frustra: structâ nam classe, paranti
 Assaultum, bellumque Viro, devecta carinis
 In medium plebs illa lacum, victore recepto
 Cessit, et ex illo generoso tempore Regi
 Fida fuit, puroque fidem servavit amore.
250. Tunc quoque conceptum, tacitumque Placentia
 [virus

1) quia pp. Rs. †. 2) W. + Edd. Ticin. nullo sensu.

- Quo minus evomeret, sese cohibere nequivit.
 Nam dum Caesarei per fines urbis iniquae,
 Nomine pœnali quae Ianua solverat, aera
 Legati ferrent, ipsâ mox urbe latrones
 255. Egressi, spoliare viros, et regia foedâ
 Non timuere manu contingere turpiter aera.
 Ergo gravi Princeps ex hoc quoque concitus irâ,
 Majestate sui securus nominis, ultrô
 Ingreditur trepidam, paucis comitantibus, urbem,
 260. Regalesque minas, metuendaeque verba superbis
 Civibus incutiens, vix exoratus ab illis,
 Quam tulerant summam, concessâ pace recepit.
 Instabat veneranda dies, qua Christus ab imo
 Ora solo turbæ referens optata fideli,
 265. Victor ab infernâ captivos sede reduxit:
 Hanc²⁾, quanto potuit, Mutinensi Caesar in urbe
 Egit honore diem, finesque Bononia juris
 Ingreditur studiosa tuos, ubi castra, suasque
 Tempore jam longo non visas ille cohortes
 270. Liquerat, eximio magnis in rebus Ebrardo.
 Ergo ubi legitimis Ligures jam saepè citatos
 Edictis sprevisse videt, nimumque tenaci
 Proposito fixisse pedem, ne vel modô quicquam
 Praecipitanter agat, famosâ Rector ab urbe
 275. Praecipuos in jure viros, legumque peritos
 Evocat, et quae sit contemptus poena requirit.
 Quae discussa diu, cunctorum denique talis
 Iudicio descripta fuit: direptio rerum,
 Servitium populi, subversio funditus urbis.
 280. Intererant³⁾ castris à summo Praesule missi
 Prudentes, clarique viri, Guilelmus, et ille,
 Qui post schismaticâ longum feritate rebellis
 Perstitit ad tumulum, sucesorique reliquit.
 Hi post sermonum primordia blanda suorum,

1) superbus? 2) Rs. - rr. hunc o. 3) Intereant Sp. P. o.

285. Et delinitas fauendis vocibus aures,
Aspera, nec placidâ Friderico mente ferenda
Attulerant, certis ita definita figuris
Non licet Augusto, nisi tantum Praesale summo
Commivente, sacram legatos mittere ad urbem,
290. In qua jura Petrus meritò tenet omnia solus.
Non licet ¹⁾ et fisco castella, vel oppida Papae,
Collectis urgere suis, nisi tempore tantum,
Quo Princeps primam Romae gestare coronam,
Imperiique novae admittens gaudet honores,
295. Pontifices Italos homines ²⁾ non expedit esse
Principis, ad fidei modò juramenta vocandos.
Non licet et ³⁾ cuiquam Regis mandata ferenti
Pontificum vexare domos: hunc more vetusto
Solum ritè sibi Princeps defendit honorem.
300. Quicquid ad eximium rectorum patrimonia Petri
Pertinuit dudum, possessio, sive tributum,
Restituatur ei: comitissae terra Mathildis,
Et Spoletanus sub eodem jure Ducatus
Quicquid ab excelsis Romanae moenibus urbis
305. Pendentem sejungit Aquam, Ferraria, Massa,
Et cum Sardois uberrima Corsica campis,
Pontifici summo prisco de more tributum
Solvat, et antiquas justo sub canone leges.
Haec satis argutis rationibus omnia Princeps
310. Extenuans, doctis dissolvit singula verbis,
Opposuitque suam ruptâ de pace querelam,
Quam secum tali firmatam lege ferebat:
Ne cum Romanis, Siculo, Graiòue tyranno
Ipsius injussu sociaret foedera Praesul.
315. Denique vel stricto juri, legumque rigori
Stare, vel arbitrio sapientum velle virorum,
Facturumque satis, suscepturumque libenter

1) P. s. Rs. - rr. liceat. 2) W. Edd. omnes, nullo sensu.

3) P. s. Rs. - rr. itidem: liceat.

- Conditione pavi esse promissit: at illi
 Arripisse quidem, sed non praestare paratos,
 320. (Ridiculum quiddam) sese venisse, ferebant.
 Nam se iudicio Papam, qui iudice nullo
 Fungitur in terris, supponere posse negabant.
 Pluribus exhibitis frustra, subiecit et illud
 Caprar, et electi bis tres a Praesule summo,
 325. Totque sua de parte viri, quibus omnia vero
 Postponenda quidam certâ ratione putentur,
 Omnia sollicitâ dirimenda negotia curâ.
 Suscipiunt, certoque Dei peragenda timore.
 Sed neo in hoc Praesul consensit, et omnia nutu
 330. Ine suo cupiens, iustas se subdere legi
 Respuit, ut magnae causas qui quaereret irae.
 At Ligures tabitae molimina fraudis in actum
 Saevitiâ proferre parant, Trecinimque, quod illia
 Ereptum valido jam dudum milite Rector
 335. Munierat, terrore gravi, validâque mimantur
 Expugnare manu; tormentaue hellica raptim
 Secreto fabricata dolo, subvectaue planstris
 Arte¹⁾ gravi se juncta ferunt, magnâque repente
 Mole levant, castrumque novis assultibus urgent.
 340. Missilibus telis alii, celerique sagittâ
 Moenia summa petunt, lapides agitata minores
 Funda rotat: magnos³⁾ balearica machina muros
 Incutit⁴⁾, et duro munimina verberat ictu.
 Ast alii olypeis densâ testudine junctis
 345. Fossarum supplere lacus, murosque latenti
 Suffodisse dolo, seu duri roboris ictu
 Frangere, seu gradibus scalarum scandere turres
 Acriter, et celsas properant comprehendere pinnas:
 Hoc magis urgentes, quod⁵⁾ regia signa propinquis

1) A. tenore o. 2) B. - Edd. Marte. 3) magnis (scil. lapidibus Rs. †. - s. magnis . . . muris *. 4) Percutit? 5) quo
 mm. Rs. et B. *

350. Finibus, et magnas molebant Caesaris iras.
 Nec minus è summis androsi turribus, hostes
 Saxa rotant, franguntque suos in praelia muros.
 Undique tela pluit, balistae turbine ruptus
 Sibilat, et longis resonat stridoribus aë.
 355. Prima sequensque dies coepta momenta labori
 Magna dedit, victos patefecit terga muros.
 Namque 1) fatigatis toto jam corpore nostris,
 Nec revocare animum 2), nec respirare licebat,
 Aut mutare locum, prout quem quinque tuendum
 360. Ceperat: at Ligurum sibi mutua signa, frequenter
 Succurrunt, mutantque vires, semperque videtur
 Augeri numerus, semper succrescere vires.
 Succubuit numero virtus, saevoque tumultus
 Effractae patuere fores, pugnaque juvenbus
 365. Aut misero gladios hostiles sanguine tinxit,
 Aut tulit injectas colles, manibusque catenas.
 Hic 3) tamen in duris habito discrimine rebus
 Nam quocumque illic viator de gente Latina
 Repperit, ense ferox, et inexorabilis omnes.
 370. Perculit, let ferrum gentili sanguine payit:
 At quos Teutonici manifestè sanguinis index
 Lingua venustabat, tractandos mitius esse
 Credidit, et captis sublatâ caede pepercit;
 Bisque 4) quater dehis, regni quos fama clientes
 375. Vera fatebatur, in vincula dura coactis,
 Infandis alii perierunt caedibus omnes;
 Ipsaque castelli fractis munimina muris
 Eversa, et rapidae ceciderunt 5) tradita flammae.
 At Caesar tantae comperto vulnere cladis
 380. Indoluit, luctuque gravi commotus, et irâ,
 Continuit gemitum, pressitque in corde dolorem,
 Fortia Principibus praebens exempla dolendi.

1) Rs. - rr. jamque. 2) animum Pl. †. 3) Hoc m. Rs. †.

4) W. - Edd. hisque o. 5) cesserunt Pl. †

- Non placuit meritis notari, cum poenae
 Eliscius suos, antebella movere, priusquam
 385. Curia Ronealis jam dudum indicta coiret.
 Hoc Ligurum fraudes, et fœdera rupta, suasque
 Omnes offensas mirantibus, atque superbas
 Perfidiam plebs justo damnantibus oro,
 Edidit, atque suae conscivit robora caussae.
 390. Protinus hostiles infesto milite fines
 Ierunt, et sacros ferro, simul igne, rapinâ,
 Depopulatur agros, flous, et vinetaque ferro
 Caedit, et arboreos detracto cortice truncos
 Excoriat, nullis ultra jam foetibus aptos.
 395. Utilius reputans damnis, quam sanguine fuso
 Deterrent reos, tumidasque retundere mentes.
 Aut si forte truces vel sic resipiscere nolint,
 Vel famis exitio, sumtu brevioris ciborum,
 Consumati pereant, vel deditione supremi.
 400. Sequē, suosque simul cogantur tradere muros,
 Praeterea partes *) posito custode per omnes,
 Abstulit utilium clausis commercia rerum,
 Neve quis hostili venalia deferat urbi,
 Audenti poenam, prodenti praemia fixit.
 405. Saepè fores urbis stipatus milite forti
 Accedit, tutos ut moenibus evocet hostes.
 Saepius egressos impunè, iterumque reversos,
 Egregiâ tandem Fridericus fraude fefellit.
 Eductosque suâ Ligures paulisper ab urbe,
 410. Conversosque fugâ, sociis praecurrere jussis,
 Faucibus angustis intercipit, atque negato
 Portarum ingressu, captis, ferrôue perântis
 Pluribus, incolumes vix paucos reddidit urbi.
 Cùmque procul Ligurum fines penetrasset, agrosque

1) P. ss. Rs. et RJo. - rr. fines o. 2) W. - Edd. vers. 399 ante v. 398. 3) supremâ Adolph. Boethius monente Rs. *

4) Sic A. - rr. portas †.

415. Depopulatis, magno momenta potentia bello.
 Adderet, hostili velox, equitatus ab urbe.
 Quingentis juvenes, armis, armisque valentes
 Regia translatae petierunt (moenia Laudae).
 Inventosque greges, latis armenta quoque campis.
420. Ad sua converso cegebant moenia cursu.
 Hunc Dux Abconae raptis Guarnerius armis,
 Atque alius, sub quo tunc praesule dives agebat
 Mantua, praecipuae meritis praecomia famae,
 At targo, juvenum validâ comitante catervâ,
425. Horribili clamore premunt, praedâque receptâ,
 Senque decemque viris Liguim de gente peremptis,
 (Vix alios moris pavidos uirba moesta recepit.)
 Jamque quater denis ferro flammâque dictus
 Inolitus hostiles Princeps vastaverat agros,
430. Oppidâque et validis munitâ, terribus arces
 Ceperat, inter quas nulli superabilis antea
 Cesserat, invicto quaedam munitio Regi,
 Quam Montem sancti plebes vocat illa Joantis.
 Jamque ferè cunctis inutil laborat undique membris
435. Infidum reprobumque caput, tantumque relictis
 Caetera subdiderat victor sibi castra duobus.
 His aliud quiddam pulchrum fortuna recensaque
 Addidit, et largi cumulavit dona favoris.
 Namque suos equites opulenta ¹⁾ in rura Cramognac,
440. Et praedabundas emiit Brixia ²⁾ turmas.
 Cumque per invâsos latè discurrere fines
 Coepissent, nulloque metu ventura caverent.
 Praemoniti dudum latebrosis sedibus hostes
 Proiliunt, terrentque viros, funduntque, fugantque,
445. Attonitosque necant, et fervum sanguine pascunt.
 Sic sexagenos equites, peditesque trecentos.
 Vel gladius fudit, vel constrinxere catenae.
 At Caesar reprobae vastatis finibus urbis

1) opulentae Rs. †. 2) A. Brissia.

- Fidâ suae cepit victor munimina laudae
 450. Hic jam dimissis Italis, iuxta signa, torbida
 Et transalpinae libet expectare cohortes.
 Creverat interea Ligurum cum tempore postis,
 Appositisque malum capiens augmenta diebus
 Ingruerat, totamque fange possederat urbem.
 455. Non tamen infastos homines mala tanta docabant
 Poenituisse sui, quos desperatio tutos optata
 Fecerat, exclusâ certae formidine cladis.
 Unde nec insidias infandae, occultaque mortis
 Expavere sacro molimina reddere. 1) Regi
 460. Proptinus immani metuendum corpore quendam,
 Cuique erat ex facili verum simulare favorem, 2)
 Allectum pretio stimulant, ut regia castra,
 Vesanum simulans verbis ac gestibus, intret,
 Exceptumque dolis, invento tempore, Regem
 465. Interimat, quocunque modo: nec tardior ille
 Consiliis parere malis, hostilia magnis
 Proxima conspicuae Regis tentoria laudae
 Subversâ facie, rounotis incognitus, intrat.
 Exceptusque semel totis ludibria castris,
 470. Et faciles praebere iocis, risumque movere.
 Gaudebat, stultae simulator callidus artis:
 Squallides, illotâ facie, barbâque, comâque
 Horridus impexâ, solso squamosus amictu,
 Fulgur habens oculis, spumanti sordidus ore,
 475. Nunc pavidus vultu, nunc efferus: et modò mitis
 Et modò traxit modò blanda loquens, modò jurgia
 Nectens:
 Nunc humilis, nunc ore minax, ac fervidas irâ:
 Nunc celer incessu, nunc tardior: et modò pallens,
 Et modò terribilis succensus lampade vultum.
 480. Nunc risu lachrymas, gemitu modò gaudia rumpens,
 Saepè genas alapis, colaphis supponere colla

1) tendere PA. †. tradere B. ††. 2) Rs. - rr. favorem o.

- Gaudebat, prudens hominis simulator incepti.
 Sic olim Priamum, perituraque Pergama mendax
 Ille Sinon, Graia munitus fraude subivit.
485. Illususque diu miseris illudere Teucris
 Optabat, sensuque dolos tractabat iniquo.
 Utque per expressi certissima signa furoris,
 Omnibus in castris suspectus desinet ¹⁾ esse,
 Ipsum etiam Regem coepit funestus ineptia.
490. Definire iocis, dum tandem tempore rapta
 Prodiit in verum vesania fecta furorem.
 Nam cum more suo primo Rex lucis in ortu,
 Ad matutinos divinae laudis honores
 Strenua neglecto rapuisset membra cubili,
495. Omnibus in castris pingues ²⁾ efflantibus auras,
 Et matutinae pressis torpore quietis:
 Daemonis impulsu saevissimus ille satelles
 Opportuna ratus peragenda tempora fraudis,
 Pronus in alterutrum, vel sese subdere morti,
500. Vel patrare nefas, incautum fortibus ulnis
 Implicat, et graviter robusto corpore pressum
 Extrudit castris, altaeque crepidine ripae
 Praecipitare parat, fluvioque immergere Regem:
 Ecissetque reor, ni Caesar fraude reperta
505. Multa reluctatus, castrorum in fine supremo,
 Implicitusque manu prensis haesisset utraque
 Funibus, et magno socios clamore vocasset
 Qui mox excusso somni torpore ruentes,
 Iniectis manibus circumstant undique monstrum:
510. Ac primum rigidos ulnarum solvere nexus,
 Illaesumque Ducem cautè subducere tentant.
 Inde flagellatum, condignaque fraudis adeptum
 Praemia, flumineis torrens absorbit undis.
 Non tamen hoc seeleris comperto fine quievit,
515. Abstinentiæ dolis reprobae versutia plebis:

1) desiit m. Rs. * 2) pigras pp. Rs. †.

- Eque suis octo magnâ mercede paratos,
 Furtivis Laudam stimulant accendere flammis.
 Horum qui primus scelus attentavit, in ipso,
 Ignibus admotis, deprensus criminis actu,
 520. Quas decuit poenas ligno persolvit adactus,
 Certaue complicitibus scelerum, ne tale quid ultra
 Ausuros impunè patent, exempla reliquit.
 Alter, ut explorans hostilia castra subire
 Posset, et innocuae speciem praetendere mentis,
 525. Induerat monachum: sed et hic deprensus, eodem
 Supplicio mortem, probrosaue fata subivit.
 Nec reticere libet, quid ¹⁾ tempore Caesar eodem
 Ambiguo quodam scriptos auctore salubres
 Accepit monitus, venturum in regia quendam
 530. Castra, veneficiis, magicoque furore potentem,
 Deformem facie, longi dispendia passum
 Temporis, alterius fraudatum luminis usu: ²⁾
 Spreto rem mortis, solitum quascunque potentum
 Pro nihilo reputare minas, huiusque sequaces
 535. Viginti, pluresque ³⁾ viros erroris ⁴⁾ habentem:
 Qui gentilis Arabs, tanquam munuscula Regi
 Adveheret fraenos, calcaria, cingula, bullas,
 Quodque liget digitos, quod colla coërcet, aurum:
 Omnia sulphureis ita delibata venenis,
 540. Ut si fortè manu Princeps contingere nuda
 Coeperit, infecto permixtum sanguine virus
 Aestuet, et toto dominetur corpore pestis.
 At si sacra manus contactu fortè nocenti
 Cautiùs abstineat, sicâ sub veste latenti
 545. Regia vel fixo fodiat praecordia cultro.
 Ergo ubi signa ferens praedicta veneficus ille
 Castra Ducis magni facilè agnoscendus adivit:
 Captus, et injectis adstrictus membra catenis,

¹⁾ quod? ²⁾ Rs. s. RJo. - rr. usum o. ³⁾ pluresue? ⁴⁾ ter-
 roris B. *

- Exhibitique Viro, promissâ vera loquenti
 550. Supplicii veniâ, multumque diuque rogatus,
 Prodere quid peteret, quoué haec autore moveret,
 Sprevit, et invalidas sese fragilesque negavit
 Formidare minas: si quid truculenter in ipsum
 Actum fortè foret, damnatum carmine Regem,
 555. Praestigiisque suis, poenas sibi morte daturum,
 Protinus inque ipsâ socium sibi clade futurum.
 Forsitan haec aliis poterant metuenda videri,
 At Caesar fucata dolo figmenta, minasque
 Risit, et appensum ligno, justissimus ultor,
 560. Faucibus elisis condignâ morte peremit.

L I G U R I N I.

LIBER DECIMUS.

- Interea magni conjunx Augusta Beatrix,
 Principis accitu validas ex orbe cohortes
 Teutonico rapiens, superatâ fortiter Alpe
 (Nam fortem faciebat amor, nexusque mariti
 5. Foederis) Italicos fines ingressa tenebat.
 Huic praeter Procures alios, famaeque minoris
 Germanâ de gente viros, fidissima Saxon
 Ille puer, Regumque nepos, Regisque propinquus,
 Saxonas ¹⁾, et Noricae nuper sibi reddita terrae
 10. Signa regens ²⁾, geminae sociaverat agmina gentis.
 Horum igitur totis adventus gaudia castris
 Magna dedit, Liguresque metu concussit acërbo.
 Tempore pòst modico famosus avunculus ³⁾ ille

¹⁾ Saxonis vel Saxonicae pp. Rs. †. ²⁾ Ita A. - rr. gerens. †.
³⁾ P. ss. Rs. et RJo. - rr. famosus omnibus, reproh. metro.

- Caesaris, Etruscae Princeps et Marchio terrae,
 15. Teutonicæque potens, et Dux metendus in orâ,
 Advenit Catulus, cumulatæque gaudia nostris
 Attulit, et valido supplevit milite castra.
 Vicinam magnæ Cremonæ locus ipse Cremonæ
 Rocorat, et longo sub eadem ¹⁾ tempore dudum
 20. Legibus antiquis obnoxia manserat: at nunc
 Excusso laxata iugo, Ligurumque superbam
 Ausa sequi rabiem, Regis jam sæpe citata
 Spreverat edictum, nec juri stare volebat.
 His Caesar stimulis et centum mille talentis,
 25. (Quæ dedit ipsa suâ prædives sponte Cremona)
 Impulsus, tumidam bello subvertere Cremonam
 Cogitat, inque duas diviso milite partes,
 Hanc seipsum Liguros vastandos ducit in agros,
 Ast alii ²⁾ magnæ confoederat arma Cremonæ,
 30. Invisamque jubet bellis incessere sedem.
 Paret, et assulta valido munimina tuta
 Miles uterque petit, subitusque supervenit hosti.
 Qui tamen intrepidus, duris adsuetus in armis
 Occurrit, confertque manum: ferroque perempti
 35. Hinc illinc cecidere viri, quos maximus inter
 Praecipuo dignus Garnerus ³⁾ Marchio luctu
 Occubuit, bellumque simul vitamque reliquit.
 Castra locant alii, clausos in moenibus hostes
 Observant, et quæ rapiendis congrua muris
 40. Esse putant, magnâ properant effingere curâ
 Neo minus obsessis inclusi moenibus hostes
 Bellica sollicito raptim tormenta labore
 Exfabricant, illud tantum, quod respicit hostes
 Contenti munire latus: nam cincta palustri
 45. Magnâ parte sui clauduntur moenia coeno,

1) P. Rs. RJo. - eodem o. 2) alius A. Sp. R. o. aliis . . .
 considerat arma Cremonæ P. 4. 3) Sic A. - rr. Warnerus. —
 Radewicus: Garnerus.

Nec latrâ pedum molli vestigia limo
Defendunt tutos lutulenta volutabra muros.

Tunc quoque Romuleâ legatio venit ab urbe,
Sanguine pollentes, et claro nomine cives;

50. Blandaue Caesareas Romanae plebis ad aures,
Atque Senatorum cauti mandata ferebant:
Scilicet ut positâ tandem clementior irâ,
Parceret ipse suae Rex augustissimus urbi:
Neue quod à stolido scelus et sine nomine vulgo

55. Prodierat, cives diffunderet ultor in omnes.
Auribus hoc ¹⁾ placidis et miti pectore Caesar

Accepit, cladisque memor, qua tempore primo
Imperii propriâ miseros attrivit in urbe,
Afflixitque reos, animi pietate eoactâ

60. Retulit in melius, responsaque blanda vicissim
Reddidit, et magnis cupidorum pectora donis
Implevit, geminosque viros redeuntibus illis
Regia magnificae laturus addidit urbi
Verba, Palatinum famosae laudis Othonem,

65. Quique diu regno studio curâque fideli,
Primus in Ecclesia prudens Haribertus Aquensi
Servierat, dignâque sui mercede laboris
Jam tunc Praepositus, mox Praesul in urbe futurus
Chrysopoli, grato praeclari munere Regis:

70. Usque adeo magnis Ducibus servire lucrosum est.
His mandata dedit, consensu Praesulis atque
Totius populi, veterem renovare Senatum,
Reddere primaevo Praefecti jura vigori:
Et si Pontifici placeant ea foedera summo,

75. Omnia in antiquam correcta reducere pacem.
Ipse per hostiles numero milite campos
Undique discurrrens, hostilia quaeque gerendo,
Cuncta metu ²⁾, ferro, flammis, et sanguine miscens,
Moenia jam Ligures in tuta coegerat omnes:

1) haec v. hcs pp. Ra * 2) manu Pa. †. — metit W. †.

80. Ac ne clausa satis faciant munimina tutos,
 Quos bello vinci murus, vallumque vetabat:
 Molitur superare dolo, Ticinaque prudens
 Agmina, praecipuos Ligurini nominis hostes,
 Praecursare jubet, praedâque patenter abactâ,
 85. Deceptos clausis educere moenibus hostes.
 Ipse suos secum secretâ in sede latentcr
 Collocat insidiis, et eos hûc ¹⁾ vertere cursum
 Hoste premente jubet: nec lusit opinio Regem.
 Nam postquam refugo simulatam pulvere cauti
 90. Convertère fugam, tacitas improvidus hostis
 Incidit insidias, circumfususque tumultu
 Horruit, ac veluti celeres in retia oervi
 Saepe cadunt, resonantque gravi collisa fragore
 Cornua, clamososque canes venator in illos
 95. Concitat, et caedit gaudens impunè rudentes:
 Sic postquam telis hostilibus undique septi
 In medium cecidere viri, nec tela movere,
 Nec cessasse licet, gladiis impunè necantur
 Cominus, arctatique loco brevior laborant,
 100. Hic quinquagenis ferro centumque peremptis
 Sexcenti duras collo subiére catenas.
 Quos autem rapidis involvit proximus amnis
 Submersitque vadis ²⁾, seu quos lethalia passos
 Vulnera vix tandem trepidos urbs moesta recepit,
 105. Nec breve, nec promptum, numero comprehendere
 certo.

Fida novae repetit victor munimina Laudae
 Augustus, lætæque suis successibus urbem.

Temporis ejusdem traotu, nondumque reversis,

- Quos ad Ronuleam Fridericus miserat urbem,
 110. Confinis magnæ, multumque domestica Romæ,
 Funera Romani pastoris Anagnia vidit:
 Quem tamen inde suam translatus clerus in urbem,

1) hunc Rs. o.. 3) undis Pfl. *

Sede sacrâ Petri sepelivit honore fideli.

Antè tamen tumulto, quàm membra exanguia Praesul

115. Subderet, exorto geminas jam schismate partes,
Mansuramque diu litem de sedé reliquit.

Nam cùm de tanti rationem clerus haberet

Successore viri, studiis mèlioribus ultrò

Rollandus petitur, qui Cancellarius antè,

120. Sanguine conspicuus, veteri nox nomine verso

Factus Alexander, per tempora multa superstes

Ecclesiae pacem sedato schismate tandem

Vidit, et optato tunc deum fine quievit.

Altera pars sacrâ, Octavi, tē sede locatum

125. Auspiciis decepta suis, ignara superni

Judicii, falso Victorem nomine dixit.

Rursus ad hostiles vastandos impiger agros

Signa movet Caesar, latèque per omnia bellum

Rura trahens, quaecunque novis illaesa manebant

130. Cladibus evertit, graviora prioribus addens.

Ast ubi continuis crebrò spoliata rapinis,

Nec domino ¹⁾ victum, nec equo dare pabula tellus

Jam poterat, convertit iter, rapidoque tumultu

Tendit ad obsessae trepidantia moenia Crēmae.

135. Hanc equidem jam tunc à primâ ceperat ingens

Obsidione timor; sed nunc ubi regia signa

Caesaris, et Latias vento quatiente volucres

In campis volitare suis, ipsumque verendâ

Majestate suos hortantem ad bella maniplos

140. Aspiciunt, qualis ossa metus, cladisque futuræ

Praevia turbata confundunt nubila mentem.

Non tamen infaustae vel nunc resipiscere plebi,

Seque, suosque pio victori subdere muros,

Ultrices vitare minas, veniamque mereri

145. Subvenit: insistunt sceleri, maluntque perire,

Quàm dono vixisse Ducis: mors libera pluris;

1) non homini Pl. ††:

Quàm donata salus, concessaque vita putatur.

Ergo pari studio ciyes, ac nostra juvenus

Arma volunt, pacemque negant, tormenta gravesque

150. Attollunt fabricas: diversos machina in usus

Extruitur, quae saxa rotet, quae torqueat hastas,

Quaegue vel in muros, vel in altas aemula turres

Spargat in extinctas vivaci sulphure flammās.

Tela, faces et saxa volant, niger aëra nimbus.

155. Inficit, et missis subtexitur aura sagittis.

Ardet utrinque furor, coelumque clamore feroci

Rumpitur, et stimulis gravioribus aestuat ira.

Hi clausos virtute pares se 1) velle videri,

Indignum, foedumque putant, gaudentque feroces

160. Inculcare minas: illi non esse minores

Nituntur, referuntque vicem, ac majora rependunt.

Audaces mors certa facit, pellitque timorem

Desperata salus: tunc si quoque sorte malignā

Comprensos, captosque tenent, hostilis in illos

165. Grassatur rabies, sociisque videntibus ense

Colla secant, luduntque manu, cervice rotatā

More pilae, aut miseros lacerant crudeliter artus.

Haud procul à saevo belli semota tumultu,

Vicinum conjunx servabat regia castrum,

170. Ne miseras caedes, infandaque multa videret,

Castaque crudeli sceleraret lumina visu.

Hanc visente viro, per eam quam regia signa

Servabant portam, tutis è sedibus hostes

Prorumpunt, strepituque gravi tentoria Regis

175. Assiliunt, multosque necant, maculantque cruore

Hostili proprioque solum, sternuntque caduntque

Caedibus alternis: totā non viribus ullis.

Depelli potuere die, dum Phoebus opaco

Infudit tenebras, demerso lampadē, mundo.

180. Nuncius absenti certissimus 2) omnia Regi

1) sibi m. Rs. 2) moestissimus Pfl. †.

Pertulit: ille gravi concussus pectora motu,
 Castra petit properans, et adhuc à caede recenti
 Signa cruenta videt, captivaeque corpora quaedam
 Urbis in aspectu laqueo supponere fauces

185. Cogit, et ex alto suspendit in aëre ligno.

Tunc etiam quidam vinctos in castra trahebant
 Sex Ligurum de gente viros, qui jussa ferentes
 Verba Placentinis Ligurinae nomine plebis,
 Hostibus inciderant: horum qui maximus unus

190. Esse videbatur, se praesulis esse nepotem

Gaudebat, generisque notis, opibusque nitebat.
 Hos quoque, contempto non parvi ponderis aere,
 Quod pro morte suâ redimendâ pendere fisco
 Spondebant, poenâ Princeps affecit eâdem.

195. Nec minus obsessi captos quoscunque tenebant

Suspendunt, factique vicem mox reddere gaudent.
 Tunc magna exarsit generosi Caesaris ira,
 Quod velut ex aequo secum contendere victi
 Auderent, nec adhuc miseros agnoscere casus,

200. Fortunamque suam vellent in morte fateri.

Protinus obsessos praeconis voce moneri
 Imperat, ut miserae solatia nulla salutis
 In bonitate suâ ponant sibi, nequis ad ipsum
 Spe veniae fugisse velit: pro sanguine certet

205. Quisque suo, propriamque manu se ferre salutem

Noverit, et validis tantum spem ponat in armis.
 Inde quater denos, quos plebes perfida dudum
 Illa Viro dederat, fidei, pacisque tenendae
 Pignora certa vades, fabricis et turribus altis

210. Imperat adnecti, qui tela, facesque ¹⁾ suorum,

Saxaque tormentis violenter ab urbe rotata
 Excipiant, miseris tutantes robora membris.

Quantus erat luctus, miseri quae forma doloris
 Quae super è totis populus suspiria muris,

1) Rs. - rr. quique haec fascisque, nullo senen.

215. Cùm pendere suis expanso corpore natos
Oppositos telis miseri vidére parentes.
Pectora singultu saliunt, gemitusque dolore
Rumpitur, atque omni lachrymae sub casside manant.
Non tamen idcirco parcendum turribus illis
220. Esse putant, curántue suos avertere jactus.
Atque aliquis toto distentus corpore pendens,
Saxa videns in se miserum torquere parentem,
Luctifico clamore ciens, ita filius inquit:
Quid facis infelix? huc tandem respice saeve
225. Ac miserande pater, lapidum compesce rotatus,
Tela manu suppressa tene: non obruis hostem;
Filius est, quem morte petis: vel parcere nato
Si prohibet fortuna patrem, da tempora vitae
Non spatiosa meae, veniatque miserrima mater,
230. Pendentemque prius videat, mortique paratum,
Quem genuit, sic ille miser sua fata parenti
Deflevisse suo, sic et pater anxius illi
Respondisse potest: non me tua fallit imago
Nate, nec ignarâ te nescius obruo dextrâ.
235. Agnosco miserum miser, accipioque vocantem:
Heu pietas, non parco tamen; sed desine saevum
Incusare patrem, non te, miserande, sed hostem,
Inque meam structas cladem peto turbine turres.
Cogit amor patriae; mallem distractus in illo
240. Stare loco, corpusque tuis opponere saxis.
Sors tua dura minùs, saxi quem protinus ictu
Machina discutiet: nos turba miserrima fastus
Teutonicos, Regisque minas, longique dolorem
Funeris, amissâ jam libertate timemus.
245. Vix ea, cùm rapido moles excussa flagello,
Fortiter inflicto pendentem discutit ictu.
Sic aliquot pueri mortem subiére, sed omnes
Expositi fato graviozem morte timorem,
Longaque pendentes miserandaque fata tulerunt.

250. Interea Ligures tantis ad moenia Regem
 Implicitum coeptis, aliis non posse putantes
 Ferre salutis opem, sociosque levare labores, ¹⁾
 Agmine collecto, quanto non antè, Manerbum
 Haud procul à Cumis, vix expugnabile castrum
255. Assultu, raptoque parant evertere bello.
 Comperit hos motus, qui tunc in partibus illis
 Virtutum merito generosum nomen adeptus,
 Teutonicâ dudum miles de gente, vocatus
 Caesaris imperio, Comitem Gozuinus agebat:
260. Propositum Ligurum Regi, magnosque paratus
 Significat, cautusque suis à Principe castris
 Supplementa petit: collectis omnibus ipse
 Quos eadem tellus aptos his rebus habebat,
 Arma rapit, jamque obsessos evertere muros,
265. Castrensiq[ue] necem populo, seu vincla minantes
 Aggreditur, turbatque viros, celerique relapsu
 Convertit, flectitque fugam, fallitque sequentes.
 Sic iterum, sic saepe suo Comes impiger astu
 Ludificat Ligures, inceptaque magna retardat.
270. Id satis esse putans, sociae dum signa cohortis,
 Auxiliumque ferens à Principe miles adesset.
 Ergo ubi conspicuis velox equitatus in armis
 Quingenti juvenes, fortissima robora belli,
 Affuit, et valido supplevit robore partes:
275. Plura rati Ligures, et te quoque, Caesar, adesse,
 Praecipitem petière fugam, timidique solutâ
 Obsidione, suos properant attingere muros.
 Imminet attonitis victor, spoliisque retentis,
 Pluribus occisis aut vincula ferre coactis,
280. Non priùs abstinuit ferro, quàm cardine verso
 Hostibus exclusis fugientes porta recepit.
 Jam crebris infida dolis, astuque maligno
 Ausa pium fuerat stimulare Placentia Regem.

1) labore Rs. †.

- Quippe nec occultis Ligurum malesana volebat
 285. Parcere colloquiis, alimentaue grata ciborum,
 Armaque damnatae mittebat perfida plebi.
 Ergo Placentinos, totiens offensus ab illis
 Imperii Caesar manifestos deputat hostes:
 Hoc satius reputans, quàm si sub melle venena
 290. Impia celantes, hostilia quaeque moverent.
 Nulla quidem pestis magis est operosa nocendi,
 Quàm simulatus amor, nimiumque domesticus hostis.
 Jamque rebellatrix suppresso Crema timore,
 Praeteritis afflicta malis, metuensque futura,
 295. Coeperat in sese graviter mulctata reverti;
 Jam se posse minus trepidi, tristesque fatentur,
 Nec solitis turbare viros excursibus audent.
 Ne tamen omnino nullâ sint fraude nocentes,
 Muscipulis similes laqueos, nexusque tenaces,
 300. Furtaque mirandae non apparentia fraudis
 More novo, notâque minus, reor, hactenus arte,
 Per quascunque vias et circa moenia tendunt:
 Ut ¹⁾ si cauta parum laqueo vestigia quisquam
 Inserat, antè quidem, quàm se dissolvere possit,
 305. Adsit, et obtruncet, captumûe coërceat hostis.
 Praeterea densis scrobibus tellure cavatâ
 Praecipites fodère dolos, fossasque latentes
 Injectu texère levi, quas incidat hostis
 Inscius, et subito pateat discrimine morti. ²⁾
 310. His aliisque dolis, quos tendere callida plebes
 Sueverat, ultrices tandem Fridericus in iras
 Excitus, extremamque manum praestare labori
 Accelerans, (jam quippe Viro post oppida clausa
 Sextus agebatur brumali frigore mensis,)
 315. Omnibus affectis, finemque optantibus olim
 Bellorum, quocunque modo munimina bello
 Expugnare parat: tardum sibi quippe videtur

1) Rs. - rr. at o. 2) subitae pereat discr. mortis Pfl. †.

Expectare famem, cùm longos civis in usus
Plurima de totis cautus collegèrit agris.

320. Protinus ad muros munitas undique tures,
Invectasque rotis, et magno pondere firmas
Ducit, et hostili celsas super aggere sistit.
Harum summa tenent, quos vel balista, vel arcus
Morte procul missâ facit hostibus esse timendos,
325. Qui jaculum valido longè torquere lacerto,
Longiùs excussâ didicere potenter habenâ.
Inferiora viri fortes, ex agmine toto
Electi, promptique manu tabulata tuentur:
Qui dum trans fossas porrecto ponte patentes
330. Moenibus assiliunt, et muros rumpere tentant;
Qui loca summa tenent, jaculis, levibusque sagittis
Infestant miseros per propugnacula cives,
Ne confringendis liceat succurrere muris.
Tunc et subjectas facilis despectus in arces,
335. Et levis ex alto trepidos conatus ¹⁾ in hostes:
Qui si fortè suos sursum ²⁾ convertere vultus
Incanti tentant, vehementibus ora sagittis
Figuntur; nec scire licet, neque cernere fas est
Vulneris auctorem, latebris quem lignea tutum
340. Occultant tabulata: cavis ³⁾ pluit aura sagittis
Desuper, et toto funduntur ab aethere mortes.
At quae de muris nostras fluitantia tures
Tela petunt, infirma volant, spatioque tenoris ⁴⁾
Languida, vix summo delibant robora ferro.
345. Si rapidas tormenta faces ad lignea fortè
Robora torserunt, et turribus ignis adhaesit,
Desuper effusis incendia protinus illa
Restinguuntur aquis, aut vino ⁵⁾ sparsa quiescunt:
Aut si restingui nequeant, et fervida vivo
350. Sulphure flamma viget, fumantia membra securis

1) conjectus B. †. 2) Ita A. - rr. rursum †. 3) gravis V. *
4) spatiique tenore? 5) aceto B. ††.

- Amputat, et toti succisâ parte medetur.
 Turbine fulmineo magnos tormenta molarcs
 Moenibus infligunt, murosque et tecta flagellant:
 Fundaque contorto transverberat aëra plumbo
 355. Et mediis liquidæ glandes in nubibus ardent.
 Ast alii fossas injectu cespitis implent,
 Hostilesque pelunt densâ testudine muros.
 Suffodiunt alii turres, ac fortia subter
 Fundamenta cavant, aut duri roboris ictu
 360. Impellunt muros, labefactaque moenia quassant:
 Aut emota loco, muri compage solutâ
 Saxa remoliri cuneis arctata laborant;
 Aut velut in plano vestigia certa ferentes,
 Sclarum gradibus celsas apprehendere ¹⁾ pinnas
 365. Contendunt, pugnantque simul: nec segnior hostis
 Undique discurrens nunc hos, nunc obvius illos
 Excipit: haerentes scalas detrudit ab alto
 Margine murorum: vicinos cominus ense
 Percutit, aut duro contundit tempora conto:
 370. Longiùs amotos lapidum torrente ruinâ
 Obruit, aut jaculis, et certo sauciat arcu.
 Aestuat ira minis, saevus crudescit utrinque
 Clamor, adhortantes incendunt pectora voces.
 Utque procellosum ventis agitantibus aequor
 375. Oppugnat miserâ perituram sorte carinam,
 Rumpunt vela noti, commixtâ grandine nimbus
 Ingruit, et miseros affligit ab aethere nautas:
 Assiliunt fluctus, validis agitata procellis
 Verberat unda latus, nexu tabulata soluto
 380. Rupta gemunt, haustoque mari rimosa fatiscunt;
 Stant miseri nautae, quaque impetus acrior urget
 Hac studio majore rati succurrere tentant.
 Hic latices trepidus salsos in stagna refundit,
 Et properat rimae sarcire patentis hiatum:

1) Edd. omnes: apprehendere, recus. metro.

385. Ille vacillantem fluctu jactante carinam
 Remigio, doctâque manu sustentat, et ipsi
 Decertans pelago, perfringit remige fluctus:
 Vela noto, clamore viri, stridore rudentes
 Quassa fragore ratis, plangoribus insonat unda:
390. Dum tandem decimus violento gurgite fluctus
 Insiliat, victamque premens absorbeat ¹⁾ alnum.
 Vix modicum tempus, disjectaque fragmina summis
 Fluctibus, et tabulas videas per stagna natantes:
 Naufragio pars hausta perit, pars reddita coelô
395. Enatat, et nudi veniunt ad littora nautae.
 Sic plebs infelix, cladisque ignara propinquae
 Fortis in adversis, et adhuc invicta resistit.
 Jam quantum poterant muris accedere, turres
 Admetae fuerant, longique ad moenia pontes
400. Prodierant, belloque furens animosa juvenus
 Fixerat in summi vestigia margine muri.
 Occurrunt hostes et spicula, saxa, facesque
 Conjiciunt, hastisque viros, sudibusque repellunt,
 Deturbantque solo, quosdam viriliter ausos
405. Insiluisse levi trepidantia moenia saltu,
 Obtruncant ferro: quos inter fata duorum
 Sicut acerba nimis, sic et miseranda fuerunt.
 Horum unus trepidos dum per sua moenia cives
 Territat insultans (Berctoldum ²⁾ fama vocabat,)
410. Primus in attonitos saltu se miserat hostes. ³⁾
 Dum fugiunt omnes unum, pavidisque fatiscunt
 Mentibus, à tergo furtim librata securis
 Tempora flaventi decussit tecta capillo, ⁴⁾
 Totaque detracta est capitis membrana resecti,
415. Atque peremptoris nitido superaddita conto:
 Hostilemque comis galeam pendentibus umbrans,
 Praebuit infandi signum crudele triumphi.

¹⁾ absorbeat m. Rs. ²⁾ Sic A. rr. Bertolfum †. (*). ³⁾ P. ss. Rs. et RJo. - rr. hostis. ⁴⁾ P. ss. Rs. et RJo. - rr. capillis o.

- Alterius ¹⁾ manibus ferro, pedibusque resectis,
 (Nomine fama caret, cladis memorabilis extat,)
 420. Truncus in hostili foedè tellure volutus.
 Palpitat, et miseri praebet ludibria fati.
 Non impunè quidem, nec gaudia longa malorum
 Civis agens, magnae cladis suscepit eodem
 Damna die, belloque diu conflixit: at inde
 425. Pulsus in internam trepidus se contulit arcem.
 Jamque suis rebus certâ diffidere tandem
 Coeperat ille fide: placuit consulta salutis
 Saepè prius neglecta sequi, pacisque petendae
 Utile consilium certae praeponere cladi.
 430. Nec mora, colloquium cum Saxone poscit habendum,
 Cumque Peregrino, quem tunc Aquileia dives
 Eximium clarae Patriarcham laudis habebat.
 Horum facundis lenitas vocibus aures
 Permucet, veniamque sibi sermone diserto
 435. Praeparat, et doctis excusat crimina verbis:
 Non odio regni, nec seditione rebelli
 Arma tulisse manu; sed ne sua fata superbis
 Hostibus, et tumidae generet subjecta Cremonae.
 Foedera cum populo Ligurum jurata, fidei
 440. Dum licuit, coluisse manu; nunc illa soluto,
 Quando ita Rex jubeat, tandem sejungere ²⁾ nexu:
 Nec plures adhibere moras; id poscere tantum,
 Puniat ipse reos victor, quocunque libebit
 Afficiatque modo, tantum ne victa Cremonae
 445. Ludibrio fiat corrupto Principe plebes.
 Haec ubi sunt perlata ³⁾ Duci, lenita resedit
 Ira ferox animi, multumque domestica magno
 Ac bene nota viro tetigit clementia mentem,
 Protinus assensu Procerum moderamine tali
 450. Utitur, ut nec se veniâ vitâque repulsos

1) Sp. et R. alternis †. 2) Rs. - rr. se jungere o. 3) placita
 Sp. et R. ††.

Infausti doleant cives, nec lenior aequo
 Incitet ad similem multos vindicta favorem. ¹⁾
 Moenibus incolumes tutò migrare relictis,
 Quodque semel ²⁾ valeant humeris deferre sinuntur:

455. Caetera victori rapienda relinquere jussi.

Quis rogo luctus erat? quis tota per oppida clamor?
 Qui gemitus populi, dum paucis rebus onusti,
 Multa relinquentes, miseri sua moenia cives,
 Arsurasque domos, et limina chara supremo

460. Ore salutarent, dulcesque relinquere cunas,
 Orsa sui generis, cultasque parentibus aedes
 Prodirent, querulae viginti millia turbae.
 At quos vel Ligurum populus, vel Brixia clausis
 Miserat auxilio, nudati rebus et armis

465. Omnibus, acceptâ vix tantum ³⁾ à Principe vitâ,
 Indecores, moestique suas referuntur ad urbes.
 Protinus ad praedam, spoliandaque moenia raptim
 Curritur, et praedâ miles ditescit opimâ.
 Omnibus ereptis, ⁴⁾ castrensibus oppida flammis

470. In cineres collapsa fluunt, eversaue fractis
 Turribus, antiquos expendunt clade tumores.

Victor ad excelsae munimina fida Papiæ
 Vertit iter, solitamque suis gaudere triumphis
 Ingreditur pulchram castris victricibus urbem.

475. Gaudia Ticinae plebis, celebresque triumphos
 Caesaris, et magni speciem describere plausus
 Dignum vate foret; sed et hoc et multa reliquo
 Cautus, et invalidae parcendum credo Camoenæ.
 Jamque alibi similes in eâdem diximus urbe

480. Exhibitos Regi devotæ laudis honores,
 Post clades Terdona tuas: ideoque premenda,
 Ne bis agatur idem, praesentia facta videntur.
 Stabat adhuc studiis haerens et fixa nefandis

¹⁾ furorem pp. Rs. †. ²⁾ simul m. Rs. †. ³⁾ tandem m. Rs. †.

⁴⁾ Rs. - rr. omnibus ereptis castrensibus, etc. †.

- Urbs Ligurum, necdum coeptis desistere, vel tot.
 485. Cladibus ipsa suis, vel Cremae sorte recenti,
 Vel fatis Terdona tuis cdocta, volebat.
 Sed quia jam bello tellus afflicta bienni,
 Frugibus, et solitâ minus ubertate vigebat,
 Hostilique solo crebris jam saepè rapinis
 490. Exhausto, sociis etiamnum ¹⁾ parcere Regem
 Sumtus, et immensae cogebat copia plebis:
 Milite dimisso spoliatae parcere terrae
 Constituit, verso dum rursus cespite solem
 Aspiciat jejunos ager, dum semine jacto
 495. Laeta tumescat humus, dum plenâ turgeat urnâ
 Bacchus, et arboreis redeant ²⁾ sua munera ramis.
 Ergo ubi belligeris ex omni parte catervis
 Stantibus, arrectâ capiendis vocibus aure',
 In medio coetu pulchro stetit ore sereno,
 500. Indixitque manu, placidoque silentia vultu:
 Incipit ex alto doctis facundia verbis,
 Atque lepos consuetus adest, magnique capacem
 Ponderis ingenuam comitatur gratia vocem.
 Non ego digna satis, Comites, praeconia vobis
 505. Ore referre paro, nec si prudentia magni
 Nestoris, aut Ithacae nobis facundia linguae
 Afforet, aequandas meritis ingentibus unquam
 Sperarem nostro conceptos pectore laudes.
 Ne tamen immemorem fortè ingratumque putetis,
 510. Quamlibet exiles vobis pro tempore grates
 Laetus ago, majora quidem, modo vivere detur,
 Expectare jubens: venient sua tempora rebus,
 Et meritis referetur honor. Vos ardua regni
 Pondera sollicitis humeris gestanda dedistis:
 515. Vos gelidas mecum transcendere saepiùs Alpes,
 Conjugibus, patriâque domo, natisque relictis

1) P. et RJo. - etiam nunc Rs. - rr. etiam non o. 2) P. ss.
 Rs. et RJo. - rr. redeunt o.

- Exiguum quiddam, facto jam more, putatis.
 Quid referam prontâ susceptos mente labores,
 Quos Terdona dedit, quos Astum, quos prior illa
 520. Obsidio Ligurum, tumidaeque rebellio plebis?
 Imperii summum mulo mihi sanguine nomen
 Et diadema gravi perfusum caede parastis.
 Aëra pestiferum, miserandaque funera passi,
 Sensistis socios conjunctâ sorte labores.
 525. Et nunc obsessâ brumali frigore Cremâ,
 Quanta vel è coelo pro me, vel ab hoste tulistis?
 Haec et plura quidem, quorum me nulla vetustas
 Immemorem faciet, pro me suscepta recordor
 Gratus, et immensae mercedis debitor esse
 530. Gaudeo, quam pleno cumulatam fœnore reddam.
 Novimus, et memori scriptos in corde tenemus,
 Qui toties nostris ad certa pericula jussis
 Prostiterint: quos bella pati, duosque labores
 Juerit, atque hilarem pariter cum pectore vultum
 535. In summis praestare malis: qui praelia primi
 Tentare, aut murum conscendere fortiter ausi:
 Multaque, praesentes oculis quae vidimus istis,
 Et verò pro teste sumus, sit gratia summo
 Magna precor Regi, qui me fulcire meorum
 540. Dignatus studiis. Alii venalia castra
 Et mendicatas certâ mercede cohortes
 Alliciunt ¹⁾: ego gratuitis, ultròque paratis
 Fidens auxiliis, ad magna negotia rerum
 Tutus eo, fidas ducens in bella catervas.
 545. Nunc quia vastatis hostilibus undique campis
 Victum terra negat, castrisque alimenta ministrans
 Plus socius studio, quàm bello laeditur hostis:
 Respirare juvat, laxataque solvere castra,
 Ruraque dimissis ad transalpina catervis
 550. Sumtibus assiduis oppressae parcere plebi,

1) Alliciant m. Rs. *

- Dum melius promittat ager, repetitaque cultu
 Producant laetos Ligurina novalia fruges.
 Protinus expleto (nobis revocantibus) anno,
 Si bene nota fides, in castra redibitis omnes.
555. Nec prius hostili bellum referemus ab urbe,
 Quàm justas experta minas, superataque bello
 In vestras dabitur, proscriptis moesta colonis,
 Diripienda manus, penitusque excisa jacebit.
- Haec ubi verba viris regali plena vigore
560. Aut meliora dedit, cunctos simul ore venusto
 Laudat, et egregiis titulos exaggerat actus.
 Tunc si quos praeclarum aliquid, laudisque superbae
 Commeminit gessisse manu, regaliter illos
 Appellans, memorem factorum quemque suorum
565. Efficit, et sese memorem simul indicat esse:
 Munificâque manu meritis bene, munera magna
 Erogat, argenti multum largitur, et auri,
 Crateras, pelves, discos, paterasque capaces;
 Addit equos celeres, galéas, thôracas et enses,
570. Textaque multimodis operosè picta figuris,
 Atque figuratam latè se Rege monetam,
 Distribuitque suis regale numisma manipulis.
 Sic demum castris suspensâ parte laboris,
 Pollicitos alacres ad quaeque sequentia vires,
575. Muneribus laetos, titulis dimisit onustos.
- Me quoque, non armis, sed carmine castra se-
 Hactenus egregii decursâ parte laboris, [cutum,
 Si bene promerui castrorum praemia miles,
 Non illaudatum, vel munera nulla ferentem,
580. Spero quidem, magni dimittet gratia Regis.
 Non spernenda mea (liceat modò vera fateri)
 Munera militiae, nec clarius arbitror esse
 Pauca probè gessisse manu, quàm multa referre;
 Nec minor hic illo labor est: quae singula multi
585. Fortiter egerunt, ego prosequor omnia solus.

- Hoc quoque me Famae, si desint caetera, solum
 Conciliare potest, quod jam per multa latentes
 Secula, nec clausis prodire penatibus ausas
 Pierides vulgare paro, priscumque nitorem
 590. Reddere carminibus, tardosque citare Poëtas.
 Immo etiam pulchro reverendi Caesaris ausu,
 Caesareaeque domus videor meruisse favorem,
 Cum de tam lato magnarum gurgite rerum
 Sunt electa mihi cupidè, quae scribere malle,
 695. Nominis acta sui: ne res notescere dignas
 Fuscarent tenebrae, speciosaque facta laterent.
 Atque ideo dum musa recens, nosterque legetur
 Iste labor, (cupidum nisi fallit opinio vatem)
 Virtutes, Friderice, tuas mirabitur orbis.
 600. Forsitan hunc olim, faveat modò Fama, libellum
 Et pater, et magni proles generosa parentis
 Attrectare manu, placidamque legentibus aurem
 Tradere curabit, propriasque admittere laudes.
 Et nunc pauca quidem, sacrae quae sanximus aulae,
 605. Carmina sufficiant, et respirare Poëtam
 Ad tempus liceat, dum bellica signa quiescunt,
 Grataque dimissus bello fovet otia miles.
 Mox ubi sollicitè revocatus in castra redibit,
 Nos quoque belligeras acies, et castra petentes
 610. Interrupta novo repetemus coepta labore:
 Cunctaque summatim, superet modò vita, sequentes
 Continuo quodam suscepta negotia filo,
 Propositi memores, ad tempora nostra trahemus.
 Interea tacitus, de se quid judicet aula,
 615. Audiat, et doctos, quorum tutandus amore
 Atque fovendus erit, noster Ligurinus adoret.
 Nec frontem duxisse velit, licet unus et alter
 Arguat, et meritum naso subsannet adunco.
 Quemque sui meminisse decet: nos nominis alti
 620. Non sumus: egregios vix suscipit aula Poëtas.

- Hoc tamen in coetu non deerit forsitan unus,
 Vel duo, vel plures, qui te, Ligurine, legendum
 Esse putent, lectoque semel, rursumque relecto
 Plus faveant, tandemque seras ad Principis aures
625. Nomen et auctorem, quae rerum insignia portes,
 Quidve petas, ¹⁾ perferre velint, et amica loquantur.
 Hunc ego, quisquis erit, qui tam placabilis in nos
 Extiterit, gaudere bonis majoribus opto
 Semper, et aeterno fulciri Regis amore.
630. Sic ubi conspicuâ tandem novus hospes in aulâ
 Constiteris, clarioque piam cum Principe prolem
 Ceu totidem stellas nitido cum sole videbis,
 Haec tibi non stultè proferri posse videntur:
 Gaudeat ista domus, qua gaudet praeside mundus,
635. Gaudeat Augusto felix cum patre propago,
 Gaudeat, et nostrum jubeat gaudere parentem.
 Neuè suum vatem patiatur littus arasse,
 Vanaque deceptis fregisse novalia sulcis,
 Vel tot in officio vigilatis noctibus isto
640. Conseruisse leves, quas texit aranea, telas:
 Sed quisquis rerum, quas scripserit ille, nitorem
 Te perhibente leget, pulchri quoque praemia facti
 Noverit, et gratum feliciter isse laborem.
 Nam mihi per totum magnalia Caesaris orbem
645. Impetus est, prolisque sacrae diffundere laudes.
 His ita praemissis, cunctis praebere legendum
 Te poteris, totasque palàm distendere pennas.
 Mox ubi sit noster Solyinarius ille requires,
 Quem priùs ingenuo dedimus leve munus alumno,
650. Qui sibi te quinto, post se vix mense creatum,
 Ac veluti medio projectum ventris aborsu,
 Accessisse novo mirabitur ordine fratrem.
 Haec monuisse sat est: age nunc, proficiscere cautus,
 Sit fortuna tuis et felix exitus ausis.

1) Rs. - idem divinab. putes scil. exputes. - A. et rr. quidve putas o.

C O R R I G E N D A.

<i>Pag.</i>	<i>Lin.</i>	<i>pro</i>	<i>lege</i>
XVII	8	peregrè	peraegrè
XVIII	14	Quid quòd	Quid ? quòd
XIX	13	Günthero	Guntheri
XXI	14	post verò addatur	,
XXII	18	ut pote	utpote
XXIII	20	quòd	quem
XXXIX	30	servae	aervare
XLXX	12	immeritam	indignana

<i>Pag.</i>	<i>Vers.</i>	<i>Not.</i>	<i>pro</i>	<i>lege</i>
11	75		orto	ortu
13		1)	tantum	tantam
16	254		Tyberim	Tiberim
16	255		à plebe potentem	è plebe potentum
21	422		serunt.	ferunt.
28	645		defiliter	fideliter
35	119		1)	2)
—		1)	uberrimam	uberrima
44	404		plena	plana
46	478		tam	jam
51	653		corpore	corpore
55	24		slere	flere
63	366		ferat	ferant
68	525		sacta	facta
72	23		saeraque	sacraque
77	193		surit	furit
87	500		aere	aere :
101	332		aronas	arenas
—	338		nansisceris	nancisceris
108	581		sbsentia	absentia
110	38		vomore	vomere
111	74		Princique	Principe
117	267		dilcetus	dilectus
124		2)	Rs. *	Rs. †.
129	685		grayis	gravis

<i>Pag.</i>	<i>Vers.</i>	<i>pro</i>	<i>lege</i>
142	47	Quos	Quo
147	591	milibus	millibus
154	109	queque	quoque
164	427	sub urbia	suburbia
—	431	cartris	castris
176	117	Pantificis	Pontificis
177	152	guido	Guido
187	490	jecis	jocis.

Levioris notae vitia, literas praesertim *é* et *f* in *c* et *s* transpositas, ut et interpunctionum nonnulla et accentuum ommissa signa L. B. facile corriget.

